


**COMITIS DE FLISCO
DECAS DE FATO,
ANNISQUE FATALIBUS
TAM HOMINIBUS QUAM
REGNI MUNDI**

Maurizio Fieschi, Johann Philipp Thelott



AA
V
A



14-14-5-21.

~~14-37-6-37~~

COMITIS
DE
FLISCO
DECAS
DE FATO.
ANNISQUE FATALIBUS
TAM HOMINIBUS
QUAM REGNIS MUNDI.



FRANCOFURTI.
Apud JOANN. BAPTISTAM SCHÖNWETTER.

M. DC. LXX.





REGI REGUM,
DEO TRINO ET UNI,
CREATORI MEO INCOMPREHENSIBILI,

JUDICI, ET VINDICI SCELERUM NOSTRORUM,

PATRI MISERICORDIÆ,

REDEMPTORI, ET LIBERATORI MEO
A MANIBUS SATANÆ,

ET IN TERRA POTENTUM

VERÆ SAPIENTIÆ DATORI,

Cui sit Laus, Gloria, & Honor in Secula:

*Hos humane Sapientie (apud Te) Stultitie Fructus,
Otorum nostrorum in hac Miseriarum Valle pessimas
Occupationes, improbosque Labores toto Tibi
corde prostratus*

DIVINÆ TUE MAJESTATI

Humiliter sacro

Vermis terræ

Ego Homo.

SOLERTI RERUM RECONDITARUM INDAGATORI.



Um esset annorum viginti, hujus verò seculi 1655, scripseram perbreve Opusculum, quod Romæ primò, postea alibi missum fuit, cui fuit titulus, An Respublica Veneta anno 1656. sit passura imminentes Italiæ calamitates, maximèque de Peste. exitumque habuisset veritate successuum comprobatum tum in peste Neapolis, Romæ, & Genuæ, tum in morte Principis Venetiarum Caroli Contareni; tum in Mundi Revolutionibus, hocque typis non fuit consignatum: quare in gratiam Magnatum, aliorumque Amicorum aliora propalare coactus improbo labore construxi Opus hoc de Fato, quod in manibus cujusdam Principis emortuum ab anno 1658. usque adhuc remansit, non sine spe editionis; causas non aperio Lector, quia te stomacho bene valere cupio, solum hoc te non ignorare volo, quod aures præbuit precibus quorundam, qui scrupulistentantur, ultra non addo; cum autem multi efflagitarent quidnam esset de hoc Opere, coactus Opusculum scripsi De Mutationibus Sectarum, Imperiorum, & Regnorum Mundi, Lugduni impressum anno 1662, hoc specioso titulo, Monarchæ Futuro,

ro, quod utinam ab eo abstinuisssem, non fuisset tantus de merumor, & Principum indignatio. Secundum edidi de Parœmia Pontificum, Non videbit dies Petri. anno 1663. Tertium De Fato Austriaco. 1664. hæc tria Opuscula ferè tota in hoc Opere continentur. Primum & Tertium in Sphæra Prima. Secundum in Decima, & Tertia: hoc autem Opus non est idem cum Primo, quod jam scripsi, sed penitiorum, nam multa deleui, multa vi, & auxi: fateor tamen in Sphæra Decima multa mutasse, ne de me major oriretur rumor, de eo, qui est oriturus.

De Fato ergo est Opus. Decas verò Operis Fatum continet, sine enim ipsa nihil tradere potuisssem, cum sit janua ad omnes scientias, hac enim duce per Numerationes Microcosmicas ad Archetypum pervenire poteris bene percepto Cabalístico Arcano, Objectum transire in Diaphanum, unumque in aliud, usque ad Mentem, quæ transit in lucem illuminans totum hominem & illuminatum in se transformat. Huic rei triplex est status: in Primo cessat corpus, & incipit Anima, unde vocatur Animal: in Secundo cessat Anima, & incipit Ratio, & appellatur Homo: in Tertio cessat Ratio, & incipit Mens, & dicitur Deus, vel Homo Deificatus. Sic unicuique sua: ut suus præst Angelus, nempe Sechel, Sandalphon, & Metatron. Hoc iter ad superos, quod ut melius assequaris Currum Seraphicum tibi paravi, in quo Decem Dei Nomina Paradigmatice inveniuntur, hoc ingredi, & fies vocis compos.

In Sphæra ergo Decima agitur de Deo, de Creatione Angelorum, Cæli, Terræ, & Hominis, estque, ut alter Berehscit h, introduciturque Fatum in Hominis casu, ipsumque post Animam, Spiritum habere, quo sine Anima vivere possit, scientiâ Cabbalistico-magicâ probamus; hac occasione aliqua de Magicis percurrere placuit.

In Nona, quid sit Fatum, explicamus, & quotuplex.

In Octava, Fatum in Hominis ortu viginti Geniturarum Exemplis comprobatum ostendimus, & sic fere tota Ars Genethliaca traditur, hocque vocamus Fatum Microcosmicum Internum.

In Septima, Fatum hominis externum demonstramus per Physiognomiam, Metoposcopiam, & Chyromantiam.

In Sexta, Fatum in Mundo per Prodigia, & Omenta demonstramus.

In Quinta, Fatum esse in Numeris probamus.

In Quarta, Annos Climatericos tradimus, sed nova doctrina, quomodo verò in hominibus effectus pariant duodecim Geniturarum Exempla adducimus.

In Tertia, occasione capitis antecedentis Annorum Fatalium, querimus an his datis vita hominis longior produci possit, vel his superatis sit terminus vitæ præscriptus. Res est Astrologica, continens octo Geniturarum Exempla, Medica, & Theologica.

In Secunda, Fatum esse in diebus probamus, hac occasione de Diebus Criticis Medicorum agitur.

In Prima, Fatum in Regnis, & Rebus publicis esse demonstramus, primò per Causas Cœlestes, quas ex syderum Choriis, & Planetarum Panochlia desumpsimus (ubi de Cometis usque ad annum 1665.) postea per Numeros Platonicos; deinde Romæ Fatum examinamus occasione Novi Vaticinii Anglicani, estque totius Operis complementum.

Non accedas ergo, quisquis es, scrupulosus, mente languidus, abecedarius, nam scripta hæc venenosa sunt, superstitionis vetitas artes continent, hæresim sapiunt, recede, recede: non enim scripsimus tibi, sed Viris emunctæ navis.

Hortus amœnus, Erudite Lector, est liber noster. Flores undique, fructus ubique inveniuntur. Rosas non sine aculeis Natura gignit: inter Vegetabilia etiam mortifera reperiuntur venena, sed non sine Anthora Napellus. Fides Alexipharmacum erit, si forsan aliquarum opinionum apparuerit venenum. Scientias non solum, quæ vagantur, propalo, sed abstrusa Magicarum Arcana: audi tamen scientiam mali non esse malum, sed usum; scripsit enim Apostolus, Omnia probate, quod bonum est, tenete. Novis invenies sententias, quas non propono credendas, sed curiosè legendas, & examinandas. Ingenium, quod per cuncta vagatur, conspicias, traditus enim est mundus disputationibus. Memento tamen litteram occidere, spiritum verò vivificare.

In hoc tamen te monitum volo, me à nullo in his edoctum fuisse, præter pauca, quæ leguntur in Scholis, quæ testor Deum audiuisse, sed non intellexisse, hæc verò adeptum esse Numine faven-

favente, Genio adjuvante, & improbo coadjuvante Labore,
hæcque omnia non ignorabam anno ætatis meæ decimoſepti-
mo, quo tempore Laurea mihi impoſita fuit; hoc autem dico, ut
ſi aliquid tibi ex æquo non reſpondeat, aut alicubi erratum ſit,
vel liberius dictum, ignoſcas ætati, hoc enim eſt Opus Adole-
ſcentiæ meæ, quod paululum nunc caſtigare, immutare, & au-
gere volui, non verò totum innovare, & prælo committere,
ut complacerem curioſitati multorum, qui hoc opus a vidē expe-
ctant, Vale ergo tu, & meliora expecta ſi Deus longæ-
vum mihi largiri dignabitur vitæ
cuſum.

MONAS.



MONAS.

PATER

EHEIE

CORONA

MENS

ELECTI

EMPIREUM

SPHÆRA DECIMA

DEUS, ANGELI, HOMO.

DAri ens infinitum, causam primam rerum omnium, à quo cætera dependent, nunquam fuit à mentibus Sophorum non concedere alienum, solùm inspiens dixit in corde suo, non est Deus, quod expressit Avicenna, etsi ethnicus, his verbis; quicumque Deum, aut Numen non agnoscit, non tantum ratione caret, sed etiam sensu: & Cicero de natura Deorum lib. 1. Quid enim potest esse tam opertum, tamque perspicuum, cum Cælum suspeximus cælestiaque contemplati sumus, quam esse aliquid Numen præstantissimæ mentis, quo hæc regantur? esse igitur Deos perspicuum est, ut id qui neget, vix cum sanæ mentis existimem; & Arist. 2. Metaph. contingit aliquid dare secundum speciem, quod simul movet, & movetur, & aliquid, quod tantum movetur, ergo crit dare aliquid, quod tantum movet, & non movetur.

Datur ergo Deus, quem confiteri non cogimur aliqua opinione seducti, vel timore perterriti, sed ipsa rei veritate, cordisque intimo affectu nobis innato eum prosequi à natura docemur, & sicuti ipsum amore veneramur, ita ipse amore gubernat omnia.

*Nonne vides operum, qui se pulcherrimus ipse
mundus amore ligat, nec vi connexa per ævum
conspirant Elementa sibi? qui limite Phœbus
contentus medio, contentus litore pontus,
& qui perpetuo terras ambitque, rebusque,
nec premet incumbens oneri, nec cesseris aer.*

Atheistarum verò deliramenta in se ipsis franguntur, cum credant omnia fortuito facta esse: sed si fortuito facta sunt, necesse est, ut sit aliquid principium, quo fortuito facta sint, quod negare de manifesta infania redoleret; principium enim est pars temporis, ergo facta sunt in tempore, necesse est ergo, ut detur aliquis, qui confecit temporis partes, ipsumque principium, in quo facta sunt, etsi fortuito: & hoc est principium sine principio, quod est Deus.

Quid

Quid verò sit iste Deus, nondum cognosci potuit; Thales enim Milesius interrogatus, quid esset Deus, respondit, quod principio, & fine caret: Simonides à Hierone Tyranno interrogatus, quid esset Deus, deliberandi sibi unum diem postulavit, & quum idem ex eo postridie quæreretur, biduum petiit, & cum ita sæpius duplicaret numerum, admiratus Tyrannus cur ita faceret, inquit ille, Quanto diutius considero, tanto mihi res videtur obscurior. Attalus Christi Martyr insignis interrogatus à Tyranno per contemptum, quod Nomen Deus haberet? Qui plures sunt, inquit, nominibus discernuntur, qui autem unus est, non indiget nomine; hinc à Macrobio refertur, quod Plato, cum de Deo loqui esset animatus, dicere quid sit non est ausus, hoc solum de Deo sciens, quod scire qualis sit ab homine non possit; hinc Lactantius libro de Ira Dei inquit, Deus tantus est, ut ab homine non possit aut verbis enarrari, aut sensibus æstimari; & S. Hieron. in Epist. 1. Deus, secundum quod definire potest humana mens, naturæ ipsius, vel substantiæ, quæ est super omnia appellatio est: & alibi: Una est Dei sola natura, quæ vera est, ad id enim, quod subsistit, non habet aliunde, sed suum est; cætera, quæ creata sunt, etiamsi videntur esse, non sunt, quia aliquando non fuerunt, & potest rursum non esse, quod non fuit: Deus solus, qui æternus est, hoc est, qui exordium non habet, Essentiæ nomen verè tenet; Plato verò in Timæo, Deus est summum bonum supra omnem substantiam, omnemque naturam, quod cuncta expetunt, cum ipse sit plenæ perfectionis, & nullius societatis indigus; & Arist. Metaph. 1. Deus videtur omnibus esse causa, & 2. primus Motor est actus purus sine omni potentia, substantia sine omni accidente, simplex sine omni compositione; & S. Greg. Homil. 17. super Ezech. & 2. Moral. Deus manet intra omnia, ipse extra omnia, ipse super omnia, ipse infra omnia: superior est per potentiam, inferior per sustentationem, exterior per magnitudinem, interior per subtilitatem, sursum regens, deorsum continens, extra circumdans, interius penetrans;

netrans, & in lib. 16. Moral. Creator omnium Deus Pater Omnipotens ubiq; est, & ubiq; totus est, in parte non est, quoniam ubique est, & tunc minus invenitur, quando is, qui ubiq; totus est, in parte quaritur: Fatetur S. Thomas Aquinas inveniri non posse certam definitionem Deo convenientem, unde Trimegistus in lib. de pietate, & philosophia inquit; quid Deus? immutabile bonum; & in lib. quod immanifestus Deus manifestissimus sit; Carens enim invidia Dominus apparet per omnem mundum, si verò ipsum vis videre, cogita Solem, cogita Lunæ cursum, cogita astrorum ordinem, quis est ordinis servator?

De Deo ergo nulla est definitio essentialis, sed descriptiva solum, non enim potest intellectus humanus de non visibili comprehendere visibilitatem, hinc rectè dixit Hermes; non est audibilis, neque dicibilis neque visibilis oculis, sed mente & corde; sic Salvator Noster Christus sciscitantibus discipulis, quid esset Pater, inquit, nullus cognovit Patrem præter Filium, si vultis videre Patrem, videte me, Ego enim sum in Patre, & Pater in me est; amen dico vobis, non jurare omnino neque per Cælum, quia thronus Dei est, neque per terram, quia scabellum est pedum ejus: Usque adhuc Deus est, quid sit, nescimus: Quoruplex sit, speculabimur:

Ex dogmatibus Assyriorum per Pselli expositionem habemus: post unum paternum dicunt profundum ex tribus Triadibus repletum, singulas autem Triadum habere Patrem primum, deinde potentiam mediam, & mentem adhuc tertiam, quæ claudat Triadem in se ipsam; ex his colligitur ex Porphyrio fuisse Platoniorum opinionem, tres esse in Deo personas, primam ergo Patrem universitatis, secundam Filium, & mentem primam, & tertiam Spiritum, quem intellexerunt per animam mundi: ex Oraculis verò Loroastri, Toto enim in mundo lucet Trias, cujus Monas est Princeps, & Hermes in Asclepio, Deus meus atque Pater mentem aliam sibi opificem peperit. & alibi, Monas gignit Monadem, & in se suum reflectit ardorem, & in lib.

lib. deregenerat. & silentii profess. Alius est genitus Deus Dei filius; & paulò post. Dic mihi & hoc, quisnam generator regenerationis est? Dei filius homo unus voluntate Dei: & Cicero: Deus est unus, non ut plurimi censent extra administrationem mundi, sed totus in toto; & Philotæus: Unus est Deus Princeps universi, qui semper est singularis, immobilis, & sui similis; & Arist. 8. Phys. Primus motor unus est & æternus, & 2. Metaph. Entia nolunt malè disponi, nec est bonum pluralitas principantium, unus ergo est Princeps; sed Simplicius perpulchrè locutus est; dicendum ante omnia Unum esse Deum, omnia regere, omnibus providere, quicquid vero faciamus, dicamus, cogitemus, nihil eum latere posse.

Consentitur ergo omnes Unum esse Deum, non plures, Tresque esse Personas sibi invicem coæternas & coæquales, unam tamen naturam simplicem, unam essentiam & substantiam, sic Unum Deum in Trinitate, & Trinitatem in Unitate veneramur; cognoverunt hanc Personarum distinctionem non Christiani soli, sed ipsi Chaldæi, Ægyptii, Hermesque Termaximus Philosophorum Pater, qui fuit cœtaneus Moyfi, sed paulò senior clarè locutus est: hinc Lactantius Divin. Instr. lib. 2. cap. 9. protulit, quod perfecta est in homine sapientia, si Deum esse unum, & ab ipso facta esse universa cognoscat.

Datur ergo Deus principium sine principio, & est Pater: datur Filius, & Spiritus Sanctus, qui sunt principia ex principio, non verò principia ante principium: Pater à nullo fit, Filius fit à Patre, Spiritus Sanctus est in utroque; independens Pater, dependens Filius, ab utroque procedens Spiritus Sanctus; Potentia est in Patre, Sapientia in Filio, Virtus in Spiritu Sancto; sunt Tres in Personis, Unus in essentia, & ternus, Incomprehensibilis, Immensus, Infinitus, Pius, Justus, Misericors, Sanctus,

*Non sua carminibus major sit gloria, nec quo,
ut major fiat, crescere possit, habet.*

Antequam fuisset Cælum, Terra, Homo, visum est

A. 3.

Omni-

Omnipotentis, quasdam substantias separatas, intelligibiles, Spirituales, incorporas, æternas, sui similes procreare, ut ab ipsis veneretur, coleretur, glorificaretur, & ut ministræ servirent ei, & vocatæ sunt Angeli inter se non differentes ratione Naturæ Angelicæ, sed ratione superioritatis, dignitatis, & officii; hi quidem non sunt creati ab æterno, sed in tempore; sed quomodo erat tempus, si æternitas, quæ in Deo est, & in Empiræo, ut sedes Dei excludit omne tempus? necesse enim est, ut si detur aliquid, quod fuit ab æterno, sedeat in loco, qui fuit ab æterno, in principio enim creavit Deus Cælum & Terram, ante hoc principium creati sunt Angeli, principium enim est pars temporis, ante principium non est tempus sed ævum; amplius creati sunt in Empiræo, ubi neque locus, neque vacuum, neque tempus.

Dicendum est, quod instans Creationis Angelorum non fuit tempus proprio modo sumptum, nam instantis ad tempus nulla est proportio, sed ut res aliqua, quæ creata supponitur, necesse est, ut habeat initium unde creata sit: illud initium respectu creati est tempus, & per hoc differt Creator à creatura, Creator enim est principium sine principio, creatura verò principium à principio, quia creata in tempore.

Creatis ergo Angelis differentia quædam posita est inter illos, ita ut alius sit superior, alius inferior, unus magis inserviat alicui rei, alius alteri, ut observavit Zacharias Propheta tempore, quo Deus voluit solvere populum Hebræum à captivitate Babylonis, vidit Angelum unum, qui addiscebatur ab Altissimo, postea ille quæ didicerat alteri Angelo communicabat, deinde iste interior docebat Prophetas; quod confirmatur ab Aug. lib. de cogn. veræ vitæ cap. 6. sicut enim Luna stellas, Sol Lunam in claritate excellere cernitur, sic quilibet superior ordo Angelorum, inferiorem ab Angelis usque ad Seraphim, gloria, dignitate, claritate præcellere creditur: dubium autem est an creatio Angelorum fuit instantanea, aut successiva, ita ut creatus sit prius

prius unus, postea alius, & sic de singulis: dici potest, quod prius creatus sit unus, in quo reflectens Altissimus tanquam in Speculo suam pulchritudinem, gavisus posuit illi nomen Lucifer, non, ut somniant multi, quod tale nomen positum fuit, quia creatus est in principio Auroræ, & quod cecidit in die sexto; numquid in Cælo necessitas est, ut lumen incipiat, si secundum Genesim in die primo dividitur lux à tenebris? sed quomodo fieri poterat hæc divisio, si nondum creata erant luminaria, quæ postea creata sunt in quarto die, & tunc incæpit Aurora, quæ est finis tenebrarum, & luminis Lunæ, principium autem dici præcedens Solem, numquid in Aurora primi dici creati sunt Angeli, & illa die creata sunt mundi principia? de his nihil ænimit Genesim cum tantum dicat: In principio creavit Deus Cælum & Terram; dictus autem Lucifer, quia ferebat lucem Dei, eratque tanquam speculum in quo Altissimi reflectebatur propria forma, & Imago, dictus est Lucifer, ut ferret aliis lucem; creatus est ergo hic primus Angelus, lætatus autem Deus de hac admirabili factura & pulchritudine, quamplurimos alios in instanti creavit, & posuit inter ipsos differentiam graduum, & dignitatis, aliumque fecit majorem, alium minorem, alium minimum, unde constitutus fuit ab Altissimo admirabilis ordo in Triplici Hierarchia.

In suprema positi sunt Seraphim, Cherubim, & Throni; primi considerant virtutem Altissimi, secundi contemplantur bonitatem, Tertiis considerant æquitatem; in primis Deus diligit, ut charitas, in secundis cognoscit ut veritas, in tertiis sedet ut æquitas: In media sunt dominationes, Virtutes, & Potestates. Primi regunt officia Angelorum, Secundi imposita exequuntur, Tertiis impediunt vires malorum; in primis dominatur Deus ut Majestas, in secundis agit ut virtus, in tertiis defendit ut salus: In Infima sunt Principatus, Archangeli, Angeli. In primis Deus regit ut Princeps, in secundis revelat ut lux, in tertiis emittit ut inspirans: Prima Hierarchia Divinæ Providentiæ ordinem contempletur, & imperat, quod ab aliis venit exequendum: Secunda concurret ad

ea, quæ attinent tum ad ordinem Cœlorum, tum Orbis gubernationem, & aliquando agit. Tertia de inferioribus curat, & illas omnes actiones prohibet, quæ divinam legem perturbare possent. Sic, ut bene ab Altissimo constitutus Spirituum Intelligibilium & Incorporeorum ordo, allocutus est illos:

Pulcherrimum construxi opus, quod ab æterno in mente mea decrevi. Filii voluntatis meæ, Ego Pater Triunus vos non ex nihilo, sed ex Spiritu meo creavi, mihi omnia debetis, vos mihi filii, famuli, ministri; agere ergo ad vos grates attinet de hac nobili formatione; audite ergo arcana, quæ ante sæcula constituta sunt: fiet mundus, creabitur homo, quem ego propriis manibus ad Imaginem nostram formare intendo ex limo terræ, & infundam in eum Spiritum meum, ut imperet irrationabilibus creaturis, quæ sunt futuræ; pauca tamen aderit inter vos & hominem differentia, stat tamen in *Fatis æternis* decretum, ut homo peccet (de vobis autem quid sit futurum, post hæc apparebit) tunc autem me pœnitebit cum fecisse, necesse autem est, ut hæc fiant, ut Filius meus Unigenitus, quæ ego ante sæcula genui, ipseque est in me, & ego in ipso, nascatur ex homine sine homine, ex femina conjuge, tamen Virgine, quæ non contrahet maculam criminis originalis, sed ego potentia, quæ in me est, abscondam eam, ut non adscribatur inter confcios homines tantæ culpæ, ipsa enim erit Virgo sine peccato, antequam nascatur, & postquam nata erit, pariet sine homine filium mihi dilectum, in quo bene complacebo, eritque semper, tam ante partum, quam post partum Virgo quod autem in illa erit, fiet de Spiritu Sancto, qui est in me, & Filio. Iste autem erit totius Mundi Redemptor, nam totâ irani, quæ contra humanum genus scelus plenum ex Justitia meâ provenire debet, ille supra se ipsum tanquam jugum accipiet, & morietur in Cruce, ut liberet mundum à peccatis, vobis autem spectat eum tanquam me colere, venerari, & administrare; hæc Omnipotens, & post hæc discedens immiscuit se Potentiis.

Obstu-

Obstupuere omnes, & tanta admiratione correpti, ut nemo aliquid dicere audens, solum inter se intuerentur; Lucifer ergo tanquam iratus sic ceteros est allocutus: ad quid tantus stupor? ad quid tanta admiratio? audistis ne, & recte percepistis arcana ab æterno? creabitur homo, nascetur Dei Filius ex homine, homo futurus post nos inferior tam creatione, quam natura, ex inferiori, qui superior est tam nobis, quam homini, nasci decrevit? nunquid Angelica natura nostra evadet inferior? cur de nostra Dei filius non oriatur? tam sublime est futurum hominum genus, tam nobile, tam admirandum, ut excellat nostram naturam? ex limo terræ formatio ejus, nos ex spiritu solo: nunquid spiritus nobilis cum ignobili materia commiscebitur? si ex ignobili materia, ut ceteri homines futuri, nascetur Dei filius, nos qui ex spiritu solo creati sumus superiores, illique sublimes evademus; si superiores, quomodo inferiorem venerabimur? quid vobis videtur? non ne res extranea, non ne inaudita, indicibilis, incredibilis? mihi creatione cunctorum primo, ex necessitate & officio Principi, tum auctoritate, tum potentia insigni, pulchro Dei speculo illiusque Imagini conveniet adorare Deum hominem? si mihi; istanto magis vobis; audite ergo socii, accedite ad me, vestra cum mea sit una voluntas, contemnamus hæc, ne fiat fabula apud futuros homines risu digna: In Cælum ergo conscendam, super astra Dei exaltabo solium meum, sedebo in monte testamenti, in lateribus Aquilonis, ascendam super altitudinem nubium, similis ero Altissimo; his verbis subristit Michael Archangelus, & cōverso risu in iram propter temeritatem Luciferi hæc inquit: infans ne Lucifer? infans. Dicere audes te assimilari Altissimo? creatura es, vis in Creatorem evadere: inobediens factus, timidus, elatus, atque superbus Deum nolis agnoscere ut Dominum? irasceris de Incarnatione Filii, quia ex Angelica natura corpus assumere non vult? nunquid servus major est Domino suo? vis imperare Altissimo? eras tu, quando hæc statuta sunt, si sunt in mente Dei? vix creatus Patrem non agno-

scis: hæc sunt, quæ debes Deo: ad quid credis, quod ex homine nasci vult, & non ex nobis? non ad aliud, nisi ut cognoscat homo, quantum debeat Deo suo, qui vult fieri ei similis, nam per ipsum in cruce morientem fiet hominis redemptio. Ego quidem semper Deo obediens simul cum Sociis meis adorabo, venerabor & administrabo ei. Quo dicto, factum est prælium magnum in Cælo; Michael & Angeli ejus præliabantur cum Lucifero, & Lucifer pugnabat & Angeli ejus, & non valuerunt, neque locus inventus est amplius eorum in Cælo: hoc autem bellum factum est imperio voluntatis & mentis, ex quadam concordantia & discordantia diversorum effectuum, nempe superbiæ & humilitatis, obedientiæ & inobedientiæ, non autem cum gladiis, armis & similibus: tunc Victor Michael cum sociis suis incepserunt grates reddere Altissimo de victoria posita, ipsum collaudando & glorificando.

Habito inter se concilio Sancta Trinitas decrevit creare Cælum & Terram, quatuor verò mundani ædificii fundamenta tunc creata fuere, erant tamen invisibilia, & in suis matricibus tantum conservabantur, calor enim frigori non nocebat, nec humidum siccò, voluit igitur, ut fieret ipsorum separatio, ut ignis & aer tanquam levia ascenderent, terra verò & aqua tanquam gravia descenderent: antequam verò fuisset talis separatio, jussit ut simul conjungerentur, ut ex ipsorum mixtione Elementata originemsumerent, postea disrupto Chaos unumquodque ex ipsis summi requievit in locum, ignis supra aërem, aër supra terram, terra supra aquam: videns autem Deus, quod erant necessarii motores & gubernatores istarum rerum, divisit Cælum in Cælos, ponens Mobile primum post Empyreum, postea Firmamentum, in quo posuit multitudinem Intelligentiarum unamquamque stellam gubernantium, & posuit *In Astris Fatum*, & largitus est illis influxum, virtutem & potentiam, ut agerent in Orbem, Circulum

lum autem constituit tanquam Zonam cingentem ipsum, qui ex ordine duodecim signorum animalia representantium vocatus est Zodiacus, ut ex ipso Anni tempora quatuor per Triadem signorum dividerentur, & futuris hominibus innotescerent, septemque constituit Orbium Gubernatores, atque in medio illorum posuit Solem lucis patrem, Lunam verò noctis matrem & tenebrarum, Septenarium concludens, & constituta est ut Organus naturæ, inserviens mutationi inferiorum: post hæc creavit Naturam omnium rerum matrem, cum qua congressus Mas sœmina factus Altissimus produxit viventia in aëre, aqua & terra; hæc autem divisa sunt secundum speciem suam, & acceperunt animam viventem ex spiritu genito ex conspiratione calidi, humidi, frigidi & sicci, sic terræ idem spiritus plantis animam communicavit, & universa, quæ sub Cælo sunt, ab hoc spiritu vivificantur; hæc enim facta sunt in instanti: Ipse enim jussit & facta sunt, ipse mandavit & creata sunt, voluntas enim Dei ipsa summa est perfectio, utpote cum voluisse & perfecisse uno eodemque temporis puncto compleat, non enim indiget tempore ut res una fiat uno die, altera altero, sensus enim Genesis figuratus est, nam Scripturæ juxta Augustinum traduntur, vel per Historiam, Allegoriam, Analogiam, vel Etymologiam; sic perfecto Mundo positaque terra in medio universi, unde quaque circumdata Cælo, æternis ornata luminibus, plurimis in firmamento cælatis figuris, visum est Sanctæ Triadi harum rerum inferiorum præsidem & gubernatorem constituere, ne Natura orio torpescens in sterilem commutaretur; dixerunt ergo: Faciamus hominem ad imaginem & similitudinem nostram, & creavit Deus hominem ad imaginem & similitudinem suam, Masculum & Fœminam creavit eos.

Creatur homo, non fit; cum autem creatio sit rei ex nihilo productio, ex nihilo creatus, & non ex limo terræ; creatus ergo est, ut sunt creati Angeli, & tunc erat homo spiritualis & in-

corporeus, scriptum est enim, minuísti eum paulò minus ab Angelis, ne autem homo tumidus, & arrogans evaderet, ut fecit Lucifer cum sociis suis, ex hac excellentia naturæ, formavit Deus ipsum manibus suis ex limo terræ, nempe ex materia vili & corruptibili, ut agnosceret ex quo factus est, & ne nimium sibi arrogaret plusquam decet, & sic constitutus est homo materialis & corporeus, erat tamen imperfectus, quia carebat vita: gavissus autem Deus de hac hominis structura inspiravit in faciem ejus spiraculum vitæ, & factus est homo completus in animam viventem, & hunc constituit Dominum irrationabilium & rerum aliarum, quæ sub Cælo sunt, ne autem solus esset super terram immisso somno in Adam extraxit costam ex eo, ex qua formavit Evam, nec in ipsam insufflavit: quomodo ergo Eva vivificata est? vel est dicendum, quod non opus erat vivificatione, quia creatus est homo primus incorporeus & spiritualis, sed si creatus est homo primus, nulla erat necessitas immittendi in secundum hominem corporeum spiritum vitæ, & si hic spiritus missus est in Adam, quare non in Evam, si utrumque Deus manibus confecit?

Creatus est primus Angelus Lucifer, formatus est primus homo Adam: ex creatione primi Angeli reliqui creati sunt, sic ex creatione primi hominis animati, reliqui homines, qui sunt venturi, creati sunt: notat Hermes in Porcandro, quod Deus est lux & vita, homo verò ex luce, & vita factus est in animam & mentem, ex vita in animam, ex luce in mentem. Lucifer non poterat esse Deus, quia non erat lux & vita, erat verò tantum lux, hinc dictus est Lucifer, ut esset lux aliorum causa: enim suæ creationis reliqui, qui creati sunt, lucem acceperunt: sic ex primo homine lux aliorum hominum orta est: est enim primus viventium Pater Adam tum ex creatione animæ in ipso infusæ, tum ex formatione corporis materialis, corpus enim hominis in utero bene organizatum attrahit animam sicut magnes ferrum, attractio enim illa connaturalis est (præcedit tamen animam semper

semper spiritus tum in ingressu, tum ex exitu à corpore) insufflavit autem Deus in faciem Adæ, & Adam externus corporeus attraxit Adam internum incorporeum, & surrexit in vitam, & sicuti creati sunt Angeli non diversi ratione naturæ Angelicæ, sed differentes tum ex officiis, tum ex majori, vel minori lumine ab Altissimo communicato, ut supra dictum est, sic eodem ordine sunt animæ hominum non differentes ratione naturæ propriæ, & essentialis (sunt enim ejusdem speciei) sed aliæ quædam Regiæ & sublimes, aliæ inferiores, aliæ minimæ, quædam majus habent lumen, aliæ minus, ut experientia videmus in hominibus, non verò æquales sunt, quia non erat æqualis ordo Angelorum, sed una altera perfectior; potest tamen Deus, quando nova corpora construuntur in utero infundere animam, magis vel minus luminosam, sicuti fuerunt animæ Prophetarum & aliorum: legitur enim in Hieremia, priusquam te formarem in utero novi, & antequam exires de vulva sanctificavi te, & Prophetam in gentibus dedi te.

Sed dicunt communiter, quod Anima rationalis est substantia per se subsistens, incorporea, immortalis, creata à Deo uno de nihilo cùm infunditur.

Si Anima rationalis crearetur ex nihilo, coincideret ejus creatio cum illa mundi, & cæterarum rerum corruptibilium, quæ ex nihilo productæ sunt; sed omnia, quæ producta sunt ex nihilo, in nihilum debent resolvi, & resolventur, ita & anima, si esset creata ex nihilo, periret, ut periturus esset mundus, & cætera creata, & per consequens sequeretur, quod esset mortalis; amplius, si ex nihilo creata esset anima hominis, ex nihilo creati essent Angeli, quod est absurdum, imo falsissimum; amplius, si anima Adæ producta esset ex nihilo, frustra fuisset insufflare spiritum in Adam, sed dicere potuisset Deus, ut cæteris animantibus dixit; producant aquæ reptile animæ viventis, & volatile super terram sub firmamento Cæli, ita & de homine dici poterat, producat terra hominem viventem; vel usus esset verbo, *Fiat*, ut fuit

in productione lucis & tenebrarum, fiat lux, & facta est lux, fiat firmamentum in medio aquarum &c. sed voluit insufflare, & omnes animas creare ex spiritu suo, ut cognoscant homines quantum debeant factori suo, qui simul cum illis habitare voluit (quod sano modo est intelligendum) & discant abstinere à peccatis, & sciant, quod semper adest omnibus suis operationibus, & quod tenentur illum intensissimo, indicibilique prosequi amore, ut exciteretur illis desiderium cum ipso in Cælo conjungi, juxta illud Apostoli; Cupio dissolvi, & esse cum Christo; hinc Trimegistus in Asclepio: Magnum miraculum est Homo, animal adorandum & honorandum, hic enim in naturam Dei transit, quasi ipse sit Deus, hic Dæmonum genus novit, utpote qui cum iisdem ortum se esse cognoscat, hic humanæ naturæ partem in se ipso despicit alterius partis divinitate confusus: ó, Hominum quanta est natura temperata felicius, ac Diis cognata divinitate conjuncta!

Hinc dicunt aliqui, insufflavit in Adam, & non in Evam, neque in cæteros, qui post hos sunt futuri, ut demonstraret se amasse primum hominem, quem manibus confecit; sed dico ego, nonne confecit & manibus Evam? nonne omnes homines dependent ab Adam? ergo, quod fecit per Adam, fecit per alios ex ipso descendentes.

Ex his concludimus Animam hominis non ex nihilo creatam esse, sed ex ipso spiritu Dei in primo homine infuso, & per consequens esse immortalem, & hoc asserimus tanquam verissimum, quod negantes Animæ immortalitatem nequeant concedere esse Deum, quæ quidem immortalitas in obitu Hermetis, ipso loquente, confirmata fuit his verbis, referente Calcidio: Hactenus, filii, pulsus à patria vixi peregrinus & exul, nunc incolumis patriam repeto, cumque post paululum à vobis corporeis vinculis discessero, videtote ne me quasi mortuum lugeatis, nam ad illam optimam, beatamque civitatem regredior, ad quam universi cives mortis conditione venturi sunt, ibi namque solus Deus

Deus est summus Princeps, qui cives suos replebit suavitate mirifica, quo hæc, quam multi vitam existimant, mors est dicenda potius, quam vita.

Formatis ergo ab Altissimo Adam & Eva, Rectores mundi statim influxerunt suas virtutes. Saturnus dedit dispositionem ad intelligendum & ratiocinandum. Jupiter vim fortiter agendi. Mars animositatis ardorem Sol sentiendi & opinandi naturam. Venus desiderii motus, hilaritatem & voluptatem, quæ statim à natura attracta illi se immiscuit. Mercurius vim interpretandi & pronuntiandi, Luna facultatem generandi & nutriendi. *Fatum* autem undique perambulabat, & totum circuibat Cælum & Mundum; hæc magis in Adam impressa fuere, quia primus, succedanea vero Eva non omnia attraxit, quædam verò magis sibi accommodata fuere, ut suæ naturæ propria: dedit autem illis Altissimus liberum arbitrium, & posuit eos in manu proprii consilii; cum autem firmati essent in horto voluptatis, præcepit ne comederent de ligno Scientiæ boni & mali, ne mors per eos introisset in mundum: serpentis autem consilio Eva de fructibus arboris comedit, & dedit viro suo. Ores perpulchra, imò mira, quando bellæ loquebantur! ego quidem putabam solum hominem propriè locutum esse, sed locutus est serpens, bellua terræ; sed tamen sunt quidam, qui dicunt, quod Dæmon erat illi serpenti inclusus, & sub ea forma locutus est, nunquid Dæmon, qui fuit ex Cælo expulsus, in loco ubi Deus semper aderat, se serpenti occultavit, & poterat ingredi voluptatis hortum, quem pro se & homine Deus paraverat? *Serpens* erat *Fatum* undique serpens; Anima enim corpori inclusa medio *Spiritus* sui ministri erat facta corpori connaturalis, & incipiebat paulatim flectere spiritui, & obedire sensibus: fœmina autem hominis curiosior attrahebatur & delectabatur pulchritudine illius arboris & fructuum ejus, & Virtute *Imaginativa* callida inter sensuum vires, quæ instar serpentis semper in nobis

serpit

serpit, inter se dicebat. Quare præcepit Deus de omnibus vesci, quæ in hoc horto sunt, de hac autem arbore non ? ne intelligamus bonum & malum ? non ergo intelligentes bonum & malum sumus homines, intelligentes verò bonum & malum erimus sicut Dii. Ecce hoc dicto Voluntas, potentia animæ princeps, cedit sensibus, animaque cæpit corpori obedire, & *Fatum* de repente ingressum incæpit serpere per mollem intellectus fœminæ potentiam, unde illa præcepti Dei inmemor comedit de illo arboris fructu, & dedit viro suo. Iratus Altissimus eiecit eos de Paradiso Voluptatis, terra autem facta erat infructuosa, otiosaque Natura nihil agebat, unde cum labore hominis congressa peperit pulchram filiam Inventionem, & Mors introivit in Orbem, ut terrenus homo revertatur ad terram, spiritualis autem ad Deum.

*Ascendenti calcanda via omni publica lethiest,
sic Natura tulit, nec si quis corpore toto
pallidus, exanguisque metu generis in alvum
diversat, totaque caput tellure prematur,
evadat: stant Fata Dei, stat ferreus ordo.*

Hinc patet an Anima creata sit ex nihilo, quare Deus non dedit animæ mortem, si Anima secundum illos producta est ex nihilo ? quare non destruxit Angelos peccantes, sed punivit ? corpus enim peccare non potest nisi anima introducatur in ipso. O Talpæ cæcutientes ! nunquid Deus tenetur destruere proprium spiritum ? nonne tam Angeli, quam Homo sunt ex Spiritu Dei, ipsiusque Imagines ? & quando aliquis factor destruit propriam Imaginem, nisi insaniat vel fiat impius, ut pater enecet filium, & propriam destruat Imaginem ? nonne inquit Dominus : Non permanebit spiritus meus in homine, quia caro est ? ecce spiritus Domini in homine. Nonne hoc est Sole clarius ? locutus autem est Deus hæc, quando præcepit Noë, ut conderet arcam, tunc enim mortuus erat Adam, Eva, Abel, &c. ut non credas, quod spiritus Dei tantum fuisset in Adamo, sed in omnibus

omnibus hominibus; & paulò post. Delebo, inquit, hominem, quem creavi à facie terræ, ab homine, usque ad animantia, à reptili usque ad volucres Cœli; ex quibus iterum manifestè patet, an anima creata sit ex nihilo.

Sed in Genesim satis, ne curiositas indagandi evadat manifesta temeritas, nam

Quò plus sunt potæ, plus sitiuntur aquæ.

timendumque, ne veniat Altissimus, mecumque irascatur, & dicat. Quis est iste involvens sententias sermonibus imperitis? ubi eras quando ponebam fundamenta terræ, indica mihi, si habes intelligentiam? unde præcepit Apostolus: Non plus sapere, quam oportet sapere, sed sapere ad sobrietatem. Scientia enim nostra limites præfinitos habet, quos excedere non potest, unde

*Si vox in fragilis pectus mihi firmitus esset,
pluraque cum lingua pluribus ora forent,
non tamen idcirco complecterer omnia verbis,
materia vires exuperante meas.*

Triplex ergo est homo, spiritualis, corporeus & animasticus; scribit tamen Augustinus lib. de spiritu & anima; spiritus namque ad substantiam dicitur, anima ad vivificationem, eadem enim est essentia, sed proprietas diversa; nam unus & idem spiritus ad seipsum dicitur spiritus, & ad corpus anima; spiritus est in quantum est ratione prædita substantia rationalis, anima in quantum est vita corporis; sed res non sic se habet: nam Hermes in Clave scribit; Anima in spiritu, spiritus in corpore. Theophrastus verò Paracelsus in lib. de Creatione hominis inquit. Anima ex Cœlo descendit, spiritus ex aëre, corpus ex terra; & paulò post. Spiritus enim inest omnibus quatuor Elementis totius mundi cum sua natura media, quæ est occultus spiritualis ignis, estque sperma & natura generativa, ita ut Elementum aëris, natura media, & spiritus omnibus rebus hujus mundi vitam dent & auferant; ex his patet, an in homine triplex sit anima, ve-

C

getativa,

getativa , quando incipit organizari ; sensitiva , antequam sit perfectus ; quando verò omnibus suis partibus completus est , tunc introducit ex spiritu rationalis ; Una enim est anima hominis rationalis sola , antequam verò illa in uterum introducat , fœtus vivit , ut cætera animantia terræ , ut sunt plantæ & bruta , quæ ex spiritu & ex elementorum congerie premanante vivificantur ; anima autem vegetativa & sensitiva dictæ sunt ad differentiam plantarum & irrationalium , non enim tales animæ inter se differunt nisi ratione subiecti ; imo dici potest , quod in semine hominis sit iste spiritus vivificans , nam virtualiter in semine sunt elementorum qualitates , ex quibus emanat vapor , qui convertitur in spiritum , & ex nutrimento , quod accipit a matre , crescit , & magis vivificatur in utero vivens ; nihil ergo sunt anima vegetativa & sensitiva : cognovit & Paracelsus hunc spiritum ab anima differre , nam spiritus est tanquam animæ minister , quod ab Hermete in Clave confirmatur ; anima verò , & ipsa divinum quid existens , tanquam ministro utitur spiritu , spiritus autem regit animal , hinc nullum est dubium , an ultra animam sit spiritus , nam caro concupiscit adversus eum , & ipse adversus carnem .

Ex his patet , quanta sit hominis dignitas , nam cum tres sint Personæ in Divinis , hæc respondent tribus principiis , quibus formatus est homo ; anima enim Patri , caro Filio , spiritus Spiritui Sancto , & sicuti ex hac Triade constituitur unus Deus , ita ex his tribus unus homo ; Vita hominis est unio horum trium , mors verò solutio , & sic anima in resolutione corporis petit locum suum juxta opera sua , corpus terræ remanet , spiritus autem aëris ; sic intelligit Paracelsus loco supra citato , & cum eo sunt quidam Hebræorum necubales ; disrupto ergo vinculo horum trium , nulla est naturalis actio , ut iterum in vitam producat .

Sed ego non ignoro , quod homo potest post mortem iterum in vitam redire , & omnia ea facere , sicut antea faciebat , per quosdam sacros Anno s , sed res hæc est adeo inextricabilibus & im-

& imperceptibilibus involuta mysteriis, ut à nullo homine intelligi possit, nisi divinitus inspiretur, dico quod homo vivet, non ut antea faciebat, per animam, sed per spiritum eundem, qui erat cum anima; dico eundem, ne credant aliqui me intelligere de Dæmonibus in corpore introductis, qui possunt excedere tempus annorum in illo corpore, quod hic spiritus facere nequit, & faciet eadem opera, quæ faciebat, quando erat cum anima, non enim hic spiritus post separationem animæ à corpore ascendit in Cælum, nec ascendere potest, sed errat per quosdam Annos Sacros, quibus expletis redit ad locum, ubi antea fuit, antequam introduceretur anima in hominem, hic enim præcedit animam, eamque ducit in uterum; nec hic est spiritus elementorum secundum Paracelsum, nam hic spiritus est in homine, plantis & brutis, quousque vivunt, sed post suam dissolutionem tanquam fumus evanescit; hic spiritus quodam in loco Evangelistarum tangitur à Christo, sed nondum, quid velit dicere, intellexerunt Expositores, nec intelligent.

Est autem ars quædam Cabbalistico-Magica, ex qua tantum opus emanabat, necesse autem est, ut utens hac, vulgi conversationes vitet, ut ad Sacrum perveniat Ternarium; ætas autem quædam requiritur ad hoc, ut operator agere possit, si enim est tam ante annos requisitos, quam post, suo non potietur voto, hæc ars mirabilia in se continet, quæ imitantur miracula, ut esset de vinculis Spirituum, de curis characteristicis morborum incurabilium paucis tempore, de futurorum prædictione, de præteritorum, quæ non amplius recordantur, reminiscencia, de modo mutandi tempora, pariendi nives, grandines, pluvias, fulgura, fulmina, tonitrua, vel ea sistendi, de invisibilitate, de Chymico lapidis sudore, qui per momenta conficitur, de arcanis vegetabilium & mineralium, de arcanis scientiarum & artium, nec non secretorum Status, quæ aguntur in Conciliis Principum, de mutatione momentanea de loco ad locum, de destructione Pontificum, Regum, Principum, aliorumque sublimium, vel infimorum hominum insensibili, & hæc est ad placitum Magi; pro

reperiendis furtis, vel furandis Magnatum thesauris, pro victoria patranda contra innumeram populorum multitudinem, cum minima, aliaque infinita, quæ sub ipsa sunt; tantum est, si hæc scientia à quodam Rege vel Principe sciri posset, paucis in annis inmagnum Monarcham evaderet.

Spiritus autem de triplici Hierarchia ad multa & diversa inservire possunt. Seraphim ergo ambiunt venerari & diligere, & solum in rebus magnis utuntur, in humilibus mittunt suos subditos. Cherubim contemplationi inserviunt, hi enim sunt doctrinarum omnium fontes. Throni afferunt pacem, & in actionibus tranquillitatem, vanitates tamen fugiunt, & homini pacifico obediunt. Dominationes pro Principibus, tam Ecclesiasticis, quam Sæcularibus, & dant victoriam de inimicis. Virtutes dant in rebus fortitudinem, maxime in bello, & valent ad corporis salutem. Potestates dominantur super spiritus inferiores, & hi mirabiliter pro arte inserviunt. Principatus sub se habent spiritus, qui possunt divitias concedere immensas, sed sunt valde callidi. Archangeli abscondita revelant, omniaque arcana, & sunt diligentissimi ad aperiendas difficultates Theologicas, Legales, Astrologicas & similia. Angeli verò sunt infiniti & diversi, & secundum propriam qualitatem agunt, nam sunt sub quatuor Principibus, & octo Subprincipibus, qui illis imperant; qui autem non noscit, quomodo unusquisque propriæ operationi inserviat, & quomodo possint reduci ad colloquium, in vanum in hac altissima arte laborat.

Dicent tamen quidam, qui, quæ non capere possunt, spernunt, quòd hæc ars sit Pneumatica Antiquioris, quæ ad hæc est commentariis Agrippæ; sed isti legant, & bene percipiant, quid ex ea deduci possit, & an ea, quæ narravi, in ipsa contineantur; hujus ergo scientiæ ope spiritus idem in homine reduci potest, & vivet homo: sed hæc operatio est difficilis, quia requiritur quoddam tempus operationi inserviens, quod si excedit, nihil agi potest. Operatio hæc non fit nisi in Regibus, Principibus, & similibus.

libus viris, sed transactis sacris Annis, eodem momento, quo introductus fuit, evanescit, & non amplius redit.

Hoc experimentum comprobatum fuit in illustri quadam femina, quam Imperator S. Sigismundus maximo prosequabatur amore, habuit etiam hic Imperator Spiritum secundæ Hierarchy, quem quidam tantæ scientiæ peritus largitus fuit. Eadem Operatio in Ducibus Saxoniz, & Marchionibus Magdeburgensibus feliciter successit, & sic eorum Principatus ad filios proprios pervenit, nam cum essent parvuli, ab aliis Principibus raptus fuisset; sed hæc facta sunt in antiquis temporibus, quando talis Scientiæ Professor vitam debebat.

Hanc artem calluere primi Patres, Noë, Abraham, Jacob, Moyses, David & Salomon; hic autem ultimus ipsa abusus est, & accepit pœnas condignas; hæcque erat in Hælisco Propheta, de ipso enim traditur, quod, cum essent egressi de ripis Jordani, dixit Helias Ministro suo, postula à me quod vis, priusquam me Deus à te transire & recipi jubeat: cui Hælisus, spiritus inquit, tuus duplex (refer ad eam, quæ supra dixi) obsecro in me requiescat: rursumque Helias duriter dicens, postulasti, sed tamen si hora receptionis meæ mihi præsens astiteris & videris, hanc petitionem eventus complebit: his dictis Helias igneo curru receptus velut ad Cælum, considerante Hælisco, rapitur, collegit autem libertia vestimenta mœstus hæres Hælisus, & Jordanem sicco pede transivit, Dominum H. liæ invocans: legitur ergo ex lib. 4. Reg. cap. 4. miraculum Hælisce super filium Sunamitidis, quem non suscitavit, sicut fecit Lazarum Christus, vel alios mortuos; sed in se contractus sedit super filium, & conjunxit oculos oculis, & partes alias aliis partibus, & iterum surgens ambulabat, & osculabatur puerum per *Septem* vices, & postea surrexit; non ignorabat hanc artem Hælisus, & per ipsam surrexit puer, hæc enim ars sacra est, & à Ceremoniis magicis penitus longinqua, nec in ipsa sunt fœdera cum Dæmonibus, sed ipsi via quadam subijci conantur; nec sunt characteres, suffumigia & alia superstitionis,



quæ in Necromantia adhibentur. Miraculum enim, quod fecit Angelus, liberans Petrum Apostolum de carcere per hanc, idem comprobatum fuit in Comite de Vurvich, qui in Anglia erat mane sequenti capite mulctandus: sic Papa Joannes in Concilio Constantiæ, simul cum quodam Duce hujus Scientiæ medio adjuti aufugere à manibus irati Imperatoris; taceo alia admiranda, quæ per ipsam fieri possunt, hujus autem imitatrix est falsa Magia, de qua, & ejus speciebus aliqua tradam prægustanda.

Zoroastrem Magiæ Inventorem tradit Antiquitas, qui de se ipso hæc scripsit. Conscripsi Zoroaster Armenii genere Pamphilius, qui in bello mortuus ad inferos descendi, & à Diis hæc addidici: sed varia sunt nomina Zoroastris, de quibus non bene conveniunt Auctores, conveniunt tamen in hoc, quod unus fuit veræ Magiæ inventor, alter verò corruptor, & hic ultimus fuit à Nino in bello victus; hinc Arnobius inquit: Ut inter Assyrios & Bactrianos, Nino quondam Zoroastroque Ductoribus, non tantum ferro dimicaretur & viribus, verum etiam Magicis & Chaldæorum reconditis disciplinis: quidquid sit de hoc Zoroastro, traditur totam ejus vitam fuisse portentosam, & eo die, quo natus est, risisse, & cerebrum ita palpitasse, ut impositam repelleret manum futuræ scientiæ præfatio: vixit in desertis caeco annis viginti ita temperatè, ut vetustatem non sentiret, ebiit autem igne cœlesti concrematus, sicut optaverat.

Magi autem nomen varium est, nam apud Persas circa divina Sapientem sonat, hinc verè Magus ille est, qui colit & agnoscit Deum suum, sic Tresilli Magi Christum natum adoraverunt; hic apud Cabbalistas vocatur Propheta, apud Ægyptios Sacerdos, apud Assyrios, Babylones, Chaldæos, Bardus, apud Gallos Druidus. Indi verò, ut Propthyrius natat lib. 4. de animalium abstinentia, Antiqui, Sapientes appellabant Gymnosophistas, inter eos verò, qui quadam generis successione in studio Religionis & Sapientiæ procedebant, Brachmanes, qui verò
idem

Idem electione tantum profitebantur, Samaneos: quidquid sit, nihil aliud est Magia, quam Sapientia Physicarum, & Metaphysicarum rerum intelligentia, quæ divinarum & naturalium scientia constat, hinc Magus est ille, qui de singulis philosophatur: hæc variis modis à Professoribus in usum adhibita fuit; ab Ægyptiis per imagines, à Medis & Persis per vegetabilia, ab Arabibus per Sydera. Naturalis autem Magia, si ipsa casta reperiretur, sicuti est corrupta, usurpari libere posset, nam puris naturæ principiis innititur, nunc autem confusa mendaciis, & impuritatibus invenitur. Ego quidem fateor me nondum librum legisse, qui ex impura non esset commaculatus: liber Joann Baptistæ Porta in hac materia pulcher est, sed tantus vir exteriora descripsit, interiora ignoravit; ex hac enim cum Astronomia juncta multa utilia adjuvandum genus humanum extrahi possunt, ut curæ admirandæ per imagines Astronomagicas, ut esset, dolorem podagricum sedare, curare nephriticum, hysterica mulierum passionem, narium hæmorrhagiam, capitis dolorem intensum, & similia; sic Joannes Marbianus, insignis Mathematicus, à povere, quo sub tonitruo affici consueverat, beneficio imaginis liberatus est, ut notat Marsilius Ficinus, hinc Petrus de Abano credidit Medicum per imaginem posse curare infirmum, cui ego non contradico: juvant etiam ad honores, sed in constructione ipsarum observandum est, ut fortunæ sint in suis dignitatibus in Cæli culmine, vel succedentibus, luminariaq; libera sunt à radis maleficorum, & feliciter respiciant figuræ dominum, malefici verò cadant ab angulis. Fiunt etiam imagines pro amore, quæ sunt efficaces, si addatur suo tempore collecta Valeriana, sanguis columbæ, ambra &c. aliæ sunt ad infirmandos homines, aliæ ad destructionem animalium, puta Scorpionum, muscarum, & similibus: taceo per Magiam naturalem posse produci in ictu oculi, ut ita dicam, ranarum generationem, sicuti ex sputo faciebat Daumates Hispanus, sic vermium aliorumq; animalium ex putri, sic vegetabilia parere fructus.

etus ante tempus, multa etiam venefica parari possunt, quæ odore solum paucò tempore faciunt tabescere hominem & emori: amatoria quidem vera cum propriis vegetabilibus addito humano sanguine, & aliis in formam pilæ odoriferæ, sic & alia infinita fieri possunt, applicando activa passivis, & cognita benèque percepta superiori natura, ipsam cum inferiori commiscendo ad hoc, ut pariant effectus possibiles & admirandos.

Hujus Magiæ naturalis æmulatrix est Cacomagia, quæ ope Dæmonum, inito fœdere exercetur, de hac scripsit Julianus Chaldaeus Philosophus, pater illius Juliani, qui vocatus est Theurgus, de Dæmonibus libros quatuor, sunt autem ad custodiam cujusque hominum membri, qualia sunt Chaldaica Sacrificia; deinde Julianus prædicti filius sub M. Antonio Cæsare scripsit, & ipse Theurgica Logia carminibus, & alia quæcunque talis scientiæ arcana sunt, ut est apud Suidam; hæc enim Theurgia sub nominibus Dei & Angelorum malis Dæmonum fallaciis obstringitur, in ea enim observatur munditia corporis & animi, & externarum rerum; & sic Dæmones decipiunt homines, ut venerentur. Hac sæpissimè utuntur scæminæ etiam bonæ mentis, credentes esse Angelos bonos, eò, quia apparent cum vestibus albis, conspiciuntur tamen isti spiritus in speculis, vel phialis aquæ plenis; unde pro furtis rependiendis hac Magi utuntur, accipiunt enim olei guttulam, & factò circulo super manum puellæ virginis, vel prægnantis posita candela cerea, in medio digitorum, in loco obscuro conjurant spiritum album, ut appareat, vel dicat in auribus, quomodo res se habuit: hocque probatum est.

Goethia verò est illa, quæ proprio nomine Necromantia vocatur, hæcque ab impiis hominibus exerceri solet, temper inito fœdere cum Dæmonibus, tam tacito, quam expresso: per ipsam fiunt execranda, necantur enim pueri absque Baptismo; & cum ipsis, & herbis quibusdam conficitur unguentum, cum quo inuncto corpore feruntur ad longinqua spacia à dæmonibus in forma Hircei, ut plurimum; sed virtus talis non est in unguento,

guento, constat enim ex Narcoticis & aliis, quæ sensus obstupefaciunt : cum hac arte credunt ab inferis mortuorum animas educi posse, sed decipiuntur: nam à loco, ubi anima, Dei permissione, stat, nunquam recedere potest, nisi ipso permittente, apparitio enim animarum miraculosa, censetur apud S. Thomam Aquinatem; sed mali dæmones apparent in similitudinem illius, qui quæritur, quod non tantum verum est ex Auctoribus sacris & aliis, sed scio hoc fuisse à quodam dæmone enarratum : nam cum vellet quidam evocare ab inferis animam fratris cum regulis artis, apparuit Dæmon sub forma fratris, & de multis interrogatus respondit, ille autem qui in arte etat bene instructus, adeo fortibus conjurationibus constrinxit dæmonem, ut tandem proprio ore confessus fuerit, se non esse ejus fratrem, nec scire posse, ubi esset anima fratris. Impia ergo sunt quæcunque per hanc artem fiunt, & infelices sunt ejus professores, semper pauperes & egeni, nam quidquid possident, tanquam umbræ evanescit, & sunt res fictæ, tum quia est abusus sacramentorum; credunt etiam Necromantes se extrahere posse Thesauros subterraneos, qui a spiritibus custodiuntur, sed ipsi enecant Magos: sic cupiebat facere Cornelius Agrippa, qui à Cæsare Carolo V. cum duobus sociis fuit missus in exilium.

Spiritus autem diversi sunt, nec omnes inserviunt ad opus. Ignei enim versantur sub Regionibus Lunaribus, & hi propter subtilitatem, quam habent, corpus aëreum induere nequeunt, unde nullum tenent cum hominibus commercium, faciunt tamen aliquando apparere varia phænomena, ut Cometas, Ignem ex Cælo descendentes, Cælum tanquam ardere faciunt, & similia. Aerei verò audaces, temerarii sunt, Necromanticis familiares; sicquei turbulenti, inquieti, irascibiles, fraudulentæ, concitantes tempestates in mari submergunt homines, & quando visibile corpus assumunt, sæpè videntur prope ripas fluminum, vel littora maris in forma mulierum, & ab Antiquis vocabantur Naiades, Nereidæ. Terrei versantur in sylvis, nemori-

D

bus,

bus, venatoribus insidias ponunt, vel illusionibus homines territant, sunt peiores aëreis & aquaticis, & conantur, in quantum possunt, inducere mœstítiam in homines, nam juxta S. Chrysostomum, omni actione diabolica potentior est ad nocendum mœroris magnitudo, qui aëmon, quousq; superat, per mœrorem superat; dividuntur autem hi in lucifugos & subterraneos, & sunt omnium pessimi, nec incantatoribus interserviunt propter inconstantiam affectionum: unusquisq; ex his proprium agnoscit Principem, eiq; obedit, unde non omnes sciunt, sed quidam sunt veluti mente capti & stolidi, qui convertuntur in canes, lupos &c. per hos ergo spiritus multa ludicra & nugatoria fiunt, alia verò noxia humano generi & irrationabilibus, ut, quando concitantur tempestates, grandines, terræ motus, diluvia, quæ per aëreas potestates fiunt, unde occiduntur bruta, dissipantur victualia pro usu hominum: hujus artis medio conficiuntur imagines ceræ, vel alterius mixtionis, quibus utuntur impii ad inducendam mortem alicui, fiunt etiam imagines ad excitandum amorem in mulieribus, & coguntur tanquam infanz etiam ex lecto surgere, & querere hominem etiam sibi invisum, sin minus, cruciantur pœnis inexplicabilibus, & aliquando tabidæ moriuntur, quando non subjiciuntur illis: innumera ergo per hanc artem fieri possunt, quæ omnia tendunt ad malum finem.

Multorum tamen opinio est Dæmones esse repertos ad edocendum vulgum, sicuti putarunt Antiqui, in re autem vera imaginarios esse; quod falsissimum est, in id stultissimum apud scientificos, & hæc sola ratio sufficit, ut demonstrentur esse; nonne ad puniendum hominum latrocinia, adulteria, homicidia & similia, tenent Reges & Principes ministros, ut exequantur judicium contra eos, qui sunt vel carceri, vel tritremi includendi, vel suspendendi, vel capite mulctandi? quanto magis Deus?

Post Necromantiam sunt aliæ artes, in quibus Dæmonum vis exercetur, ut Pyromantia per ignem, vel igneas impressiones.

Hydrô-

Hydromantia per aquam, hæc apud Turcas tamen: Andronicus Imperator ea multum utebatur. Ego experimentum vidi: Erat Cyathus aqua plenus, deficiebat tamen per unum digitum, & erat in medio ejus, per filum alligatus, annulus aureus, qui duobus parvis lignis sustentabatur, nullus autem tangebatur nec annulum, nec lignum, erant tamen super tabulam posita; facta autem tacite conjuratione, aperte verò petitione, annulus ex se ipso cyathum ex utraque parte percussit, & res effectus non fuit vacua; alii autem neglecta conjuratione recitant versiculum quendam Psalm. 50. Est etiam Aëromantia ex aëre: Geomantia, non illa ex punctis, sed ex impressionibus terreis, ut voragine, tremore, tumore. Capnomantia ex fumo. Ceromantia ex cera, ex qua Plumbomantia, quæ exercetur à Mulieribus in Vigilia Festivitatibus S. Jo. Baptistæ ad divinationem Mariti, sicuti dum plantant triticum per quosdam dies pro eodem effectus, & sic oritur Triticomantia. Coscinomantia fit per cribrum ad Furta reperienda, vel cadavera submersorum, sicuti observatur in Tarvisi Civitate in Flumine Silis; positis enim candelis cereis super Cribrum accensis, ubi illud quiescit, ibi reperitur cadaver, res est in usu apud hos populos; sunt & aliæ artes innumeræ, quas brevitatibus gratia relinquere decrevi, sunt enim superstitionibus plenæ, & majori ex parte nugatoriæ, in quibus parum est utilitatis: quidquid sit, exeunt à fonte Necromantico, & fiunt ope Dæmonum, nec casu fieri possunt, nisi ab ipsis fiant, ut alios decipiant, multa quidem facere possunt, nam etsi è Cælo ejecti gratiam sui Creatoris amiserint, dotes tamen excellentis suæ naturæ, cum quibus creati sunt, conservant, ipsis tamen abutuntur, nec aliquid facere possunt nisi Deo permittente, res est clara in historia Job & alibi.

Noto tamen, quod non semper vocati dæmones apparent, sed tunc solum, quando præcessit fœdus à Necromante factum; non enim alligantur annulis, phialis vitreis, avibus, brutis, quia spiritus sunt, unde corpore carent; sed per illud fœdus,

vel iussu spiritus superioris, qui est Princeps inferioris, adfunt semper, vel vocati signo Characteristico, ab ipso spiritu dato, accedunt. Miracula eorum, vel alia ostenta, quæ ab ipsis fiunt, falsa similitudine ostenduntur, nam aut sunt phantasmata, aut quadam industria naturali facta, sciunt enim per momenta applicare activa passivis, unde res miræ nascuntur sic ego novi virum doctissimum, qui multa mira naturaliter faciebat, murmurabat tamen aliquando quædam carmina ridicula, ut homines crederent esse Magum, ille autem erat vir optimæ conscientiæ. Scio amplius, quod nullus ex hac arte dives evasit, sed omnes pauperes & egeni; & quod peius est, violenta, repentinaque morte à dæmonibus jugulati, vel submersi perire: hinc non sine causa scriptum est Levitic. 10. Vir sive mulier, in quibus Pythonicus, vel Divinationis fuerit spiritus, morte moriantur, lapidibus obruent eos, & sanguis eorum sit super illos: Et paulò post: Anima, quæ declinaverit ad Magos & Atrioles, interficienda est de medio populi sui. Sed de his satis, & ad Fatum nostrum redeuntes, finem cum Lucano ex lib. 2. Monadi nostræ imponamus:

*Sive parens rerum, cum primum informia regna,
materiamque rudem, flamma cedente, recepit,
fixit in æternum causas, quæ cuncta coercet;
se quoque lege tenens, & sæcula iussa ferentem
Fatorum immoto divisi limite mundum.
sive nihil impositum est, sed fors incerta vagatur:
fertque, refertque vices, & habent mortalia casum.*

D I A S.

FILIUS

I O D

SAPIENTIA.

INTELLECTUS

METATROM.

S E R A P H I N.

PRIMUM MOBILE.

S P H Æ R A N O N A.

F A T U M.

FATUM est immobilis quædam, in anima Mundi, rerum mobilium dispositio: ejus instrumentum est cælestis natura, sed materia, in quam agit per instrumentum, est moles elementorum, tam verò à materia, quam ab instrumento tria nomina sortitur: primum Lachesis, & hanc dicunt Firmamentum, in cujus astris sublunarium tum sortes, tum vires continentur: secundum est Clotho, & hanc dicunt Planetarum in evolvendis inferiorum fortibus cætum firmamento subministrantem: tertium est Atropos, & per hoc nomen intelligunt altissimum in ordine Erraticorum Planetam Saturnum, qui sua stabilitate, motusque tarditate sortes in effectus evolvas inevitabiliter confirmat, unde Piërius de Sacris Ægyptiorum Hieroglyphicis lib. 48. tenet, Fatum tum Poëtarum sententiâ, tum Platonis lib. 12. de Repub. non per aliud significari, quam per stamina, fufum, colum, fila in manibus Parcarum, unde vulgatum est carmè:

Clotho tenet flamen, Lachesis trahit, Atropos occat.

hinc Plato juxta Marfilii Ficini commentum in Fati materia tres enumerat Parcas; quia vis fatalis per Cælum in Elementis infusa, non tantum agit in materiam & formam, sed etiam in compositum, imò in essentiam, virtutem, actionem, principium, medium & finem; hinc à Platone loco supra citato traditum est, Parcas tum corporum, tum animorum, tum legum posse servare prosperitatem.

*Cum interea infirmo quatiens corpora motu
veridicos Parca cæperunt edere cantus,
his corpus tremulum, complectens undique vestis,
candida purpurea Tyrios excinxerat ora.
At roseo nivea residebant vertice vitta,
æternumque manus carpebant rite laborem.
leva colum molli sana retinebat amictum,
dextera tum leviter deducens fila supinis
formabat digitis: tum prono in pollice torquens
libratum tereti versabat turbine fufum;*

atque

*atque ita decerpens aquabat semper opus dens,
 la vague aridulis hærabant morsu labellis,
 quæ prius in leni fuerant extantia filo.
 ante pedes autem candentis mollia lana
 velleræ virgati custodiabant calathifci.
 Hæc tum clarifonâ pellentes velleræ voce,
 talia divino fuderunt carmine Fata,
 carmine perfidie, quod post nulla arguet ætas.*

Quidquid sit, Fatum est quædam series, & ordo causarum ita inter se connexarum, ut à prima ad ultimam procedens sit necessarius connexus. Hierocles verò in lib. septimo de Providentia & Fato tenet, Justitiam, quæ Dei Providentiam comitatur, vocari Fatum; paternum enim primi Architecti imperium Providentia est, quæ unicuique generi convenientia distribuit; Justitiam verò illam subsequenter vocat Fatum; sic Hermes Trimegistus appellat Fatum Providentiæ Ministrum. Photius verò Constantinopolitanus, qui Hieroclem est commentatus, in libro de Providentia & ordine, credit, quod illud, quod nos huc ducit, & hinc rursus abducit, Fatum sit, Nexus videlicet tum judicii Divini, tum concursus voluntatis humanæ.

Triplex est sortitum est differentiam, in Physicum, Stoicum, & Chaldaicum. Physicum est quædam series causarum Universalis, quatenus ab Opifice primo ordinem inestimabiliter servant, hinc Plato in Tymeæ vocat Leges Fatales: Boethius verò de Consolat. philos. prop. 4. tenet, Fatum esse ordinem causarum secundarium Divinam providentiam exsequentium: hinc deducitur, quod singulis rebus Universi sit à primo Motore præscriptus ordo certus agendi, sine cuius directione nil subsequi potest: causæ enim physice tripliciter in suum tendunt finem: primò per inclinationem naturalem, & ex necessitate naturæ operantur, ut sunt inanimata & vegetabilia: secundò per naturæ instinctum sponte agentem sine libera electione, ut sunt bruta: tertio per finis intentionem cogniti, ut finis est, & per propriam

præiam finis intentionem operantur, & ſeligunt media ad illum obtinendum, & ſecundum liberam voluntatis electionem, & ita hoc ordine ſunt homines.

Secunda differentia Fati eſt ſecundum Philoſophos Stoicos, & hi alligant Deum connexioni cauſarum ſecundarum; unde Zoroaſter appellavit Deorum voluntatem neceſſitatem; & Orpheus dixit, quod rebus omnibus fortis & invincibilis neceſſitas dominatur. Hinc Alexander Aphrodiſæus in principio libri de Fato ſecundum opinionem Stoicorum inquit: Fatum eſt impermutabilis & inevitabilis cauſa, per quam ſiunt ea, quæ ſiunt. Quidquid ſit de horum philoſophorum temeritate circa Fati definitionem, à Chriſtiano homine deteſtanda ſunt, cum Deus ſummus rerum Opifex ſit agens liberum, & cauſæ ſecundæ ſint ipſi ſubordinatæ, qui omnia Providentia regit, quod negare non tantum eſſet hominis Athei, ſed etiam infani, ſcriptum enim eſt à Pſalmiſta: Quam ampla ſunt opera tua, ô Domine, quam ea omnia ſapienter feciſti, quam plena eſt terra poſſeſſione tua; unde Dei Providentia bona & mala reguntur: bona virtutis Divinæ præcurſu, concuſſu & ſuccuſſu; mala permittendo, determinando, dirigendo; hinc vocatur cauſa peccati, & fieri mala aliquando permittit, ut ſua miſericordia uti poſſit: ſi enim homines ſine crimine viverent, Deus ſine miſericordia eſſet, cujuſnam miſereretur? Innocenti? Juſto? Sancto? ſcriptum eſt enim, quod Juſtus ſepties in die cadit. Unde Hieronymus Sanctus hoc dilemma proponit: ſi Juſtus, quomodo cadit? ſi cadit, quomodo Juſtus? ſed Juſti vocabulum non amittit, qui per pœnitentiam ſemper reſurgit; concludo ergo Deum ſummum rerum Auctorem omnia prudenter & ſapienter regere, nec cauſis alligari ſecundis, unde Nehem. 9. verſ. 6. Tu ille, Domine, ſolus es, tu feciſti Cœlos, Cœlos Cœlorum, & omnem exercitum illorum, terram, & quidquid eſt in eis, & tu vivificas hæc omnia, & exercitus Cœlorum tibi ſe incurvant honorem exhibentes.

Tertium

Tertium Fatum est secundum Chaldaeos, & hi introducunt Deum Astris subijci, quod ut impium ab Augustino in principio lib. 5. de Civitat. Dei refellitur, & ab ipso Plotino ad calcem capit. 2. de Fato, hi enim Divinam voluntatem, Deumque à Syderibus & corporibus cœlestibus alienarunt: & hæc est triplex Fati differentia. Aliqui tamen Fatum non esse affirmarunt, & hi secuti sunt Anaxagoram Clazomenium asserentes, Fatum esse quandam vocem puram & vanam; alii introduxerunt per Fatum inevitabilem cunctarum rerum eventum, casum & fortunam tollentes, & hi sunt Stoici supradicti, quos defendit Petrus Pomponatius; alii dixerunt, esse vim cœlestem, qua eveniunt quæcunque eveniunt, & hi sunt Mathematici.

Posita hac triplici Fati divisione, restat nunc discutiendum, quid propriè sit Fatum, an sit unum, vel multiplex, & de quo in hoc opere intendimus.

Dico Ego, Fatum suo modo sumptum nihil aliud esse, quam quandam radium ex immenso Providentiæ lumine emanantem, qui quidem radius lucet in omnibus tam rationalibus, quam irrationalibus, tam sensitivis, quam inanimatis, & hoc est Fatum commune & universale rebus cunctis.

Fatum autem particulare juxta S. Thomam Metaphys. 6. est quædam dispositio inhærescens rebus inferioribus ex actione corporis cœlestis. Hinc Hermes Trimegistus in Poëmandro sic inquit: Mens verò Deus Mascœmina existens, vita & lux cum sit, parturit verbo aliam Mentem Opificem, quæ Deus, Ignis & Spiritus existens, effecit Rectores quosdam, Septem in circulis continentes sensibilem mundum, & regimen illorum Fatum vocatur: & in lib. de Mente communia dicitur: omnes verò homines Fato subijciuntur, generationi, & mutationi: Principium enim & finis hæc sunt

E

Fati

Fati, & omnes homines patiuntur quidem fatalia, sed selecti quidam, quibus diximus Mentem esse lucem, non eodem modo cum aliis patiuntur, sed malo liberi, cum mali non sint, malum non patiuntur. Et in lib. de Providentia & Fato. Omnia sunt Natura & Fato, neque enim Fatum fugere quis potest, neque se custodire ab ipsius vi magna, arma namque Fati sunt Stellar, secundum ipsum namque cuncta efficiuntur nature & hominibus; & paulo post: Fatum ducit, & circumducit omnia constringens, natura enim ejus est cogere, & est causa dispositionis Astrorum.

Ex his ergo deducitur Fati definitio, de quo loqui intendimus, & est: Fatum est quardam vis ab astris proveniens humanis corporibus per influxum, lumine & motu communicata & impressa, partim evitabilis, partim inevitabilis: dico, Vis, quia homines ex ipso Syderum influxu experiuntur vehementem irritationem & propensionem ad rem aliquam, quam modo sequantur, modo non; stelle enim producant in corpore quasdam temperies, seu qualitates, ex quibus nascuntur passionnes, per quas anima indirectè inclinatur ad bonas vel malas operationes: dico, partim evitabilis, partim inevitabilis, quia cum voluntas humana libera sit, quamvis sensu moto à stellis ad consentiendum appetitui alliciat, potest tamen non assentiri, sed quia passionibus sensitivis sæpè trahitur, solet appetitui obedire; reliquit quidem Summus Opifex hominem in manu consilii sui, & ut inquit Ecclesiastes c. 17. creavit illis scientiam Spiritus, sensu implevit cor illorum, & mala & bona ostendit illis.

Albertus cognomento Magnus lib. 2. cap. 3. de rebus metallicis duplex in homine assignat Operum principium; alterum est Natura, alterum Voluntas; Natura quidem regitur Syderibus, Voluntas libera est, sed nisi renitatur, trahitur à natura & induratur; & cum Natura moveatur motibus Syderum, incipit voluntas tunc ad motus Syderum & figu-

figuras inclinari ; hoc probat Plato ex operibus puerorum, qui libertate voluntatis non adhuc renituntur naturæ & syderum inclinationi ; illi enim ex syderum virtute præostendunt in se habilitates ad unam vel aliam artem , in qua si exercentur , perfecti efficientur , & si reluctentur , & alias exerceant , nunquam propter naturæ ad illam artem ineptiam , perfectionem consequuntur. Ex his patet voluntatem à natura trahi aliquando , & vim Fati fieri inevitabilem ; aliquando verò Voluntas tanquam Regina appetitui dominatur , & spernit irritationem & inclinationem naturæ , & coadjuvante intellectu , in quo Sydera imperium non habent , vis Fati evadit evitabilis ; etenim non ignoramus, quod neq; Angeli, neq; demones possunt liberum nostrum arbitrium vel impedire, vel minuere ; possunt tamen boni demones actiones nostras bonas coadjuvare divinis expirationibus, aliisque auxiliis : mali verò possunt nos seducere , & incitare ad omnia mala, sed nunquam cogere : nam si hoc esset, ut demones possent liberum hominis arbitrium impedire, vel auferre, nulla esset apud Altissimum in hoc casu criminum puni- tio : hinc patet vim Fati esse evitabilem, & in hoc casu sydera posse inclinare , non autem urgere & cogere intelligendo, quo ad hominis appetitum tum bonos, tum malos, qui possunt vel impleri, vel coerceri, vel impediri, & hi sunt, Ira, Concupiscentia, Odium, Mala Voluntas, Invidia, & similia.

Sed restat nunc discutendum, an Vis Fati exclusis corporis passionibus sit inevitabilis , cum videamus aliquos armis extinctos, alios capite multatos, alios suspensos, alios carceribus inclusos &c.

Ad hoc respondemus, quod juxta Ecclesiastem per ea, per quæ quis peccat, per ea torquetur, præcessit enim in his mala voluntas, unde in his & similibus, voluntas tracta est à natura, unde Fatum inevitabile evasit , non ex ipsa vi Fati , sed ex pro-

præcipuorum passionibus, nam si bona fecissent, talia absurda non secuta essent.

Sed dices, in illi in talia inciderunt sine culpa, ergo non sequitur Fatum evitabile esse.

Ad hoc Argumentum, quod multam in se continet difficultatem, duplicem dabimus responsionem: prima est desumpta ex Theologia, nam Justus Deus mala fieri aliquando permittit, ut appareat Divinæ potestatis excellentia, & Justitia Creatoris in eos declararetur, qui peccaverunt, & poenitentiam non egerunt; hinc in libro Tobie scriptum est: Justus es Domine, & omnia judicia tua vera sunt: & Christus Salvator noster reliquit memoriæ mandandum: Estote parati, quia nescitis neque diem, neque horam; unde qui in talia incurrunt, inserviunt pro aliorum exemplo; sed quia Justus aliquando hæc sine culpa patiuntur, hinc sequitur vim Fati inevitabilem esse. Respondemus ad hoc, scriptum esse de viro justo: raptus est, ne malitia mutaret intellectum ejus, & ne fictio deciperet animam ejus, unde quando Deus Justos sic mori permittit, facit ad hoc, ut eis amputetur licentia peccandi, qua forte uterentur, si essent in vita permissi.

Secundæ responsio est Astrologorum dicentium, in Genituris occisorum, suspensorum, capite mulcatorum adesse fortes constellationes talia indicantes, quæ cum superent humanam potentiam, necesse est homines sub his influxibus natos tali Fato subjici: ponunt, ly, necesse, quia cum rarissimi sint sapientes, qui eas prævidendo effugere possint, causas nempe tollendo, vel à quibusdam rebus se retrahendo, in his sequitur Fatum producere vim evitabilem, in aliis autem non.

Omnes ergo inevitabiliter Fato subjicimur, cum Fato orimur, vivimus, moderamur; fatales nobis sunt divitiæ, nobilitas,

bilitas , egestas , calamitates , adversitates ; nescio autem , an nobis innata causa peccandi fatalis & inevitabilis sit. Quidquid sit , quæ proponit Hermes in fine libri sui de pietate & philosophia , audiat , qui habet aures audiendi , & benè percipiat qui habet intellectum , & qui potest capere , capiat. Omne animal propensius est hominibus in malitia , & huic conviva fit , & ideo gaudet illa : at hoc animal si didicerit , quod generabilis sit Mundus , & quod omnia per Providentiam & Necessitatem fiunt , imperante cunctis *Fato* , non multò deterius se ipso erit spernens universum , ut genitum , causas autem mali si in Fatum referret , nunquam abstinebit ab omni opere malo , ideo cavendum ab ipsis , ut ignoratione perseverantes minus sint mali præ timore occulti : quidquid sit ,

*Fata regunt Orbem , certa stant omnia lege ,
longaque per certos signantur tempora cursus ;
Nascentes morimur , finisque ab origine pendet.*



—

TRIAS.
SPIRITUS SANCTUS.

TETRAGRAMATON ELOHIM. INTELLIGENTIA.

R A T I O.

METATRON.

C H E R U B I M.

FIRMAMENTUM.

S P H Æ R A O C T A V A.

FATUM MICROCOSMICUM INTERNUM.

FATALIS est hominis tum formatio, tum ortus; nam vix ex utero Matris egressus astrorum fatales influxus non tantum attrahit, sed adeo fortiter imprimuntur in ipso, ut, nisi fiat compositi dissolutio, non cesset Fatum agere in ipsum. Varii quidem sunt astrorum influxus, prout est dissimilis tum hora natalitia, tum diversa Planetarum loca, qui modò se beneficè, modò maleficè respiciunt, modò sunt in suis domiciliis, exaltationibus, facie, terminis, directi, veloces, modò stationarii, tardi, retrogradi, peregrini, in suis casibus & detrimentis. Varium clima, diversus Horoscopi gradus, varia Poli elevatio, homines magis vel minus iratos, concupiscibiles, mites, dolosos, vafros, simulatores, mansuetos, beneficos, homicidas, fures producere solent: Signa tamen aliqua Fati ex ipsa nativitatìs horà non tantum inveniuntur, sed experiuntur, verificantur & comprobantur: hoc autem ex statu Planetarum in Themate, nam vel beneficus, vel lætus conspicitur Nati apparatus, ut sit ad altiora sublevandus; vel lugubris, ut sit occidendus, capite mulcendus, carceribus intrudendus, suspendendus, submergendus &c. hoc est in homine invisibile Fatum; visibile tamen solum Sapientibus, sed non omnibus, sed quibus data est desuper intelligendi facultas: hoc ostendere mihi visum fuit, verissimisque, lugubribusque viginti comprobare exemplis, scd


Quo Fata trahunt, retrahuntque sequamur.

Genitura

SPHÆRA OCTAVA.
GENITURA I.

41

Joannes Maria Viscontius, Dux Mediolani Secundus.




Hic impius anno ætatis duodecimo Regnum hæreditarium & firmum accepit, est enim Regulus cum Saturno. Mars Solem in Culmine de platico opposito feriens, & Luna in Horoscopo cum Corde Scorpii stella violenta, & cum cauda Dragonis, violentam mortem decreverunt; anno ergo ætatis 24. pervenit Luna, & Ascendens directione ad quadratum Solis, & in Revolutione erat Mercurius cum cauda, & Luna partiliter juncta Saturno in Tauro cum Pleiadibus, & Mars erat in suo casu in duodecima hostium ocellorum, Ascendens autem quintus Leonis gradus, & est Signum Nonæ radices, quod ad Sacta & Religionem attinet; cum ergo multis crudelitatis usus esset, ut pueros etiam canibus edendos exponeret, à quibusdam Patritiis Mediolanensibus duplici vulnere occisus est in Templo S. Gottardi anno 1412. die 16. Maij.

F

GENI-

DECADIS DE FATO GENITURA II.

Galeaz Martia Sfortia Viscontius, Dux Mediolani Quintus.



Luna cum Cordē Scorpii & Caudā Draconis in Jovis opposito, & platico quadrato Martis afflicta violentam mortem decernit, & cum sit domina Nonæ, Religio- nis contemptorem & deceptorem demonstrat; alter quidem Nero, sed populari Jus- titia longè melior, Princeps tamen Sapiens, qui Musicā & Picturā delectatur, crudelis verò & impius: nam cum Sacerdos quidam ipsi vaticinaretur vix ad an- num undecimum Regni esse periturum, fame necatus fuit; alios vivos sepele- bar, & his similia. Anno ergo ætatis 32. perfectio, cum Ascendens ad Martis qua- dratum, & Jovis opositum pervenisset, à tribus civibus conjuratis, die S. Stephani, in Templo huic Divo dicato, tredecim vulneribus confossus est. Anno 1477. Regni verò decimo cum mensibus novem, & diebus 19. Vaticinio Sacerdotis ve- rificato.

GENE

PHÆRA OCTAVA.
GENITURA III.

Hieronymus Saxonarola.




En in cassum hostem, quo infensiore non habuit Astrologia: multa scripsit volumina lectu digna. Saturnus enim cum Venere in Septima cum Spica Virginis reperitur: talis enim constitutio facit Theologos, verum habitos hæreticos: erat Mercurius in corde Solis, unde studium & eruditionem, sed quia in septima, & prope Saturnum, dignitates denegarunt: luminaria in signis violentis, Sol cum Saturno in Septima, Mars cum Luna in Cæli medio Ascendentis, & octavæ dominus mortem publicam & violentam decreverunt. Igne perituum prædixerat insignis illorum dierum Astronomus, præfagique vanitatem viribus omnibus verborum demonstrare miser conabatur, sed incaassum, exitus enim comprobavit: nam iussu Alexandri VI. Florentiæ ob Religionem anno 498. die 27. Maii primùm laqueo suffocatus est, & postea combustus, sic lucem attulit scientiæ, quam tantundem contenderat sub umbra vanitatis involvere.

SPHÆRA OCTAVA. GENITURA V.

Ioannes Picus Mirandula Comes.

45




Hic est Astrologomastix. Vir quidem generis nobilitate, splendore, doctrinaque insignis: hoc autem demonstrant quatuor Planetæ in suis dignitatibus, & defluxus Lunæ a Sole ad Mercurium; cum autem Genituræ Dominus sit Saturnus in propria domo cum Mercurio, acceperit ingenium profundissimamque memoriam, & in studiis perseverantiam, sed quia Luna in Saturni & Mercurii quadrato, & in octava turbidum & instabilem procreavit, infaniam redolentem. Scripsit ergo libros XII. contra Astrologos (quiatres vaticinabantur mortem anno ætatis 33.) quos Mercurius cum Fomahand Immortalitati consecravit: brevis ergo vitæ hominem demonstrant Luminaria in locis cadentibus, & in signis fœmininis, quamvis Luna sit in sua exaltatione, est tamē partiliter cum violenta stella Caput Algol in platico Martis opposito, & quadrato partili Saturni, platico Mercurii malefici facti ex conjunctione Saturni, amplius Antifiscium Lunæ pulsar quadratum Martis, & Antifiscium Martis est cum Saturno in quarta (& non est, ut dicit Cardanus, quod nisi Luna foveretur sextili Solis, mortuus esset in infantia, hic enim radius exilis est, & parvi robotis) cum autem Mars sit Septimæ Dominus, pervenit directione Horoscopus ad ejus conjunctionem, anno ætatis 33. ferè completo, unde mortuus est, & sic Uno experimento XII. libris exillimarunt Astrologi responsum satis.

F 3

GENI-

DECADIS DE FATO GENITURA VI.

*Hieronymus Cocles Bononiensis, Medicina, distillator, Chyrurgus, Physionomistæ,
Chyromanticus & Geomanticus eximius.*



Hic litterarum ignarus, mularum artium divinatoriarum scientia imbutus (res quidem admiranda) librum de Physiognomia & Chyromantia latinâ linguâ descripsit, diem & genus mortis prævidens armavit se, cum nesciret quem haberet inimicum, & eadem die sibi prævisa, clavâ istus occidit, à Bentivolis Urbis Dominis, quia prædixit brevem dominatûs durationem, ut postea evenit: moriens reliquit 46. virorum tabelam, qui violentè erant perituri, nec ullus (præter duos, qui tempore Cardani vivebant) ab hoc genere mortis vindictus est.


Mercurius ergo cum capite Draconis in fertili Martis Domini Genituræ in sua exaltatione existentis magnam præstat ingenii subtilitatem, & cum sit in sextili Lunæ in Tauro, dat propensionem & acut ingenium ad divinationem; an verò fuerit naturalis, dubito, quia Mercurius est in Piscibus, ubi Magos denotat: mortuus est ergo violentè, quando Luna pervenit ad Mercurii quadratum, & ascendens a corpore Martis, imo Luna in Septima cum capite Medusæ violentam mortem designavit anno 304. ætatis ejus 37.

GENL

SPHÆRA OCTAVA.
GENITURA VII.

47

Franciscus Castelli de Rio Dominus, Cardinalis Papiæ.



Hic erat Legatus in Civitate Felsinea, unde Bentivoli exules ab inimicis acceffiti, per portam S. Felicis ingreffi sunt: hoc audito Cardinalis cum paucis militibus aufugit tota nocte, fuper equum velociffimum. Ravennam perveniens, femini ortuus ex itinere à Dece Urbini Francifco Maria de repente 16. vulneribus convoffus eft anno ætatis 43. cum menfibus ferè octo, ex directione Afcendens ad oppobium Martis in oitava exiftentis: demonftrant hoc etiam Stellæ infignes in Figura: Caput Algol & Pallilivum in culmine, cor Leonis in Horofcopo. Sol Dominus Afcendens in quadriato partili ejus dem in quarta in Scorpiono, cum Stellis Lancis Auftralis de natura maleficorum, & Luna in quinta cum Capfide Sagittarii de natura Martis & Luna; hæc enim Stellæ honores infignes demonftrant cum exitu infelici, maxime quando à beneficiis non adjuvantur, ut in præfenti genitura.

GENI

DECADIS DE FATO GENITURA VIII.

*Andreas Rutellius Caesaris Maximiliani Primi Consiliarius, & Quaestor
Ætarius Superioris & Inferioris Provinciae Hohenbergicae.*




Exemplum non præcedenti dissimile. Tot Planetæ in signo Mercuriali ad Medium Cœli Trium habentes, demonstrant tum ingenium, doctrinam & honores: anno enim ætatis 19. Eriburgi, Brisgoia: pium Lauream adeptus est; anno 29. Sturgardæ in Senatorum ordinem receptus, & 30. Consul factus est; semper autem in Fortunæ augmento ex morte quorundam Baronum Greifensteinensium adeptus est Quaestoratum Hohenbergicæ ditionis, unde incurrit in odium quorundam Comitum & Nobilium, qui his mandatis subiecti erant: hinc cum Rotenburgum equitaret, in itinere à quodam Comite irato & loricato infidiosè opprimitur, & balista venenato telo ad illia quatuor digitis supra Umbilicum ad sinistram traiecitur, aufugiens impius ipse propriis manibus telum ex tahens Casari latrocinium per litteras certificans die sequenti moritur 28. Martii Anno 1517. ætatis 42. mense 7. ex directione medi Cœli ad quadratum Mercurii Dispositoris domini Ascendentis. Stellæ autem Insigniores se habent ut in præcedenti genitura; observatur tamen Saturnus cum Hercule violentum exitum telo tribuere, sic Luna cum Stellis Cuspis Sagittarii, Mars verò Dominus Nonæ in retina, & cauda Draconis in Nonæ, in itinere violentia grassatorum, quia verò in Libra actionem in inferiorem ventrem designat.

GENI.

SPHÆRA OCTAVA.
GENITURA IX.

49

Camillus Trivultius




Et hic violenta morte extinctus est: cauda Draconis in Ascendente Dominus ejus cum Luna & Sole prope caput Medusæ, Mars autem in septima de opposito affligens Horoscopus, de quadrato verò partilissimo Venerem, Saturnus in quarta in quadrato Ascendentis brevem vitam, violentam mortem designant. Anno ergo ætatis 36. Sol directione pervenit ad quadratum Martis, & in revolutione Mars redit ad Septimam, Saturnus verò erat in Ascendente; bellici instrumenti ictu crure toto ablato expiravit.

G

GENI-

DECADIS DE FATO GENITURA X.

Nicodemus Frischlinus Comes Palatinus Caesareus.




Vir quidem Celeberrimus, cuius multa extant volumina. Mercurius in Signo aëreo, nec non Sol & Mars præstantia tribuunt ingenia, quos adjuvat receptio Veneris ex domicilio cum Mercurio. Violentam verò mortem decernent luminaria tum in signis violentis, tum Maleficorum conjunctione, & quadrato, Sol conjunctione Martis, & quadrato Saturni & Lunæ affligitur, Luna verò conjunctione Saturni, & quadrato Martis & Solis. Sol & Mars in signo aëreo, Luna & Saturnus in terreo, & cauda Draconis in nona cum capite Medusæ, Saturnus autem in quinta: cum autem Sol sit dominus duodecima: in suo casu inimicos nobiles & potentes, nec non Carceres designavit: captus ergo est Mo. untix anno 1500. mense Aprilis, & inde in Wirtembergiam adductus, Novembris die 29. ejusdem anni, nocte ante diem S. Andree proxima ex captivitate Hohenauracensi effugere tentans, à perfido fure, quem ex pannis confecerat, desertus, de cælo muro in aliam arque aliam petram subjectam præcipitatus, partibus corporis miserabiliter contractis interijt, anno ætatis suæ 43. mense secundo.

GENI-

DECADIS DE FATO

GENITURA XII.

Henricus Tertius Galliarum Rex.



Felix constitutio, infelix succellus. Sol dominus Horoscopi in suo catu cum Mercurio in sextilis Ascendentis, qui habetur pro quadrato, cum sit in signis longarum Ascensionum. Mars respicit de quadrato Jovē in sua exaltatione, ille vero in suo detrimento. Luna in sua exaltatione cum Capite Medusæ in Venens opposito & detrimento. Siellæ insignes in angulis, divitias, honores, Regnorum acquisitionē demonstrant, infortunia vero quamplurima cum ex Saturno in Septima, tum ex quadrato Martis & Jovis, tum ex opposito Lunæ & Veneris apparent, ita ut profugus ex Polonia, Regno exutus sit, odium etiam Parlamentorum & Cardinalium expertus est. Tragicus ergo finis apparet ex quadrato Saturni ad Lunam & Venerem, nec non ex ipsis Siellis insignibus in angulis. Mars autem in Libra dat vulnera in inferiorem ventrem, & cauda Draconis in octava cum Martis Antiscio partili ex rebus venenatis; aufpicatur ergo ex dominis octava, Saturnus pro Cuspide, Jupiter pro signo subsequente, cum autem sit in XII, dat mortem ex inimicis oculis, cujus verò gentis ex utroque apparent, Ecclesiastici, Monachi: anno ergo 1589 die 22. Julii stylo veteri in Arce S. Clodovæi ab æfreni Monacho Jacobo Clementi stylo oblongo & venenato in ventre inferiore vulneratus obiit die sequenti, ætatis anno 37. mense feri decimo.


In Revolutione Mars dominus octava erat in duodecima in Leone cum Regulo, ecce periculum mortis ex inimicis oculis; cauda erat in septima, & in octava oppositio Solis & Veneris, & quadratus Lunæ ex Capricorno: tunc temporis Luna dirigebatur ad Trinur Martis neglecta latitudine. Die quo fuit vulneratus, Sol transibat gradum Ascendentis, Luna verò oppositum Martis radigis, & in Revolutione octavam domū mortis.

GENL

SPHÆRA OCTAVA. GENITURA XIII,

Henricus Quartus Galliarum Rex.

73




Hoc est in Parcmia non sine causa dictum. Astra nolentem trahunt, volentem ducunt. Rex ille à Mathematicis admonitus, ut sibi caveret in Anno 1610. Maij die 10. P. M. quia maximum imminerebat periculum, ut alter Cæsar propriam eladem evitare contemnens, in proprio curu ab impiissimo Sicario vulnere occisus est.

Mars Genituræ Dominus cum cauda sub radiis Solis cum Mercurio in propria exaltatione cum quadrato Lunæ Ascendenti oppositæ violentiam annuntiat; & Jupiter in XII. in ipsorum quadrato, inimicitias Ecclesiasticorum, Dominorum Parlamenti, Nobiliumque, excommunicatus enim fuit à Sixto. V. anno 1585. Mense Septembris. Venus in secunda plurimas paravit divitias, & amplissimum Regnum, non tamen sine violentia & labore propter Martem secundæ dominum; & quia Luna in Arlete est, vulnera in faciem notat; anno enim 1594. die 17. Decembris à Joanne Castello in parte superiore labiorum & dentium vulneratus est, animo penitus occidendi ex instinctu Monachorum, hominumque Saturninorum: cum ergo Luminaria sint in signis violentis afflicta, & Pleiades in Octava, nec non Caput Algol, Venus verò octavæ domina in suo detrimento & domo Martis, violentum exitum decernunt: & quia Sol, Mercurius, Mars & Cauda Draconis sunt in tertia itinere brevium, Moys fuit in via; tunc autem dirigebatur Ascendens ad quadratum Saturni, Luna verò ad violentam Stellam Palliditium devolvebatur.

GENI.

DECADIS DE FATO GENITURA XIV.

Sebastiannus Rex Portugallie.



Dum Rex egregius Muleium Mahamethum, Regnis Fessano & Marocino à Patruo Abdamelecho expulsum, conatur restituere, in conflictu in Aphrica vulneribus duobus in capite, totidem in facie, multisque aliis acceptis, cadens ex equo moritur.

Mars dominus Ascendentis in tertia cum Mercurio à Sole combustus in signo humano violento in Lunæ opposito, violentam mortem decernit; amplius Cor Scorpii in Ascendente, Aldebaran in Septima, ubi Pleiades & Domina Septimæ cum Cauda, Luna cum Corde Leonis, & in Ascendente & Septima cadunt quadrati Martis, Solis, Mercurii & Lunæ: debilis ergo figura, ex qua vitæ brevitatis, violentusque exitus demonstratur. Venus cum cauda in secunda cum sextili Saturni, divitias, non sine detrimentis: moritur ergo die 4. Augusti anni 1578. quo tempore Ascendens dirigebatur ad quadratum Saturni; ætatis anno 24. cum dimidio circiter.

Apparuit Cometes circa Regis Horoscopum, qui in 14. gradu Piscium evanuit loco Saturni, & demonstravit finem Regis & Regni.


GENI-

SPHÆRA OCTAVA.

55

GENITURA XV.

*Hermannus Christophorus Ruosnuorb S. Cesar. Majest. Consilarius Bellicus
& Copiarum Præfatus, Boiorn Ducis Militum DuRer & Cubicularius,*




Omnes Planetæ excepto Saturno sunt in Signis humanis & Mercurialibus, unde singularis industria, summa humanitas & eloquentia, præsertim in arte militari hinc plurimos honores esse consecutus, nec non divitias ex parte fortunæ in Horoscopo, Jupiter enim est, tum Medii Cæli, tum Horoscopi dominus, qui reperitur in Septima in suo detrimento, Mars autem de quadrato respicit omnes in septima, & cum sit in Geminis, sanguinis effusionem significat: hic enim propria manu confodit 24. homines, & salvus semper fuit, quamdiu Mater supervixerat, ita ut à nullo armorum genere offendi potuisset, quod Magicis artibus hoc factum esse demonstrant Cauda cum Marte in Geminis & Caput cum Sagittario, ex Jove, Venere, aliisque in septima singulari Victoria; demonstrant tamen hi Planetæ benefici inimicos potentes, & cum Luna sit in septima & in Virgine, graves afferre solet calamitates, & mortem violentam, & nopinatam Saturnus verò cum Corde Leonis capitales & morte finituros, Cauda verò cum Aldebaran de natura Martis cum Marte, qui est in partili quadrato Mercurii, Solis & Jovis in Signo humano, mortem ab hominibus vel causa hominis significat, cum autem Mercurius dominetur loco Martis, & sit cum Sole, dat illustre genus mortis. Mandato ergo Cæsaris & Magistratus Judicio, in Curia Veteris Pragæ, publicè & solemniter decollatus est, tempore quo Horoscopus perveniebat ad Caudam Draconis, anno 1605, die 19. Novembris stylo veteri.

GENI.

DECADIS DE: FATO GENITURA XVI

Jacobus Rustici Filius.




Mars cum Regulo, Sol cum Corde Scorpii Dominus Horoscopi: Caput Algol & Pleiades in Culmine, cum Oculo Tauri, Jupiter, Mars & Sol in signis igneis, & major pars Planetarum in signis feralibus, mortem ex igne, vel ignitis demonstrant: anno ergo 1592. die 6. Martii, ætatis anno octavo, mense secundo cum dimidio circiter, Horoscopus perveniens ad corpus Martis nectem intulit: Globo ergo tormentario trajectus est in venatione ab incauto venatore putante, ubi hic miser erat, prope dumetum latitare vulpem.

GENI-

SPHÆRA OCTAVA.
GENITURA XVII.

Veida Puella Illustris.




Violentè extincta est hæc puella. Dominus enim tam Cuspidis, quam signi subsequenter octavæ sunt in signis æreis, Saturnus autem in quadrato Lunæ; significant ergo mortem ex rebus, quæ ab ære procedunt, vel cadunt ab alto; cum autem Jupiter sit in opposito Mercurii, Mercurius autem Dominus tam loci Saturni, quam Lunæ, & in Ariete cum Marte in Cæli medio in igneo signo, ex rebus, quæ ex Cælo veniunt, mortem annunciat. Fulmine ergo tacta periit, tempore quo medium Cæli pervenerat ad corpus Martis, anno 1630, die 22. Maii, ætatis anno 13. cum mensibus circiter duobus.

H

GENI-

DECADIS DE FATO GENITURA XVIII.

Gustavus Adolphus Rex Suetiæ.



Alterius Martis in te tris Austriacorum hostis potuissimæ hæc est Genetis rectificata; nil ergo mirum, si tot Victoris prædictus fere in Immortalem transierit, quia Stella Nova anni 1572. fuit in ejus Horoscopo. Sol in regio signo, in Ascendente Cor Scorpii, in Culmine Spica Virginis altos parauit honores, nec non diuicias ex Fidicula in secunda, Mercurio, Venere. Jove & Parte fortunæ, cum sexti Solis, quadratus tamen Martis, sicuti oppositus Saturni, detrimenta aliquando attulit; cum autem Jupiter Dominus Ascendentis, cum quadrato Martis, tum Saturni opposito in signo violento, & Saturnus sit in octava cum Corde Leonis, in Ascendente verò & Septima sine Stella violentæ, non tantum breuem vitam, sed violentam mortem significauit; locus tamen Martis in duodecima cum Trino Leone pro inimicorum destructione Regni malum profuit: mortuus est in conflictu, anno 1632 die 16. Octobris, ætatis 27. mensis decimo, accepto prius vulnere in brachio, & alio, sub humero dextro.


Hæc tempore directiones læ exitum demonstrabant. Sol ad Saturni oppositum, & quadranti Martis, Luna erat directione inter Pleiadas, & Medium Cæli cum Marte, & quadratis Jovis & Saturni.

GENI-

SPHÆRA OCTAVA.
GENITURA XIX.

59

Henricus Dux Montmorantii.




Infelix Princeps, non tam lugubris Genesic, quàm exitus: verùm causæ fatales conspiciuntur manifestè & primo stellæ violentæ sunt in angulis primæ & septimæ, Mercurius cum Capite Medusæ & Saturnus cum Corde Leonis, & in octava Hercules. Secundò Luna domina octavæ in signo violento in quadrato Solis, & opposito Saturni cum stellis in Andromeda, ipseque Saturnus in octava in quadrato Solis & Mercurii in signis fixis; cum autem Solus maleficus sit supra terram, exen Planetæ sub terra, brevis vita ippet, & cum Luminaria in hoc casu non possint esse Aphetæ, Pars Fortunæ in nona in hac dignitate constituitur, quæ cum sit in opposito Martis. tempore mortis directione pervenit ad Antiscium Martis, quod pro corpore habetur, & medium Cæli ad quadratum Saturni, cui succedebant radii oppositi Mercurii: anno ergo ætatis 37. cum dimidio, die ultima Octobris anni 1632. capite multatus est, damnatus ex crimine læsæ Majestatis.

H 2

GENI-

DECADIS DE FATO GENITURA XX.

*Lazarus Mocenicus, Eques, S. Marci Procurator,
& Maritima Classis Veneta Imperator.*



Toram gloriam tribuunt Antecessores Nostri L. Tarnusio Firmiano, qui non tantum ex Romuli gestis atque fortuna, diem Conceptionis & Nativitatis adinvenit, sed ex urbis fortunæ successibus Romæ Natalitium diem construxit. Res quidem mira, si vera est: nil ergo posteris gloriandū est: cum anno 1657. die 29. Maii, lætus Nuncius de victoria potita contra sexdecim naves Turcarum, Venetias pervenisset: ego instanter rogare feci hujus Equitis consanguineos, an apud ipsos esset Natalitium tempus, æspensum autem fuit non habere, ego autem ex Libro Aureo, unde

unde Patricii Veneti describuntur, Annum & diem desumpsit, ex quo, meo Marte Figuram crexi, & mortem prædixi; quæ post paucos dies innotuit; ex hac enim Figura & Revolutionibus Anni 1656. & 1657. & directionibus ad Horoscopum Cordis Scorpii & Quadrati Martis, alicui Professori, si hæc scrupulosè examinare velit, omnia fient clara:

Hic erat staturâ non nimis altâ, facie oblongâ cum cicatricibus ex variolis, capillis multis subnigris crispis, potius macer, quam crassus, iracundus, variis periculis se immiscens, quæ omnia dat Ascendens, & ejus dominus; cum consanguineis lites & tribulationes habuit, Mars enim est cum Cauda in quarta, & Saturnus tertiæ dominus, est in decima in suo detrimento, unde dat odia inter fratres; alearum etiam ludo delectabatur, & in ipso erat majori ex parte infortunatus, sic & in bonis, quæ habuit, dissipavit, Saturnus enim in decima retardat bona ferè usque ad annos triginta (res aliàs observata, & in hac apparet) ex receptione verò Jovis & Mercurii apud Magnates gratiam est consecutus, & ab omnibus clarus habitus; Jupiter enim est in Cœli medio cum capite Draconis; periculis variis submersionis subjectus, & hoc ego semel vidi: hoc dat Ascendens signum aqueum, & dominus ejus cum Cauda in signo aqueo, Saturnus verò à Lucida Hydræ parum distans. Luna domina Nonæ in nona, sic Venus & Mercurius in ipsâ longa itinera demonstravit, & quia in signo aqueo; per aquas; cum autem signum Nonæ sit Tropicum, decernit ea ex necessitate & quæstu alimenterum, tanquam ergo à sorte derelictus Venetiis discessit, anno ætatis suæ 29. quo anno Professio medii Cœli erat ad tertiam itinerum, sub tutela Generosissimi Laurentii Marcelli, tunc Imperatoris, in Navi, tanquam suam sortem experturus, se consignavit; evenit autem, ut succedente maximo conflictu cum Mahumethanis apud Bosphorum Thracium anno 1656. die 26. Junii, bellicosissimus Mocenicus primus excitavit inimicum ad prælium, & victoria posita, in fine prælii, defuncto Marcello, ipse Mocenicus

oculum amisit dextrum ex pila plumbea, quæ ex globo tormentario eiecta, cassidem fortiter compressit, unde ex illo ictu oculus offensam & amissionem passus est; hoc ergo demonstratur ex Genitura, quia Mars est cum Stellis nebulosis in Lino Piscium, in quadrato platico Solis, qui oculo dextro præest, & est constitutus in via Lactea cum Nebulosa Orionis; amplius in Revolutione Sol erat in Ascendente cum Mercurio, Mars iterum cum Cauda in Cancro in opposito partilissimo Lunæ & quadrato Saturni, qui erat cum Crinibus Berenicis Stellis Nebulosis, unde mirus appareret cum Revolutione Radieis consensus; multas autem divitias acquisivit, quia Luna cum Parte Fortunæ & Capite Draconis erat in octava Mortuorum; Venetias ergo petens die primo Augusti anni 1656. lætum Nuntium de tanta Victoria afferens, fuit electus Eques Serenissimi Senatus, & quia erat defunctus Marcellus, paucos post dies ipse electus fuit; in hoc ergo tempore honorum pervenit directio Horoscopi ad regiam Cordis Scorpii, Sol, ut dixi, erat cū Mercurio in sua domo in Horoscopo laudes, honores & gloriam parans; discessit iterum Venetiis, & aliqua Turcarum Oppida debellavit, super Insulas Archipelagi manum dilatavit, & obedientes ad tributum reddidit: sub hoc autem Invictissimo Marte Respublica Veneta & Creticum Regnum, Turcarum annihilationem & pacem sperabant. Sorte tamen Venetiis infausta, accidit, ut mense Maii 1657. die 3. aliam consecutus Victoriā, hac sorte non contentus, propriæ vitæ contemptor, voluerit aliquas rapere triremes, quæ terræ erant propinquæ: tunc à Turcis bombardis accensis, aliquot pilæ ferreæ percusserunt triremem Mocenici, & in ipsa pulvere pyrio accenso, mediam absumpserunt, & cadens antenna Invictissimum bellatorem percussit, & sic casu & igne miserè extinctus est, die 19. Julii, horâ 23. circiter.

Genus Mortis dat Saturnus in sublimi Cæli loco in suo detrimeto, ex casu rerum ab alto. Mars cum Cauda Draconis in quarta violentam mortem, tum ipsum Ascendens signum violentum,

lentum, & Profectio Horoscopi erat ad octavam mortis locum Solis, & quadratum Martis: in Revolutione verò Annua sic erant maleficæ constituti Saturnus in Horoscopo, Mars in Occasu, Luna verò cum Capite Medusæ, & quod peius est, directio Ascendentis ad quadratum Martis.

Cum ergo 1657. die 29. Maii, pervenisset lætus Nuntius de Victoria habita, die primo Junii (nota sortem post sortem) eligitur Divi Marci Procurator, ex morte Joannis Barbadici Procuratoris, quæ incidit tempore Nuntii: hoc demonstrat in Revolutione Sol in medio Cœli cum Jove, & Mercurius in undecima cum Venere copiam amicorum & benedictiones mulierum; affligebatur verò Sol & Jupiter quadrato Martis, qui cum esset in septima, demonstrabat iniimicos apertos, quos est expertus tunc ibi, cum quidam Juvenes Veneti Patritii pugnare nolissent, tunc Venetiis, & Saturnus addebat invidos & malignos, ipseque Sol duodecimæ dominus in decima, Nobiles & Magnates afferentes oppositiones & difficultates in hoc honore & dignitate, cum autem Decima sit Victoriæ domus, accidit ut illi ipsi Strenuo Viro Procuratoriam dignitatem concefferint: cum autem tandem pervenisset Venetias infaustus Nuntius, invalere maligni, accusantes ipsum de nimia temeritate & vitæ contemptu: alii verò cum tota Civitate accidens commiserati sunt deplorandum, & testimonium dedit totius luctuosa Civitatis pompa.

Hactenus de invisibili Fato in omnibus impresso Exemplum adducta sufficiant; ejus autem vis non videtur omnino inevitabilis, quia multi sapientes præviso aliquo accidente fatali aufugerunt ab ipso, vel si in ipsum inciderunt, sublati aliquibus causis totam effectuum vim non sunt experti; alii verò etiam præviso aufugere non potuerunt, res patet in Stefano Pico, Henrico IV. aliisque; sed non tacendum est Exemplum Valentini Nabod, admirabile quidem, Fati inevitabilitatem confirmans.

Hic

Hic erat eximius Mathematicarum Professor, & observavit ex directione Ascendentis ad hostilem Martis aspectum, periculum vitæ sibi imminere, domi ergo se inclusit, & cum ibi per aliquot menses mansisset, Dominus domus, cum non fuisset solutus de locatione, videns domum tanto tempore clausam, putavit eum in Germaniam profectum esse, accepto ordine à Magistratu, diruptâ januâ, repertus est foetens, multis vulneribus confossus; erat autem quædam fenestra aperta, per quam (credunt) latrones ingressos, neminem videntes esse, solum illum inventum trucidasse; successus fuit Paravii: quid ex his deduci potest?

*Prudens futuri temporis exitum
caliginosa nocte premis Deus,
ridetque si mortali ultra
fas trepidas.*

MONAS.

MONAS.

INDEPENDENS.

E L.

MAGNIFICENTIA.

JUDICIUM HUMANUM.

METATTRON.

T H R O N I

SATURNUS.

S P H Æ R A S E P T I M A

FATUM MICROCOSMICUM EXTERNUM.

NON cessat agere fraudulenter *Fatum*, quin aliquis impressus Character externè saltem in hominibus conspiciatur; res quidem mira Sapientibus cognita, ab insipientibus non observata; hinc Divinatoriæ ortæ sunt Scientiæ. Physiognomia ex inspectione Faciei, ex lineis frontis Metoposcopya, ex lineis Manuum Chyromantia. Si Physiognomiam consideramus, Scientia est prædicendi aptitudines naturales ad affectus, ipsosque mores actuales, multi enim potius sensu & appetitu vivunt, quam ratione; per ipsam ergo Animæ affectus & mores innotescunt, qui cum sint in parte sensitiva, tam animalibus, quam hominibus sunt communes. Subjectum est tota facies, ex qua sua haurit vaticinia, unde primò observatur color: si flavus & albicans, iracundum notat, sic viridis, obscurus aut niger: rufus perniciosum variisque moribus præditum; rubeus astutum, si nimis est: albus enim & subrubeus fortem & animosum. Vehementer albus ignavum, timidum; pallidus imbellem; fuscus pallido permixtus loquacem, voracem, intemperatæ iræ & linguae, ad insaniam vergit: moderatè rubeus velocem cum docili ingenio, cui verò tam nasus, quam maxillæ hepatico colore rubent, crudelē, libidinōsum vel vinolentum notat.

Caput magnum, si corpori non est proportionatum, sed præter formæ debitum, stolidum, fatuum, indocilem hominem significat: si est proportionatum, ingeniosum; parvum, malum est, facit enim timidum, iram retinentem cum exiguo iudicio & intellectu: sphericum, instabilem, mobilem, invidum, avarum, importunum, parum scientem, crudelem, homicidam: breve, insipientem: longum aliquantulum protensum ad malici formam, providum & circumspectum: pineatum sequens veram pyramidis formam, rapacem, inverecundum, audacem, temerarium. Optimum verò est, quod exactè rotundum, & utrimque paulatim depressum est.

Capillorum multitudo caliditatem, grossities multam fumositatem significat. Capilli plani humidum hominem, mansuetum,

fructum, frigidumque; crispī in extremitate calidos & siccos; directi, spissi, rari, in capite erecti, insidiosum, effeminatum, timidum; compressi fronti eminentes fortem, animosum; juxta tempora tenues & rari, frigidum & sine viribus; densi circa tempora & aures, calidum & libidinosum; molles, rari & tenues foemini-num, hebetem, pigrum, & quando fuerint magis rari, subdolum & asperum.

Frons magna tardum, si niuis est, si valde parva, indocilem; rotunda insensatum, hebetem, iracundum; quadrata magnanimum, nimis lata stultum, parva & angusta stolidum, indocilem; protensa adulatorem, demissa tristem, elevata liberalem, nimis rugosa inverecundum: in temporibus inflata superbum, iracundum, ingenio rudem.

Oculi parvi pusillanimum, magni pigrum & mansuetum, concavi maleficum, invidum. Eminentēs fatuum, valde aperti, impudentem: grossi timidum: profundi malos mores; qui verò modò clauduntur, modò recluduntur, proditorem & pravam: velociter moti cum visus acuitate latronem, infidelem, fraudulentum, quasi ridentes luxuriosum, adulatorem, detractorem: crocei crudelem, deceptorem: cum maculis circa pupillam, malum hominem.

Nasus magnus, irascibilem: Aquilinus magnanimum, rapacem & audacem; Simus luxuriosum & impetuosum: brevis cum simo furem & lascivum: longus ad os protensus, probum & audacem: acutus iracundum: parvus deceptorem: magnus cum decentia, bonum; vergens ad os, honestum, docilem & fortem.

Os latum, martialem: magnum & latum, iracundum, audacem; dilatatum ultra mensuram, voracem, immitem, impium, bellicosum. Exiguum exterius prominens, proditorem, pravam; exiguum, foeminae naturæ est. Os cum parva clausura & aperture, timidum, pacificum, sed infidelem: angustum, modestum, sobrium, pudicum, arcanorum retentorem.

Labia magna, stultum & hebetem, sic carnosa. Exilia, tenuia,

nuia, subtilia, eloquentem; gracilia, mollia, magnanimum, sic relaxata: gracilia verò dura, iracundum. Labrum inferius superiore majus, stolidum: superius eversum gingivis discoopertis contumeliosum.

Vox grossa & sonora, eloquentem, bellicosum: acuta & remissa, timidum & invidum; acuta & fortis, iracundum. Acuta, mollis & rupta, timidum, effeminatum: tarda precipitem, impudentem, inertem; dulcis invidum, suspiciosum; gracilis cum velocitate in verbis, improbum, stolidum, importunum: quibus verò incurrit in nares, ita ut resonent, malevolum & mendacem.

Mentum parvum, breve, invidum, immitem, insidiosum; acutum, fidelem; longum versus deorsum, acutum, versipellem: rotundum, mollem, effeminatum; prolixum, minus iracundum, loquacem verò, & aliquando sui jactantem. Cum fovea, vel duplex, libidinosum: in extrema parte divisum, ut duplicem exprimat formam, si immodicum est, dolosum significat: caro verò sub mento versus gulum, libidinosum.

Sed circa Physiognomiam, (cujus subjectum, ut diximus, est tota Facies,) satis, superque: si verò aliquis objiciat illud Christi à Joanne enarratum; Nolite judicare secundum faciem, sed rectum Judicium facite. Respondendum est, Christum intelligere de Judicio recto, quod non fit ex aspectu hominum, sed ex actionibus illorum, & ex rei veritate: multi enim fures, Sodomitæ, Fornicatores, Hypocritæ sub mentita facie Sanctitatis & bonæ vitæ, cauterizata verò conscientia, decipiunt homines, ingrediuntur domus aliorum, ut rapiant aliquid, & credulis mulieribus promittunt sedes in Cælo, easque pretio vendunt, & his similia; de hoc autem judicio loquitur, & non de illo, quod fit per Physiognomiam.

Metoposcopia difficilis scientia est, in qua ultra judicium, ex quantitate linearum, earum positione, disruptione, obliquitate, mixtione cum aliis, difficultas exoritur in cognitione illarum.

rum, qualis deficiat; nam non omnes in frontibus hominum reperiuntur, sed pauca, modò tres, modò una tantum: modum autem commensurationis ipsarum nondum video ab Auctoribus explicatum: hic autem verissimus est. Accipiat *Circinus*, & ab angulis interioribus oculorum apud *Nasum* sumatur distantia, quæ in triplicem partem divisa, erit perfecta frontis longitudo: postea sumatur distantia à radice nasi ad *Mercurialem*, & sic ab una ad aliam, & dividatur *Frons* in quinque partes; prima erit à radice nasi ad *Mercurialem*: secunda à *Mercuriali* ad *Veneream*: tertia à *Venerea* ad *Martialem*: quarta à *Martiali* ad *Jovialem*: quinta à *Joviali* ad *Saturninam*; si verò super *Saturninam* aliquando alia linea appareat, illa vocatur *Saturninæ Soror*, vel *linea Lactea*, quæ est prope radices capillorum. Loca verò *Luminarium* sunt in superciliis, dexter locus *Solis*, sinister *Lunæ*. Noto, quod sit quædam discrepantia in positione linearum, quia aliqui dicunt post lineam *Martis* esse *Solarem*, & non *Veneream*, & inter cilia, & radicem *Nasi* si reperiantur lineæ post locum *Mercurii*, esse intelligendas, ut ad *Venerem* attinentes, quidquid sit, iudicent alii, modus primus mihi magis videtur rationi consonus: quando verò aliqua ex lineis deficit, ex distantia supra posita apparebit, qualis sit.

Saturnina ergo (& erit regula aliarum) directa, continua, non tortuosa, nimis obliqua, aut disrupta longam vitam significat, fortunatum hominem in agricultura, stabilibus, hæreditariis, facit taciturnum, avarum, invidum, laboriosum, dat memoriam, & tolerantiam.

Jovialis facit iustum, optimæ complexionis, honestum, magnanimum, fortunatum in re Ecclesiastica, tribuit consilium, iudicium & prudentiam.

Martialis bellicosum in armis, ludis, itineribus, Alchymia, operibusque aliis ex igne, sic Chyrurgia & Medicina fortunatum, fortem, intrepidum, temerarium; unde dat acutiem, promptitudinem, audaciam & iram.

Solaris, splendidum, virtute præditum cum vitæ longitudine, facit amicum Principum, Regumque, & dat dignitates sublimes ex illis, unde dat gravitatem, moderationem, continentiam & fastum.

Veneræ significat vitam cum lætitia & tranquillitate, gaudia cum mulieribus, felix matrimonium, hæreditates ex ipsis, prosperitatem in rebus, lascivum, jucundum, hilarem, dat libidinem cum aliis voluptatibus.

Mercurialis sapientem facit, optimi ingenii virum, dat multiplicem scientiarum & artium cognitionem, ingeniosum, eloquentem in re litteraria, Mercatura, scripturis, & aliis fortunatum, aliquando mendacem, & contentiosum, præbere enim memoriam, & promptitudinem ad Scientiarum studia, & in illis addiscendis facilitatem & voluptatem.

Lunaris facit instabilem, bonitamen ingenii, industrium, agilem, promptum ad negotia tractanda, propensum ad itinera, maxime per aquas, unde facere solet Nautas vel Nuntios, plebeiorem amicitia conjunctum, fortunatumque in navigatione, rebusque ex aquis.

Hæc sunt prognostica ex ipsarum recta positione, si verò vix appareant, disruptæ sint, nimis tortuosæ cum Circulis, Semi-circulis, Nævis, Characteribus, Catenis &c. totum oppositum, significant, & sic cognoscuntur Simulatores, Hypocritæ, Fures, Homicidæ, Insani, violentè perituri, sicuti apparet in linea Martis disrupta, & malè collocata; aliquando verò uniuntur una cum alia, & miscent significata; linea enim Saturni juncta Jovi facit honestum, cautum, officiosum, placidum, prudentem, & dat bonam stabilitatem; cum Marte bellicosum, seditiosum, tumultuosum, laboriosum, asperum, injustum, pertinacem; cum Sole minatur persecutiones à Principibus, carceres, infortunia; cum Venere facit immundi coitus, sordidum; notat pericula & infortunia cum Mulieribus, nec non ægritudines in pudendis; cum Mercurio dat profundum ingenium & memoriam, facit ad sci-

scientias propensum, melancholicum, cogitabundum: cum Luna dat pericula in aquis, casum ab alto, suffusionem, cæcitatem & malam famam. Linea Jovis cum Venere facit jucundum, Religiosum, Dei amatorem, dat dignitates Ecclesiasticas, tales erant conspicuæ in *Vrbano VIII.* Cum Sole facit generosum, splendidum, amicum Regum, gubernatorem Civitatum, dat divitias ex dignitatibus: Martialis cum Sole dat pericula ex igne & ignitis, unde violentè moriuntur ut plurimum, temerarium, præcipitem & homicidam facit; cum Venere verò adulteros, libidinosos, & forminas meretrices; cum Mercurio sagacem, industrium, callidum, si tamen impeditur, furem, contentiosum, aleatorem, &c. & sic de aliis, si sapiens es, judica.

Metoposcopia affinis ex lineis manuum sequitur Chyromantia, ex qua hominum propensiones, viscerum robur atque complexio, pericula, divitiæ, & alia, quæ hominibus accidunt, tanquam in libro leguntur, unde non absque ratione scripsit Job cap. 37. Qui signat in manu omnium hominum, ut singuli noværint opera sua.

Varia tamē sunt lineæ ex quibus hæc deducuntur; quatuor verò sunt, in quibus tota ars fundatur, scilicet: Vitalis, Naturalis, Mensalis & Epatica; ex his ergo aliæ oriuntur. Ex Vitali enim, & Naturali, & Epatica fit Triangulus; & ex parte, quæ est media inter Naturalem & Mensalem, incipiendo à percussione manus, dicitur Quadrangulus, percussio enim manus est inter Rascettam & Mensalem: à Vitali verò, Epatica & Mensali fit concavum manus, & per hunc locum ascendit à Rascetta lineæ quædam versus digitum medium, & dicitur Saturnina, sic aliæ, quæ oritur inter Indicem & Medium, & terminat inter Annularem & Auricularem, dicitur Cingulum Veneris; aliquando verò quatuor lineæ principales suas habent Sorores, & tunc lineæ illæ sumit nomen ab illa, sub qua invenitur: dantur etiam Montes, in quibus sunt loca Planetarum, ante verò montem semper est radix, & post montem Junctura. Mons ergo Pollicis est locus Vene-

Veneris, Indicis Jovis, Medii Saturni, Annularis Solis, Auricularis Mercurii, in Triangulo est locus Martis, in monte manus est locus Lunæ; reperitur etiam aliquando linea quædam à Rasceta oriens versus Auricularem, & dicitur Via lactea, sic in manu, vel montibus, vel juncturis inveniuntur Characteres Alphabetarii Planetarum, vel semicirculi, Circuli, Stellæ, Cruces, & alia hujusmodi, quæ sunt à Professoribus observanda.

Vitalis ergo linea oritur à corde, & longior est omnibus, si ergo est continua, profunda & boni coloris, caloris naturalis bonam temperiem significat, sic longam vitam, paucas ægrotudines; discontinua verò brevis, pallidi coloris, nimis subtilis, parum apparens, cordis passiones, iracundiam, morbos & vitam brevem notat, sed quia nulla alia est linea, ex qua possit metiri Vitæ humanæ quantitas, præter hanc ejus geometricam commensurationem tradam; & cum Tricassus & alii, modum non geometricum tradant, unde sequitur non esse perfectam, solum illa Golenii veracior est: quidquid sit: accipiat Circinus subtilis, æqualiter rotundus, ita ut illa extremitas, quæ extenditur, sit altera subtilior, extendatur ergo per pulchrè manus, & unus pes Circini in medio radice Indicis firmetur, alter verò ad medium radice Annularis extendatur, & constituet lineam quadrantis, quæ si ducatur ad vitalem, primos decem annos significat, deinde semper remanente firmo alecro pede Circini in medio radice Indicis, alter pes inter Annularem & Auricularem præcisè dirigatur, & rursus ad contactum Vitalis deducatur, & alii decem anni apparebunt, & cum hac distantia & mensura annos de decem in decem reperies.

Post Vitalem sequitur Naturalis, quæ dicitur linea capitis, & demonstrat ejus complexionem & affectus: si enim fuerit integra, continua & bene apparens, cerebri bonitatem, ingenii excellentiam, & naturalium qualitatum bonam constitutionem significat: brevis, tumida & profunda, vitæ brevis hominem, iracundum & phantasticum, nimis verò longa & lata furiosum, nimis

nimis subtilis, longa & parum apparens, proditorem & instabilem facit.

Menſalis vocatur linea Thori, & ſignificat caloris naturalis vigorem, quia ab hac de potentia generativa, membris, morbis adeam attinentibus, iudicium ſumitur. Recta enim, æqualis, integra, continua & benè apparens, bonam complexionem & aptitudinem ad generationem demonſtrat: intercifa verò lincolis, inſtabilem & libidinoſum: nuda ſine ramis, infortunatum, inopem, crudelem & malorum morum; ſi autem adſint rami tendentes ad montem Jovis, parant dignitates & divitias.

Epatica boni coloris, longa & continua temperiem tum Epatis optimam, tum cæterorum membrorum nutritioni infervientium ſignificat: ſi verò ſit diſcontinua & fracta, debilitatem complexionis, malamque digeſtionem; tortuoſa verò & interſecta dar periculum vitæ ex quadrupedibus.

Raſcetta verò, quæ eſt ſpatium inter brachium & manum, ſi profunda, integra, continua & benè colorata fuerit, facit hominem quietum & fortunatum; brevis verò & diſcontinua contrarium notat.

Obſervatum eſt, quod ſi circa Carpum quatuor lineæ æquales reperiantur, continuæ tamen & benè coloratæ ſignificant hominem vitam ducturum per octoginta circiter annos.

Saturnina verò, quæ dicitur linea proſperitatis, debet rectè ad montem Saturni protendere, & debet eſſe prope angulum dextrum, ſi eſt recta & non tortuoſa, ſummam promittit felicitatem; ſi enim oriatur in monte pollicis apud vitalem, & per concavum deſcendat, fortunam magnam proprio Marte acquirendam ſignificat: quo verò propius ingreditur Saturni digitum, eò deterior: notatenim carceres & alia de natura Saturni.

Triangulus, ſi erit æquilaterus & boni coloris, bonam naturam, vitam longam, ingenii dexteritatem & famam oſtendit:

K

ſemi-

femicirculus in ipso facit iracundum, crudelem & furiosum; ex lineis verò in ipso in modum Crucis intersecatis, malus vitæ finis exitusque violentus adnotatur.

Quadrangulus si fuerit plurimum in medio latus, magis in fine & principio, significat bonum temperamentum, facit magnanimum & liberalem; angustum verò & quasi strictum, frigidum, pusillanimum, somnolentum & avarum: si est finitimis & lineis intersecatis, dat bonam famam, & facit hominem Sagacem: in Quadrangulo, quadranguli duo vel quatuor significant bonam sortem, quando verò sunt tres vel unum, oppositum notant.

Cingulum Veneris discontinuum dividens transversaliter lineas, quæ sunt in monte Solis & Saturni, significat impedimentum circa felicitatem, quæ ex illis Planetis oriri potest; propria autem Cinguli Veneris significatio est circa libidinem, & si reperitur in utraque manu, tantò magis augetur in omnigenere, si autem aliqua linea scindit illud, minuitur; plerumq; Cingulum apparet in Meretricibus, sicut ego observavi.

Mons pollicis non debet esse eminens, vel depressus cum paucis lineis, & significat hominem in passionibus temperatum: rotundus absque intersecatione linearum, libidinosum; si verò lineæ sint continuæ, rectæ & non multum profundæ, temperiem bonam, hominemq; amabilem notat; in fine montis Crux vel stellula, infamem, adulterum, infortunia à mulieribus passurum.

Mons indicis, si mundus fuerit & elevatus, honestum, fidelem, justum & bonæ complexionis hominem, debet tamen esse quomodocunque lineatus. In digito & monte Crux vel stellula; si sint benè dispositæ, dignitates & exaltationem, maxime Ecclesiasticas significant: si Crux est in radice, notat adulterium.

Mons medii absque lineis significat vitam quietam, hominem sedulum & simplicem: si elevatus est, fortunam in Agricultura, & similia: depressus verò angustias, labores, rerum amissionem: linea unica scissus, in acquisitione divitiarum felicitatem, pluri-

pluribus, difficultatem: si in prima junctura digiti Crux vel stella appareat, in mulieribus portendit sterilitatem.

Mons annularis, si elevatus est cum lineis rectis, notat hominem familiarem, ingeniosum & in honoribus fortunatum; si lineæ transversales sint, oppositum significant: si multis lineis confusus inveniatur, & naturæ siccitatem, & caliditatem, & volubilem hominem, & jactatorem: si verò una linea ad radicem digiti quasi extensa & conspicua fuerit, denotat philosophiam, artes liberales & seculares dignitates.

Mons auricularis debet esse eminens absque implicatione linearum, & sic portendit hominem in omni scientia & arte ingeniosum: depressus autem, cavillosum, mendacem; multum lineatus, callidum, malignum, iniquum. Circulus in digito notat furem, si tamen lineæ sint tortuose, & reflexæ inter primam & secundam juncturam, tunc indicant etiam fatuum.

Mons manus debet esse lenis, benè coloratus, & magis elevatus versus R affectum quàm mensalem, purus, absque interfectione linearum, tunc enim portendit hominem pacificum & bonæ complexionis, fidelem; si talis non esset, in omni re infortunatum: si mons multis lineis multiplicatus, sese in formam stellæ secantibus, inveniatur, indicat natum submergi; si verò in fine montis lineæ quædam tortuose & circumflexæ sint, portendunt infortunia ex aquis. Semicirculus in hoc loco patricidam vel fratricidam; in mulieribus autem signum hoc pessimum est. Stellæ verò faciunt sceleratum.

Ex linea Lactea cognoscitur capitis debilitas ex libidine, & quantò magis discontinua est, tantò majus detrimentum significat.

Postea veniant Ungues considerandi, nam nihil aliud sunt, quàm ultima tendens digitos moventis extremitas extra carnem & cutim, aëri exposita ad firmandas & perficiendas digitorum operationes: dividitur autem unguis in tres partes. Prima est carni infixæ, & vocatur radix, in qua est sensus: secunda est illa, quæ ad ruborē accedit: tertia extrema est sine sensu, quæ à Chyromanticis non consideratur, unguis ergo prout sunt tales, veniunt considerandi, nā

sunt oblongi, candidi, splendentes, hominem moderatum & sanum significant; si vero sunt longi, tenues & lucidi, subrubentes bonum ostendunt ingenium: oblongi, stricti, acuti faciunt constantem; inflexi verò tardum, impudentem; nimis parvi, malevolum, contentiosum; pallidi, asperi, rotundi, luxuriosum: sic considerant Chyromantes. Physici verò diverso modo incedunt; nam ex unguium duritie vel laxitate, rubore vel pallore, an in corpore peccet bilis atra vel flava, vel nimia adsit plethora, cognoscunt: sed nos pronunc nihil cum illis: distribuerunt amplius Chyromantes dominia Planetarum super digitos manuum, dextra enim inservit interdicti natis, sinistra noctu; & cum septem sint Planetæ, digiti verò quinque, locum pro unoquoque sic inveniunt: Pollicis pars superior est Martis, inferior Veneris, Index est Jovis, Medius Saturni, Annularis Solis, Auricularis pars superior Mercurii, inferior Lunæ; & quia non considerantur digiti vel ungues, pro ut tales sint, sed ex maculis variis, quæ in digito alicui Planetæ proprio apparere solent, ex quibus, tum respectu digiti, tum ex colore macularum judicium sumitur; addo tamen, quod dicunt, sinistram continere infortunia, dexteram verò felicitates: & ego dico, quod est consideranda Nativitas, an sit diurna, vel nocturna, ut verum proferatur judicium.

Maculæ ergo nigrae & lividae sunt Saturni; albæ & parum roseæ Jovis, cruentæ, subnigrae & purpureæ Martis: subcastaneæ, radiosæ, Solis; subrosæ, parvæ & ad albedinem tendentes sine radiis, Veneris; superficiales puncta referentes varia, castanea & rosea, Mercurii: albæ, parvæ, confractæ & dissipatæ attribuuntur Lunæ. Ex ipsorum ergo colore considerato Planeta proprio, sumi potest judicium: nam si albæ maculæ erunt in radice pollicis, aderit spes alicujus dignitatis aut voluptatis, cum sit digitus Veneris; si magna est macula, spes augeri ut, si parva, res est in angusto, aut nullius momenti: quando venerit ad medium unguem, jam suum finem consequitur: dicitur:

dum verò ad extremum pervenit, res frustrata est; sic maculæ fractæ fractas spes, lucra & voluptates demonstrant: livida in hoc digito adulteria uxorū vel amasiarum ostendit, sic pericula causâ fœminarum, livor enim nigredine pejor est. Rosa macula dat fortunam cum mulieribus, rosa enim Veneri dicata est; purpurea hominem in armis fortunatum non sine crudelitate. Quæ dico de Pollice, de cæteris intelligantur, nimum enim esset tædium, in omnibus digitis referre significata macularum.

Notandum est, quod tam in Metoposcopia, quam Chyromantia lineæ modò augentur, modò minuuntur, modò evanescent, modò colorem mutant; unde effectus ex aspectu præsentis linearum à perito in arte judicantur, & cognoscitur an effectus sit præteritus, vel sit quamprimum eventurus: sic de novo apparent navi, circuli, semicirculi, cruces, stellæ, & similia, quæ sunt observanda: & quando vis aspicere manus alicujus, facias ipsam ablui cum aqua calida, deinde siccat, & fricetur cum panis lineo, & fiat aliquantulum residentia, quia lineæ melius apparebunt; ambæ manus inspiciendæ sunt: dextera viri principatum obtinet, sinistra verò mulieris: sic docet Coctes in fine libri sexti Chyromantia parvæ: ego aliqua, quæ observavi, & observata ab aliis nunc tradam.

Julius de Strozis Poëta cum mori opraret absque morbo, timore incidendi in Medicorum manus: curiosus quidam in propria demo voluit manus inspicere, & vidit lineam Mensalem cum vitali junctam, erant autem hæ duæ lineæ lividæ fractæ & discoloræ; unde Filiæ Barbaræ (mulieri celebri, de qua extant volumina aliquot musicalia) mortem Patris quamprimum secuturam prædixit, post quindecim circiter dies, dum pranderet, inopinatè expiravit Venetiis.

Idem ego observavi per annum, antequam eveniret Petro Polano Ducis Venetiarum intimo, vivente eodem Francisco

K. 5.

Molineo

D I A S.

GENITUS.

ELOHIM GIBOR

FORTITUDO.

JUDICIUM BRUTUM.

SANDALPHON.

DOMINATIONES.

J U P I T E R.

S P H Æ R A S E X T A

FATUM MACROCOSMICUM.

MORTALES ab initio Mundi, tum ante, tum post diluvium, obstupefcere, admirari, Religioni habere, tum horrere cœperunt ob terrificâ eventa, quæ ab Ostentis emanare observabant; quis ergo negabit esse filios *Fati*, si fatalia secum afferunt? nam ex innumeris tum Antiquorum memoriæ traditis, tum Recentiorum accuratè observatis exemplis, rei veritas comprobatur.

Regnante Romulo Anno Urbis Conditiæ 14. cum jam Fidenas Oppidum ille cœpisset, Coloniamque Romanorum fecisset, gurgitæ sanguinis è Cælo magnâ omnium admiratione ceciderunt, & statim pestis Urbem invasit, quæ hominibus absque ulla ægrotatione mortem inferret subitam; sterilitas quoque agrorum & frumentorum omnium, præcipuè tamen annonæ, summa inopia secuta est, in quæ mala postquam Laurentes incidissent, omnino visum est, Tatij & Legatorum cæde, violato iure gentium, utrique Civitati iram Numinis expiandam esse; quare deditis cædi auctoribus, & utrisque supplicio affectis, ab iis malis manifestè se receperunt. Romulus expiationibus Civitates expurgavit, quas longo deinceps tempore ad portam Ferentinam observatas memoriæ traditum est.

Tullo Hostilio regnante A. V. C. 109. in monte Albano, lapidibus pluit, quod cum credi vix posset, missis ad id visendum prodigium, in conspectu non aliter, quàm cum grandinem ventij glomeratam in terras agunt, crebri cecidèrè de Cælo lapides. Vox ex summi cacuminis loco audita est, quæ monebat, ut patrio ritu sacra Albani facerent. Novendiale igitur sacrum publicè susceptum, & solemne mansit, ut, quandoque idem prodigium nuntiaretur, feriæ per novem dies agerentur, non ita multo post gravi pestilentia laboratum est. Hostilius dum Numam sacrificiis imitatur, Jovilitate non potuit, sed fulmine ictus cum Regia conflagravit.

Anco Martio regnante A. V. C. 126. Lucumo Græci Demarathi filius, & Aruntis frater, generosus adolescens, cum parente:

rente apud Tarquinius defuncto, divenditis bonis omnibus, Romam migraret, Janiculoque jam appropinquaret, in carpento cum Uxore sedenti aquila è sublimi dimissa pileum sustulit, atque mox super carpentum cum magno clangore volitans, rursus, velut Ministerio divinitus missa, capiti aptè reposuit, quo viso Tanaquil Auguriorum perita, eo prodigio Regnum ei portendi intellexit; pecuniâ igitur & industriâ dignitatem, atque etiam Anci Regis familiaritatem consecutus, atque ab eodem tutor liberis relictus, dum Tarquinius Prisci nomen sibi vindicaret, post Anci mortem regnum intercepit, atque ita administravit, quasi jure adeptus fuisset.

Tarquinius Prisco regnante A.V.C. 156. finito bello Sabino cum Tarquinius Priscus in monte Tarpeio ædem Jovis, quam in eodem bello voverat, ædificare vellet, & jam exaugurare sana, sacell' aque alia juberet, ut libera ab cæteris Religionibus Area esset, jamque omnium sacellorum exaugurationes admitterent, aves in Terminis tantum sano nequaquam addixere, quod prodigium, firma stabiliaque cuncta portendere Romanis visum est. Secutum est & aliud prodigium magnitudinem Imperii portendens: nam posteaquam futuri ædificii fundamenta aperiret, Caput hominis integra facie, recenti tamen tabo & sanguine aspersum, in imo repertum est, cujus prodigii gratia Aruspices interrogati, responderunt hunc locum, non Imperii tantum Romani, sed totius etiam *Mundi Caput* fore.

P. Posthumio Tuberto II. Agrippa Menenio Lanato Coss. A.V.C. 251. Hostes militares ad multam noctem in Cælo ardentes visæ: secuta est tertia Sabinorum in Romanorum agros irruptio, qua Posthumius Consul magnam accepit ex sua indigentia cladem, quam ejus collega nisi mox vindicasset, malè de Repub. Romana actum esset: duæ Romanorum Coloniae Pometia & Cora ad Aruncos defecerunt, & contra Aruncos bellatum.

femicirculus in ipso facit iracundum, crudelem & furiosum; ex lineis verò in ipso in modum Crucis interfecatis, malus vitæ finis exitusque violentus ad notatur.

Quadrangulus si fuerit plurimum in medio latus, magis in fine & principio, significat bonum temperamentum, facit magnanimum & liberalem; angustum verò & quasi stridum, frigidum, pusillanimum, somnolentum & avarum: si est finitimis & lineis interfecatis, dat bonam famam, & facit hominem Sagacem: in Quadrangulo, quadranguli duo vel quatuor significant bonam sortem, quando verò sunt tres vel unum, oppositum notant.

Cingulum Veneris discontinuum dividens transversaliter lineas, quæ sunt in monte Solis & Saturni, significat impedimentum circa felicitatem, quæ ex illis Planetis oriri potest: propria autem Cinguli Veneris significatio est circa libidinem, & si reperitur in utraque manu, tantò magis augetur in omni genere, si autem aliqua linea scindit illud, minuitur; plerumque Cingulum apparet in Meretricibus, sicut ego observavi.

Mons pollicis non debet esse eminens, vel depressus cum paucis lineis, & significat hominem in passionibus temperatum: rotundus absque interfecatione linearum, libidinosum; si verò lineæ sint continuæ, rectæ & non multum profundæ, temperiem bonam, hominemque amabilem notat; in fine montis Crux vel stellæ, infamem, adulterum, infortunia à mulieribus passurum.

Mons indicis, si mundus fuerit & elevatus, honestum, fidelem, iustum & bonæ complexionis hominem, debet tamen esse quomodocunque lineatus. In digito & monte Crux vel stellæ; si sint benè dispositæ, dignitates & exaltationem, maximè Ecclesiasticas significant: si Crux est in radice, notat adulterium.

Mons medii absque lineis significat vitam quietam, hominem sedulum & simplicem: si elevatus est, fortunam in Agricultura, & similia: depressus verò angustias, labores, rerum amissionem: linea unica scissus, in acquisitione divitiarum felicitatem, pluri-

pluribus, difficultatem: si in prima junctura digiti Crux vel stella appareat, in mulieribus portendit sterilitatem.

Mons annularis, si elevatus est cum lineis rectis, notat hominem familiarem, ingeniosum & in honoribus fortunatum; si lineæ transversales sint, oppositum significant: si multis lineis confusus inveniatur, & naturæ siccitatem, & caliditatem, & volubilem hominem, & jactatorem: si verò una linea ad radicem digiti quasi extensa & conspicua fuerit, denotat philolophiam, artes liberales & seculares dignitates.

Mons auricularis debet esse eminens absque implicatione linearum, & sic portendit hominem in omni scientia & arte ingeniosum: depressus autem, cavillosum, mendacem; multum lineatus, callidum, malignum, iniquum. Circulus in digito notat furem, si tamen lineæ sint tortuose, & reflexæ inter primam & secundam juncturam, tunc indicant etiam fatuum.

Mons manus debet esse lenis, benè coloratus, & magis elevatus versus R ascettam quàm mensalem, purus, absque intersectione linearum, tunc enim portendit hominem pacificum & bonæ complexionis, fidelem; si talis non esset, in omni re infortunatum: si mons multis lineis multiplicatus, sese in formam stellæ secantibus, inveniatur, indicat natum submergi; si verò in fine montis lineæ quædam tortuose & circumflexæ sint, portendunt infortunia ex aquis. Semicirculus in hoc loco patricidam vel fratricidam; in mulieribus autem signum hoc pessimum est. Stellulæ verò faciunt sceleratum.

Ex linea Lactea cognoscitur capitis debilitas ex libidine, & quantò magis discontinua est, tantò majus detrimentum significat.

Postea veniant Ungues considerandi, nam nihil aliud sunt, quàm ultima tendinis digitos moventis extremitas extra carnem & cutim, aëri exposita ad firmandas & perficiendas digitorum operationes: dividitur autem unguis in tres partes. Prima est carni infixæ, & vocatur radix, in qua est sensus: secunda est illa, quæ ad ruborē accedit: tertia extrema est sine sensu, quæ à Chyromanticis non consideratur, ungues ergo prout sunt tales, veniunt considerandi, nā

sunt oblongi, candidi, splendentes, hominem moderatum & sanum significant; si vero sunt longi, tenues & lucidi, subruentes bonum ostendunt ingenium: oblongi, stricti, acuti faciunt constantem; inflexi verò tardum, impudentem; nimis parvi, malevolum, contentiosum; pallidi, asperi, rotundi, luxuriosum: sic considerant Chyromantes. Physici verò diverso modo incedunt: nam ex unguium duritie vel laxitate, rubore vel pallore, an in corpore peccet bilis atra vel flava, vel nimia adsit plethora, cognoscunt: sed nos pronunc nihil cum illis: distribuerunt amplius Chyromantes dominia Planetarum super digitos manuum, dextra enim inservit interdianatis, sinistra noctu; & cum septem sint Planetæ, digiti verò quinque, locum pro unoquoque sic inveniunt: Pollicis pars superior est Martis, inferior Veneris. Index est Jovis, Medius Saturni, Annularis Solis, Auricularis pars superior Mercurii, inferior Lunæ: & quia non considerantur digitus vel ungues, pro ut tales sint, sed ex maculis variis, quæ in digito alicui Planetæ proprio apparere solent, ex quibus, tum respectu digiti, tum ex colore macularum judicium sumitur; addo tamen, quod dicunt, sinistram continere infortunia, dexteram verò felicitates: & ego dico, quod est consideranda Nativitas, an sit diurna, vel nocturna, ut verum proferatur judicium.

Maculæ ergo nigrae & lividae sunt Saturni; albæ & parum rosæ Jovis, cruentæ, subnigrae & purpureæ Martis; subcastaneæ, radiosæ, Solis; subrosæ, parvæ & ad albedinem tendentes sine radiis, Veneris; superficiales puncta referentes varia, castanea & rosæ, Mercurii; albæ, parvæ, confractæ & dissipatæ attribuantur Lunæ. Ex ipsorum ergo colore considerato Planeta proprio, sumi potest judicium: nam si albæ maculæ erunt in radice pollicis, aderit spes alicujus dignitatis aut voluptatis, cum sit digitus Veneris; si magna est macula, spes augetur, si parva, res est in angusto, aut nullius momenti: quando venerit ad medium unguem, jam suum finem consequitur: dicitur:

dum verò ad extremum pervenit, res frustrata est; sic maculæ fractæ fractas spes, lucra & voluptates demonstrant: livida in hoc digito adulteria uxorum vel amasiarum ostendit, sic pericula causâ fœminarum, livor enim nigredine pejor est. Rosca macula dat fortunam cum mulieribus, rosa enim Veneri dicata est; purpurea hominem in armis fortunatum non sine crudelitate. Quæ dico de Pollice, de cæteris intelligantur, nimum enim esset tædium, in omnibus digitis referre significata macularum.

Notandum est, quod tam in Metoposcopia, quam Chyromantia lineæ modò augentur, modò minuuntur, modò evanescent, modò colorem mutant; unde effectus ex aspectu præfenti linearum à perito in arte judicantur, & cognoscitur an effectus sit præteritus, vel sit quamprimum eventurus: sic de novo apparent navi, circuli, semicirculi, cruces, stellæ, & similia, quæ sunt observanda: & quando vis aspicere manus alicujus, facias ipsam ablui cum aqua calida, deinde siccetur, & fricetur cum panis lineo, & fiat aliquantulum resistentia, quia lineæ melius apparebunt; ambæ manus inspicendæ sunt: dextera viri principatum obtinet, sinistra verò mulieris: sic docet Coctes in fine libri sexti Chyromantia parvæ: ego aliqua, quæ observavi, & observata ab aliis nunc tradam.

Julius de Strozis Poëta cum mori optaret absque morbo, timore incidendi in Medicorum manus: curiosus quidam in propria domo voluit manus inspicere, & vidit lineam Mensalem cum vitali junctam, erant autem hæ duæ lineæ lividæ fractæ & discoloræ; unde Filia Barbaræ (mulieri celebri, de qua extant volumina aliquot musicalia) mortem Patris quamprimum secuturam prædixit, post quindecim circiter dies, dum prandret, inopinatè expiravit Venetiis.

Idem ego observavi per annum, antequam eveniret Petro Polano Ducis Venetiarum intimo, vivente eodem Francisco

K 5,

Molineo

Molino Serenissimo, nam manè cum surgeret, apoplexia correptus cecidit, & simul expiravit.

Cuidam Civi Venetæ antequam casus funestus accideret, quatuor circiter annis, observata fuit in Triangulo Martis duplex Crux simul intersecata, profunda & rubea; unde violentâ morte astantibus prædictâ, tandem decollatus est.

Cuidam Ministri Palatii filio conspectæ sunt tum in acinis (seu extremitatibus digitorum) tum in hypothenar, quod est feriens manus, lineæ obliquæ, parvæ & tortuosæ instar Aquarii signi, submersus periit: sic in quodam pucro Patrio Veneto observavi, & sic periit.

Illustriissimæ cuidam Matronæ Venetæ observata fuit in finemontis pollicis Crux profunda & rubea, cum stellulis benè apparentibus: occisa est à marito.

Cuidam Dorelli Bononiensi, qui fuit Auditor Nuntii Apostolici apud Serenissimam Rempubliacam Venetam (nunc autem est Cardinalis de Comitibus Huy) apparuit in ungue pollicis macula nigra & sublivida, cum autem esset Vir insignis, sibi aliquod infortunium evenire prædixit, ab adolescente ergo quodam ab inimicis Dorelli seducto, dum secum erat in domo, ligno in cervice percusso, adjuvante famulo, multis postea vulneribus confossus est.

Excellentissimo D. Marci Procuratori Viaræ Familiæ ultimo, annorum circiter 30. qui anno 1657. obiit, antequam ægrotaret (delectabatur enim Chyromantia) inspiciens sibi manus, vidit vitalem rubeam amisisse colorem, factamque esse sublividam, postea observans ungues, vidit in digito Saturni maculam subnigram; forori petenti quid ageret, inquit, dubito me quamprimum ægrotare, & forsan inori, & post paucos dies urrumque evenit.

Cuidam mulieri Maurocenæ Familiæ Venetæ, cum oculorum passionibus affligeretur, inspecta manu, erant prope lineam

æam vitalem Circuli duo , amissionem visûs in utroque oculo ostendentes, postea cæca facta est.

Quidam amicus meus in fronte habebat lineam Martis disruptam & brevem , aliæ autem vix conspiciebantur , ferro periit.

Cuidam puellæ militis famulo per plateam Divi Marci ambulanti factum est , ut de repente pluvia de cælo veniens cum fulmine *Sacram Turrim* offendens, causa fuerit , ut multi lapides deciderent , unus autem puerum extinxit; vidimus in hoc lineas in manibus vix apparere, & subtilissimas; in fronte autem nulla erat præter principium Saturninæ, in cujus fine erant aliquot puncta: hoc accidit anno 1653. die 26. Augusti.

Hæc pauca sufficiant: Metoposcopia enim & Chyromantia indiget , ut sæpè fiat linearum observatio , quia quandoque mutantur vel evanescent, vel aliqua linea vel Character apparet de novo; hæc ergo sunt *Fata* particularia , communissimum autem est hoc.

Quotidie morimur, momento extinguimur uno.



DIAS.

D I A S.

GENITUS.

ELOHIM GIBOR

FORTITUDO.

JUDICIUM BRUTUM.

SANDALPHON.

DOMINATIONES.

J U P I T E R.

S P H Æ R A S E X T A.

FATUM MACROCOSMICUM.

MORTALES ab initio Mundi, tum ante, tum post diluvium, obstupefcere, admirari, Religioni habere, tum horrere cœperunt ob terrificâ eventa, quæ ab Ostentis emanare observabant; quis ergo negabit esse filios *Fati*, si fatalia secum afferunt? nam ex innumeris tum Antiquorum memoriæ traditis, tum Recentiorum accuratè observatis exemplis, rei veritas comprobatur.

Regnante Romulo Anno Urbis Conditiæ 14. cum jam Fidenas Oppidum ille cœpisset, Coloniamque Romanorum fecisset, gutta sanguinis è Cœlo magnâ omnium admiratione ceciderunt, & statim pestis Urbem invasit, quæ hominibus absque ulla ægrotatione mortem inferret subitam; sterilitas quoque agrorum & frumentorum omnium, præcipuè tamen annonæ, summa inopia secuta est, in quâ mala postquam Laurentes incidissent, omnino visum est, Tatii & Legatorum cæde, violato jure gentium, utrique Civitati iram Numinis expiandam esse; quare deditis cædi auctoribus, & utrisque supplicio affectis, ab iis malis manifestè se receperunt. Romulus expiationibus Civitates expurgavit, quas longo deinceps tempore ad portam Feroniam observatas memoriæ traditum est.

Tullo Hostilio regnante A. V. C. 109. in monte Albano lapidibus pluit, quod cum credi vix posset, missis ad id viendum prodigium, in conspectu non aliter, quàm cum grandinem ventu glomeratam in terras agunt, crebri cecidère de Cœlo lapides. Vox ex summi cacuminis loco audita est, quæ monebat, ut patrio ritu sacra Albani facerent. Novendiale igitur sacrum publicè susceptum, & solemne mansit, ut, quando cunque idem prodigium nuntiaretur, feriæ per novem dies agerentur; non ita multo post gravi pestilentia laboratum est. Hostilius diu Numam sacrificiis imitatur, Jovi litare non potuit, sed fulmine ictus cum Regia conflagravit.

Anco Martio regnante A. V. C. 126. Lucumo Græci Demarathi filius, & Aruntis frater, generosus adolescens, cum parente:

rente apud Tarquinius defuncto , divenditis bonis omnibus, Romam migraret, Janiculoque jam appropinquaret, in carpento cum Uxore sedenti aquila è sublimi dimissa pileum sustulit, atque mox super carpentum cum magno clangore volitans, rursus, velut Ministerio divinitus missa, capiti apte reposuit, quo viso Tanaquil Auguriorum perita, eo prodigio Regnum ei portendi intellexit; pecuniâ igitur & industriâ dignitatem , atque etiam Anci Regis familiaritatem consecutus , atque ab eodem tutor liberis relictus, dem Tarquinii Prisci nomen sibi vindicaret, post Anci mortem regnum intercept, atque ita administravit, quasi jure adeptus fuisset.

Tarquinio Prisco regnante A. V. C. 156. finito bello Sabino cum Tarquinius Priscus in monte Tarpeio ædem Jovis, quam in eodem bello voverat, ædificare vellet, & jam exaugurare sana, sacell' aque alia juberet , ut libera ab cæteris Religionibus Area esset. jamque omnium sacellorum exaugurationes admitterent, aves in Terminis tantum sano nequaquam addixere, quod prodigium , firma stabiliaque cuncta portendere Romanis visum est. Secutum est & aliud prodigium magnitudinem Imperii portendens: nam posteaquam futuri ædificii fundamenta aperiret, Caput hominis integra facie, recenti tamen tabo & sanguine aspersum, in imo repertum est, cujus prodigii gratia Aruspices interrogati, responderunt hunc locum, non Imperii tantum Romani, sed totius etiam *Mundi Caput* fore.

P. Posthumio Tuberto II Agrippa Menenio Lanato Coss. A. V. C. 251. Hastæ militares ad multam noctem in Cælo arden- tes visæ: secuta est tertia Sabinorum in Romanorum agros irruptio , qua Posthumius Consul magnam accepit ex sua indiligentia cladem , quam ejus collega nisi mox vindicasset, malè de Repub. Romana actum esset : duæ Romanorum Coloniae Pometia & Cora ad Aruncos defecerunt , & contra Aruncos belatum.

P. Volumnio Amentino, Servio Sulpitio Camerino Coss. A. V. C. 293. Terra ingenti motu concussa; bos locuta, & Cœlum ardere visum, cui rei priori anno fides non fuerat data; variae Spectrorum facies, horrendæque voces oculis & auribus hominum observatæ sunt: carne pluit, quæ nivis instar è Cœlo frustis majoribus & minoribus demissa, ab omni genere avium intervalantium direpta, priusquam terram attingeret: reliquum verò, quod intercidit, in Urbe, agrisque sparsum jacuit multo tempore, nec colore mutato, nec odore contra morem veterascentium: carnium: id. Vates indigenæ interpretari non potuerunt. Libri autem Sibyllini monuerunt, cavendum ab externo hoste, & Civium seditionibus: hoc autem anno Lex Terentilla maximo conatu de Decëviris creandis tentata est, maximæque subortæ inter Patricios & plebeios dissensiones. Proximo autem anno exules Romani ac servi, numero 4000. duce Appio Herdonio Sabino Capitolium occuparunt, unde non absque magna Civium strage sunt expulsi.

M. Valerio Maximo. Q. Mamilio Vitulo Coss. A. V. C. 488. Sanguis è terra, & lac de Cœlo manare visum est: nam & plurimis locis scaturiens è fontibus cruor fluxit, & de nubibus guttatim in speciem pluvie lacte demisso, diri terram imbres irrigaverunt. Eo tempore Carthaginenses dato adversus Romanos auxilio Tarentinis, cum à Senatu per Legatos arguerentur, turpissimam rupti fœderis labem præsumptam accumulavere perjurio: secutum est quoque Libertinorum Volscentium adversus dominos conspirantium nefandum scelus, qui tamen mox duce Fabio Gurgite pœnas dederunt. Pestilentia etiam crudelissima hoc anno Urbem invasit.

M. Attilio Regulo Serano II. C. Cornelio Blasio Coss. A. V. C. 496: Serpens in Africa portentosæ magnitudinis apparuit, quem Attilius Regulus cum maximâ militum clade diffusculter catapultis & balistis veluti molem quandam expugnavit, qui cum aliquoties jam adversus Carthaginenses pugnasset, co-

anno.

anno ab hostibus captus est: hujus autem Serpentis exuviae 120. pedum longitudine fuisse feruntur, & ejus maxillæ usque ad Numantinum bellum pendisse dicuntur.

C. Quintio Flamini. P. Furio Philone Coss. A. V. C. 537. in Piceno flumen sanguine effluxit. Apud Thuscos Cælum ardere visum est. Arimini nocte multa lux clara effulsit, tres Lunæ distantibus Cœli regionibus exortæ. Magno terræ motu Caria & Rhodus Insulæ adeò concussæ sunt, ut labentibus vulgò rectis, ingens quoque Colossus corruerit. Eodem anno Flaminius adversus Gallæ conflixit & vicit. Anno verò proximo Claudius Marcellus iterum profligavit capto Viridomaro Rege, & inter multa Insubrium, quos ad deditiōem coëgerat, oppida, Mediolanum quoque Urbem florentissimam cepit.

Gn. Servilio Gemino. C. Quintio Flamini II. Coss. A. V. C. 537. Romæ in foro Olitorio infans semestris triumphum exclamavit: in foro boario bos in tertiam contignationem sua sponte ascendit, atq; inde, habitatorum tumultu territus, se dejecit. Navium species in Cœlo visæ. Spei Templum in foro Olitorio fulmine ictū. Lanuvij hasta se commovit. Corvus in ardem Junonis devolavit, atq; in ipso pulvinario confedit. In agro Amiternino multis locis hominum species procul candida veste visæ: in Piceno lapidibus pluit. In Sicilia aliquot militibus spicula arserunt, littora crebris fulserunt ignibus, milites fulminibus icti. Solis circulus minui visus est. Præneste ardentis lampades de Cœlo ceciderunt. Arpis porta in Cœlo. Luna cum Sole certare, & intercidia etiam duæ Lunæ visæ. Cerete, aqua sanguine mixta fluxerunt, fons Herculis sparsis hinc inde maculis eruentis manavit. Ancii merentibus cruenta in corbem spicæ ceciderunt. Faleriis Cælum findi visum, sortes sua sponte attenuatæ; Mavors telum suum quassavit. Signum Martis in Appia via ad simulacra Luporum sudavit. Capuæ Cælum ardere visum: Navium species in Cœlo visæ. Spei Templum de Cœlo iactum, terra horrendo motu concussa est: capræ lanatæ quibusdam factæ. Eodem

anno Hannibal Hetruriam invasit, Romani ad Trasimenum lacum cruento praelio victi sunt.

Q. Fabio Maximo. T. Sempronio Graccho II. Coss. A.V.C. 541. Mutus ac portæ tacite. Ariciæ Jovis ædes de Cælo ictæ fulmine: navium longarum species in flumine Terracinæ, quæ tamen nullæ erant, vitæ; in Jovis Vitellini Templo, quod in Cossano agro est, arina concepuerunt, & flumen Amiterni cruentum fluxit. Siphax Numidarum Rex contra Masinissam Regem pro Carthaginensibus pugnans, victus est. Sempronius Consul, cum in Lucanis sacrificasset, angues duo ex occulto prolapsi repente hostiæ, quam immolaverat, ad eos jecinore, in easdem latebras se retulerunt: ob id deinde factum instaurato sacrificio idem prodigii evenit; tertia quoque cæsa victima, diligentiusque asservatis extis, neque allapsus Serpentum arceri, neque fuga impediri potuit, quod quamvis Aruspices ad salutem Imperatoris pertinere dixissent, Gracchus tamen vitare non potuit, quin Flavii Lucani hospitis sui insidiis seductus, inermis à Pænorum militibus occideretur.

M. Servilio Gemino. T. Claudio Nerone Coss. A.V.C. 552. Cumis Solis orbis minui visus: lapidibus pluit. In Veliterno agro terra ingentibus cavernis confedit, arboresque in profundum haustæ, Ariciæ forum, & circa Tabernæ, Frusino item murus aliquot locis, & porta Urbis de Cælo tacta. In palatio lapidibus pluit: magna Tiberis facta inundatio. Claudius eo anno Consul, perniciofa tempestate ingruente, naufragium passus est. Insignis fuit hic quoque annus incendio ingenti, annonæ vilitate, & morte Q. Fabii Maximi, qui 22. annis Augur fuit. Hannibal magno exercitu Africam ingressus: Vermina Syphacis Regis filius clade à Romanis profligatus est.

P. Cornelio Scipione Africano II. T. Sempronio Longo Coss. A.V.C. 560. Romæ in foro Comitio & Capitolio sanguinis guttæ visæ sunt, terrâ aliquoties pluit, caput Vulcani arsit. Interamnæ lac fluxit. Pueri ingenui Arimini sine oculis & oculo nati.

In Pi-

In Piceno infans absque manibus & pedibus natus. In Adriano-rum agro lapidibus pluit : ea prodigia ex Pontificum decreto procurata , & Sacrificium Novendiale factum. T. Semprom-nius Boios primum ancipiti Marte , tandem verò insigni strage cæciderit.

M. Emilio Lepido. C. Quintio Flaminio Coss. A. V. C. 567. in Sicilia Vulcani Insula saxosa , quæ externis crateribus flammæ eructabat, magna hominum admiratione nata est. Eo-dem anno Q. Fulvius Flaccus Prætor in Citeriore Hispania 23. millia hominum fudit: Gracchus in Hispania ulteriore infinita oppida in deditionem accepit.

L. Posthumio Albino. M. Popilio Lenate Coss. A. V. C. 581. Lanuvii classis magnæ species in Cælo visæ. Priverni lana pulla terrâ enata. In Vienti apud Rementem lapidatum. Pom-pinum omne velut nubibus locustarum coopertum. In Galli-co agro, quæ induceretur aratrum, sub existentibus glebis pisces emerferunt. Ob hæc prodigia *Libri Fatales* inspecti, & supplica-tio prodigiis expiandis facta. In Ætoliæ perniciosæ seditiones propter ingentis aeris alieni cumulos ortæ. Perseus bellum in Romanos paravit : in Liguribus in agro Stellati pugnatum ad op-pidum Carystum , ubi X. millia hominum cæsa sunt vincenti-bus Romanis.

Q. Martio Philippo II. Q. Servilio Cæpione Coss. A. V. C. 585. Anagninæ fax in Cælo inspecta, bos femina locuta. Min-urnis per eos dies Cæli ardentis species affullerunt. Reate pluit lapidibus. Cum in arce Apollo triduum, ac tres noctes integras lachrymavit. Roma in æde Fortunæ anguis jubatus à complu-ribus visus : Palma in arce enata , sanguine interdiu pluit. Fre-gillis in domo L. Atrei, hasta, quam filio militi emerat, interdiu plus horas duas assit, ita tamen, ut nihil ejus combureret ignis : horum Prodigiorum causa, post supplicationem, victimis ma-joribus circa omnia pulvinaria facta sacrificia. Perseus Rex in Thracia feliciter pugnavit victis Dardanis & subactis Illyriis.

T. Grac-

T. Graccho. M. Juventio Coss. A. V. C. 591. Capuæ nocte Sol visus. In Agro Stellati fulgure, vervecum de grege pars examinata. Terracinæ pueri Trigemini nati Formiis duo Soles interdiu visi; Cælum arsit. Concii homo ex speculo acie orta combustus. Gabiis lacte pluit. Fulmine pleraque decussa in palatio: in Templum Victoriæ Cygnus illapsus, per manus capientium effugit. In Cephalenia turba in Cælo cantare visa. Terrâ pluit, procellosa tempestate tecta diruta, stragesque agrorum factæ: nocte species Solis Pisauri affulsit. Cære p̄rcus humanis manibus & pedibus natus; & pueri quadrupedes, & quadrumanes nati.

P. Africano & Lælio Coss. A. V. C. 607. Romæ & circa fulmine pleraque icta. Cære sanguinis rivi terra fluxerunt, & nocte cælum ac terra ardere visum. Frusin. & aurum sacrum mures arrosferunt. Lavinii inter horam tertiam & quintam discolors circuli Solem cinxerunt, rubente alter, alter candida linea. Stella arsit per dies 31. & cum Carthago obsideretur, in captivos Romanorum per Hasdrubalem barbaro more sævitum, mox Carthago per Æmylianum diruta.

M. Æmylio. C. Hostilio Mancino Coss. A. V. C. 617. cum Lanuvii auspicarentur, pulli è cavea in Sylvam Laurentinam evolarunt, neque inventi sunt. Præneste fax ardens in Cælo visa. Terracinæ M. Claudius Prætor in nave fulmine conflagravit. Lacus Fucinus per millia passuum quinque quoquo versum inundavit. In Græcostasi & Comitio sanguine fluxit: fulmine pleraque decussa. Hostilius Mancinus Consul in portu Herculis cum conscenderet navem, petens Numantiam; vox improvisa audita: *Mane Mancine*, cumque egressus, postea navem Genuæ conscendisset, anguis in navi inventus, è manibus aufugit, ipse Consul devictus, mox Numantinis deditus.

Appio Claudio. M. Perpenna Coss. A. V. C. 624. Romæ in agro Corrafi lacte pluit. Lupus & canis Hostiæ pugnantes fulmine exanimati. Prætor populi Romani uno ictu fulmine exanimatus.

nimatus. Terracinæ sereno navis velum fulmine tactum in aquas dejectum, & impenſas omnes, quæ ibi erant, ignis abſumpſit. Publius Crassus adverſus Ariſtonicum dimicans occiſus. Apollinis ſimulacrum lachrymavit per quarriduum: Vates portenderunt Græciæ fore exitium, undæ deductum eſſet: Sacrificatum tunc à Romanis, dona que in Templo poſita. Phrygia recepta. Aſia Attali teſtamento legata Romanis. Antiocho Regi Syriæ ingenti exercitu dimicanti hirundines in Tabernaculo nidum fecerunt, quo prodigio neglecto prælium commiſit, & à Parthis occiſus eſt. M. Fulvii Flacci Triumviri diſſenſione in legibus ferendis angues duo nigri in cellam Minervæ allapſi, civilem eadem portenderunt.

M. Acillo. C. Portio. Coſſ. A. V. C. 640. Pompeius Elnius eques Romanus à ludis Romanis cum in Apuliam reverteretur, in agro Stellati filia ejus virgo, equo inſidens, fulmine iſta, examinataque, veſtimento deducto in inguinibus, exerta lingua per inferiores locos, ut ignis ad os emicuerit. Tres uno tempore Virgines Veſtales nobiliſſimæ cum aliquot equitibus Romanis inceſti pœnas ſubierunt. Ædes Veneri Verticordiæ facta.

C. Mario. C. Flacco Coſſ. A. V. C. 650. Bubo extra Urbem viſus. Bos locuta. Trebulæ Mutuſcæ ſimulacrum in Templo, quod capite ad operto fuit, opertum inventum. Nuceriæ ulmus vento everſa ſua ſponte erecta in radicem coaluit. In Lucanis lacte; Lunæ ſanguine pluit. Arimini canis locutus. Arma celeſtia tempore utroque ab ortu & occaſu viſa pugnare, & ab occaſu vinci, Aruſpicum reſponſo, populus ſtipem Cereri & Proſerpinæ tulit, Virgines 27. dona canentes tulerunt. Luna interdiu cum ſtella ab hora tertia, uſque ad ſeptimam apparuit. A fugitivis & deſertoribus in Thurinis regiones vaſtatæ. Cimbri Alpes tranſgreſſi, per Hiſpaniam vaſtatam junxerunt ſe Theutonius. Lupus Urbem intravit. Hora diei tertia ſolis defectus lucem obſcuravit. Examen Apum ante ædem Salutis conſedit: in Comitio lacte pluit: in Piceno tres Soles viſi: in Agro Vulſiniſi

M

flamma

flamma è terra orta, Cælumque visa contingere: in Tarquinia-
 si lactis rivi terra scaturienti exorti, Auspicum responso, signa
 oleaginea duo armata statuta, supplicatumque: in Macedonia
 Thraces subacti.

C. Mario. L. Valerio Coss. A. V. C. 654. Fax ardens Tarqui-
 niis latè visa subito lapsu cadens. Sub occasu, Solis orbis clypei
 similis ab occidente ad Orientem visus præferri. In Piceno ter-
 ræ motu domicilia ruinis prostrata, quædam convulsa sede sua in-
 clinata manserunt. Fremitus armorum ex Inferno auditus: qua-
 drigæ auratæ in foro à pedibus sudaverunt; fugitivi in Sicilia præ-
 liis trucidati.

Cn. Octavio. L. Cornelio Cinna Coss. A. V. C. 667. Simu-
 lacto Apollinis caput sine ulla evidenti causa decidit, quod in-
 ventum est humi ad eò infixum, ut summis etiam viribus avelli
 non potuerit, quod videns Octavius, licet exitium tuum signifi-
 cari intellexerit, vitare tamen non potuit, quo crudeli-
 ter intersecto, Dei caput immobile terra demum. refigi
 potuit.

M. Æmylio. D. Bruto Coss. A. V. C. 677. Didius Lælius
 Legatus Pompei, cui prodigium Romæ erat factum, in lecto
 uxoris duo angues conspecti, in diversumq; lapsi, proximè Pom-
 peio in Castris sedenti accipiter super caput accesserat, in Hispa-
 nia adversus Sertorium inter pabulatores occisus.

C. Cæsare. M. Antonio Coss. A. V. C. 710. Cæsari Dictatori
 exta sine corde inventa. Calphurnia Uxor somniavit fastigium
 domûs, quod sicut erat adiectum, ruisse: nocte cum valvæ cu-
 bilis clausæ essent, sua sponte apertæ sunt, ita ut Lunæ fulgore, qui
 introvenerat, Calphurnia excitaretur; imò in Colonia Capua re-
 perta est tabula ænea, græcis verbis conscripta, in monumento
 Capys Capuæ conditoris, quæ sic dicebant: Quando ossa Cap-
 pys detecta essent, fore ut Julio prognatus manu consanguineo-
 rum necaretur, magnisque mox Italiæ cladibus vindicaretur: ut
 postea evenit: ipse enim Cæsar 23. vulneribus in Curia Pom-

peia.

peiana à conjuratis confossus est : ponunt alii hoc accidisse anno 709.

Cajo Furnio, Cajo Syllano Coss. A. V. C. 737. sub Appenino in villa Livie Uxoris Cæsaris ingenti motu terra tremuit. Fax cœlestis à Meridiano ad Septentrionem extenta, lucidiurnæ similem in nocte fecit. Tutris hortorum Cæsaris ad portam Collinam de cœlo tacta : insidiis Romanorum Germani circumventi, sub M. Lollio Legato graviter vexati.

Paulo Fabio, Quinto Ælio Coss. A. V. C. 743. in Germania in Castris Drusi examen Apum in Tabernaculo Hostilii Rutilii Præfecti Castrorum conscendit, ita ut funem prætendentem, præfixamque tentorio lanceam amplecteretur, Multitudo Romanorum per insidias subiecta est.

Sed de his satis, nunc ad alia pauca, quæ vel ex avium cantu, vel volatu, vel monstrorum ortu, aliisque, quæ observavimus meritò inter Prodigia enumeranda, descendamus.

Refert Nicephorus lib. 9. cap. 35. de Athanasio Episcopo, qui ab Artianis & Græcis præstigiator dicebatur, atque ob divinationis peritiam diu multumque derisus, cùm urbem Alexandriam ingrederetur, Cornix in aëre volitans crocitabat : Græcorum igitur turba hæc audiens, scommate cum veluti impostorem persequens, quidnam Cornix diceret, interrogavit : ille autem perquam urbanè & suaviter ridens, Cras, inquit, portendit, namque crastinum diem non benè cessurum vobis, mandatum enim ab Imperatore veniens festum diem vestrum inhibebit, & magnificentia vestra injucunda vobis erit : porrò hoc Athanasii dictum exitum suum habuit, ab Imperatore enim litteræ veniére, quibus Magistratus jubebatur de cætero Græcos prohibere, ne ad Templâ accederent, & more superstitionis suæ festos peragerent, & celebritas ea, quæ jam aderat, & ab illis plurimi fiebat, venerationeque maximâ colebatur, tum penitus abrogata est.

Anno 1559. in obitu Pauli IV. dum erat parata Conclavis: ad novum eligendum Pontificem, super Joannis Angeli Cardinalis Medicei Columba aliquamdiu circumvolitans cellam consedit, unde Cardinales observantes tanquam à Numine missam, creaverunt ipsum Pontificem titulo Pii IV. referunt aliud prodigium in hoc Pontifice enatum esse puero existente: nocte flamma quædam enata est, quæ totum circumvit cubiculum, deinde lucernam extinctam accendens evanuit, quæ nutricem non dormientem perterrefecit. Idem dicunt evenisse Servio Tullio, qui Romæ regno potitus est.

Aliud. Columbæ auspiciu observavi ego cum aliis, in Francisco Molino Venetiarum Principe Religiosissimo, in cujus dexteram Olivifera Columba convolavit, ubi cum Senatu Triumphante *Christo* Hosanna decantaretur cum palmis ante Basilicam Divi Marci, sicut mos annuus est, die 5. Aprilis anni 1648. post enim horæ dimidium circiter, dum Sacrificio aderat populo spectante, venit ex insperato Nuncius ex Illyrico afferens triumphum è Clissa contra Turcarum arma.

Monstra etiam, ut supra vidimus, inter prodigia referuntur: nono enim anno ante pestilens *Arrii* dogma, prodiit infans gemino ore, quatuor oculis, dentibus binis, & barba promissiore terribilis, præcesserunt tamen Cometa, Terræ motus, & alia innumera anno post Christum 308.

Sic anno antequam nasceretur Mahumethus, execrandum prodigii genus, ac Christiano populo funestum, Puer biceps, quadrupes Bizanti, natus anno Domini 596. subsequenti anno natus est in Arabia Mahumethus, homo versipellis, duplex, magicarum artium non imperitus, cujus præcurzor fuit *Arrius*.

In Saxonia inter iniria prædicationis Lutheri natum est monstrum bovinis pedibus, quatuor oculis, ore nasoque vitulum referens, supra caput carnem rubeam formâ tonsuræ Sacerdotalis.

alis habens, à tergo formâ cucullæ Monachicæ dependente, undique verò fissuris plenum esse videbatur.

Anno 1512. Ravennæ monstrum natum est, quod habebat cornu in capite, alas duas, brachia nulla, pedem unum; ut avis rapax, oculum in genu, sexum utrumque, in medio pectore Ypsilon, & Crucis effigiem: hoc aliqui ita interpretati sunt. Cornu portendere superbiam; alas levitatem & inconstantiam; carentiam brachiorum, defectum bonorum operum; pedem rapacem, rapinam, usuram & avaritiam omnimodam; oculum in genu, solum ad res terrenas respectum; sexum utrumque sodomiam, propter hæc autem peccata, Italiam sic eo tempore bellicis contritionibus affligi. Y. verò virtutis, & Crucem signum esse salutis; quare si vitis his relictis ad virtutes & Christi crucem, id est, unicum ejus recurrant meritum; respirationem & pacem denuò inventuros esse. Fiebant autem hæc Ludovico Gallorum Rege, sub Julio Secundo Pontifice, Italiam devastante.

Anno 1547. Cracoviæ mirabile sanè monstrum natum est, quod & triduo vixit: caput erat humanæ formæ non absimile, nisi quod flammescerent oculi, nasus verò longus & aduncus tibix instar existeret; in membrorum juncturis ad ulnas, cubitos & genua, canina eminebant capita; manus, pedesque anserinis pedibus similes, oculi supra umbilicum duo, cauda pecuina à tergo hamum extremitate referens, sexu erat masculum: per hoc Sodomix peccatum intellexerunt: addit Cornelius Gemma in Cosmocriticæ lib. 1. à Munstero in Cosmographicis pictam pueri formam, eum in terra Belgica esse natum, (quamquam non desint, qui Cracoviæ scribant) festo Conversionis Pauli anno 1543. honestis parentibus, & quatuor tantum lioris supervixisse, & hæc dixisse: Vigilate; Dominus Deus vester adventat; & hanc dicit ruinæ Belgicæ fuisse primam configurationem.

Coronidis loco addo, quod etiam inter prodigia adscribenda sunt, quæ ex nostra voluntate intrinsecus stimulante extra-

prodeunt, & nil aliud in se habere videntur, quàm infantiæ & inconstantia, tamen à prudentibus observantur, quia tandem effectus suos pariunt. Quale est id, quod Venetiis evenit anno circiter 1543. quod observavi & annotavi quamquam adolescentulus. In pueris & juvenibus intus pugnandi ardor ortus erat, ut, quotiescunque dies festus accedebat, inter se gladiis ligneis fortiter dimicarent, & multi vulnerarentur; hoc autem ferè per annum duravit, paulò post incæpit bellum Creticum tam diù durans, non sine jactura Christianæ Religionis.

Mortuo Francisco Molino Venetiarum Principe, clauso consilio pro electione alterius, anno 1655. die Jovis 25. Martii, Hebdomadis Sanctæ, circa noctis principia, dum in Ducali Templo sacra fiebant cum Processionibus annuis, ad adorandum *Miraculosum Christi* sanguinem, quæ omnia cum solemini pompa fiunt, incæpit pluvia magna cum vento, unde populo concurrente tum propter devotionem, tum propter temporis minas, inter januam primam exteriorem, & spatium secundæ interioris, tantus extitit tumultus, ut mortui fuerint circiter 40. aliis semivivis relictis, aliis fractis cruribus, brachiis; in hac miserranda strage eadem hora electus fuit Carolus Contarenus Dux Venetiarum, pius atque religiosus, à quo non dissimilis est Filius Andreas Eques & D. M. Procurator, qui non erit invidus Patri: hoc ergo accidens prodigiosum evenit die fundationis Civitatis, ego autem, qui à longè in Ecclesia aderam, domum reversus annotatâ horâ eventus, & electionis construxi figuram, & mortem ejus in anno sequenti prædixi.

Anno 1654. vivente Innocentio X. P. M. die Jovis 24. Julii, nocte tamen circa horam quintam cum dimidia, terræ motus primo invasionis momento fortiter concussit urbem, altero verò subsequente, minus: in agris verò Abrutii vehemens fuit. Tempore Veris multitudo locustarum & gryllorum arva devastabat. Cum autem fuisset Solis deliquium die 12. Augusti hora 24. cum dimidia, cum assistentia Saturni, Martis & Caudæ Draconis

eonis in Ascendente, Romæ pestem & Pontificis mortem annuntiabat, circa initia Septembris malè habuit Pontifex, & cum principia effectus essent à die 11. Decembris in 9. Aprilis 1655. Pontifex 6. Januarii obiit: cui successit die 7. Aprilis Fabius Chigijs Senensis titulo *Alexandri VII.* hoc mense tanta fuit gryllorum multitudo in arvis Romæ, ut necesse fuerit multis committere, ut necarentur; fuère etiam pluyiæ multæ, quæ annuntiabant Pontifici lachrymas, ex hominum morte esse orituras, sicuti jam ante prædixeram.

Nocte, qua sepeliebatur Ferdinandus III. Imperator Augustissimus, qui obiit 1657. die 2. Aprilis (sicuti nocte, qua mortuus est, factus est Terræ motus) apparuerunt obscurissimæ nubes, & multa signa ignea in Cælo, & quædam erant in formam gladii, & Cælum comburi videbatur, aliaque chasmata, quæ cum per momenta tantum durassent, bellicos tumultus, minas de Imperii lapsu cum laudabili fine ostendebant.

*Non tamen hac propriâ numerata potentia Mundo
regnat Energiâ, nam solum ut signa supremis
indicat Imperiis, quæ sorte & tempore Fati
verti & mutari, vel bello aut pace valebit:
Nis autem efficiens dimanat ab æthere Cæli.*

TRIAS.

PROCEDENS.

E L O H Æ

PULCHRITUDO.

PHANTASIA.

SANDALPHON.

VIRTUTES.

M A R S.

SPHÆRA QVINTA.

FATUM IN NUMERIS.

RERUM omnium ordo & mensura Numerus est, & sine numero & mensura ordo esse non potest, neque mensura, si non constet ordine & numero: hinc Pythagoras omnia numeris tribuebat, quia sunt rerum sublimium & magnarum potentes; non loquimur de numeris vocalibus seu mercatoris, sed rationalibus, formalibus & naturalibus: neque ab hoc dissentit Severinus Boëtius, dicens: quæcunque à primâ rerum naturâ constructa sunt, numerorum videntur ratione formata. Numero dividuntur tempora, neque Cœli absque numero moventur, cum numero consent, ipsæque rerum omnium principia sub numero continentur, neque formatur homo sine numero; nam sine numero compositio, constitutio, aut dissolutio fieri nequit; hinc Joannes in Apocalypsi inquit. Qui habet intellectum, computet numerum nominis bestię, qui est numerus hominis.

Ex numeris ergo orta est Musica, tam Theorica quam Practica, tam Naturalis quam Artificialis, tam Cœlestis quam Humana; sic Pythagoras, Plato & Archytas rerum omnium motiones & Astrorum conversiones, sine Musica consistere non posse existimarunt, & Cœlestem harmoniam Stellarum consonantium motu causante, perceptibilem auribus formare sonum; est enim hæc harmonia Cœlestis, numero, ordine & mensura distributionum corporum consonantia inviolabilis; sicuti Symmetria & proportio corporis humani responderet harmoniæ majoris mundi.

Septem ergo statuere modulamina vocum, & sunt Tonus, Ditonus, Semiditonus, Diatesseron, Diapente cum tono, Diapente cum Semitono & Diapason; consonantiæ verò simplices. Diapason, Diapente & Diatesseron: sicuti ex modulationibus tres compositiones oriuntur, Harmonica, Chromatica & Diatonica; voces verò, quibus sonus exprimitur, sex, per binarium divisæ in dulces, duras & mediocres, ex quibus oritur Systema & Diastema. Primus est compositio plurium vocum; secundus

dius est intervallum inter sonos oblatos, quod, ascendendo & descendendo, arbitrio musicorum augetur.

Hinc visa est Musica morum formatrix & imitatrix; nam multi melodico instrumentorum concentu à dæmoniaca vel melancholica affectione melius habuerunt, sicuti eveniebat Saulo, dum David cytharam pulsaret. Terpander musicâ seditionem inter Lacedemonios sopivit; sic morsus phalangii, musici instrumenti sono curatur, sic aliquando ægroti ope Musicæ ex Orco eripiuntur; & cum ex partibus Musicæ oriantur saltationes & tripudia, Plato & Aristoteles prohibuerunt adolescentibus Jonicas aut Lidianas choreas, sunt enim quinti aut septimioni, & habent facultatem & vim demulcendi corda hominum, unde libidinis incitatio: sed solum ad monuere, ut in Dorica, hoc est, primo tono exercitarentur, cum ipsa ultra moderatam dulcedinem, etiam gravitatem in se continet; sed cum Themistius, Averroes & Plato existiment absque numeris formalibus & rationalibus neminem posse philosophari, & Hebræorum Mecubales ipsos ad sydera extollant, ubi agunt de Cabalæ Philologicæ divisione triplici in Gematriam, Notarikon & Temurah, cui ultimæ inservit revolutio alphabetaria, maximè verò in Ziruph, ad illos redeundum puto.

Tam Ethnici, quàm Catholici & Sancti Patres in numeris inesse admirandam tum virtutem, tum efficaciam uno ore confirmant, ipseque Hilarius super Psalmos testatur Collegium Chachamim numerorum efficaciam psalmos in ordinem redegisse.

Variis autem est numerorum ordo & differentia, nam datur par, impar, perfectus, imperfectus solidus, plenus, diminutus, abundans, æqualis, inæqualis, divisibilis, indivisibilis, mas & femina, major, minor, duplex, triplex, quadruplex &c. de quibus nunc dicemus.

Monas ergo non est numerus, sed ex ipsa numerus omnis confurgit, est enim fons, à quo & sine quo non fit numerus, unde numerari non potest, nam ante ipsam non est numerus, est enim simplex, multiplicationem in partes non suscipiens, nisi in se ipsam, est tamen principium aliorum, sic Joannes notat in Apocalypsi. Ego sum Alpha & Omega, principium & finis. Et Macrobius: nulli aptius conjungitur Monas incorrupta, quam Virgini.

Binarius, qui à Pythagoricis non dicitur numerus, sed confusio unitatum, est numerus nuptialis, & vocatur unitatis germen, est de compositis, habetur enim pro numero mutui amoris, societatis, discordiæ & immunditiæ, in Auspiciis semper infelix, imò ferunt ipsum adferre nocte iter facientibus nocumenta umbrarum, larvarum, malorumque spirituum: hinc Pythagoras per Monadem intelligebat Deum, bonumque intellectum; per dualitatem, dæmonem.

Ternarius numerus est incompositus, sacer, virtuosus, potens & perfectus: de hac autem numeri perfectione Plutarchus in Simps. agit, quam notat Bodinus in lib. 4. de Repub. de errore: sed quare non sit perfectus, rationem non reddit, cum Arist. lib. 1. de Cælo vocat eum legem & omnium dispositionem. Monas enim in Triade lata convertitur, & ut dicit Tritemius: Ternarius ad unitatem reductus, per aspectum omnia in se continet, & quæ vult, potest; quod quidem in Magicis est expertum, tum in hoc, tum in sequenti, efficax enim est in ligationibus, sanctificationibus & curis morborum, sed multi conantur, at non est in omnium mente Ternarius.

Quaternarius Pythagoricus sacer, fundamentum omnium numerorum, hinc in divinis, naturalibus & artificialibus omnia fundamenta quadrata sunt; constat his duabus proportionibus unius ad unum, & duorum ad duo; hunc Magi vocant Naturæ fontem, & est numerus, qui occulta naturæ operari potest: nam ipsi

ipsi dæmones secundum Quaternarii dispositionem fugiunt, acceduntq; vocati: hoc in Magicis patet.

Quinarius mas fœmina est ex impari & pari constans, decadis medietas, ex hoc enim omnes usque ad decadem componuntur; hunc appellant Pythagorici numerum connubii; est etiam numerus gratiæ & felicitatis, nam dicunt Noë in numero quinario gratiam invenisse apud Dominum, hinc adpellendos dæmones Pentagono Magi utuntur, cum sit numerus, qui in expiationibus multum valet.

Senarius perfectus est, ita ut à Monade usque ad Decadem non sit alius, constat enim tum ex tribus paribus, tum ex duobus imparibus. Pythagorici enim accommodant ipsum Genesi & nuptiis: vocatur etiam mundi signaculum, cum Sexto die perfectus sit. Quanta verò sit ipsius vis in morbis, Hypocrates testatur sextum esse Tyrannum, in mutationibus verò Regnorum, suo loco dicemus.

Septenarius virtuosus, abditarum rerum & mirandarum plenus; à senario enim & Monade compositus, vel ex triade & quaternario, vel ex binario & quinario, multiplicis enim divisionis miraculosus & potens; hunc vocant Pythagorici hominis vehiculum; Plato verò in Tymeo animam Mundi hoc numero esse genitam reliquit, quia verò neque genitus est, neque generat, cum sub divisione equalium partium non cadat, Virginitati consecratur: in Magicis potentissimus, cum ex ipso solo etiam curationes admirandæ fieri possint; in Sacra verò Scriptura multoties usurpatus, & vario sensu, nunc sub titulo ultionis, remissionis, pœnitentiæ, sanitatis, quietis & orationis; ut: septuplum ultio dabitur de Cain: vade, & lava te septies in Jordano, & recipiet sanitatem caro tua: septies in die laudem dixi tibi: septimo die Dominus quievit ab opere suo: & Joannes in Apocalypsi sæpissimè de ipso mentionem facit. Ab hoc enim incipiunt *Fati* vires tum in Macrocosmo, tum in Microcosmo, Septimestris enim fœtus vitalis est.

Octonarius à Macrobio dicitur plenus , & quia dividitur in numeros pariter pares, Justitiæ nomen accepit : constat enim ex duplici Triade & binario, nec non ex quaternario, Triade & Monade. Vocatus est numerus fœderis & Circumcisionis, quæ à Judæis octavo die fiebat ; & quia in arca Noë octo redempti sunt à multitudine aquarum, salutis & conversationis dictus est ; generationi verò humanæ infestus , cum nullus hominum in octavo mense vivat, subsequitur enim Septennarium , & Monadem ingreditur.

Novenarius verò ex tribus Triadibus , vel ex duobus quaternariis & Monade, vel ex quinario & quaternario , vel ex senario & triade componitur : Sacer est , tamen ad perfectionem decadis non pervenit, unde notam imperfectionis subit. Nativitatibus hominum constitutus , ut plurimum enim in nono mense nascuntur, inter Fatales enneaticus est, & ex mutationibus , quas affert hominibus & Regnis Mundi, evadit insignis.

Denarius completus est , & ultra illum non est numerus simplex, universos enim numeros intra se implicat, vel per se , & suos explicat multiplicando , unde multiplicis Religionis habetur : nam unum duo , tria & quatuor sunt decem , & sine regressu ad unitatem numerus ulterius non progreditur ; sic in se omnes continet numeros , nam in ipso sunt quinque pares ex binis , tres triades & monas, senarius & quaternarius, duo quaternarii & binarius : hinc cecinit Hermes in sermone recondito in mente de Regeneratione. Decas est animæ genitrix, unitas secundum rationem Decadem habet, & Decas unitatem. Est ergo omnium numerorum finis & complementum : dicunt enim, Josue in hoc numero triginta unum Regem vicisse. Cabalistæ verò Hebræorū, quos vocant Allegorizantes, cuncta Denario disposita, in decem Dei nomina Paradigmatica vergunt ; Hyperbolicè autem Decem Sephirot, hoc est, Numerationes vocant, per quas homo Cabalæ studiosus propius ad Deificationem ascendit, sed hæc in Mereches Elohus , & de his Gerundinus Mose , & Rabi Meahem, Rachanad cum aliis

Unde-

Undenarius Decadi succedit, numerus imperfectionis, nullam habens cum Divinis communionem, attractum, nec meritum, in morbis verò Judiciarius est.

Duodenarius verò divinus, tum ex numero Apostolorum Christi, tum ex numero Angelorum, qui Zodiaci signis præfunt: in Macrocosmo Fatalis, nam ex ipso, tum quadrato, tum Cubo ex Algebra desumpto, cognoscitur mutatio Regnorum, declinatio & annihilatio.

Constat ergo & nulli dubium est, virtutes multas in numeris consistere, quæ inserviunt Homini & Mundo, multæque scientiæ ex ipsis constructæ sunt, sic ars mirifica Pythagoræ, ipsique Hebræorum Mecubales in Zirupho omnia ab ipsis deducunt; possunt etiam in Rerumpublicarum negotiis utilissimè exerceri, nam summus Opifex numeris in Natura multa destinavit officia, ad quæ quidem intelligenda non perveniet homo duræ cervicis.

*Hæc tibi nunc pandam: sed cantu Musa sonoro
lassa diu, quaris placido requiescere somno,
colligas ut vires, majorique æta furore,
Astræ feræ possit Numerorum exponere causas.*



MONAS.

SOLUS.

ADONAISABAOOTH.

PERPETUITAS.

SENSUS INTERIOR.

SANDALPHON.

POTESTATES.

S O L.

SPHÆRA QVARTA.

FATUM IN ANNIS.

EX numeris Anni Fatales deducuntur, & absque numeris deduci nequeunt. Varia nomina sortiuntur, nempe Climaterici, Scalares, Decreretii, Gradarii, Scansiles, Critici, Heroici, Androdes, Judicarii. Dubitant aliqui an dentur; dicunt enim, cum duplicis generis sint, nempe alii ex Septenario, alii ex novenario, quare non est hominibus constitutum nascendi tempus in octavo mense vel decimo, sed nascuntur in mensibus ex numero Fatalibus, & ut plurimum vivunt: ad hanc objectionem pulcherrimam respondemus.

Primò: dari Annos Climatericos, tum Enneaticos, tum Hebdomaticos, non ratione numerorum solummodo, sed ratione Planetarum, quibus datum est dominium super ipsos, nec est, quod, cum septenarius constet ex primo impari, & primo pariter pari quaternario, novenarius ex tribus triadibus, qui est quadratus primi imparis, numeri sacri ternarii, & etiam est impariter par; ex hac causa solummodo debeat effectus magnos & mutationes in hominibus patere, sed quod illis dominantur Planetæ, tum ipsorum hostiles radii mutationem & necem aliquando afferentes; à qua, opinione non dissentit Vir Clariss. Johannes Colle in suo Cosmitore Mediceo pag. 251. à quo non est virtute inferior Pronepos Hieronymus Colle Vir Eruditissimus, qui non tantum Avos imitatur omni virtutum, scientiarumque genere, sed longè superat.

Secundò, dato, quod dentur Anni Climaterici, non sequitur, quod sint semper lethales, ut multi credunt, sed in ipsis mutatio apparet, quæ aliquando ad bonum, aliquando ad malum convertitur, hinc multi moriuntur in non Climaterico, qui in Climaterico benè habuere.

Tertiò, quod natus in septimo & nono, quamquam Fatalis, ut plurimum vivat, nisi eo tempore morbo corripiatur & pereat. Ratio est, quia primo mense dominatur Saturnus, secundo Jupiter, tertio Mars, quarto Sol, quinto Venus, sexto Mercurius, septimo

Septimo Luna, ex hoc dominante, dummodo septennium completum sit, vivit: octavo mense redit Saturnus, & sua natura frigida & sicca impedit, ne fortis vivat, vivit verò, quando Luna ingressa est nonam Lunationem, quod multoties est observatum: nono mense redit ad dominium Jupiter, qui, cum benefica stella sit & salutaris, natis orientibus dat vitam, nisi aliæ causæ impediant.

Quartò responderetur, homines oriri in numero Mensium Fatalium, ut sciamus, tunc nos *Fato* subjici, & quod illius vires effugere non valeamus, cum ultrà septimum & nonum non sit aliud constitutum nascendi tempus (nisi dentur monstra in natura, quæ aliquando accidunt, & accidere possunt: sed hoc ratò, cum sit præter ordinem naturæ) & sic necesse est, ut in Fatalibus oriamur, hinc Plutarchus ex Homero deducit,

*Fata sua effugiet, non quisquam, sive malus sit
sive bonus, primum, cum lucem aspexerit almam.*

Ex his satis responsum est objectioni, quod etsi oriamur in mensibus, qui ex numeris suprapositis Fatales nuncupantur, non ex his sequi homines mori, cum hi numeri in se possideant virtutem, quæ alterari potest, & diminui à causis Cœlestibus, sicuti inferius dicemus.

Anni ergo Climaterici quidam componuntur ex Septenariis, quidam ex Novenariis, ex his alii sunt Majores, alii Minores, alii Maximi: ex Septenariis Minores sunt 7. 14. 21. 28. 35. 42. 49. 56. 63. Majores 70. 77. 84. 91. 98. 105. 112. 119. 126. Maximi verò 133. 140. &c. ex Novenariis Minores sunt 9. 18. 27. 36. 45. 54. 63. Majores 72. 81. 90. 99. 108. 117. Maximi verò 126. 135. &c. pono Maximos, quia in quibusdam Regionibus, maxime in India, Æthiopia, aliisque locis Orien-

tis inveniuntur aliqui excedentes majores , quod in nostris Regionibus rarum est , ut aliquis perveniat ad 119. vel 126. vel ultra.

Aliqui autem ex his inter periculosos collocantur, nempe. 21. 42. magis verò 49. 56. 63. 81. 84. unde Heroici & Androdes appellantur , quia Clarissimi Viri his annis obierunt, & mori observatum est , plerumque in 56. qui est ultimus custodiæ Martis, & 63. qui constat ex novem Septenariis, periculosissimus : hos annos summâ cum diligentia observant Antiquiores ; veritatem in ipsis reperientes ex vi & potentia , quæ in ipsis invenitur, quam quidem non negant multi Recentiores ; sed hi sunt Climaterici simplices in ore omnium existentes : nunc ad Fatales annos , qui ex Astris deducuntur, descendamus.

Sciendum ergo est totam hominis vitam dividi secundum Planetas , qui cum sint ordine septem , Septenarii Dominator unusquisque ex ipsis dicitur , cum regat annos septem initium à Luna sumendo , & hoc quò ad Universale . Septem ergo primi anni sunt Lunæ , & tunc puer obnoxius est convulsioni ; septem alii Mercurii , & fit agilis & rationis capax : septem Veneris , & tunc floret pulchritudo , & incipiunt moveri & impleri seminales meatus , & stimularad Venerem, corpus autem amplius non augetur , propter succedentem siccitatem Solis : septem alii Solis , & tunc adest vitæ robur , & incipit amor honorum , unde horum causâ propriæ vitæ obliviscitur homo . Alii septem Martis , & sunt audaciæ , laborum & dolorum , & pervenit ad roboris statum ; septem alii Jovis , tunc adest sapientia , astutia & consilium , & à juvenilibus nugis incipit recedere ; septem alii sunt Saturni , & homo fit gravis , prudens , juvenilia contemnens , post Saturnum ad eundem ordinem regreditur. Hanc Alfridariam Barbari vocant , quod ratione & experimento adinvenit

nit Cardanus, ut ipse testatur: annos verò cujuslibet Alfridaria ultimos semper periculosos censet. Nec ætas hominum tali modo divisa extra rationem videtur, nam si Summus Opifex Mundum septem diebus formavit, quare & homini, cum sit parvus Mundus, hujus dignitate Septennii frui non est concessum? Ipse quidem Hippocrates libro de carnibus scripsit, hominis vitam esse septem dierum, quod in conceptione observatur, cum in primis septem diebus semen in utero conglobatum & coagulatum evadit ad capiendam formam idoneum.

Alii tribuunt infantiam Lunæ, & quatuor primos annos, nam hoc tempore redit ad locum in Epicyclo & parvo orbe; pueritiam Mercurio annosque decem, pro medietate parvi orbis revolutionis, qui annis viginti completur: adolescentiam Veneri cum annis octo, & hoc tempore regreditur ad eundem Epicycli locum; juventutem Soli cum annis unde viginti: ætatem virilem Marti annis quindecim, pro spatio sui circuitus: senilem Jovi annis duodecim, juxta proprium circuitum, extremam verò Saturno; sed isti non ad aliam causam recurrentes, quam ad proprios Planetarum orbes & Epicyclos, cum aliam non reddant rationem, de istâ annorum divisione juxta Planetas, pace eorum, eam non recipimus.

Positis ergo Dominatoribus Septennii, sic constituitur eorum dominium, ut in generali dominantur omnibus hominibus, tam de die, quam de nocte natis, unicuique verò Septennii anno unus constitutus est Dominator pro diversitate Geniturae, nam qui dominatur nocturnæ genesi, non inservit diurnæ rem modò explico.

Sit natus aliquis, sive de die, sive de nocte sit: primos septem annos, à 7. ad 14. Mercurius. à 14. ad 21. Venus. à 21. ad 28. Sol. à 28. ad 35. Mars. à 35. ad 42. Jupiter. à 42. ad 49. Saturnus.

deinde ad Lunam redeundum est hoc ordine, donec vivit natus. Sciendum autem est hunc Septennii Dominum non esse solum in gubernando natum his septem annis, sed quolibet anno suum habere socium de dominio participem: in Genitura diurna res sic se habet: anno primo Lunâ gubernante Sol particeps erit, secundo Venus, tertio Mercurius, quarto Luna, quinto Saturnus, sexto Jupiter, septimo Mars. Postea anno octavo redit Sol cum Mercurio gubernans, & sic de singulis. In nocturna res alio modo succedit. Primo anno Septennii domina Luna, eadem Luna dominii particeps est, secundo Mercurius, tertio Venus, quarto Sol, quinto Mars, sexto Jupiter, septimo Saturnus, & sic de aliis intelligendum est.

Hinc deducitur horum Annorum pericula sic apparere, nam nascenti in die, septimus annus erit Martis, & per consequens, acuta febre, vulneribus, inflammatione, hæmorrhagia, & aliis molestabitur: de nocte verò, septimus erit Saturni, & ægrotudo erit chronica, ut quartana, quotidiana, tertiana spuria, animi pathemata, capitis gravedo, oculorum passiones, ut suffusio, cæcitas, casus ab alto, & alia de natura Saturni; ex his patet, quod annus 56. in nocturnis maxime, 63. in diurnis sit lethalis, cum triplex conjungatur infortunium frigiditatis in 56. siccitatis in 63. & hæc est prima Septenriorum divisio.

Secundò sumuntur Septenarii vel novenarii benigni, periculosi, vel medio modo se habentes ex Themate Natalitio, sine quo nullo modo potest intelligi, quomodo agant eorum enim vis est, quatenus conjunctione, sextili, trino, opposito, vel quadrato ad Cœli domus non solum Horoscopus ipse, sed etiam Planetæ per profectionem perveniant: Profectio enim est æqualis & regularis devolutio, seu incessio Horoscopi,

ſcopi, Solis, & aliorum ſignificatorum ſecundum ſignorum ordinem.

Aſpectus autem in Cœli domos incidentes tum ex Septenariis, tum ex novenariis ſunt iſti: anni ſeptimi Aſpectus Profectionis de oppoſito eſt ad ſeptimam. 21. de trino ad nonam. 28. de quadrato ad quartam. 35. de ſextili ad undecimam. 49. de conjunctione ad primam. 63. de ſextili ad tertiam. 70. de quadrato ad decimam. 77. de trino ad quintam. 91. de oppoſito ad ſeptimam: in novenariis, noni anni Profectionis Aſpectus, de trino eſt ad nonam. 27. de ſextili ad tertiam. 45. de trino ad nonam. 63. de ſextili ad tertiam. 81. de trino ad nonam; & hi ſunt aſpectus in Cœli domos incidentes: ceteri autem anni intermedii nullum habent aſpectum: periculoli autem ſunt ex Aſpectibus, Tetragonus & Oppoſitio, nec non Sextilis maleficorum in ſignis longarum aſcenſionum, ſicuti Trinus in ſignis brevium. Conjunctionio autem eſt ancipitis naturæ, cum bonis bona, cum malis malâ: quadratus verò, & oppoſitio beneficorum parum nocet: & hæc eſt ſecunda Septenniorum diſiſio.

Notandum etiâ eſt, quod ipſi Anni Clîmaterici, ut tales ſunt, non ſunt lethales, ſed aliquam afferunt mutationem in complexione, & ſi eo tempore adjuvatur Genetiſ ab aliqua benigna directione, evaneſcit Clîmaterici robur; ſi verò accidât mala Révolutio & bona directio, res medio modo ſe habet, ſed periculum eſt ne in pejus ruat; ſi verò ſit mala Révolutio, Profectio, Directio, Tranſitus, tunc actum eſt de vita: ſumuntur verò Profectiones hæ ex ſigno Horoſcopi, quitriginta gradus quolibet anno percurrentis de domo in domum ingreditur, unde Anni ultra Hebdomaticos & Enneaticos alii inſurgunt, tum mutationem afferentes, tum pernicioſi & lethales: & hoc modo perſpici poteſt, an Septenarii, vel Novenarii

narii sint futuri lethales aut salubres, sed quia, ut dixi, respectu locorum, ubi maligni vel benigni Planetæ adsunt, incidit significatorum Profectio, qualis sit futurus annus, iudicato.


Periculosi etiam sunt anni. 6. 18. 30. 42. 54. 66. 78. 90. quia Horoscopus Profectione venit ad sextam. sic. 7. 19. 31. 43. 55. 67. 79. 91. & tunc est ad septimam: amplius, 8. 20. 32. 44. 56. 68. 80. 92. & tunc est ad octavam mortis: considerandæ autem sunt tum Profectiones Horoscopi, tum medii Cæli & aliorum significatorum, si perveniant ad domos Cæli infelices, tum ad hostiles Planetarum radios illuc corpore, antisicio, vel contra antisicio existentium, quæ omnia sunt observanda:

nunc autem claritatis gratiâ XII. adduco Illustrium
Geniturarum exempla.

SPHÆRA QUARTA: GENITURA XXI.

11;

Federicus Feltrius, Urbini Princeps.



Nobilis est hæc Genitura, quia majori ex parte Planetæ in suis dignitatibus reperiuntur: domina Ascendentis est Luna juncta Veneri in sua exaltatione, cum autem nullo aspectu Mercurius configuretur, de Epilepsia & infania natum affligit, Ascendens ipsum signum mobile, Mercurius in propria domo, ubi capiti præest, affligitur Martis conjunctione in signo communi, unde respectu tum loci Mercurii, Martis, tum Horoscopi, decernitur natus latus, mutabilis, ad amorem præclivis, & Musicæ amator.

Captus ergo amore cujusdam foeminae histrionicæ mæ exercens, die 28. Junii 1623, vesperi publicè apparuit Comædus, die 29. mane seminudus è fenestra Augam de equis allocutus est paucis ab hinc horis Aulici expectantes cum surrecturum, cum iterum venationi destinasset, mortuum in lecto repenire.


In figura omnia apparent, Sol est cum Pleiadibus, Mercurius & Mars cum violenta Stella Oculi Tauri de natura Martis, Hercules in Horoscopo ubi Martis Antiscium, cauda Draconis in Cæli culmine; cum autem Profectio Ascendens illius Anni esset ad sextam, ubi oppositum Mercurii & Martis, & locus Saturni & Ascendens directione pervenisset ad Antiscium Martis absque latitudine, obiit Anno ætatis 18. Climaterico mense primo cum dimidio.

P

GENI-

DECADIS DE FATO GENITURA XXII.

Virginii Cæsarini Princeps.




Tot Planetæ in signis æthereis faciunt ingenio præclaros, ad omnia aptos, ut in hac genesi ex Stellis insignioribus Horoscopo & Medio Cœli, magnis honoribus elatus ad majora pervenisset, fuit enim (ut dicunt) Urbani VIII. Aulæ Magister. Ascendens enim Urbani est Medium Cœli Principis. Multi enim ad altiora sic elewantur, dum adest Genitura cum aliqua Principum consensus: brevem tamen vitam, luminaria in eadentibus Cœli locis demonstrabant, & Mars hostili radio Horoscopum affligit: nescio autem, quid evenisset, si tam citò non obiisset, Mars enim est in septima cum Capite Medusæ: in acie autem consumptus satis cecidit 1624. die 11. Aprilis; tunc erat directio Ascendentis ad Stellam Martialem Cordis Scorpîi, & Profectio Horoscopi erat ad quartam, quam foveam vocant, ubi quadratum Martis, & Mars ad proprium quadratum in Leone Anno Climaterico 28. cum mensibus quinque & diebus viginti.

GENI-

SPHÆRA QUARTA.
GENITURA XXIII.

115


Antonius Fachinettus Cardinalis.



Qui ægrotant, aut mutationem insignem in septimo experiuntur, hi, vel maleficum Planetam, vel malum radium ex ipsis in Occidente habent. Eminentissimus hic habet Saturnum in Sagittario signo igneo, annoque septimo ægrotavit usque ad mortem, tamen acuta ægritudo versa est in chronicam, tum ex Saturno in septima, tum ex directione Horoscopi ad ejus oppositum, cum autem pervenisset Profectio horoscopi ad septimam, ubi Saturnus & directio Lunæ ad corpus Martis, obiit anno 1606. Maii, ætatis verò Climaterico 31, cum mensibus dubois vix completis.

DECADIS DE FATO GENITURA XXIV.

Bernardus Veimarius Dux.




Luminaria in angulis, & in suis dignitatibus, Jupiter, Mars & Venus in propriis domiciliis virum insignem, tum in divitiis, maxime ex arte Militari, tum in honoribus demonstrant; cum autem dominus Ascendentis sit in duodecima, dominus duodecimæ in medio Cæli, & dominus medi Cæli in septima carceres designant, quos bis est expertus & inimicitias multas, de inimicis verò victoriam, quia Luna domina decimæ in sua exaltatione est in septima, & Mercurius in Cæli culmine: ex Luna verò in septima cum cauda Draconis, quadrato Mercurii & opposito Martis, pericula violentiæ, mala enim mors imminerebat & inopinata, ut sub Cæsare Ferdinando II. notum est: laudabilium morum facit species Virginis in Horoscopo, unde à Principibus magnis valde in ratione habitus, à propriis militibus multum dilectus, quia non tanquam Princeps, sed tanquam pauper nulus omnibus periculis expositus, obdormiebat in nivibus & pluviis, vocabaturque subditos milites fratres, & socios. Anno ergo 1639. Julii die 15. Basileæ jam pertransiens, non bene se habere cognoscens, festinavit Neoburgum, ubi die 18. moritur, tunc erat directio Ascendentis centralis ad Corpus Martis anno Climaterico 35. minus diebus 27. & Profectio Ascendentis ad quadratum Martis.

GENI-

SPHÆRA QUARTA.
GENITURA XXV.
Philippus III. Rex Hispaniarum.


117



Hic Rex longioris vitæ esse non poterat, cum luminaria sint sub terra, & in cadentibus platice Martis opposito afflicta, cum autem Ascendens anno 1614. pervenisset ad Saturni quadratum, die 2. Julii incepit ægrotare lenta febre, quæ 1. dies tantum perduravit; sed quia nullus in Nativitate hac est Saturno potentior, cum sit dominus Horoscopi, & in sua domo reperiatur, nullaque postea fortis, & benefica directio usq; ad annum mortis succederet, fluxione humorum acri tunc introducta in partes spirituales, in speciem phthisis incidens, irritis remediis, nil mirum si succedente directione Horoscopi ad Solem, natura Martis imbutum, & ad Lunæ quadratum, Professione verò Horoscopi ad septimam, ubi oppositum Martis, anno ætatis 43. Climaterico 1621. mense Aprilis diem clausit. P 3 GENI-

DECADIS DE FATO
GENITURA XXVI.

Octavianus Frater Cardinalis Ubaldini.




Luna domina Ascendentis in igneo signo, Solis exaltatione, & Hereules Stella violenta in Ascendente, Saturnus verò cum capite Medusæ in opposito platico Martis in propria domo existentis. pericula violentiæ, multaue adversa decreverunt; cum autem directio Ascendentis pervenisset ad quadratum Martis anno Climaterico 45. minus uno mense circiter, ex febre maligna periit, anno 1632. die 12. Augusti, eratque Profectio Horoscopi ad oppositum Solis.

GENI-

SPHÆRA QUARTA.
GENITURA XXVII.

119

Marcus Antonius Columna Comes stabiliis Regni Neapoli.



Hic fuit Siciliæ Prorox, post patrata Victoriâ contra Turcas 1571. & tunc regebat Classes Pontificias, nam initum erat fœdus inter Pontificem, Hispanum Regem & Veneros, hoc demonstratur ex constitutione Martis, Jovis & Mercurii in quinta, nec non sextili Lunæ ad Venerem & Solem, Sol enim est in sexta cum Venere, in Veneris exaltatione respiciens de Trino Medium Cœli demonstravit officia, administrationes, negotia cum Principibus, ex quibus divitiæ affluerunt, nam Luna domina medi Cœli in quarta stabiliū, cum autem sit cum cauda draconis, & in suo detrimento, dispendia multa in illis expertum esse, credendum est: vocatus ergo à Rege in Hispaniam 1584. progreditur, & in itinere prope Medinam Cœli ægotans in ea civitate die 20. Julii obiit. Anno ætatis 49. Climaterico cum mensibus fere quinque ex directione Ascendentis ad quadratum Martis, & tunc Profectio Ascendentis erat ad primam in quadrato Lunæ, & Profectio Saturni & Martis erat ad locum proprium.

GENI.

deinde ad Lunam redeundum est hoc ordine, donec vivit natus. Sciendum autem est hunc Septennii Dominum non esse solum in gubernando natum his septem annis, sed quolibet anno suum habere socium de dominio participem: in Genitura diurna res sic se habet: anno primo Lunâ gubernante Sol particeps erit, secundo Venus, tertio Mercurius, quarto Luna, quinto Saturnus, sexto Jupiter, septimo Mars. Postea anno octavo redit Sol cum Mercurio gubernans, & sic de singulis. In nocturna res alio modo succedit. Primo anno Septennii domina Luna, eadem Luna dominii particeps est, secundo Mercurius, tertio Venus, quarto Sol, quinto Mars, sexto Jupiter, septimo Saturnus, & sic de aliis intelligendum est.

Hinc deducitur horum Annorum pericula sic apparere, nam nascenti in die, septimus annus erit Martis, & per consequens, acuta febre, vulneribus, inflammatione, hæmorrhagia, & aliis molestabitur: de nocte verò, septimus erit Saturni, & ægritudo erit chronica, ut quartana, quotidiana, tertiana spuria, animi pathemata, capitis gravedo, oculorum passionibus, ut suffusio, cæcitas, casus ab alto, & alia de natura Saturni: ex his patet, quod annus 56. in nocturnis maxime, 63. in diurnis sit lethalis, cum triplex conjungatur infortunium frigiditatis in 56. siccitatis in 63. & hæc est prima Septenniorum divisio.

Secundò sumuntur Septenarii vel novenarii benigni, periculosi, vel medio modo se habentes ex Themate Natalitio, sine quo nullo modo potest intelligi, quomodo agant: eorum enim vis est, quatenus conjunctione, sextili, trino, opposito, vel quadrato ad Cœli domus non solum Horoscopus ipse, sed etiam Planetæ per profectionem perveniant: Profectio enim est æqualis & regularis devolutio, seu incessio Horoscopi,

SPHÆRA QUARTA.

111

ſcōpi , Solis , & aliorum ſignificatorum ſecundum ſignorum ordinem.

Aspectus autem in Cœli domos incidentes tum ex Septenariis , tum ex novenariis ſunt iſti : anni ſeptimi Aspectus Profectionis de oppoſito eſt ad ſeptimam. 21. de trino ad nonam. 28. de quadrato ad quartam. 35. de ſextili ad undecimam. 49. de conjunctione ad primam. 63. de ſextili ad tertiam. 70. de quadrato ad decimam. 77. de trino ad quintam. 91. de oppoſito ad ſeptimam : in novenariis , noni anni Profectionis Aspectus , de trino eſt ad nonam. 27. de ſextili ad tertiam. 45. de trino ad nonam; 63. de ſextili ad tertiam. 81. de trino ad nonam; & hi ſunt aspectus in Cœli domos incidentes : ceteri autem anni intermedii nullum habent aspectum : periculoli autem ſunt ex Aspectibus , Tetragonus & Oppoſitio , nec non Sextilis maleficorum in ſignis longarum aſcenſionum , ſicuti Trinus in ſignis brevium : Conjunctionio autem eſt anticipis naturæ , cum bonis bona , cum malis malâ : quadratus verò , & oppoſitio beneficorum parum nocet : & hæc eſt ſecunda Septenniorum di-
viſio.

Notandum etiam eſt , quod ipſi Anni Climaterici , ut tales ſunt , non ſunt lethales , ſed aliquam afferunt mutationem in complexione , & ſi eo tempore adjuvatur Genēſis ab aliqua benigna directione , evaneſcit Climaterici robur ; ſi verò accidat mala Revolutio & bona directio , res medio modo ſe habet , ſed periculum eſt ne in pejus ruat ; ſi verò ſit mala Revolutio , Profectio , Directio , Transitus , tunc actum eſt de vita : ſumuntur verò Profectiones hæc ex ſigno Horoſcopi , qui trīginta gradus quolibet anno percurrēſ de domo in domum ingreditur , unde Anni ultra Hebdomaticos & Enneaticos alii inſurgunt , tum mutationem afferentes , tum pernicioſi & lethales : & hoc modo perſpici poteſt , an Septenarii , vel Nove-
narii

narii sint futuri lethales aut salubres , sed quia , ut dixi , respectu locorum , ubi maligni vel benigni Planetæ adsunt , incidit significatorum Profectio , qualis sit futurus annus , iudicato.


Periculosi etiam sunt anni. 6. 18. 30. 42. 54. 66. 78. 90. quia Horoscopus Profectione venit ad sextam. sic. 7. 19. 31. 43. 55. 67. 79. 91. & tunc est ad septimam : amplius, 8. 20. 32. 44. 56. 68. 80. 92. & tunc est ad octavam mortis : considerandæ autem sunt tum Profectiones Horoscopi , tum medii Cœli & aliorum significatorum , si perveniant ad domos Cœli infelices, tum ad hostiles Planetarum radios illuc corpore , antiscio , vel contra antiscio existentium, quæ omnia sunt observanda :

nunc autem claritatis gratiâ XII. adduco Illustrum
Geniturarum exempla,

SPHÆRA QUARTA.
GENITURA XXI.

113

Federicus Feltrius, Urbini Princeps.



Nobilis est hæc Genitura, quia majori ex parte Planetæ in suis dignitatibus reperiuntur: domina Ascendens est Luna juncta Veneri in sua exaltatione, cum autem nullo aspectu Mercurius configuretur, de Epilepsia & infania natum affligit, Ascendens ipsum signum mobile, Mercurius in propria domo, ubi capiti præest, affligitur Martis conjunctione in signo communis, unde respectu tum loci Mercurii, Martis, tum Horoscopi, decernitur natus letus, mutabilis, ad amorem proclivis, & Musicæ amator.

Captus ergo amore cujusdam foeminae histrionicæ exercentis, die 28. Junii 1621, vespere publicè apparuit Comædus, die 29. mane seminudus è fenestra Aungam de equis allocutus est paucis ab hinc horis Aulici expectantes eum surrecturum, cum iterum venationi destinasset, mortuum in lecto reperièrè.


In figura omnia apparent, Sol est cum Pleiadibus, Mercurius & Mars cum violenta Stella Oculi Tauri de natura Martis, Hercules in Horoscopo ubi Martis Antiscium, cauda Draconis in Cœli culmine; cum autem Profectio Ascendens illius Anni esset ad sextam, ubi oppositum Mercurii & Martis, & locus Saturni & Ascendens directione pervenisset ad Antiscium Martis absque latitudine, obiit Anno Ætatis 18. Climatérico mense primo cum dimidio.

P

GENI-

DECADIS DE FATO GENITURA XXII.

Virginus Cæsarinus Princeps.




Tot Planetæ in signis acris faciunt ingenio præclaros; ad omnia aptos; ut in hac genesi ex Stellis inferioribus Horoscopo & Medio Cæli, magnis honoribus clatus ad majora pervenisset, fuit enim (ut dicunt) Urbani VIII. Aulæ Magister. Ascendens enim Urbani est Medium Cæli Principis. Multi enim ad altiora sic elewantur, dum adest Genituræ cum aliqua Principum consensus: brevem tamen vitam, luminaria in cadentibus Cæli locis demonstrabant, & Mars hostili radio Horoscopum affligit: nescio autem, quid evenisset, si tam citò non obiisset, Mars enim est in septima cum Capite Medusæ: macie autem consumptus satis cedit 1624. die 11. Aprilis; tunc erat directio Ascendentis ad Stellam Martialem Cordis Scorpii, & Profectio Horoscopi erat ad quartam, quam foveam vocant, ubi quadratum Martis, & Mars ad proprium quadratum in Leone Anno Climaterico 18. cum mensibus quinque & diebus viginti.

GENI-

SPHÆRA QUARTA.
GENITURA XXIII.

115

Antonius Fachinestus Cardinalis.




Qui ægrotant, aut mutationem insignem in septimo experiuntur, hi, vel maleficum Planetam, vel malum radium ex ipsis in Occidente habent. Eminentissimus hic habet Saturnum in Sagittario signo igneo, annoque septimo ægrotavit usque ad mortem, tamen acuta ægritudo versa est in chronicam, tum ex Saturno in septima, tum ex directione Horoscopi ad ejus oppositum, cum autem pervenisset Profectio horoscopi ad septimam, ubi Saturnus & directio Lunæ ad corpus Martis, obiit anno 1606. Maii, ætatis verò Climaterico 31, cum mensibus dubois vix completis.

P 2

GENI-

DECADIS DE FATO GENITURA XXIV.

Bernardus Veimarius Dux.




Luminaria in angulis, & in suis dignitatibus, Jupiter, Mars & Venus in propriis dominiis virum insignem, tum in divitiis, maxime ex arte Militari, tum in honoribus demonstrant; cum autem dominus Ascendentis sit in duodecima, dominus duodecimæ in medio Cæli, & dominus medii Cæli in septima carceres designant, quos bis est expectus & inimicitias multas, de inimicis verò victoriam, quia Luna domina decimæ in sua exaltatione est in septima, & Mercurius in Cæli culmine: ex Luna verò in septima cum cauda Draconis, quadrato Mercurii & opposito Martis, pericula violentiæ, mala enim mors imminet & inopinata, ut sub Cæsare Ferdinando II. notum est: laudabilium morum facit spica Virginis in Horoscopo, unde à Principibus magnis valde in ratione habitus, à propriis militibus multum dilectus, quia non tanquam Princeps, sed tanquam pauper miles omnibus periculis expositus, obdormiebat in nivibus & pluviis, vocabaturque subditos milites fratres, & socios. Anno ergo 1639. Julii die 15. Basileæ jamus pertransiens, non bene se habere cognoscens, festinavit Neoburgum, ubi die 18. moritur, tunc erat directio Ascendentis centralis ad Corpus Martis anno Climatérico 35, minus diebus 27. & Profectio Ascendentis ad quadratum Martis.

GENI-

SPHÆRA QUARTA.
GENITURA XXV.

Philippus III. Rex Hispaniarum.

117



Hic Rex longioris vitæ esse non poterat, cum luminaria sint sub terra, & in cadentibus platico Martis opposito afflicta, cum autem Ascendens anno 1614. pervenisset ad Saturni quadratum, die 2. Julii incepit ægrotare lenta febre, quæ 1... dies tantum perduravit: sed quia nullus in Nativitate hac est Saturno potentior, cum sit dominus Horoscopi, & in sua domo reperiatur, nullaque postea fortis, & benefica directio usq; ad annum mortis succederet, fluxione humorum acri tunc introducta in partes spirituales, in speciem phthisis incidens, irritis remediis, nil mirum si succedente directione Horoscopi ad Solem, natura Martis imbutum, & ad Lunæ quadratum, Profectione verò Horoscopi ad septimam, ubi oppositum Martis, anno ætatis 43. Climaterico 1621. mense Aprilis diem clausit.


P 3

GENI-

SPHÆRA QUARTA.
GENITURA XXVII.

119

Marcus Antonius Columna Comestabilis Regni Neapoli.




Hic fuit Siciliæ Prorex, post patratam Victoriâ contra Turcas 1571. & tunc regebat Classes Pontificias, nam initum erat fœdus inter Pontificem, Hispanum Regem & Veneros, hoc demonstratur ex constitutione Martis, Jovis & Mercurii in quinta, nec non sextili Lunæ ad Venerem & Solem, Sol enim est in sexta cum Venere, in Veneris exaltatione respiciens de Trino Medium Cœli demonstravit officia, administrationes, negotia cum Principibus, ex quibus divitiæ affluerunt, nam Luna domina medi Cœli in quarta stabilium; cum autem sit eum cauda draconis, & in suo detrimento, dispendia multa in illis expertum esse, credendum est: vocatus ergo à Rege in Hispaniam 1584. progreditur, & in itinere prope Medinam Cœli ægrotans in ea civitate die 20. Julii obiit. Anno ætatis 49. Climaterico cum mensibus serè quinque ex directione Ascendentis ad quadratum Martis, & tunc Profectio Ascendentis erat ad primam in quadrato Lunæ, & Profectio Saturni & Martis erat ad locum proprium.

GENI-

DECADIS DE FATO GENITURA XXVIII.

Andreas Cardinalis Perettus, Romanus.




Spica Virginis in Cœli culmine partiliter cum Luna & Parte Fortune, quamquam adsit Jovis oppositum, eminentissimâ dedit dignitatem, & Pontificiam, si supervixisset: demonstrant etiam hoc receptio inter Saturnum & Martem, nec non status Solis in domo Jovis, & Jovis in exaltatione Solis, non defecerunt illi hostes invidi, Mercuriales, Ecclesiastici, occulti tamen, ex Mercurio in duodecima, (nec non Saturno,) qui cum corde Scorpii in sextili Martis, indicavit quandam crudelitatem, quam credo prudentia rectam fuisse; cum ergo pervenisset Ascendens, & Sol ad quadratum Saturni, & Professio Horoscopi ad octavam domum mortis, Anno 1629. die 4. Augusti ex febre, & fluxu ventris obiit, ætatis anno 56. Climaterico cum mensibus circiter octo.

GENI-

SPHÆRA QUARTA.
GENITURA XXIX.

121

Dominicus Molinus Venetiarum Ducis Frater.




Mars in sua exaltatione cum cauda Draconis in Horoscopo, motus dedit violentos, & quamquam sit receptio ex domicilio inter Martem & Saturnum, pericula tamen Martialia, calumnias ex Mercurialibus, malaque corporis & animi expertus est: cum autem Ascendens Urbis esset in Septima cum Nodo Boreo & parte fortunæ in opposito Martis, inimicitias quamplurimas demonstravit cum Patritiis Venetis, unde mala imminabant, quæ nota sunt. Dum ergo Sol constitutus Apheta dirigebatur ad Antiscia Mercurij malefici & Saturni, Anno 1635. ætatis verò 63. Climaterico, eodem mense, quo natus fuit, die vero 16. hora secunda noctis expiravit; ex duplici tertiana continua, quæ die septimo Novembris cum invasit.

Q

GENI.

DECADIS DE FATO G E N I T U R A X X X .

Clemens Octavus Pontifex Maximus.




Spica Virginis in Cœli medio, in Oriente Cor Scorpii, in Occasu Aldebaran, in nona Religionis Regulus, Stellæ fixæ, quæ magnas afferunt felicitates, maximè, quando à beneficiis sustentantur. Luna in sua exaltatione in quinta Legationes largitur, & in Poloniam missus est. Pars fortunæ cum Venere in secunda divitias ex Ecclesiasticis, Jupiter verò in domo propria cum Sole & Mercurio dant Religionem, & per eam honores, foveantur enim Trino Martis : pericula multa, animique pathemata dedit Mars in octava, Saturnus in nona prope Cor Leonis, odia Principum, quæ est expertus : incidit in hydropem, & quamquam ex incisione expectaretur sanitas ex directione Ascendentis ad oppositum Saturni, Anno 1605. die 3. Martij ætatis verò 68. cum diebus septem, Climaterico ex Professione Ascendentis ad octavam, ubi Mars reperiitur, Homo cedit naturæ.

GENI-

SPHÆRA QUARTA.
GENITURA XXXI.

123

Octavius Cardinalis Bandinus Florentinus.




Spica Virgins cum Venere in Caeli medio dedit Ecclesiasticas dignitates: Mars dignitatem commutans cum Mercurio, Saturnus cum Capite Medusæ, prope Pleiades in opposito Mercurij, & Trino Martis in sexta, nec non Lunæ in quadrato Jovis, & opposito Solis affectus cerebri ex humorum redundantia decernunt. Saturnus enim in sexta ægritudinum dat morbos ex frigidis humoribus, quos fuit expertus, maxime quando Ascendens pervenit ad quadratum Saturni in Anno ætatis, 66. cum autem Profectio Horoscopi pervenisset ad nonam, ubi proprium quadratum locum Martis, & Mars ad proprium quadratum in septima, & Saturnus ad suum quadratum, directio verò Ascendentis ad quadratum Mercurij malefici ex opposito platico Saturni Anno 1629. die 24. parva febre corripitur, parum q; in dies exasperata, sed succedente magna fluxione ad partes spirituales, die prima Augusti suffocatus obiit. Ætatis Anno 70. Climaterico cum mensibus circiter novem.

Q 2

GENI-

DECADIS DE FATO GENITURA XXXII.

Paulus Tertius, Pontifex Maximus.



Multa habet consideratu digna hæc figura, quæ cum non sit admodum felix, felix tamen secutus est eventus. Saturnus enim est in suo casu, Mars & Jupiter in suo detrimento, Sol peregrinus, Venus & Luna in sua exaltatione, Mercurius in suo Trigono. Horoscopum & Mercurium pullant de quadrato, Mars & Luna simul platice juncti, Jupiter verò beneficio respicit trino; Saturnus est cum parte Fortunæ in secunda, bona quidem est eum Capite Draconis, Solis & Veneris constitutio in Piseibus in Ascendente: ex privata ergo vita & exigua fortuna ad tantam dignitatem evehctus est, coadjuvante Aquo Trigono, qui 1463. ad

ad Pisces rediit, ubi Paulus habet Nodum Boreum, cum Sole & Venere, quod non observarunt Gauricus, Cardanus cum aliis, magna admiratione correpti de exiguo ad summum rerum Statum. Anno ergo 26. vix completo ab Alexandro Sexto Cardinalis eligitur: hinc colligitur, quod ubi Astrorum constitutio in Genesi infelix est, & nihil ex ipsa boni expectari potest, consensus genituræ cum Principibus, vel magnæ Planetarum Conjunctiones habentibus Luminaria, Medium Cœli, Horoscopus, vel partem fortunæ in illarum Conjunctionum locis, absque alia cœlesti causa ad maximos sublevant honores. Alexander Sextus habebat Mercurium in Aquario, ut Paulus in Ascendente, Sol etiam cum capite Draconis in Horoscopo, in Sextili Solis & Ascendentis Pauli.

Anno ergo ætatis 61. cum dimidio circiter, ex directione Lunæ prope Plejades ad quadratum Saturni, cecidit in flumen, ubi ferè submersus est: hoc periculum, sicut tempus assumptionis ad Pontificatum, & mortem prædixit Paris Cæresarius, Astronomus peritissimus. Paulus autem fuit vir prudentissimus, scientiarum peritus, & quod maximum est, Litteratorum amator & Mæcenas, à quo honores & bona habuit Gauricus: morbis paucis subjectus, vitæ verò diuturnæ, & quæ mala in moribus Mercurius, quadrato Martis & Lunæ afflictus, ostendebat, prudentia moderavit. Cor Leonis in septima in senili ætate magnam dignitatem paravit, qua potitus est summa cum felicitate, sed quia locus Occidentis ab opposito Mercurij, & quadrato Martis & Lunæ affligitur, Trino verò Saturni & Sextili Jovis fovetur, bona malis mixta, felicitatem & calamitates, animiq; pathemata horum aspectuum confusio demonstrabat; cum ergo pervenisset Sol ad Trinum Mercurij, cum testimonio Jovis & Saturni, Pontifex eligitur Anno 1534. die 13. Octobris, quo tempore Jupiter pervenit ad Horoscopus in Aquario ad locum Mercurij, & Saturnus in Cancro respiciens Solem & Mercurium in radice de Trino. Occisus autem fuit die 10. Septemb. An. 1547.

Q3

ejus

ejus filius Petrus Aloysius Farnesius, Dux Placentiæ, &c. dum ergo Octavius Nepos insalutato Avo, repentino discessu clam Parmam petiit, ut patris Civitates recuperaret, iratus Pontifex, febre magna correptus, quinque dierum spatio dies suos clausit Anno 1549. die 2. Novembris ætatis suæ 81. cum mensibus octo, & diebus circiter 16. ex directione Ascendentis ad suum Triunum, qui pro quadrato habetur, quia est in signis brevium Ascensionum, profectio verò Ascendentis erat ad octavam mortis, ubi oppositum Saturni.

Sed satis exempla; quis negabit illorum Successus experientia comprobatos nisi stultus aliquis, vel ignavus? Datur *Fatum* in Annis, & tota vita hominis fatalis est; neq; credendum est insanæ plebi, & quibusdam alijs, qui ad hoc, ut inter præclaros celebrentur, audent negare virtutem Annis Climatericis (& si hos vel concedunt, vel observant solum de Septenarijs, & Novenarijs eorum cognitio est) & sic credunt destruere Astrologiæ fundamenta, dum multi in his annis feliciter vitam degere, & in non Climatericis mortui sunt; putant forsitan isti, quod ego hujusmodi exempla nondum oculis proprijs conspexerim? Sed si isti non ignorarent, & melius intelligerent quæ scribo (ordinerali, ut credam ab alijs non fuisse Climatericorum vires explicatas) ô quam bene cognoscerent causas harum mutationum; Sed Saccharum Prifaco, bovi scenum.

*Fa'is agimur, cedite Fatís
Non sollicita possunt curæ
Mutaverat flamina fusi;
quidquid patimur mortale genus
quidquid agimus, venit ex alto:
non illa Deo vertisse licet,
quæ nexa suis currunt causis.*

D I A S
FORTIS

ELOHIM SABAOTH

MAIESTAS.

SENSUS EXTERIOR.

S E C H E L.

P R I N C I P A T V S

VENUS.

S P H Æ R A T E R T I A,

FATUM IN ANNIS AN EVITABILE.

Fatum ab Astris impressum, cum homine enatum, vitam fatalem constituens, per tempora fatalia ipsum percurrere faciens, longam aut brevem vitam decernit, etsi

Hominum brevibus spatiis constringitur ævum.

Dari Annos fatales jam demonstravimus; an verò his datis, quales descripsimus, vita hominis longius produci possit, & an superatis his annis fatalibus, cum aliis adjunctis sit terminus vitæ præscriptus, ut homines etiam in bonis directionibus, annuis revolutionibus prosperis, in annis non fatalibus mori possint? nunc ad primum punctum explicandum accedamus,

Diximus supra in his Annis, ut Climatericis, simplicem numerorum adesse virtutem, quæ excellentiam ex observatione, tum Antiquorum, tum Recentiorum adepta est, unde his datis (sublatis directionibus & aliis) vita ad beneplacitum produci potest, quia alteratio, quæ ex his sequitur, erit alicujus, aut nullius momenti; quidquid sit, lethalis esse nequit, ni velit homo sponte sua in libitinæ peculium se intromittere; addo verò, tunc fieri mutationes ex his numeris simplicibus, quando adest parvus calor, & ille sit læsus, vel à nimia Venere, & tunc spiritus vitales evolant, vel à nimio cibo & potu suffocante calorem, unde omnis parva alteratio, ut plurimum in his, in lethalem convertitur.

Duplex enim est calor in homine, alius innatus, qui immediate gignitur & semine & sanguine menstruo, & hoc calidam omnia membra efformat: duæ ab ipso oriuntur virtutes, immutativa una, in qua residet alteratrix, & hæc omnibus membris præbet temperaturas; alia est formatrix, & hæc dat compositiones: prodeunt ergo hæc duæ à calore archigono innato, qui est vitæ principium, universa substantia & initium omnium operationum, habens in se vim calefaciendi, refrigerandi, humectandi, & exiccandi; & hic calor innatus primigenius ab ortu naturæ, non est calor simplex temperamenti, sed temperamentum ipsum, in quo constat

vive-

vivere & esse; hoc autem temperamentum dupliciter consideratur, ut accidentale, & est in primis qualitatibus, vel essenziale, & est respectu quatuor Elementorum, ex quibus componitur mixtum; ex primigenio verò innato datur alius calor ex primo productus, à quo facultates famulantes oriuntur, ut nutritrix, auditrix, non verò generatrix, & formatrix, quæ ad primum spectant; utrumque autem calorem esse temperamentum formaliter essenziale partium similarium, ab Aristotelis, Hippocratis, & Galeni documentis, pluribus in locis confirmatur.

Secundus calor in homine vocatur influens, qui quidem in se ipso suum innatum habet calorem, transmittitur verò à corde, & à cerebro in singulis corporis partibus suas præbens virtutes; hæc verò virtus influens non est tanquam forma partium, sed est tanquam materia & pabulum calidi innati; ex calore ergo tum Archigono, tum influente, resultat quoddam tertium temperamentum mixtum, quod est tanquam forma totius partis viventis, & immediatè & completè edit omnes operationes, hinc per ipsum jecur sanguificat, ventriculus chylicat, & quælibet pars corporis proprias efficit operationes.

His positis necesse est scire, quod idem calor natus primigenius, qui gratiâ conservationis vitæ humanæ genitus est, ille idem nos perducit ad mortem, agit enim semper in humidum exiccando, ut habet Galenus multis in locis, & præcipuè libro primo de tuenda sanitate cap. 2. dicens: Calidum innatum semper exiccare proprium humidum, & nos perducere ad mortem; exiccat autem superfluum humiditatem partium corporis, & dat ipsis robur usque ad ætatis vigorem, sed roboratis partibus, adeo perseverat in exiccando humidum radicale, ut tandem nos perducatur ad virium debilitatem, quæ est ipsa senectus & mors. Secunda interitus nostri causa ex hoc deducitur, quia tantum non apponimus, quantum de continuo deperdimus, cibus autem & potus quotidianus remittunt, quantum possunt, non quantum esset necesse; hinc hæc remissio non est æqualis fluori totius

R

sub-

substantiæ, qui ab eodem calore nativo de continuo fit, sic ex his caufis corpora humana in immortalia transire non possunt.

Calidum ergo innatum penes substantiam caloris, neque augetur, neque conservatur sicut erat, neque potest, quia semper minuitur; si verò consideratur penes quantitatem, quæ oritur ex alimento, potest augeri & conservari, sicuti fit post optimi meri potum, post cibum, post somnum.

Dato ergo corpore optimi temperamenti, cum calore tam innato, quam influente à pravo vivendi usu alieno, dico Annos Climatericos nihil damni esse allaturos, modò potentes directiones malæ non obstant: nam si hoc non esset, sequeretur mori tempore directionum; vel aliquid mali esse passurum, & in Climatericis benè se habiturum.

Addo semper observatione dignum, quod malefici, vel corpore, vel radiis hostilibus, dum reperiuntur in sexta, & præcipue octava, vel alijs domibus cataphoris, pariunt annos illos ex sexta & octava sumptos semper periculosos, unde homines ægrotare possunt, & aliquando ab illa ægitudine evadere, instituto optimo vivendi regimine, sicut & mihi evenit; sed si non sunt in his locis malefici, vel tantum radij eorum hostiles, detrimenta aliqua afferre possunt, minus tamen respectu conjunctionis corporalis; quod si non sunt neque cum corpore, neq; cum radiis, sed corpora beneficorum, vel radij ibi reperiantur, Anni à sexta & octava inter bonos computabuntur.

Directiones autem diligentissime observandæ sunt, an incidant in locis infortunarum, an illa directio Aphetæ ad Anaretam sit lethalis, an fortis sit Apheta, debilis verò Anareta, an recipiatur radijs benigni Planetæ, vel corpore ibi inveniatur, & si mala directio sit in termino benefici, an obstat annua Revolutio vel menstrua, tempore directionis, vel aliquis transitus super locum directionis eam possit minuere, vel augere, mala enim si erit directio in termino malefici, cum mala Revoluzione, & transitu infortunarum existente debili Apheta, tunc actum

actum erit de vita; si verò succedat salus ex votis ad Sanctos, & intercessione alicujus Divi Protectoris apud Deum, tunc illa sanitas erit miraculosa, sed ex hoc non sequitur, quod Ars sit falsa & vana, sicut quidam fatui credunt, nescientes, quod ad hanc scientiam multi sunt vocati, pauci verò electi; Miracula ego non nego, & credo verissimum esse illud,

Astra regunt Orbem, sed regit Astra Deus.

Fortis verò dispositor, debilis vitæ abscissor, etiamsi mala sit Revolutio & directio, periculum mortis aderit, non tamen spe deficiente salutis; Sic bona Revolutio minuit malitiam malæ directionis; sicuti variae directiones significatorum ad promissores tum bonæ, tum malæ, vel nihil agunt, vel si agunt, aliqua ex ipsis altera fortior antecedit, altera debilior, vel evanescit, vel retardat, quæ quidem omnia à peritissimo Professore sunt observanda, & peroptime Planetarum loca supputanda, ne malè supputata pariant effectum directionis (alia causa non obstante) ante tempus, quo esse deberet, vel post; & sic judicium de radiis ipsam frucentibus, benignè vel malignè intuentibus vanum fiet.

Ex his ergo deducitur, hominem posse vitam minuere pravo vivendi regimine, nimio alimento, tum aliis additis: nam extremarepletio suffocat calorem, & omnino aufert vires inservientes vitæ instrumentis: Dico aliis additis, hoc est nimia Venere, ex qua sequitur evacuatio, resolvens tum spiritus, tum humores: imò nimius meraci potus malus est, etsi enim calidus sit, nam innatus calor à nimio calore adveniente tum affligitur, tum destruitur & consumitur; Hinc Arist. 3. Sect. Probl. primo inquit. Vinosos non calere, licet vinum calidum sit, imò morbis frigidis tentari, quia valde calida superant naturam, & nativum suffocant calorem: Sic mala est refrigeratio, tum à frigido positivo, tum à frigido

R 2

poten-

potentiali, & per hæc vita brevis fit, annique Climaterici, & directiones non lethales sæpissimè in lethales convertuntur.

Vita verò diutius prolongari potest per contraria vitæ brevis, oppositorum enim eadem est Ratio: hinc dicebat Diogenes, insanum esse à Diis petere, quæ in nostra potestate sunt, intelligens Philosophus hic de modo gubernandi vitam nostram.

Datis ergo his Annis Climatericis, vita & diminui, & in longum protrahi potest causis supra enarratis; adjuvat ad hoc Ars Medica, tum ad conservationem salutis, tum ad fugam ægritudinis, in quantum potest; hinc dicunt,

Quod Medici didicere moras innectere morti.

Conservatur enim corpus sanum, tum per normam victûs, tum per prohibitionem excrementorum in copia, sublatis etiam animi passionibus, adjuvante aliquo medicamine viscera roborante, spiritusque vitales augente, ut esset Quinta essentia perlarum, earum Sal, & Arcanum cum cardiacis permixta; sic Sal Corallorum, eorum Tincturæ, Liquores Gemmarum, Elixir proprietatis Paracelsi, Elixir Raymundi Lullij, Tinctura Aur: Quercetani, in qua observandum est, ut aurû bene per Antimonium purificetur, Regulus Antimonij fiat cum Marte, & ter purgetur, ad hoc ut fiat stellatus; aurum enim est omnium vita, hinc inquit Hermes, quod in Sole & Sale omnia continentur, reducitur autem potabilis, quod non per aliud mirificè & physicè dissolvitur, quam per menstruum Universale, & Mercuriale Sophorum, quod est totius naturæ desideratum Arcanum: nulla mihi videtur melior præparatio, quam Crolliana. Item Quinta Essentia Sanguinis humani, ex qua mira ex ejus usu enata sunt, sed ejus vera electio & præparatio nondum à professoribus inventa est, quia necesse est uti Annulis Platonis, sed mihi non incognita; Sic Lapis Philosophicus, cujus compositio non est tam ardua & difficilis, sed facilis homini mago, confectus enim fuit ab Arnaldo, Raymundo Lullio, Paracello, Basilio Valentino & alijs, sed nostris temporibus Petrus Faber ipsum

ipsum confecit: audiant naturæ indagatores, Auctores diverso modo scribunt, arcanum ænigmatibus abscondunt, compositio est ex Triade, in qua, binario excluso, remanet incomparabilis & virtuosa Monas. Alia mirabilia composita reperiuntur in libris Chymicorum, ut esset in Cælo Philosophico Ulstadij, Pantheo Hygiastico Deodati & alibi.

Sed aer externus, in quo vivimus, est causa tam brevitatis, quam diuturnitatis vitæ, unde ejus electio necessaria est; sub Circulo enim æquinoctiali temperata habitatio, nisi maria, vel montes impédiant, sic inter Sextum & Septimum Clima, referunt in Regione Sinarum homines multò longæviores esse, quàm in reliquis Asiæ Provinciis, ita ut multi perveniant ad ætatem ducentorum Annorum, & sint corpore adhuc firmo, & pleni vigore mentis & sensuum: recorder ego, quod aer medius est eligendus inter qualitates activas & passivas, longinquus à locis putridis, ubi aquæ mortuæ reperiuntur, & si talis non est, melior arte paretur, quod facile est.


Potest etiam vita prolongari imaginibus Astronomicis, quibus antiquiores magi usi sunt, vel in lapidibus appropriatis Planetis, vel in Metallis adjunctis vegetabilibus. Sic Petrus de Abano scribit medicum per Imaginem posse curare infirmum: Ferunt Hiarcam Sophorum Indiæ Principem, septem annulos hac arte confectos tradidisse Apollonio Thianco, qui singulis diebus in digito gestabat, juxta nomen & qualitatem dici, & vixit usque ad annum centesimum cum trigésimo: Fiunt verò tales Imagines virtutibus miris insignitæ, sed requiritur temporis electio, nec non optima Cæli positio, ut suo voto potiantur. De his scripsit Thebith Benthorad, Ptolomæus, Marsilius Ficinus, Picatrix, Cornelius Agrippa & alij, sed veram compositionem & infallibilem nullus ex his invenit, quæ consistit in Themate Natalitio: satis sit, rem tetigisse: Sed de his hæcenus.

Ex supradictis ergo patet, quod his observatis, pro vitæ lon-

gitudine, Anni fatales non lethalem parient mutationem, nullam verò concedere est impossibile, nam malæ directiones & revolutiones (aliis consideratis) pericula adducent, sed non lethales erunt futuræ; ex debili verò vitæ datore, pessima adveniente tum directione, tum revolutione cum Anno Climaterico, impossibile est hominem non mori, quod naturaliter intelligo, non enim sum tam fatuus, ut miraculorum virtutes super naturales negare velim, quod autem verum sit, infelices directiones, quæ mortem inducere aptæ erant, solum pericula magna demonstrasse, & homines ab orco creptos, postea per aliquot tempora vixisse, exemplis sequentibus res fiet clara.

GENITURA XXXIII.

Franciscus Lesdiguerius Mareſcallus Franciæ.




Vir in Arte militari Celebris, qui assiduò præliis interfuit. Miles fortunatus & suorum inimicorum victor, ex situ Martis in duodecima, et si in suo detrimento. Diuturna verò vita, sed variis & periculosis ægritudinibus correptus, ex opposito Saturni & Martis domini sextæ: Anno enim 1601. pervenit Horoscopi tum profectio, tum Directio ad quadratum Martis, & 1605. profectio ejusdem Horoscopi ad septimam, & Directio ad quadratum Saturni, ex quibus quidem Directionibus Mars erat præ fortibus: vidit annum ætatis 83. sed non complevit, nam Solis directione pervenisset ad proprium quadratum, mense Septembris Anni 1626 diem clausit.

GENI-

DECADIS DE FATO G E N I T U R A X X X I V .

*Dominicus Cardinalis Gymnasius,
Bononiensis.*




Eminentissimus hic ætatis Anno 27. cum dimidio, ex quadrato Martis ad Ascendentem, fuit in periculo mortis; Anno verò 1639. ætatis 87. mense ferè nono die 12. Martij, nocte tamen, ex improvísâ fluxione humorum, ad fauces suffocatus obiit: eratque directio Horoscopi ad suum proprium quadrarum, & ad corpus Lunæ

GENI-

SPHÆRA TERTIA.
GENITURA XXXV.

157

Laudivinus Cardinalis Zaccchia, Iannensis.




Huic Eminentissimo, Anno ætatis 35. pervenit Profectio A-
scendentis ad corpus Saturni, & ad oppositum Martis, & circa
anni dimidium, pervenit Directio Ascendentis ad quadratum
Martis, & anno 36. mense tertio ad quadratum Saturni, & Pro-
fectio erat ad oppositum Solis & Mercurij, unde ex his directio-
nibus malè habuit, non sine vitæ manifesto periculo; vixit ta-
men usq; ad annum 1637. ætatis verò 70. mense quinto circiter.
Augusti enim die 12. agrotare cœpit ex febre continua mali
moris cum inappetentia, deinde raptis humoribus ad caput, in-
cœpit delirium, quod tandem conversum in Lethargum ex di-
rectione Ascendentis ad quadratum Solis; die 30. obdormivit in
Domino.

S

GENI.

DECADIS DE FATO GENITURA XXXVI.


Urbanus Octavus Pontifex Maximus.



Sol in nona, in sua exaltatione commutans dignitatem cum Marte, Jupiter cum parte fortunæ in propria domo, sic Luna, Venus in sua exaltatione, Ascendens Romæ Genituræ Horoscopus, quid amplius? pro tanto Viro hæc forsan pauca fuere. Anno 1600. propè finem pervenit Directio Ascendentis ad corpus Saturni, Profectio verò ad octavam, ubi Venus & oppositum Saturni, morbo corripitur: Anno verò 1623. die 6. Augusti Pontifex eligitur, & feliciter annos 21. minus diebus septem vitam duxit, quod mirum; ex directione Ascendentis ad solis oppositum, quæ ex Ptolomæo eadem censetur, quæ Solis ad gradus Occidentis 1644. die 29. Julij, ætatis verò 76. cum mensibus fere tribus, Homo communi fato succumbit.

GENI-


GENITURA XXXVII.

Tiberius Cardinalis Mutus, Romanus.

Caput Draconis cum Venere & Jove, nec non Luna in propria domo in nona. Mercurius Dominus nonæ cum Sole in decima, dignitates maximas causa Religionis demonstrant. Quando verò Medium Cœli directione ad Cor Leonis pervenit, Cardinalis eligitur. Anno 1625. ætatis 51. cum mensibus duobus circiter, ex directione Ascendentis ad corpus Martis acuto morbo correptus est, tunc erat profectio Horoscopi ad Corpus Saturni & caudam Draconis. Anno 1636. Horoscopus dirigebatur ad corpus Saturni, & Mensē Martij die 24. incœpit ægrotare febre & dolore Nephritico, die verò 14. Aprilis ætatis Anno 61. cum mensibus novem moritur, sic eadem directio, quæ Urbanum Octavianum occidere non potuit, hunc interemit.

DECADIS DE FATO GENITVRA XXXVIII

Lalius Cardinalis Biscia, Romanus.




Luminaria in hac Genesi malè constituta sunt, Sol Marti junctus, Luna in quadrato partil Saturni, ipseque Saturnus in septima de opposito partilissimo Dominum Ascendentis, ipsumque Ascendens affligit, cauda draconis in sexta. Vitam ergo ægritudinibus variis subiectam faciunt, non sine aliquo affectu insanabili, fistulam enim in renibus patebatur. Anno ergo 1605. Maij ætatis 29. cum mensibus undecim acuta correptus ægritudine fuit, nam Horoscopus dirigebatur ad corpus Solis, natura Martis imbuti, eratque Profectio Ascendentis ad sextam, ubi cauda, & ibi cadunt quadrata radij Solis, Martis, Jovis & Veneris. Anno verò 1638. Sol directione pervenit ad cor Leonis & terminos Martis, Luna verò ad corpus Saturni. Erat hoc Anno profectio Ascendentis ad Quartam, quam foveam vocant; ægrotat ergo die 12. Novembris, & die 19. in ipsam incidit, ætatis Anno 63. Climaterico, cum mensibus quinque.

GENI.

GENITVRA XXXIX.


Bernardus Colle Bellunensis, Jatrophyficus Venetus.



Præstantissimus Vir atque Eruditissimus an fuit, facile cognoscitur ex positura: Mercurij in signo aereo, in quo facit ingenio præclaros; divinumque attulisset ingenium, nisi laederetur conjunctione Martis & combustione Solis, quidquid sit hoc locum, motu velocissimus est, & sub terra, unde pro artibus favorabilis, quia verò cum Marte, Medicum facit. Hic enim fuit alter Æsculapius virtute, doctriâ Hippocrates, cæteros post se relinquens. Sorte verò quamquam parum secunda ex Jove in quarta stabilitum, ejus instabilitatem contemnens, fuit enim Sapientiæ dilectissimus, atque boni nominis, summæque integritatis: ex quadrato Saturni ad Horoscopum, & ex Horoscopo ad corpus Martis, aggritudines non contemnendas passus est, nec non ex cauda Draconis in septima lites, inimicitias, bonorumque perditiones à tempore Matrimonij usque ad mortem uxoris, per annos circiter viginti, non sine indicibili tolerantia. Sola Luna supra terram, cæteri Planctæ sub terra satis longævam tribuere vitam, placidè enim obdormivit in Domino, die 11. Decembris Anni 1661. ætatis suæ Anno 77. cum mensibus X. circiter.

DECADIS DE FATO GENITURA XXXX.

Paulus Salicens, Civis Venerus.



Vir iste eruditus, Astronomiæ aliarumq; scientiarum abstrusarum Studiosus & tacite Professor, ex Mercurio in duodecima cum Venere, in qua Philosophum facit acutumque tribuit ingenium. Ex Urbis Horoscopo in septima paucæ fortunæ, mala enim usque in hanc diem expertus est. Ex directione Horoscopi ad corpus Martis & Solis imbuti naturâ Martis, nec non ad corpus Saturni, ægritudines malas passus, aurâ vitali fruitur, vir dignus, ut inter præclaros collocetur.

Sed

Sed hæc sint satis, quoad primum punctum, quoad secundum verò, an superatis his Annis fatalibus, cum aliis adjunctis, sit terminus vitæ præscriptus, ut homines etiam in bonis directionibus, annuis Revolutionibus prosperis, in annis non fatalibus mori possint, nunc dicemus: arduum facinus, cum res tota ferè Theologica sit: quidquid sit:

Primò considerandus venit locus Job. cap. 14. Breves dies hominis sunt, numerus mensium ejus apud te est, constitui termini ejus, qui præteriri non poterunt.

Secundò ex Esaia cap. 38. In diebus illis ægrotavit Ezechias usque ad mortem, & introivit ad eum Esaia Propheta, & dixit ei. Hæc dicit Dominus, dispone domui tuæ, quia morieris tu & non vives, & conversus Ezechias faciem suam ad parietem oravit ad Dominum & dixit: Obsecro Domine, memento quæso, quomodo ambulaverim coram te in veritate, & in corde perfecto, & quod bonum est in oculis tuis, fecerim; & flevit Ezechias fletu magno, & factum est verbum Domini ad Esaia, dicens. Vade & dic Ezechia, hæc dicit Dominus Deus David Patris tui: Audiui orationem tuam & vidi lacrymas tuas, ecce ego adjiciam super dies tuos quindecim annos, & de manu Regis Assyriorum eruiam te & Civitatem istam, & protegam eam, hoc autem erit tibi signum à Domino, quia faciet Dominus verbum hoc, quod locutus est. Ecce ego reverti faciam umbram linearum, per quas descenderat in Horologio Achaz in sole retrorsum decem lineis, & reversus est Sol decem lineis, per gradus quos descenderat.

Tertiò ex Jona cap. 3. Et factum est verbum Domini ad Jonam dicens: Vade in Ninivem Civitatem magnam, & prædica in ea prædicationem, quam ego loquor ad te, & surrexit Jonas, & abiit in Ninivem juxta verbum Domini, & cepit introire Civitatem, & clamavit, & dixit. Adhuc quadraginta dies, & Ninive subvertetur, & crediderunt viri Ninivitæ in Domino, & prædicaverunt jejunium, & vestiti sunt saccis à majore usque ad

mino-

minorem est, & vidit Deus opera eorum, quia conversi sunt de via sua mala, & misertus est super malitiam, quam locutus fuerat, ut faceret eis, & non fecit.

Quartò ex Ezechiele cap. 18. Anima, quæ peccaverit, ipsa morietur, & vir si fuerit iustus, & fecerit iudicium & iustitiã, &c. & faciat veritatem, vitâ vivet, ait Dominus Omnipotens.

Quintò ex Daniele cap. 5. de Balthasare Rege, convivante cum optimatibus & concubinis, ebrius enim præcepit, ut afferrentur vasa aurea & argentea, quæ asportaverat Nabuchodonosor pater ejus de Templo Hierusalem, ut biberent in eis: bibebant enim laudando deos aureos, argenteos, lapideos. Eâdem hora apparuerunt digiti quasi manus hominis, scribentis contra candelabrum in superficie parietis Aulae Regiæ, & Rex hæc aspiciens mutatus est, & contremuit, vocavitque magos & aruspices, ut legerent, & non potuerunt; jussu ergo Regiæ vocatus Daniel, sic interpretatur scripturam: *Mane, Thecel, Phares.* *Mane*, numeravit Deus Regnum tuum, & complevit illud. *Thecel*, appensus es in statera, & inventus es minus habens. *Phares*, divisum est Regnum tuum, & datum Medis & Persis. Eâdem nocte interfectus est Balthasar Rex Chaldæus, & Darius Medus successit in Regnum.

Sextò ex Genesi cap. 6. Dixitque Deus, non permanebit Spiritus meus in homine, quia caro est, eruntque dies illius centum viginti annorum.

Septimò ex David Ps. 89. dies annorum nostrorum in ipsis septuaginta annis, si autem in potentatibus octoginta, & amplius eorum labor & dolor.

Octavò ex Ecclesiaste 7. versu 16. Hæc quoque vidi in die vanitatis meæ, Justus perit in sua iustitia, & impius multo vivit tempore in malitia sua.

Nonò ex David Ps. 54. Viri sanguinum & dolosi non dimidiabunt dies suos.

Deci-

Decimò ex Ecclesiaste cap. 7. versu 18. Ne impiè agas multum, & noli esse stultus, ne moriaris in tempore non tuo.

Undecimò ex Deuteronomio c. 5. Honora patrem tuum & matrem tuam, ut longo vivas tempore, & benè sit tibi in terra.

Duodecimò ex David Psalm. 20. Vitam petiit à te, & tribuisti ei longitudinem dierum in sæculum, & in sæcula sæculi.

His positis ad explicationem accedamus. Tres sunt Personæ in Divinis æternæ, & sibi coæquales; Unus autem Deus, cujus essentia est suum esse, cujus voluntas est suum velle, & cum sit purus actus primusque intellectus, se ipsum intelligit, & præscientia sua omnia cognoscit, Immutabilis quidem est, & quod decrevit facere, nunquam mutat; hinc S. Greg. in Job lib. 15. cap. 6. inquit. Novit quidem Deus aliquando mutare sententiam, sed nunquam novit mutare consilium. Hinc loquitur Job. Breves dies hominis sunt, numerus mensium apud te est, constituisti terminos ejus, qui præteriri non poterunt.

Hic locus in duas partes dividitur; de prima nullum dubium est, quod numerus dierum hominis apud Deum sit, quod intelligitur de numero certo, terminato & finito: secunda autem est examinanda. Constituere terminum, est præscribere quantum aliquis vivere possit: hic locus duplicem habet sensum: vel hic terminus est respectivus, individualis, vel absolutus? Si primus, ergo vita prolongari potest, unde nullus est terminus præscriptus, quem homines præterire non possint. Si secundus, si intelligitur hic terminus individualis absolutus, quoad durationem propriæ temperiei, dico, quod vita prolongari potest, vel impediendo nimiam humidi radicalis resolutionem, vel mutatione aëris, vel ipsa complexio in melius mutari potest; quod multoties accidit: sensum autem Job, quoad primam explicationem, duplici sensu intelligimus. Detur aliquis,

T

qui

qui ratione optimæ complexionis sit victurus annos septuaginta, anno vigesimo quinto corripitur vehementissimâ febre cum anginâ, si huic statim non fiat copiosa sanguinis missio, cum morbus sit acutus, absque dubio moritur, Medicum vocat, sanat. Aliud Exemplum est: detur Petrus, cui Deus E. G. præfinivit terminum vitalem in annis octoginta, anno quadagesimo ægrotat febre malignâ cum exanthematibus & delirio, Medicorum omnem spem salutis amittunt, quia medicamenta febrem vel symptomata evincere non possunt, sed absque somno pervigil vivit aliquot dies, cura est in manu Presbyterorum, Petrus insperatè sanatur (& hoc quandoque accidit) non sine Medicorum admiratione, dico, quod si Petrus mortuus esset, non esset mortuus in termino præfinito, sed ante terminum.

Sed prima insurgit objectio contra Astrologos: detur homo, cujus vita ex proprio Themate nata initio medio fortis & benefici Aphetæ (qui est vitæ dator) deduci possit usque ad annum octogesimum primum, examinatis ab Astrologis directionibus, profectionibus & revolutionibus inveniunt solum illum annum esse ultimum vitæ illius, observant tamen in anno quinquagesimo sexto in Revolutionis Horoscopo adesse maleficum, & nullam considerabilem esse directionem pro illo anno, beneficos autem esse in sexta & octava, cum Annus sit Climatericus ex Septenariis, prædicunt hominem illum esse E. G. ægrotaturum mense Augusti, febre tertianâ vel simili, ex humoribus calidis accensis, cum autem sexta & octava à beneficiis regatur, prædicunt absque dubio salutem, & confirmant esse perventurum ad annum octogesimum primum, quem Platonicum vocant; ægrotat iste mense Augusti, & vocatis Medicis in paucis diebus perit: nunc petunt, quomodo ille terminus ab Astris constitutus est: si ante terminum moritur, vel ars est falsa, vel Astra mentiuntur.

Respondemus primò terminum vitæ dupliciter posse considerari, primò quo ad Astra, & hoc naturaliter: nam de vero Nativ-

Nativitatis momento vitæ terminum determinari posse, quidam credunt, dummodo Professor sit in arte peritus, & in se habeat illud Ptolomæi, *Arte & Scientia*: secundò, quo ad hominem ipsum: nam si non utitur optimâ victûs ratione, sed nimium indulgeat proprio genio, Veneri, vino &c. natura debilior facta, etsi morbus non lethalis sit, facillè succumbit, deficiente enim humido radicali, calidum innatū in humido excrementitio extinguitur, & sic naturæ prostitutæ etiam non lethalis ægritudo in lethalem convertitur, & tunc mors hujus hominis non est intelligenda quo ad terminum absolutum, respiciendo ad *Astra*, sed quo ad respectivum, nempe sui ipsius; Astrologi enim Clarissimi possunt prædicere, dato illo momento, esse perventurum ad annum octogesimum primum, cum conditione tamen, ut benè se gerat in ratione victus, Veneri &c. eorum enim officium non est vivere cum hoc homine, observare quid agat, quid comedat, & similia: addo ego, quod Medici, similitudine ægritudinum propriis non propinatis medicamentis facillimè ægrotos mittunt ad Orcum, & postea audent dicere, quod falsus fuit in prædicendo Vates, & verum esse illud Socratis, quæ supra nos, nihil ad nos: & sic hic locum habet illud Ciceronis dilemma libro de Fato: si Fatum tibi est, ex hoc morbo convalescere, sive Medicum adhibueris, sive non, convalesces: si Fatum tibi est, ex hoc morbo non convalescere, sive tu Medicum adhibueris, sive non, non convalesces, & alterutrum Fatum est, Medicum ergo adhibere nihil attinet.

Quod verò dari possit aliquis Vates, qui vaticinetur alicui ultimum vitæ terminum, & ille multò antea moriatur Medicorum incuriâ, non propriis propinatis medicamentis, vel ignoto affectu, ut sæpissimè solet, quod ab Hippocrate. 6. Epidem. S.S. confirmatur. Peritis quandoque vitis similitudines pariunt errores & difficultates: dico, quod si moritur ante terminum à Vate prædictum, non sequi, Vatem illum fuisse mendacem, vel

artem, quausus est in prædicendo, falsam: rem hanc confirmat
Aufonius exemplo Medici Alconis.

*Languenti Marco dixit Diodorus Aruspex,
ad vitam non plus sex superesse dies;
sed Medicus, Divis Fatisque potentior Alcon,
falsò convicit illico aruspicium,
tractavitque manum victuri, ni tetigisset
illico, nam Marco sex periére dies.*

Sed instant ex supradictis, ly, præteriri non poterunt, nullum
habet refugium, ergo nulla responsio..

Respondemus habere refugium, dum non intelligatur de
termino absoluto à Deo præfinito, in quo casu Deus non potest
mutare decretum, quod confecerat E. G. Joannem esse victu-
rum annos septuaginta: nam illa divina ordinatio, ut infallibi-
lis, est etiam immutabilis, & sic perveniens Joannes ad annum
septuagesimum, agrotat, neque vota valent, neque preces Ju-
storum, sed necesse est ut moriatur, quia si Deus mutaret ordi-
nem suum, fieret diversæ naturæ, & per consequens dato uno
absurdo, multa inconvenientia sequerentur.

Objiunt secundo, Deum mutasse decretum in Ezechiâ
medio Prophetæ, ergo divina ordinatio est mutabilis, & per con-
sequens dato uno casu, multi sequi possunt.

Respondemus falsum esse, Deum mutasse decretum: nam
si hoc esset, sequeretur quod Deus cessaret esse Deus, sed hoc est
impossibile, ergo omnino impossibilis est mutatio decreti. At
quo ad Ezechiam dicimus, quod illo tempore peste erat infectus
cum Anthrace, unde mors erat propinqua, quia pestis est
venenum lædens subito cor, & sic hominem enecat: unde se-
cundum causas naturales & secundas erat moriturus; Deus au-
tem vocavit Esaiam, & dixit, ut annuntiaret mortem Ezechiæ,
sic itaque inquit ad Regem: hæc dicit Dominus, dispone domui
tuæ, quia morieris tu, & non vives, quæ quidem verba commu-
nissima.

nissima sunt, & conveniunt non tantum ægroto, sed etiam homini sano. Flevit autem Ezechias &c. ut in textu, & Deus adiecit quindecim annos: dico, quod Deus poterat non curare de Ezechia, sed permittere, ut causæ secundæ agerent secundum ordinem suum: vocavit ergo Dominus Esaiam, quia cognoscens Regem esse hominem justum, ideo hac sententia mortis uti voluit, ut magis excitaret ipsum ad pœnitentiam, & contritionem erratorum, quæ ut homo committere poterat: hinc Ezechias fortiter flens, memento, inquit, quoniam ambulaverim coram te in veritate &c. & Deus pietate motus, largitus est quindecim annos: hi autem anni quindecim erant anni, qui deficiebant ad decretum immutabile & æternum Dei, quod præscientia sua ante mundi constitutionem se facturum esse sciebat & in seipso servabat: hinc August. de Genesi ad litteram lib. 6. cap. 17. inquit, quod multa secundum causas inferiores futura sunt (sicut ibi sunt) sed si ita sunt, & in præscientia Dei verè futura sunt, si autem ibi aliter sunt, ita potius futura sunt, sicuti ibi sunt, ubi, qui præscit, falli non potest. Unde concludimus, quod illa additio quindecim annorum fuit mutatio sententiæ, non verò decreti: nam si mortuus esset Ezechias, mors fuisset in tempore non suo, nam deficiebant anni quindecim ad immutabile decretum, non ergo pro vita satis fuere anni quindecim, sed pro ejus salute adhibuit Esaias Massam de ficis, ut fieret cataplasma super vulnus, & sanaretur; Amplius addit signum, dum reverti facit umbram linearum, per quas descenderat, in Horologio Achaz in Sole retrorsum decem lineis, hoc est, gradibus; decem enim gradus in Zodiaco & signis longarum Ascensionum, obliquè tamen descendentibus, possunt facile respondere quindecim gradibus in Æquatore, quorum quidem unus annus unus in Directionibus significare, est omnium Astronomorum consensus, & sic anni quindecim & signum Prophetæ cum mensura Directionum optimè quadrant.

Objiciunt tertio Eſaiam non verò prophetaffe, quia ex morte, Deo permittente, Regi annuntiata, non tantum ſalus ſubſecuta eſt, ſed vita prorogata.

Reſpondemus Eſaiam verè prophetaffe & retuliſſe Regi, quæ dixerat Deus: ergo etiam Deus de mendacio eſſet arguendus: ſed Prophetia non eſt præſcientiæ aut prædeſtinationis, ſed comminationis, non verò abſolutæ, ſed conditionalis, & ſi etiam abſolutè proponatur, conditionaliter eſt intelligenda. Hoc poſito ſolvitur locus Jonæ de Comminatione ad Ninivem, nam pœnitentiam egerunt, & Deus miſertus eſt eis; & illud Ezechielis cap. 18 anima, quæ peccaverit, ipſa morietur, intelligitur hoc modo: peccatum infer mortem animæ, non quia anima moriatur, ſed quia ex peccato ſequitur amiſſio gratiæ Dei, ex amiſſione gratiæ Dei damnatio, quæ eſt animæ mors æterna: ad illud verò, ſi Juſtus fecerit juſtitiam & judicium, vitâ vivet, per ly vitam intelligitur, quod poſt vitam naturalem vivet æternâ.

Sed inſtant, ſi Prophetia eſſet comminationis & conditionalis, caſus Balthaſaris Regis ex Daniele cap. 5. eveniſſet ut Ezechix, Viris Ninivitis, & aliis: ergo falſum eſt prophetiam eſſe comminationis tantum.

Reſpondemus, caſum Balthaſaris Regis non fuiſſe prophetiam, ſed ſententiam; nam Rex temulentus bibens in vaſis Templi Hieruſalem cum optimatibus & concubinis, laudabat deos aureos & argenteos, cum contemptu Dei æterni, & in horâ peccati promulgata eſt ſententia à Deo, nam apparuerunt digiti in pariete ſcribentes: & cum characteres à Sapientibus Chaldeis legi non potuiſſent, jubente Reginâ vocatus eſt Daniel, qui omnia interpretatus eſt; unde hæc non fuit prophetia, ſed explicatio ſententiæ contra ipſum promulgatæ, quæ à Deo immutari potuiſſet, ſi ſtatim pœnitentiam egiſſet, ut fecit ejus pater Nabuchodonosor.

Objiciunt quarto. Dei decretum, quod exiſtimatur inſalibile & ipſi ſoli cognitum, videtur ad quædam tempora aſſignatum,

tum & omnibus notum: hoc patet ex Genesi cap. 6. dicit Deus, non permanebit Spiritus meus in homine, quia caro est, eruntque dies illius centum viginti annorum: amplius ex David psal. 89 dies annorum nostrorum in ipsis septuaginta annis: ergo hoc decretum non tantum est omnibus cognitum, sed etiam fallibile.

Respondemus primò, quod Dei decretum est immutabile & infallibile, sententia verò mutabilis & fallibilis quoad suum beneplacitum: unde de decreto vel sententiâ aliquid sciri nequit, nisi per revelationem, & hoc est supra naturam. Secundò, nescio, quis audit Deum præscribentem vitam hominibus annis centum & viginti, nam videmus non tantum post diluvium, sed ad nostra tempora in quibusdam Regionibus homines pervenisse ad ducentesimum, plus, minusve? nec est dicendum, quod anni illorum temporum differunt à nostris, nam assignetur, qualis differentia assignari possit, patebit quidem veritati non correspondere, sic illud David: nam inveniuntur centenarii homines, & non tantum septuagenarii: si autem (ut dicunt) quod Moyse confecit Genesim, unde ut Propheta & Dei intimus amicus conscius factus, quot esset vitam ducturus, eundem terminum præscripsisset hominibus, pater enim ex cap. 31. Deuteronomio ipso loquente: Centum & viginti annorum sum hodie, non possum ultra ingredi & egredi, unde hoc tempore mortuus est Moyse. Quidam volentes explicare hunc locum, dicunt, Deum non locutum esse de omni aevi omnibus hominibus, sed tantum de illis, qui sæculo ante diluvium corrupto vixerunt, & hunc præmisisse ut penitentia terminum: sed pace horum omnium Exponentium, dico hoc non posse recipi, quia fuisset æqualis omnium vita: nam aliqui possunt esse orti ante hanc sententiam, alii tempore sententiæ, alii post sententiam, unde omnes essent victuri centum & viginti annos, quod ridiculum est.

Quod

Quod autem illud David non sit verum, patet expressè, quia homines excedunt (ut plurimum) septuagesimum annum, res autem vera est (juxta me) quod loquitur de se ipso, dicit enim: dies annorum nostrorum in ipsis septuaginta annis, & anno septuagesimo mortuus est, sciebat enim ut Prophetæ, quot esset victurus, sicut & Moyses; illud verò, quod addit: si autem in potentatibus octoginta, & amplius eorum labor & dolor; hoc intelligitur conditionaliter de senibus dominantibus, qui quò magis senescunt & ad decrepitam perveniunt ætatem, vires animi & corporis amittunt, acumen intellectûs obrebratur, unde tunc fit eorum labor & dolor.

Obijciunt quintò. Est locus in Ecclesiaste cap. 7. versu 16. Hoc vidi in die vanitatis meæ, Justus perit in justitia sua, & impius multo vivit tempore in malitia sua; versu verò 18. ne impiè agas multum, & neli esse stultus, ne moriaris in tempore non tuo; amplius ex David psalm. 54. Viri sanguinum & dolosi non dimidiabunt dies suos: quomodo hæc inter se conveniunt.

Respondemus perire Justum in justitia sua, esse singulare Dei beneficium; sic enim tollitur peccandi libertas, quia forsitan fuisset abusus, si diutius vixisset; diuturna enim vita non semper meliorem efficit hominem: hinc Sacra Scriptura de Justo sic habet: raptus est ne malitia mutaret intellectum ejus, & ne fictio deciperet animam ejus: Justis enim accidunt calamitates multæ, sine causa occiduntur, carceribus includuntur, veneno pereunt, & alia hujusmodi. Impius autem longo aliquando vivit tempore in sua malitia, quia quando peccat homo, non statim Deus immittit vindictam, sed ad præfinitum tempus emendationem expectat, quod multoties fit precibus Justorum pro ipso, ut emenderetur; inquit enim Dominus: nolo mortem peccatoris, sed magis ut converteretur & viveret. Illud verò David, non dimidiabunt dies suos, id est,

ad est, peribunt antequam sperent, illi enim in sua malitia confidunt; hoc autem Psalmistæ est veluti quædam comminatio, ut emendentur, imò potest recipi ut quædam expositio de Sententia Divinæ Legis: nam mali, ut res multis est comprobata exemplis, iustè puniuntur, vel laqueo, enecantur, vel capite mulctantur, vel inopinatè moriuntur, & sic non perveniunt ad dies, ad quos ratione naturæ propriæ pervenire potuissent: unde hic locum habet illud Patris Didaci de Montoya Jesuitæ, de Prædestin. disputat. 24. sect. 6. Singulare beneficium prædestinationis, quod Deus mortem maturo inferat tempore, contra verò iudicium esse iustissimæ reprobationis, quod mortem Deus maturo differat, vel afferat immaturo; hinc non sine causa monet Ecclesiastes; Ne impiè agas multum, & noli esse stultus, ne moriâris in tempore non tuo, quod idem est, ac dicere, quod morieris sicut impius, qui non pervenit ad verum tempus à Deo definitum, sed ante ipsum miserè perit, sicut habet in Proverbijs cap. 10. v. 27. Timor Domini apponit dies, & anni impiorum breviabuntur, & illud Ciceronis in Tuscul. unus dies Sapientis præferendus est æternitati stultorum.

Objiciunt ultimò, nullum esse tempus à Deo præfinitum ex loco Deuteronomii cap. 3. Honora patrem & matrem, ut longo vivas tempore; & ex David Psalm. 20. Vitam petiit à te, & tribuisti ei longitudinem dierum in sæculum, & in sæculum sæculi: ergo falsus est locus Job.

Respondemus, quod imò ex hoc deducitur tempus esse à Deo præfinitum, nam honorantibus parentes Deus vitam longam promittit, non honorantibus brevem; sicuti patet ex Psalm. 90. Longitudine dierum replebo eum, & ostendam illi salutare meum: ex Malachia enim cap. 3. habetur. Ego Dominus, & non mutor: nec non ex Esaia cap. 46. Consilium meum stabit, & omnis voluntas mea fiet; unde tempus à Deo juxta decretum præfinitum est, tam observantibus illud, quam

non, sed diverso modo: ad illud verò David, dicimus, quod Propheta loquitur per excessum, & de promissione longitudinis vitæ, cujus finis est in decreto immutabili, sed loquitur non tantum de vitâ naturali, quæ finem est habitura, sed de æterna, quæ in seculum seculi est duratura, & sic nullo modo locus Job falsus est, sed accipiendus juxta explicationes nostras supradictas.

His locis explicatis triplicem ponimus Conclusionem.

Prima, quod Deus ab æterno decrevit victurum esse Petrum E. G. nonaginta annos, & illum terminum à Deo positum non posse transcendere, & hoc est de decreto immutabili, quod nulli præter Deum, notum est; posse tamen Petrum ante illum terminum mori ratione causarum secundarum & naturalium.

Secunda, quod superatis Annis Climatericis in bonis tam Directionibus, quam Revolutionibus, in Annis non Fatalibus homines mori non possunt, quod naturaliter est intelligendum; sed possint obire in Annis non Fatalibus malâ existente vel Directione, vel Revolutione.

Tertia, quod homines in Annis non Fatalibus, bonis Directionibus & Revolutionibus existentibus mori possint; intelligendo hoc modo, dum nimium proprio genio indulgent, nimix Veneri, potui, cibo, vel ægotando à Medicis non bene curati, vel non convenientibus propinatis medicamentis, vel non cognita ægritudine, vel committendo aliquid erratum alicujus momenti in ipsa ægritudine Medico nesciente, vel cum consensu adstantium, vel dum nimio sumpto vini Cretici potu ex improviso suffocantur, vel ebrii in aquis semet ipsos submergunt, & similibus. Unum afferam exemplum multa comprehendens.

Sint decem homines simul, qui in aliquo cubiculo comedunt, ex improviso, dum sunt ferè in fine prandii, ruit domus,
ex his

ex his decem E. G. moriuntur octo, duo fracto aliquo membro, vel non fracto sub tabula absconduntur & vivunt: dico, quod illi octo, qui perierunt, mortui sunt extra tempus à Deo præfinitum, vel secundum causas naturales & secundas, sed mortui sunt ex Fato illius ruina: sic accidit in naufragiis, ubi aliquando aliqui natando à morte sublevantur, in pugnis exercituum, ubi fugiendo vitam servant: vel pereunt aliquando omnes, sic in diluviis, excidiis & aliis, in quibus casibus Causa Universalis particularem evincit. Et hoc modo solutum est argumentum, quod contra Astrologos quidam pauperes consilio proponunt, nescientes, quod singulare aliquod Exemplum non evertit regulam vel legem: quid ex his?

*Pange toros, pete vina, rosas cape, tingere nardo:
ipse iubet, mors is te meminisse, Deus.*





TRIAS.

IMMORTALIS.

S A D A I

FUNDAMENTUM.

DIAPHANUM.

S E C H E L.

ARCHANGELI

MERCURIUS.

SPHÆRA SECUNDA.

FATUM IN DIEBUS.

FATUM in diebus esse testatur ipse Job cap. 3. maledicens diei suæ & nocti, quæ conceptus est homo, & non sine ratione: nam à die, quo nascitur homo, Fati vires incipiunt agere in ipsum: experti sunt Fatum in diebus Ægyptii, quos postea secuti sunt Romani, & sic dies faustos ab infaustis cognoverunt ex facinorum successu. Apostolus tamen condemnat observatores tum dierum, tum annorum; & in decreto Gratiani dierum Ægyptiorum observatores damnantur, cui Pontifices nostri assentiuntur & decretum confirmant; sed hoc intelligitur de superstitiosis observantibus: sed quis negare potest, dies experiri faustos & infaustos in rebus propriis agendis? multi quidem hoc affirmabunt, nam quæ successus probat, quis fatuus inficiabitur? sic aliquis diem Martis habet infaustum, Jovis prosperum, & sic de aliis: dicunt enim, quod Familia Mendozinorum in Hispania habet Privilegium ab Inquisitione, cavendi ab omni opere in die Martis, quia eos experientia docuit successus semper habuisse infelices: sed quid ultra quarimus, si Deus dierum alios benedixit, alios maledixit, quod in Ecclesiastico legitur: sed quæso his relictis ad explicandum dierum Fatum, de quibus agere animus fuit, descendamus.

Homines Fata, quæ medio Annorum Climatericorum experiuntur corpore existente sano, eadem quando ægroto medio dierum, qui à Medicis Critici dicuntur, qui judicarii fontant: nam ex illis vel mors, vel salus tanquam à signis dependet: hæc observatio non semper veritati correspondet, & hoc dependet ex varietate morborum: dantur enim morbi acuti, peracuti, perperacuti, breves, longi, ut febres intermittentes, exquisitæ, spurix, duplices, continuæ, cum symptomatibus, & sine &c. Acutorum autem multiplex est divisio: acuti enim, qui terminantur in primis quatuor diebus, vocantur perperacuti. Peracuti sunt, qui terminantur in prima septimana. Acuti exactè deveniunt ad quartum decimum. Acuti non exactè usque

usque ad vigesimum. Acuti ex decidentia ad quadagesimum, dum verò transeunt hunc terminum, Chronici, & temporanei vocantur. De aliis febribus nulla est regula, sed in eis est observatio humorum, tum quantitate, tum qualitate peccantium, ex quibus oriuntur indicantia, quæ monstrant iter ad curam.

Dato ergo aliquo ægroto, quæritur, an de ipso fieri possit judicium ex figura decubitûs, vel sexdecangula, quæ uti solent; vel ignotâ ægritudinis horâ, an dies illi, qui à Medicis Critici vocantur, sæpè illos decipiant, si veritatem fateri volunt, quod non sic facilè ab eis assequi potest.

Primò rarò vera habetur ægritudinis hora, nisi sit morbus aliquis repentinus, ut apoplexia, vomitus sanguinis, delirium, vulnera, & his similia: ex pulsuum enim inæqualitate dicunt Medici febrem adesse, non distinguentes alterationem à febre; febrilis enim calor consistit in accensione cordis, Galenicè loquendo, quod Chymici non admittunt, deinde diffunditur vel ad partes nobiliores, vel per totum corporis ambitum; hinc duplex existit principium hujus caloris, unum enim est principium accensionis, aliud principium febris: primum non est principium febris, quia in illo principio non est adhuc calor in corde accensus, accenditur enim calor tum in fonte putredinis, qui quidem fons multiplex est, sicuti varix sunt partes, in quibus residere potest, alius enim est in corde, & per hujus accensionem constituitur febris, ideo nulla est febris, nisi cor constituatur in calefacto esse, & à calore putredinis coinquinetur, cum autem hæc putredo multiplex sit, varix ex ipsâ emanant febrium differentix; ex his ergo deducitur, quod si Cor solum incalcescat, & non coinquinetur, vel vinctus reddatur secundum aliquam sui partem, vel ponatur in calefacto esse, nullo modo fit febris, sed illa, quæ tunc accedit (aliis observatis).

vatis) est Alteratio , quæ post paucas horas evanescit , nec amplius redit , nisi aliquis committatur error , ut ipsa alteratio tandem in febrem convertatur.

Nunc dico, quod si tunc (data alteratione) constituatur figura Decubitus, nullum sequitur iudicium : difficilis, crede mihi, est figura decubitûs, quia hora invasionis morbi, ut plurimum ignoratur : ridicula autem est illa erectio figuræ, quæ fit per petitionem, vel ex visa urina, vel similibus, quæ hominibus crassæ Minervæ proponuntur credenda : si autem vera daretur hora, posset erigi figura decubitûs, & observari in illa tum loca Luninarii, quæ primùm veniunt considerata, tum locus domini Ascendentis & sextæ, & videre, an in sexta & octava sint malefici, & sic posset cognosci qualis sit morbus futurus, & qualis exitus.

Ubi verò Decubitus erigi non potest, recurrunt omnes ad dies Criticos, quomodo verò hi dies desumantur, nunc rem enucleabo.

Duplex est Annus Tropicus; unus, qui à Sole Zodiacum illustrante persolvitur, redeunte ad punctum Æquinoctii vel Solstitii, & hoc in diebus 365. Horis 5. Min. 48. Sec. 55. Sydereus alter, quando aliquod Astrum completo circulo Sol regreditur, & hic est dierum 365. Hor. 6. Min. 9. Sec. 13. absolvitur autem Annus duodecim mensibus, qui sunt tempora periodi, & unoquoque mense signum unum Zodiaci illustrat, quod autem à Sole in anno uno perficitur, à Luna fit in uno mense, & sicuti duplex est Solis Annus, ita binus mensis Lunæ.

Primus ergo mensis vocatur Periodicus; & Luna Zodiaci signa duodecim constat in diebus. 27. Hor. 7. Min. 43. alius est Conjunctionis, qui Synodicus vocatur, & est, quando Luna Soli iungitur, & redit ad coitum cum illo, & fit diebus 29. Hor. 12. Min. 44. hi duo menses sunt reales: addunt quidam tertium, & vocant mensem manifestæ visionis, quem dicunt esse dierum 26. cum Horis 12. quæ quidem opinio falsa est, nam Luna modò tardè,

tardè, modò citò nobis apparet. Citò, quando est Perigeo Eccentrici in signis brevium Ascensionum cum Latitudine Septentrionali, respectu Eclipticæ: tardè verò, quando est in summa Abside, in signis longarum Ascensionum cum Latitudine Meridionali. Ex hoc tercio & periodico componit Galenus 3. de diebus decretoriis 9. Mensē Medicinalem, qui Chymericus est, & res quidem risu digna, nam dividit ipsum in duas partes, & unaquæque ex his constat ex diebus 13. Hor. 11. & postea subdividit hanc partem in duas septimanas, & quælibet constat ex sex diebus, Horis 17. Min. 30. hinc fit, quod unusquisque dies sit Hor. 23 Min. 4. defensores autem ejus dicunt, quod hæc sunt falsò adscripta Galeno.

Hippocrates, 2. Aphor. Sect. Aphor. 24. sic dies Criticos describit. Septenorum quartus est index; alterius septimanæ octavus principium: est autem & undecimus contemplabilis, ipse enim quartus est alterius septimanæ; rursus verò & decimus septimus contemplabilis; ipse siquidem quartus est à quattodecimo, septimus verò à undecimo, hæc ille.

Hi autem dies unde recipiant virtutem, lis sub judice est. Galenus loco supra citato, Maginus, Niphus & alii, qui de Criticis diebus scripserunt, credunt provenire à Lunæ aspectibus: nam dicunt, quartum esse septimi indicem ob aspectum sextilem, sed hoc experientia est fallum: observatur enim, quod Luna existente in ima Abside Epicieli sextilis fit ante quartum, quando est in summa fit in quinto, ergo quartus propter hunc sextilem non potest esse index septimi, sic quadratus non semper fit in septimo, nec trigonus in undecimo, nec oppositum in decimo quarto, sicut multoties observavi: hæc sunt vera quo ad Astronomiam; amplius, si Hippocrates & Galenus observant motiones malas fieri in 6. 8. 10. 12. 16. 18. peto à qua causa tunc dependent, si Luna in his diebus nullum potest conficere aspectum? quare dicunt sextum esse Tyrannum, cum in sexto quadratum Lunæ non fit ad hoc, ut dies malus evadat: nonne tot

vidimus benè se habuisse in quarta, & in quinta extinctos esse: malè in quarta, in septima benè se habuisse: in septima benè se habuisse, & in undecima, vel decima quarta obiisse, vel morbum in deterius prolapsum esse: à quibus causis hæc procedunt? forsitan aspectibus Lunæ.

Sanctorius dicit causas dierum Criticorum provenire à majori vel minori virtute agentium particularium, & à majori vel minori dispositione patientium. Hæc opinio salvari potest, cum dentur innumerabilia discrimina tam agentium, quam patientium: multi enim corporis laboribus assueti, quamquam gravi morbo corripiantur, citius sanantur, & majori cum securitate, quod non fit in corpore debili & delicatæ naturæ, in quo ultra morbi longitudinem imminet etiam vitæ periculum: res experientia multoties comprobata: quidquid sit, nondum est inventa vera causa, unde tales dies virtutem accipiant: sicuti non dum cognita est, qualis sit immediata causa periodicationis morborum: nam quotidie accenditur pituita, & fit quotidiana: de tertio in tertium bilis, & fit tertiana; de quarto in quartum melancholia, & fit quartana: & quod mirum est, eâdem horâ (ut plurimum) venit accessio correspondens diebus præteritis. Forsitan dicent fieri ex motibus Lunæ? ridicula hæc sunt, cum periodicationes fiant ex dispositione membrorum, sitamen verum est quotidianam fieri in ventriculo, tertianam in hepate, quartanam in liene, ideo ex hac distantia à corde fieri periodos, sed hoc nunquam admittent Chymici.

Ignor ergo verâ causâ dierum Criticorum, relinquitur vana Galeni positio ab Hippocrate desumpta: nec est dicendum fieri à qualitatibus occultis, quia ipse Galenus 3. de prælag. ex puls. cap. 5. contra Erasistratum habet hanc sententiam: qui nihil sciunt, ad hæc duo confugiunt: vel ad nomina ignota, vel ad qualitates occultas. A quo ergo fiunt? ex sola observatione, ignorata causa? nihil est; nam vel nullus dies est Criticus, vel omnis dies est Criticus: nam hic dies Criticus, qui Judicarius vocatur,

vocatur, nihil aliud est, quam dum gravia symptomata sunt cum aliqua notabili mutatione ad bonum vel malum, cum autem hæc mutatio fieri possit quolibet die, relinquitur, nullum esse expectandum diem Criticum, ut differatur medendi occasio, vel ut ex ipso judicari possit exitus morbi: quod autem hoc verum sit, hæc sunt observationes ab Hippocrate & Galeno desumptæ, ex quibus patebit, quod quilibet dies Criticus est.

Galenus 5. Aph. 1. citat casum Juvenis liberati, per vomitum bilis æruginosæ, à morbo lethali die primo. Hipp. 2. Epidem. refert casum propriæ sororis hepatis inflammatione laborantis, & moritur die secundo. Gal. ex 3. Epidem. 3. Crito & Phreneticus judicantur in tertio, & moriuntur. Larissa Calvus in quarto, & Pericles salvatur. Erasinus obiit in quinto, & liberatur Metones. Philiscus moritur in sexto, liberatur virgo Larissæ. Adolefcens decumbens in foro mendacii moritur, & judicatur in septimo, & sic de singulis, ex quibus manifestè patet, omnem diem per se Criticum esse.

Si autem Astrologica respicimus, si præcisè posset haberi hora ægritudinis, apparebunt dies Critici veri, multum diversi ab illis, qui à Medicis observantur, rem ego non semel expertus; nam tum Planetæ, tum signa Zodiaci habent sub se quasdam hominis partes, quibus dominantur, unde morbos in illos introducunt, & ex simplici decubitus constitutione (etiam ignoratâ Nativitate) potest sciri, qualis sit ille morbus futurus, à quo Planeta proveniat, & qualem exitum sit sortiturus, qualisve sit cura facienda; his ergo observatis, ex ipsa figura decubitus omnia intueri possumus & reperire in ipsa diem, in quo ægrotus benè vel malè habebit, quibus ignoratis, sola Nativitatis figura sufficit; necessaria etiam est Revolutio annua, nam ex utrâque potest innotescere tum morbus ipse, tum exitus.

Excludimus hoc loco Astrologicas observationes, quæ undique annotantur ab illis, qui Calendaria describunt, in quibus admonent Medicos, ne tali die sanguinem mittant, vel medicamentum præbeant, & reperiuntur Medici insignes, qui talia non tantum observant, sed ferunt secum hunc libellum, imò ipsi ægroti alicujus conditionis (quod ridiculum est) dum Medici jubent, ut mane sequenti fiat sanguinis missio, vel accipiant pharmacum, dicunt, hoc non est faciendum, quia talis Astrologus prohibet, & sic his observatis aliquando augetur morbus, & ægroti percunt, cum morbi ut plurimum non dent indacias, sed indigeant, ut quamprimum convenientia remedia adhibeantur: de his mecum ridet Vir Eruditissimus Joannes Dominicus Marefius Vicentinus, in omni scientia & doctrina præclarus, & non tantum miratur de his, qui temerarii nomine insigniri debent, sed de illis Medicis, qui adhibent fidem scriptis & nugis illorum.

Afferam Exemplum Venetiis notum: dum anno 1654. die 12. Augusti celebraretur insigne Solis deliquium, omnes Calendarijsti elevabant clamorem ad Cælum, ut Medicineque sanguinis missionem, neque medicamentum ægrotis suis proponerent per unum diem ante deliquium, per diem deliquii, & post, ita ut in his tribus diebus sola victus ratione uti deberent: pervenerunt hæ voces undique libris suis inspersæ ad aures quorundam Procuratorum Xenodochii, quod vocant Incurabili-um, & vocantes Medicum dixerunt, ut caveret maxime in die deliquii à pharmaci exhibitione & sanguinis missione, ne miserime perirent ægroti. Joannes Maria Tosius, Vir præclarus, Medicinæ & Chyrurgiæ Professor, dixit se bene omnia intellexisse, & gratias multas Illustrissimis suis Dominationibus benignissime reddidit: die ergo deliquii aliquibus dedit pharmaca, aliis sanguinis missionem feliciter administravit, & nullus ex illis periit, & hoc exemplo tradidit modum admonendi Medicos, Calendarijstis & Astrologastis.

Addi

Addo ego, quod ubi vel Genitura habetur, vel Decubitus figura erigitur, præter aspectus, qui à Luna cum Planetis fiunt, esse observanda etiam alia, ut superiorum conjunctiones, vel eorum radii hostiles in quo loco figuræ fiant, sic Eclipses si fiant in Ascendente in gradu Caudæ Draconis, vel in septima, aut octava, aut Radicis, Revolutionis, vel Decubitus, nam mortem minantur: idem observatur de Cometa, in quo loco figuræ appareat, sic transitus Planetarum super loca figuræ sunt annotandi, & quod maximum est, si eo tempore accedat aliqua mala directio, cum Profectione ad loca figuræ infesta, quæ omnia à perito Medico Astronomo annotari debent: hoc aut in Magnatibus, ut plurimum observari solet, ut verificetur illud,

Quod decet Heroes sua Eata timere Monarchas.



DECAS.

TRIUNUS.

ADONAI MELECH

REGNUM.

OBJECTUM.

SECHEL.

ANGELI.

LUNA.

SPHÆRA PRIMA.

FATUM IN REGNIS

MUNDANARUM rerum Metamorphoses, ex continuis ad inferiora varietatum descensibus Sapientum mentes in admirationem trahebant, nisi veritas latitans in tenebris, solum per umbras nota, extra umbras nata, cum sit temporis filia, admirationem amoveret; signa tamen ex observationibus collecta sufficientia non videbantur, quia accidentia præter naturam & expectationem effectus penitus diversa oriebantur; hinc ter maximus Hermes posteris mandavit, de cunctis, quæ super terram sunt, nullam veritatem esse, sed quædam veritatis imitamenta, & non omnia, sed pauca: omnia verò fieri *Natura* & *Fato*, & non esse locum à Providentia desertum, cum illa sit per se ratio perfecta & supercœlestis Dei, ab ea autem duæ oriuntur potentia, Necessitas & Fatum, hoc autem est Ministrum Providentiæ & Necessitatis, Fati verò Ministræ & ejus arma sunt Stellæ, ipsum autem est causa dispositionis Astrorum, & hæc est lex inevitabilis, secundum quam cuncta sunt ordinata.

Cœlum Dei Pantocratoron magnum opus est, innumeris cælatum figuris, variis virtutibus ornatum, de quo David Psalm. 18. cecinit: Cœli enarrant gloriam Dei, & opera manuum ejus annuntiat firmamentum: ex ejus diversis motibus ortum traxit Astronomia, ex variis verò observatis influxibus mirabilia in mundo producentibus Astrologia, quæ quidem nobilissima scientia tandem fuit Chaldæorum, Arabum, Græcorum aliorumque superstitionibus innumeris conspurcata. Conjectura autem utitur à Numine Job increpante edocta cap. 38. nunquid nosti ordinem Cœli, & pones rationem ejus in terra? nunquid post ortum tuum præcepisti diluculo, & ostendisti Auroræ locum suum? ubi eras, quando ponebam fundamenta terræ? indica mihi si habes intelligentiam; hinc non sine causa exclamat Apostolus ad Romanos. Epistola 1. cap. 11. O profundum divitiarum Sapientiæ & scientiæ Dei: quam inscrutabilia sunt judicia ejus, quis enim cognovit mentem Domini, aut quis consiliarius ejus fuit? sed nullus nisi fatuus inficiari potest scientiam hanc

hanc à Deo originem habuisse, qui docuit parentem protopla-
stum, sic Enoch, qui genuit Mathusalem ab Angelis multa edi-
dicit, cæterosq; docuit, sic teste Juda Thadæo in Epistola cano-
nica de futuro judicio, tam aquarum diluvii, quam ultimæ con-
flagrationis Vaticinium, Authore Josepho in primo Antiquita-
rum libro duabus columnis inscripsit: Sem verò à patre Noë
hanc edidicit, qui primus secundum Thalmudistas omnium do-
ctrinarum scholam aperuit. Abraham autem, qui divino præ-
cepto in Phanicem venit, eos docuit, & Regi gratissimus fuit,
postea in Ægyptū proficiscens, habitavit Heliopoli cum Sacer-
dotibus, & Astrologiam docuit, qui tamen illam se non invenis-
se, sed ab Enoch per successionem sibi traditam fatebatur: modò
procul hinc abscedat vanitatis filia Græcorum ambitio, qui suis
Heroibus Cœli imagines aptaverunt, constat enim ex Chaldæo-
rum monumentis, ante Argonautas in Cœlo Navim signatam
fuisse, aliasque stellas, quas Prophetæ memorant, qui multis tem-
poribus Græcos præcesserunt; nomina enim stellarum à Deo
fuisse imposita quis ambigit? psalm. 146. David fatetur: Qui nu-
merat multitudinem stellarum, & omnibus eis nomina vocat:
sic legimus cap. 38. Deo ad Job loquente: nunquid conjungere
valebis micantes stellas Pleiades, aut gyrum Arcturi poteris dis-
sipare? nunquid producis Luciferum in tempore suo, aut Vespere-
rum super fines terræ consurgere facis? & cap. 9. Job loquente
de Magnalibus Dei, ita inquit. Qui præcipit Soli, & non ori-
tur, & stellas claudit quasi sub signaculo, qui extendit Cœlos so-
lus, & graditur super fluctus maris, qui facit Arcturum, & Orio-
na, & Hyadas, & interiora Austri.

Ter maximus verò Hermes, qui Moyfi coætaneus fuit, sed
paulò senior, in hac scientia peritissimus fuit, capite enim de stel-
lis scribit. Omnium, quæ universaliter accidunt, energia à stel-
lis est, Regum eversiones, urbium insurrectiones, pestis, fames,
inundatio maris, terræ motus: siquid in Asclepio Ægypti prædixit rui-
nam: sed quid ultra quærimus? libro enim Judicum cap. 5. hæc

Y

adno-

adnotantur, de Cœlo dimicatum est contra eos, stellæ manentes in ordine, & cursu suo contra Syfaram pugnaverunt.

Cœlorum ergo motus, Astrorumque influxus, quis audax fatuus negat? hi quidem teste Hermete, omnes boni sunt & benefici, suscipientes tantummodo ipsum bonum, & hoc agentes. intuitu æterno immutabiles sunt, quamvis in ipsa alterabili naturâ operantes degenerent, perpetuo tamen ordine semper benefici sunt; hi enim, dum vim continuam Saturni & Martis extendunt, frequenter per accidens obsunt; illa, quando in materiâ frigidiori suscipitur, hæc autem, quando in ferventiori, quod omnino fit pro dispositione materiæ: Sol enim, quamvis calore & luce nonnullos offendere videatur, necessarius tamen est ad vitam, quamvis vel subjecti perversitas perversè suscipiat, vel debilitas facillè tolerare non possit efficaciam superiorum.

His solidissimis jactis fundamentis, de syderum influxibus: in inferiora agemus, veritatem, si quæ est, demonstrando, sed veniam mihi dent omnes, nam dum de eâ agitur, nemini parco.

Prima causa mutationis rerum inferiorum vocatur ab Astrologis Orbis Magnus, qui nihil aliud est, quam quædam annorum congeries, quâ Planetæ omnes eadem annorum mensurâ, sumpto ordine à Saturno, à mundi exordio usque ad interitum gubernant. Abraham *Aben Ezra* Judæus (quem sequuntur Petrus de Abano, Tritemius, & pauci alii, jasserit, quod post Deum, Intelligentiæ Mundi machinam regunt, & quod unaquæque tempus determinatum habet sui regiminis, nempe annos 354. & menses quatuor, sumpto ordine ex menstruo Lunæ motu, & influunt & operantur in hæc mundi inferiora toto hoc annorum spatio secundum proprietates naturæ Astrorum suorum: exordium verò sumunt à Saturni Angelo Orifiele, deinde sequitur Anaël Veneris, tertius Zachariël Jovis, quartus Raphaël Mercurii, quintus Samaël Martis, sextus Gabriël Lunæ, septimus Michaël Solis; sic dicitur, quod Samaël inserviebat tempore Diluvii, & Luna in confusione linguarum, Michaël verò, quando fuerunt

com-

completi anni 4708. incepit ducere, sicut scriptū est, tempore Israël: Illo tempore stabit Michaël noster Princeps in Damele.

Non inficior ego Intelligentias regere Cælum vicissitudinarie quādam annorum, dierum & horarum, cum præsent etiam Planetis, quorum motus varios observamus; sed quis amabo docuit hunc regiminis ordinem contra ordinem Planetarum, & hos annos 354. cum mensibus quatuor? res quidem ridicula omni fundamento destituta, & miror Tritemium, alioquin virum doctissimum, has nugas esse secutum; quomodo ergo harum Intelligentiarum nomina, educantur, & unde, Cabbalistarum abscondita hominibus crassæ Minervæ, nunc explicabo.

Leges, quæ perpetuò manent, membra sunt indispensable decem præcepta Decalogi, sic carnalis hominis artus, ipsum in perpetuo & peculiari sibi esse constituentes, decem enumerantur, nempe spiritus, cerebrum, cor, pulmo, hæpar, fel, splen, renes, genitalia, matrix, cum cæteris illis annexis; sic magni corporis hominis præcipua decem sunt membra, Cælum intellectuale, Primum Mobile, Saturnus, Jupiter, Mars, Sol, Venus, Mercurius, Luna, cum reliquis, quæ ejus globus circumdat; Archetypi verò hominis artus decem sunt Angelorum Chori, nempe Haioth, Hecadosch, Ophanim, Aralim, Hasinalim, Malachim, Seraphim, Elohim, bene Elohim, Cherubim & Issim. Theologi verò nostri alio nomine vocant, nempe Seraphim, Cherubim, Throni, Dominationes, Virtutes, Potestates, Principatus, Archangeli, Angeli, decimus verò est ordo Animasticus. Cuncta ergo hæc ordine denario disposita, in decem omnium Dei Nomina vergunt, quæ Hebræorum Mecubales hyperbolicè decem Sphiros, id est Numerationes vocant, & hæ sunt veluti instrumenta, quarum medio ordine quodam per singula superiora, usque ad infima influunt in omnia creata.

Primū Nomen est Elhie, Numeratio ejus Cæther, interpretatur Diadema supremū, & attribuitur Deo Patri, influit per ordinē Seraphim, deinde per primū Mobile omnibus essendi munus largitur, cujus Intelligentia est Metatron, quæ fuit Præfectus Mose.

Secundum est Jod, Numeratio ejus Hochma, idest sapientia, attribuitur Filio, influit per ordinem Cherubim, & per hos Chaos distinguit, deinde in Cœlum stellatum, cujus Intelligentia Raziel Præfectus Adam. Tertium Tetragrammaton prolatum Elohim, Numeratio ejus dicitur Bina, nempe Providentia, seu Intelligentia, attribuitur Paraclito, influit per ordinem Thronorum, & fluxæ materiæ formam ministrat per Sphæram Saturni, cujus Intelligentia particularis Japhkiel, Præfectus Noë. Quartum El, Numeratio Hæsed, hoc est Clementia, influit per ordinem Dominationum, & corporum effingit effigies per Sphæram Jovis, Intelligentia ejus Zadhiel, Præfectus Abraham. Quintum Elohim Gibor, Numeratio Geburah, hoc est potentia, influit per ordinem Potestatum, deinde per Sphæram Martis elementa deponit, Intelligentia Camaël, Præfatus Samsonis. Sextum Eloha Vadahar, Numeratio Tiphareth, hoc est gloria, voluptas, influit per ordinem Virtutum in Sphæram Solis, cujus Intelligentia particularis est Rachaël, Præfectus Isaac & Tobia. Septimum Adonai Sabaoth, Numeratio Nezah, hoc est, victoria, triumphus, influit per ordinem Principatum, vegetabilia producens in Sphæram Veneris, Intelligentia Hanaël, Præfectus Judith. Octavum Elohim Sabaoth, Numeratio Hod, quod interpretatur laus & confessio, influit per ordinem Archangelorum, deinde per Sphæram Mercurii animalia producit, Intelligentia Michaël, Præfectus Salomonis. Nonum Sadai, Numeratio Jesod, idest fundamentum, influit per ordinem Angelorum, in Sphæram Lunæ, & genus hominum curat, Intelligentia Gabriel, qui fuit Præfectus Joseph, Josue & Danielis. Decimum nomen est Adonay Melech, Numeratio Malchut, hoc est Regnum, Imperium & Prophetiam largitur, influit per ordinem Animasticum, ab Hebræis Issim dictum, hoc est Heroes, Principes, & cum sint Hierarchiis inferiores, infundunt hominibus rerum omnium scientiam, huic præsidere dicunt animam Meshihæ, alii Intelligentiam Metatron, qui fuit Præfectus Moyses.

hæc

hæc ergo sunt Decem Dei nomina , unde & Intelligentiæ emanant.

Si consideramus triplicem Angelorum distinctionem , in tres ordines divisos, quos Hierarchias vocant, videbimus, quod in Prima sunt Seraphim, Cherubim & Throni : in Secunda, Dominationes, Virtutes & Potestates : in Tertia Principatus, Archangeli, Angeli : de quorū officio diximus in hujus operis principio ; post hos est Militia Cœli , sive alii septem ordines, juxta sententiam Athanasii de Angelis , sic inter hos est ordo Auxiliaris, ut apud Esaiam cap. 37. legitur. Egressus est Angelus Domini, & percussit in castris Assyriorum centum octoginta quinque millia, sic est ordo Assistentium , de quo apud Zachariam cap. 4. Isti sunt duo filii splendoris olei, qui assistunt Dominatori universæ terræ ; sic est ordo Tutelaris , de quo apud Daniele cap. 10. Princeps Regni Persarum restitit mihi viginti uno diebus , & ecce Michaël unus de Principibus primis venit in adiutorium meum, & ego remansi ibi juxta Regem Persarum, & nunc revertar, ut præliar adversus Principem Persarum, cum enim ingrederer, apparuit Princeps Græcorum veniens , & nemo est adjuxor meus in omnibus his, nisi Michaël Princeps vester ; & cap. 12. In tempore autem illo consurget Michaël Princeps Magnus , qui stat pro filiis populi tui : loquitur autem hoc loco de ultimo die- rum, & de resurrectione bonorum & malorum , sicut Joannes in Apocalypsi , quod non intellexit Abraham Aben Ezra loco supra citato, intelligens de Michaële Intelligentia Solis, quæ quidem non est Michaël sed R aphaël, ut diximus : quod ergo Cœlis & Planetis motrices Intelligentiæ adsint , & quod sint septem Gubernatores Mundi, Trimegistus in Poëmandro demonstrat, dum inquit. Mascemina existens vita & lux cum sit, parturit Verbo aliam mentem opificem, quæ Deus ignis & spiritus existens, effecit Rectores quosdam septem in circulis continentes sensibilem mundum , & regimen illorum *Fatum* vocatur, quod autem hæc quodam annorum ordine regant ab Abrahamo , Tri-

temio & aliis assignato, & non una post aliam, ut Planetæ, sed ordine mutato, vana res est, & nullius ponderis.

Quamplurimi autem Astrologi, Orbi Magno 360. annos assignant, & à Saturno incipiunt, ceterosque Planetas in ordine ponunt, inchoant verò à signo Cancrī, dicendo, quod Saturnus præfuit in mundi initio cum signo Cancrī, & ejus Profectiones erant in capite Arietis, & quod in conjunctione significante Diluvium, quam præcessisse Albumasar credit per annos 287. Omar verò per 279. cui omnes assentiuntur, incipiebat Nonus Orbis ante diem Jovis, & huic præfuit Saturnus cum signo Cancrī, & initium Orbis per directionem erat in primo Arietis gradu; sed pace Astrologorum omnium, hoc apud me absurdum maximum est, & primò Diluvium communiter receptum est sub anno 1656. completo, à quo si subtrahatur conjunctio antecedens, quam dicunt ipsum demonstrasse, remanent anni mundi 1377. quatuor Orbes reducti in unum pariunt annos 1440. à quibus detractis 1377. remanent anni 63. ad complementum quarti Orbis: modò dico, quomodo hic Orbis ab illis assignatur Nonus, si hæc conjunctio incæpit in fine quarti, ut supputatione constat; sed esto, sit Nonus, dico, quod Saturnus non poterat esse Dominus Orbis, neq; Cancer signum; aut hi Planetæ successivè, unus post alium, regimè accipiunt, aut non? primū concedunt omnes, ergo Saturnus fuit Dominus Octavi, Jupiter verò Noni; amplius, si signorū numeratio per illos incipit à Cancro, signū Orbis Noni fuere Pisces, non Cancer; si ergo ordinē non servant Planetæ aut signa, Orbis assignatio est frivola, sicut divisoris opinio risu digna.

Sed sub quo Orbe simus, quis mihi indicare potest, cum mundi ætas incertissima sit? nam regula Astrologorum ad repariendum Orbem magnum, sumpto ordine ab illa conjunctione & annis à diluvio ad Christum, quos desumūt ab Alphonso 3102. & uniunt simul, postea dividunt per 360. est falsa. Anni à diluvio ad Christum, secundum plurimos Chronologiæ professores assignanter 2293. secundum Joannem Lucidum 2504. differentia inter

inter hos est tantum annorum 11. sed illa inter hos & Alphonsum excedit annos 800. quomodo ergo hi Orbes desumi possunt juxta hanc regulam? secundum primos assignantes Intelligentias, ut notat Titemuis, sumus sub vigesimo, qui incepit anno 125. Julii Rectore Gabriele Angelo Lunæ secundum ceteros Astrologos incepit decimus quartus Orbis Lunæ cum signo Leonis anno 1300. & desinit 1659. cui ego experientiâ teste facile assentior: incepit verò decimus quintus 1660. dominante Saturno: cum signo Virginis, de quo ipse Virgilius Ecloga quarta cecinit.

Iam redit & Virgo, redeunt Saturnia Regna.

Secunda causa mutationum in mundo sunt conjunctiones maximæ, & magnæ ponderosorum Planetarum (nec spernenda illa Saturni & Martis in Cancro, in quo uterque infelix, & sit quolibet trigesimo anno, oriturque 1680. die Augusti 30. in gr. 19. 16. ejus significata observata maximè in hoc signo corruptionem, bella, mortem Regum, Principumque prætendunt) quando mutantur de trigono in trigonum, cum autem omnes dicant, quod mundus conditus sit sub Trigono igneo, ita ego dicere possum, quod, quando Omnipotens creavit Cælum, posuit sydera errantia in primo Zodiaci signo, nempe Ariete, quomodo ergo Orbis magnus, dominante Saturno à mundi exordio poterat esse cum signo Cancris? fuerunt ergo omnes Planeta in primo Arietis gradu, & tunc fuit conjunctio maxima, quæ postea observata est re-verti ad caput Arietis, in annis circiter 795. quod communiter recipitur, sed nostro seculo non sic fuit, ut demonstrabo; postea de igneo transiunt in terreum, de hoc in æreum, & tandem in aqueum, in annis circiter 199. pro unoquoque: dico circiter, cum hæc regula ab omnibus assignata non sit vera, nam completis annis Trigoni aquei in anno 1583. conjunctio debuerat esse in Ariete, & fuit in 21. Piscium gradu, sic illa anni 1643. in gr. 25. 30. Piscium, nec est dicendum, quod fuit platæa, & per Orbem in Ariete, nam quando loquimur de conjunctione tali, ut talis est, intelligimus semper de partili, h. e. iisdem gradibus & minutis in tali signo, sed de his, Deo favente, alibi dicemus.

Ex.

Ex Conjunctionibus ergo Planetarum in his Trigonis tales effectus observati sunt : in igneo fiunt Monarchiæ, Imperia, propter Jovis & Solis dominium, hinc tranquillitas & pax, vident Viri illustres, sapientes, sed terræ sterilitates magnæ. In terreo terræ motus, inundationes & Cometæ, nec non Principum regnandi imperitia, & labescere dicunt Monarchiam in igneo conditam (sic in hoc Trigono Caroli Magni Monarchia minui cæpit, quæ in igneo velociter se erexit) & dissolvi ea, quæ facta sunt sub aqueo, in aëreo Monarchia in igneo facta dissolvitur, & in alias Regiones transfertur, Respublicæ conduntur, ut Veneta, artes invalescunt, & viri insignes, sed improbi, deceptores, vitiisque libidinis impliciti, aderuntque multi Cometæ: in aqueo Monarchia prima frangitur, bella, devastationes Provinciarum, invasiones piraticæ, in mechanicis verò miræ inventiones, sed plures hæreses, & novi morbi maligni.

Hæ autem conjunctiones, ut maximæ, non sunt magnis anteposendæ, vel magnæ minimis, nam vi signi & conjunctionis omnes æquales & æquipotentes habendæ sunt, & earum significata à maximis in magnis, deinde in minimis paulatim in lucem producuntur; agens enim naturale prius disponit, deinde agit, & effectus tamdiu durat, quamdiu patiens & agens fuerit invicem proportionatum. Mundus ergo, ut dicunt, conditus est in Trigono igneo, & igne concupiscentiæ adaucto in alio Trigono igneo aquâ destruitur & renovatur, unde illa conjunctio Albumasaris & Omar supradicta, quæ demonstravit diluvium, facta fuit (ut supputatione constat) in Trigono aëreo, quomodo ergo poterat demonstrare diluvium ante 279. annos? & si demonstravit, quare factum est in igneo Trigono, & non in aqueo: nam quidquid conditur in igneo, in aqueo destruitur; sed isti elleboro e poti, mirum non est, si hæc somniarunt, diluvium enim per astra non est demonstratum, sed per minas iræ Dei in impietatem gentium, per Noë servum suum.

Anno

Anno ergo 131. post diluvium, in fine ignei Trigoni, tertiæ conjunctionis maximæ superiorum, Nemroth filius Chus ex progenie Japhet, in campo Semnaar cum aliis ædificavit turrim, sed non complevit, & facta est divisio linguarum, & ab hoc sumit initium Regnum Chaldæorum, sive Assyriorum, quod vocatur Babylonicum ex turri Babel: regnavit ergo Nemroth annis 56. cui successit filius Belus, dictus Jupiter, regnans annis 62. postea Ninus ejus filius 52. & hic primus Monarchiam cœpit, cui successit Uxor Semiramis Ascalonita, regnans annos 42. quæ teste Beroso antecessit, militia, triumphis, divitiis, victoriis & Imperio omnes mortales. Monarchia hæc incipit in Trigono terreo, & à Nino Idololatria initium sumit, & primus templum patri Belo & Rheæ Aviæ, Statuasque in medio Oppidi Babylonæ erexit. Incantationes & maleficia hoc tempore inventa sunt, per Zoroastrem Braëtrianorum Regem, quem Ninus in bello superavit, de quibus scriptum est apud Arnobium, ut inter Assyrios & Braëtrianos, Nino quondam Zoroastroque ductoribus, non tantum ferro dimicaretur & viribus, verum etiam magicis & Chaldæorum reconditis disciplinis.

Principium ergo Regni Babylonici fuit in fine Trigoni ignei, & in fine aquei Monarchia completa est, nam à primo Rege Nemroth usque ad mortem Sardanapali, sunt anni 1351. à Diluvio verò ad finem Sardanapali 1483. cum autem igneum Trigonom incæpisset ante diluvium, annis fermè 66. quibus additis 1483. conficiunt annos 1549. his addo duas conjunctiones maximas ex annis 795. & fiunt anni 3139. cum autem quatuor maximæ conjunctiones pariant annos 3180. subtracta una ab altera, remanent anni 41. ad finem aquei Trigoni.

Belochus tertius Princeps militiæ Sardanapali, prodito Domino suo Sardanapalo, partitus est cum Medis Monarchiam, sed post novem Regum dominium Cyrus, Balthasare interfecto, reunitam Monarchiam in Persas transtulit: anni ergo horum Regum sunt 304. qui si addantur annis supra conjun-

ctionis Trigoni aquei, confurget numerus annorum 3443. incidens in Trigonum terreum: à Cyro autem usque ad Alexandrum Magnum, qui transfudit Imperium in Græcos, duravit reunita Monarchia à Cyro ad Alexandrum annos 191. qui si addantur annis 3443. efficiunt 3634. incidentes in Trigonum æreum, ergo Regnum Babylonicum incepit in Trigono igneo, Medorum in aqueo, Persarum in terreo, Græcorum in æreo.

Romanum Imperium, quod initium sumit à Cajo Julio Cæsare, à quo ceteri Imperatores Cæsares vocati sunt, sub aqueâ Triplicitate conditum est, & non in ignea, ut falsò putavit Cardanus, ideo adveniente igneo Trigono circa annum 788. mutationem maximam expertum ad Gallos translatum est. Carolus enim Magnus, cum prius regnasset in Gallia, annos 33. assecutus imperium in anno 801. imperavit usque ad 815. redeunte postea aqueo Trigono, & maximè sub Carolo Quinto, cujus genesis Trigono illi conveniebat, auctum est, & se amplificavit: sed quando de aqueo in igneum deventum est, Revolutiones maximæ & mutationes in Imperio secutæ sunt: anno enim 1603. & 1613. calamitatibus auctum, & ferè prope interitum sub Suetiæ Rege Gustavo Adolpho, mutatâ verò triplicitate in anno 1643. quæ debuerat esse in Ariete, & fuit in Piscibus, quievit & firmatum est in domo Austriacâ, non sine tamen aliquâ vexatione; sed nunc reddit in faustum Trigonum duraturum usque ad annum 1802. sed vanus erit conatus illorum, qui putant evertere Imperium, plantam pedis habet ferream fortiterque infixam humo, & ideo tunc destruetur, quâdo Christus ceteris Mundi Regnis finem imponet.

Confirmat hoc Prophetia duplex Sibyllæ Tiburtinæ, & primam refert Beda, Godefridus Viterbiensis, alique, quam in sui Nuclei historici parte secunda notat eruditissimus P. Gabriël Bucelinus. Ab Aquilone surgent spurcissimæ gentes in multitudine, quas Rex Romanorum funditùs disperdet, & tum Hierosolymis Rex ille, deposito diademate, Regnum Deo relinquet & Christo ejus, & cessabit Romanum Imperium, & Antichri-

stus

stus manifestabitur, & occidet Enoch & Eliam, & Judex veniet judicare vivos & mortuos.

Secunda fuit inventa in antiquissimo marmore, latinis vestis etque characteribus apud Helvetos, in Tauri montis visceribus, aquarum & nivium rapidâ vi detectis anno 1520. hæc citatur à Cornelio Gemmâ in suo de Divinis Characterismis Opere, & ab eo Tycho in fine primæ partis Progymnasmatum, mihi autem placuit in meliorem formam redigere.

Orietur Sydus in Europa supra Yberos, ad magnam Septentrionis domum, cujus radii Orbem terrarum ex improvviso illustrabunt: hoc verò erit tempore desideratissimo, quo mortales positis armis pacem unanimes complectantur: certabitur quidem variis per diuturni interregni occasionem studiis, cui Imperii habentæ tradantur; sed vincet aviti sanguinis proventus, quæ eosque armorum vi progreditur, donec Fatis contraria Fata obstitierint; nam eodem ferè tempore, hoc demorso sydere, coævum quoddam ejus lumen longe ardentioribus Mavortis ignibus exardescens, Antipodum finibus occludet Imperium. At prius huic submittet cervices Gallia; ad ejus genua supplex adnectabit classibus Britannia. Italia ægrè ad ardua sceptrâ respirans olivæ languentem protendet dexteram: verùm hocce Jubar ante diem ingenti mortalium desiderio se Divum nubibus conderet, quo extincto post diros & sanguinolentos Cometas, ignivomasque Cæli facies nihil amplius tutum salutareque erit. Osque animantibus Cæli firmamentum, pugnantibusque Planetis & contrariis cursibus labefactabitur: concurrent orbibus orbem, fixæ cursu antevertent Erraticas, æquabunt æquora montes, hæc omnia denique erunt, nox, interitus, ruina, damnatio, & æternæ tenebræ.

Hæc sunt de Imperii Romani duratione fundamenta per varicinia, de Domo autem Austriacâ aliqua dicemus, quia vir quidam eruditissimus Emmanuel Boccaro y Rosales, Lusitanus Hebræus in suo Fœtu Astrologico de ipsâ hæc scribit.

Coronæ Austriacæ incæperunt capere augmenta sua in decimoquinto Orbe Saturni, sub signo Sagittarii in Autumno, anno 1280. sub Rudolpho Primo, fit autem iste numerus à Cubico à septimo, & cum desint septem anni ad complementum Orbis magni 1640. tunc ab anno 1633. suas malas fortunas incæpisse diximus.

De Orbibus supra satis diximus, ex quibus deducitur huius viri error satis magnus, tum in numero Orbium, tum in annis, nam secundum omnes decimus quintus incæpit anno 1660. & non in anno 1280. ut ille ponit, habitâ etiam annorum supputatione ab Adamo ad diluviûm secundum Hebræos, nempe 1656. cui Scaliger cum aliis assentitur. Nihil dico, quod credat esse in Autumno, quia tempore diluvii incæperunt anni dierum Hebræici à die secundâ Octobris Juliani Næomenia Ethaniam: credunt enim Hebræi mundum conditum fuisse in æquinoctio Autumni, & ut quidam dicunt, die 17. Novembris, sed Moyses ipse divinâ ordinatione anni principium in vere instituit non solum ex beneficio liberationis ex Ægypto, sed quia tunc fuerat mundus conditus, ut habet Rabbi Josue; nonne & Hebræi dicunt, ante ipsorum ingressum in Ægyptum, quod incipiebat annus ab æquinoctio verno ex antiquâ Patrum consuetudine, qui cognoverunt mundum fuisse tempore veris creatum? sententiam Hebræorum confirmat Joannes Bodinus; à veriori autem & nostrâ non dissentit Joannes Lucidus, & quamplurimi Chronologici. Videat ergo nunc, an suus Orbis decimus quintus sub Saturno cum signo Sagittarii habuit initium anno 1280. nam anno 940. Dominus Orbis decimi tertii fuit Mercurius cum signo Cancri 1300. Decimi quarti Domina fuit Luna cum signo Leonis, & nunc decimi quinti 1660. Saturnus cum signo Virginis usque ad annum 2020. quo tempore Jupiter cum signo Libræ dominium suscipiet; de numero postea Cubico à septimo infra dicemus, ubi agitur de Numeris, qui mutationibus Regnorum inferiunt.

Addit

Addit Rosales, ex Conjunctione Saturni & Jovis in Sagittario 1603. & ab Orbe magno decimosexto Saturni, sub signo Capricorni incipiente 1640. & à minori Solis Eccentricitate 1653. Imperium Romanum ferè collabi videbitur, sed in hac septimâ Triplicitate renovabitur ab Austriacis, atque iterum in ejus Augustissimâ domo permanebit per alium Orbem magnum 1660.

Nunquid de utroque Orbe 1280. & 1640. debet esse Dominus idem Planeta Saturnus, & reliqui quando dominium suscipient: amplius, dato, quod decimus sextus Orbis talis sit, sicuti falsum est, Profectio ejus est ad Capricornum, nonne Orbis initium sumitur à Cancro: sic docuere omnes.

Nunc ergo restat. dicendum, quod Coronæ Austriacæ non inæperunt sub hoc Orbe Saturni, sed circa finem Orbis decimi tertii Mercurii, nempe anno ejus regiminis 333. & per consequens, malè posuisse Rosalem ejus initia sub alio Orbe.

Addit: major Solis Eccentricitas gr. 23.5' 2. fuit tempore Julii Cæsaris, minor 23.2' 8. ex Copernico anno 1653. in Majo, & quamvis calculus non correspondeat, si quidē Eccentricitas hodierna ex Tychone est gr. 23.3' 1.31". nihilominus judicia Astrologica non sunt contemnenda, cum ex hac mutatione (datur enim, ut patet) & ex Orbe magno in Autumno 1640. & ex aliis causis à nobis relatis deducantur: hæc ille:

Solis Eccentricitas cum declinatione Orbitæ Solis ab æquinoctiali adeò consentit, ut existente maximâ vel minimâ, etiam talis futura sit Zodiaci Obliquitas: utraque variè observata est. Solis enim Eccentricitatem constituere Hipparchus & Ptolomæus gr. 2.5'. Albategnius & Arzacheles gr. 2. Copernicus gr. 2.3'. Tycho gr. 2.2'. 4' 8. Maginus verò & Argolus cum clarissimis Europæ Mathematicis unanimes posuere gr. 2.3'. 10". hanc ergo Solis Eccentricitatem invariabilem posuit Tycho, Eclipticæ verò Obliquitatem gr. 23.31'. 31". nec video aliam variationem fuisse in Eclipticâ, nisi in annis sequentibus 1646. gr. 23.3'. 30".

1647. gr. 23. 3' 1. 32". 1648. gr. 23 3' 1. 32". 1649 gr. 23. 3' 1. 3' 1. unde datâ invariabilitate Eccentrecitatis, nescirem, qualem veritatem fortitur ejus Prognosticum. Obliquitas enim Eclipticæ fuit 1653. gr. 23. 31. 31. nec fiet mutatio, nisi in anno 1682. gr. 23. 30'. 0". & tunc constituitur invariabilis: ex hoc ergo deducitur, quod neque Orbis magnus in anno 1640. secundum Rosalem, nec minima Zodiaci obliquitas quidquam damni Imperio Austriæ afferre possint, & per consequens, ejus duratio per alium Orbem est chimerica, cum nulli adhæreat rationi.

Sed alii rerum abstrusarum indagatores observant Domus Austriacæ & Ottomannicæ eundem esse ortum, & ex hoc utriusque simul interitum denuntiant; his respondemus Austriacam pro Imperio ortum habuisse anno 1273. Ottomannicam verò anno 1300. & hic Annus est initium Hægitæ Turcarum; si consideramus sub quo Orbe Austriacam in fine decimi tertii Mercurii, Ottomannicam in initio decimi quarti Orbis Lunæ, hoc tamen verum est, Utamque sub Trigono aëreo ortam esse, in quo Trigono Monarchia in igneo facta dissolvitur, & in alias Regiones transfertur: sed Romanum Imperium in aqueâ triplicitate ortum esse jam demonstravimus, & quotiescunq; ad igneam devenit, semper revolutiones maximas est expertum: Ottomannicum verò non solum cum Orbe Lunæ inceptum, sed aqueo Trigono succedente 1384. maximè auctum, nil mirum si tale perseverat, & quamquam videatur suas vires ad alia Regna arripienda extendere, non multum tamen duraturum censendum est. Imperium verò Romanum nimis perturbatum, & fere concussum, ex magnis superiorum conjunctionibus 1603. in Sagittario, & 1623. in Leone Historiæ satis declarant, sed cum anno 1643. eadem expectaretur conjunctio in Ariete, rediit ad Pisces correspondens illi anno 1583. & emoriens Germania tandem respiravit: cum autem Astrologi omnes contendant eam fuisse plasticè, & per Orbem in Ariete, non tamen negare possunt fuisse partiliter in gr. 25. 30'. Piscium, sed si tempus diversum pro effectibus,

etibus, ratione utriusque triplicitatis diuiserimus, equidem perpulchrè accidentia in Imperio apparebunt.

Coniunctiones de Trigono in Trigonum sunt ferè per annos 200. (quæ quidem regula tuta non est, ut supra diximus) deinde de signo in signum migrant ejusdem Triplicitatis ferè in annis 20. diuidamus nunc hoc tempus ratione Triplicitatis diuerse ab anno 1643. usque ad 1653. effectus sunt de Trigono aqueo, & hoc tempore pax facta est in Imperio, Cæsar cum Transilvanis, Danus cum Succis, & pax 1649. conclusa toto Imperio vulgatur, tandem anno 1653. Augustæ Ferdinandus Rex Romanorum eligitur, & Ratisbenæ in Comitibus unâ cum matre coronatur; hæc sunt, quæ hoc annorum decennio ad Trigonum aqueum spectant, unde Imperium cum ipso enatum esse, solidissimis jactis fundamentis, demonstrauimus: videbimus nunc quid secutum sit in dominio Trigoni ignei Imperio infausti ab anno 1653. usque ad 1663. nam anno 1654. moritur Rex Romanorum Ferdinandus 1657. Ferdinandus Tertius Cæsar Fato communi succumbit, & pericula in hanc Domum incipiunt, unde interitum omnes denunciabant: anno 1658. Leopoldus Primus Imperator eligitur, cui Electioni non defuerunt implicationes & difficultates, ut notum est; postea sequentibus annis, Turcæ Imperium perturbant, & anno 1663. redit Trigonum igneum: sed hoc boni Germania habet, quod hæc conjunctio eam de trino respicit.

Venetiarum civitatis fundatio fuit in anno 420. completo die 25. Martii (ut æstimatur) in meridie, Ascendente gr. 25. 45. Cancrī, Solē in medio Cœli in Ariete in opposito platico Martis; hujus figuræ locus infelix initium Cancrī est, cum quadratum Martis & Solis in duodecimā cadat, Cacodæmone verò caret, & in hoc loco erit Eclipsis Solis 1666. de primâ Julii, & 1694. die 22. Junii, in Ascendente verò Eclipsis Lunæ 1675. Januarii die 11. & funesta Solis 1684. Julii die 12. Hæc autem Respublica in ærēâ triplicitate fundatur, ex primo verò duce in aîo 697. in Aqueâ in

Scot.

Scorpione, sed aucta viribus Dominii sedem fundavit in urbe, anno 789. primo Duce in Rivoalto Angelo Baduario, præcessit autem in anno 788. superiorum maxima conjunctio in Ariete, & post hos annos adhuc Juvenis & robore onusta, quamplurimas victorias affecuta dilatavit Imperium, sed in aqueâ Triplicitate ante & post annum 1500. multa amisit, maximè quia Spica Virginis in lino Cæli diuturnum pollicita Imperium, ad Martis locum pervenit, & redeunte igneâ Triplicitate mutatâ in anno 1643. de Ariete ad Pisces ad Martialia excitata, belloque diuturno afflicta, alijs maximè junctis causis, de quibus suo loco dicemus: sed nunc redit igneum Trigonum, & in anno 1702. die 24. Maii, ea conjunctio, quæ fuit anno 788. in Ariete ad caput Arietis redit, quæ quidem potentissima conjunctio partilissimè in loco Solis in Medio Cæli celebrabitur (oppositum verò Martis ad Ascendentem nebulas aliquas adducet) quid ergo mali expectare potest? significata autem conjunctio ad Cæli Medium communiter recipiuntur ab Astrologis, de renovatione aut mutatione Principatus, legum & administrationum, sed dicet aliquis, an languidæ ætatis vires possint tantæ conjunctiois tolerare significata? Phœnix annorum pondere gravata, obitu prævifo, rogo sibi parato in Cæli Culmine, à radiis proprii Solis, in Ariete igneo signo, igne accenso, quis non videt, quod tandem rediviva resurgit?

Mahomethis exordium præcessit conjunctio in initio Cancri, anno 590. sequentibus alijs duabus 610. in Piscibus, & 630. in Scorpione, inter hos annos promulgata est secta hæc in aqueo Trigono fundata, quæ ex subsequente igneo elanguit, deinde redeunte aqueâ Triplicitate post annum 1384. paulò post multum invaluit, & sic multas Provincias, Civitates & Regna Turcæ devastant, 1453. obtinuerunt Bizantium, Imperante Mahumetho secundo Amurathi filio; nil ergo mirum, si tanta perseverat potentia Turcarum, nam 1583. cum expectaretur mutatio Trigoni in igneum, rediit conjunctio ad aqueum, celebrata in gr. 21.

Piscium,

Piscium, sic 1643. evenit, unde contra Venetam Rempublicam insurrexerunt varia afferentes damna, Civitatesque devastantes in Cretico Regno; amplius anno 1659. duplicem habuere Eclipsim in Scorpione, utramque faustā pro sui Imperii dilatione, hinc majori acquisito robore, victoriarum multitudine elati, & bellorum ferocitate adducti, ad totum Orbis Imperium attingendum, animum adjicient, sed vanus erit hujus sectæ conatus, nam perterriti Germani, Hungari, Itali, alique Principes exteri, magno copiarum impetu, ipsorum Regna invadent, unde ipsorum Satraparum enata inter se odia & inimicitia, aliorumque Procerum rebelliones, tanti Imperii interitus principium comitabuntur, in his enim conjunctionibus 1663. 1682. & 1702. *Nova* stat *Monarchia*, & Mahumethanæ sectæ ruina, quæ tamen non totalis intelligenda est, cum magna sit tanti corporis moles, sed durante igneo Trigono usque ad 1802. poterit forsan tota dissolvi.

Sed horum Trigonorum effectus non solum in sectis, Rebus publicis & Regnis reperiuntur, sed & in Familiis præcipuis, quæ quorundam annorum spatio modò deprimuntur, modò eriguntur, & sit Exemplum Domus nostra.

Familia Flisca Comitum Lavanix à Ducibus Burgundiæ orta, & in Civitate Januensi inserta, post annum 900. in igneo Trigono initium sumit, & in aqueo, post patratam conjunctionem in Scorpione 1544. in anno 1547. miserrimè perit, sub Joanne Aloysio Flisco Principe Vallistari, sedente Paulo Tertio, & Gallias regente Francisco Primo, qui utinam ansam non dedissent ambizioso Juveni, non ita ploraret innocens posteritas jacta solo, sed *Fuimus Troes*.

Sub aqueo Trigono præterito varia fuere, plurima bella, Provinciarum devastationes, in Mechanicis miræ inventiones, ut usus Bombardarum, & alia bellica instrumenta. Moguntia Ars impressoria industria mirabili inventa est, & Orbis universus per navigationes detectus; alia artes & disciplinæ illustratae

fuere, sic multæ hæreses ob Martis & Lunæ mixtionem, & etiam Veneris, propter exaltationem in Piscibus, unde additio carnis post carnem, libidinisque nimia indulgentia, sic multæ Civitates tum Germaniæ & Angliæ, & tota Græcia ab Ecclesia Romana defecerunt, multi etiam incogniti morbi in lucem venere, ut lues venerea, plica Polona, Sudor Anglicus, & alii propter Scorpionum & Cancrum. Talia ergo à conjunctionibus in aquea Triplicitate Superiorum Planetarum demonstrata sunt, sed quia nunc redit igneum Trigonum, ideo ad ipsum examinandum descendamus.

Notat Spina lib. 2. de maximis conjunctionibus pag. 110. quod in anno 1662. fit magna conjunctio Saturni & Jovis, mense Decembris, in fine primæ faciei Sagittarii cum Martis præsentia, sed fallitur; nam hæc conjunctio fit anno 1. 663. Octobris die 21. in secunda facie Sagittarii nempe gr. 13. 50'. cui erit placitè juncta Venus, & de trino partili Mars in Leone locum aspiciet: ex hac ergo conjunctione in Mundo multæ erunt dissensiones & Regnorum revolutiones, quotiescunque enim de aqueo Trigono in igneum deventum est, semper revolutiones maximæ contigerunt, eruntque hæc in vigore, anno 1673. & tunc Superiores in mense Majo, die primo, in signis æquinoctialibus, hostiliter radio se aspicient, & die 19. fit quadratus Jovis ad Martem in Cancro, & die 24. ad Saturnum, unde circa Sacra & materiam Religionis novitates aderunt, sed hæc conjunctio 1663 fit in Trino Ascendentis Romæ, Galliæ & Germaniæ, in quadrato verò Portugalliæ.

Sed Spina loco supra citato dicit, quod in mense Julii 1682. fit magna conjunctio Saturni & Jovis, in prima facie Leonis atque in cervice ipsius, sed fallitur, nam hæc conjunctio verè fit 1682. sed mense Octobris die 30. in fine secundæ faciei Leonis in gr. 19. 55'. Præcedent tamen mense Septembris conjunctiones minores die 15. Jovis ad Martem, die 22. Saturni ad Martem, unde in Autumno Trium Superiorum in Signo igneo configuratio valde

valde timenda est) hæc autem erit potissima causa, ex qua confluent novæ revolutiones & mutationes in Rebus publicis, Imperiis & Regnis: cum autem eadem conjunctio redeat anno 1.6.83. mente Majo, die 26. in gr. 15.34'. Leonis in eodem gradu Ascendentis Romæ, & quia in signo fixo durabiles effectus demonstrat, exaltabitur ergo Petri Solium, & multæ Oves, quæ perierant, ad suum Pastorem revertentur, & hoc anno Columnam magnam ventus concutiet, utinam non prosternat.

Conjunctiones sequentes improbo labore ex Tabulis supputavi, & sunt hæc.

Anno 1702. die 24. Maii conjunctio Saturni & Jovis erit in gr. 6.57'. Arietis. 1723. die 9. Januarii in gr. 24.19. Sagittarii. 1742. Septembris 10. in gr. 29.10'. Leonis. 1762. Martii 24. in gr. 13.30'. Arietis. 1782. Novembris 15. in gr. 29.49'. Sagittarii, & tandem 1802. Augusti die 2. fiet mutatio ignei Trigoni in terreum in gr. 8.10'. Virginis.

Potentissima autem hæc est Saturni & Jovis, ad caput Arietis conjunctio, quæ cum visa fuerit à mundi exordio (ut dicunt) usque ad annum 788. reverti in annis 795. circiter constituere Astrologi, quasi regulam infallibilem, ut ad alia tempora hac methodo deduci posset; hinc erravit Cardanus cum aliis dicens: Post annum 1583. cum cœperint conjunctiones ad primum Trigonum redire, futuram novam potentissimam Monarchiam, ut omnia regantur nutu illius; at ea conjunctio anni 1583. non fuit in Ariete, sed in 21. gr. Piscium, ideo ab illa ad hanc sunt anni 914. & cum ordo erectionis Monarchiarum observatus sit singulis 800. annis, ut ex historiis Medorum, Persarum, Romanorum, aliorumque colligitur; & ex illa Caroli Magni incepta anno 801. manifestè apparet, quod ab illa ad nostra tempora excurrunt anni plusquàm 860. unde initium alicujus Monarchiæ nondùm observatur: ex quibus magis apparet veritas meæ opinionis cōtra omnes Astrologos, non esse fidendū regulæ Antiquorum circa conjunctiones & alia, neque ab anno 788. usque ad 1702. aliā fuisse in Ariete,

et si contendant eam anni 1643. fuisse, quæ tamen fuit in gr. 25. 30'. Piscium, ut notum est, & suprademonstravi: quare autem nostro sæculo hæc experimur, ut Planetæ non servant ordinem, quem à mundi exordio usque ad 788. observarunt, mihi non licet ponere os in Cælum.

Duplex ergo Civitatum Genesís, quarum innotescit Ascendens, venit consideranda in hac conjunctiōe, nempe Romæ & Venetiarum, hocque tam mirum est, ut illud observatione dignum inter earundem felicitatum signa annotare voluerim. Illa anni 1683; (ut dixi) fit in Ascendente Romæ in eodem gradu, hæc in nona Regionis ad locum Solis. In Thieme Venetiarum. ad locum Solis in Cæli medio; addo, quod si Genesís Florentiæ (quam ex parte desolatam reparavit Carolus Magnus, recepto à Leone Tertio Imperatoris nomine, cum in Galliam reverteretur per Hetruriam transiens, in memoriam acceptæ dignitatis) vera est, erit hæc conjunctio in Ascendente, ubi sunt Luminaria & Jupiter.

Observamus amplius hanc conjunctiōem cum Orbe decimo quinto multum habere consensum, nam dato, ex nostra supputatione, Planetarum motu, invenimus hanc conjunctiōnem fieri in meridie, locum verò habere in octava cum Venere & Lunam in sua exaltatione cum Mercurio domino Medii Cæli in nona, Solem in decima, Martem verò commutare dignitatem cum Saturno, cum reperiatur in sua exaltatione, Saturnum verò in domo Martis & exaltatione Solis, Jovem in suo Trigono, & conjunctiōnem fieri in Terminis Jovis, quadrato verò quamplurimo à Marte intueri, partili verò ad Venerem; ex quibus colligitur, quod, datâ tali constitutione figuræ signum Ascendens est Virgo, quod ab elevatione Poli 7: usque ad gradus 80. & ultra, omnibus Poli elevationibus pro Horoscopo inservit, quæ quidem Virgo est Profectio Orbis Saturni: amplius hæc conjunctio est eadem, quæ per sex annos Christi Nativitatem præcessit. Sidus sub Augusto apparuit, in quo erat Imago candidissi-

didissimæ Virginis puerum gremio complexæ, quam Sibylla Tiburtina Augusto ostendens, dixit: *Hic puer Major te est, hunc adora:* & Ascendens Genesis Christi fuit Virgo, nam in gradu Ascendentis habuit Virginis Spicam cum Jove: sed quid ultra quærimus?

Magna ergo expectare debemus: bella plurima, sanguinis effusiones, Regnorum mutationes & revolutiones, nova erigetur Monarchia, Christi lex augebitur, eritque aliarum Sectarum destructio; per Virum magnum multa signa fient, signaque dabit Cælum, lumina luminibus addens, quæ ab omnibus conspiciuntur, tandem pax & quies, qualis fuit à mundi exordio, Orbem reviset: sed non credas hæc in ictu oculi fieri, nam significata tantæ conjunctionis, per illas minores, quæ sequuntur ejusdem naturæ, & quæ integro sæculo clauduntur, paulatim suos pandent in terris effectus, & multa quidem videbuntur in prima quarta Orbis Saturni, quæ ad annum 1730. extenditur, postea mutato Trigono in anno 1802. etiam significata mutabuntur; nam vix transacta Orbis medietate, circa annum 1840. incipiet Principum regnandi imperitia, hinc voluptatum libidinumque causa; Monarchia minui incipiet, & in alios distrahi; terræ motus, inundationes & Cometæ non deerunt sub hoc Trigono, qui millenarium claudit: sed de his satis.

Legum etiam promulgationes per Trigonos adnotatæ fuerunt; Idolorum incæpit in terreo sub Nino, in parte Meridionali orta; Judaica in Oriente instituta in æreo, Christiana in igneo in Oriente orta, in septentrione firmata; Mahumethana: verò in aqueo; & sub hoc hæreses Calvinii, Lutheri & aliorum: sed audiamus Cardanum in libro primo, de Supplemento Almanach cap. 22.

Leges Christiana & Judaica à Deo sunt, fortuna tamen militantium à superioribus gubernatur: Judaica à Saturno, vel ejus stellâ, vel potius utroque: Christiana à Jove & Mercurio; Mahumethi à Sole & Marte æqualiter dominantibus, unde justi-

tiam custodit, verum cum impietate & crudelitate magnâ: Idololatrica à Luna & Marte. Solvitur autem unaquæque lex suo contrario; Saturnum debellat Jupiter auctoritate, & Mercurius ratione. Jovem & Mercurium debellat Mars, non audiens rationes, & seviens contra auctoritatem. Martem & Solem debellant Saturnus & Venus, hæc lasciviâ, ille dolis. Martem & Lunam Sol & Jupiter destruunt auctoritate, dignitate & veritate. Ob hoc Christiani erigite capita, qui potest capere, capiat.

Sed sit conclusio contra Astrologos: Mundi ortus, Diluvium Noëticum, Lex data Moyfi, Christiana Religio, & alia hujusmodi Stellis non subjiciuntur; quia, cum sint supernaturalia, naturæ non subjiciuntur, minimè verò Stellis; sed dicendum est, quod fuerint sub Constellationibus, quasi sæcum contemporaneis, non autem ab illis, ut à causis.

Tertia causa Mutationum in Mundo, est Translatio Stellarum de signo in signum; observatum est à Ptolomæo conficere gradum unum singulis centum annis, & sic totus circulus in 3,6000. Albategnius in 66. ergo in 23760. circulum absolvit: secundum Alphonsum in 49000. & Copernicum 25816. secundum verò Tychonem hoc sæculo correspondens observatio est, conficere gradum unum in annis 70. & mensibus. 7. ergo in annis 25410. tota periodus absolvitur, sed omnes falluntur.

Ab Hipparcho enim ad nos observatum est, Solem incessanter descendere ad terram, unde prævenit solstitia & æquinoctia, angustiores circulos describendo, & sic terræ continuo fit propinquior, unde obliquitas circa Tropicos decrescit, hinc fit, ut intersecet Æquatorem, etiam priusquam olim; tempore enim Chaldeorum, Abrahami & Moyfis incipiebant annum ab æquinoctio verno à prima Stella Arietis Stellati, quæ nunc in fine Arietis est in gr. 28.3'. 33". & in anno 1770. erit in Tauro; cum

cum autem conjunctio capitum Arietis, octava & nona Sphæ-
ræ, secundum Ptolomæum sit in 36000. annis, putavit Cardanus
celebratam fuisse Christo nascente, sed fallitur: nam non solum
ex calculo Copernici, sed etiam Tychonis distabat hæc prima
Stella Arietis à Cardine æquinoctiali gr. 4.57'.2"8. ergo anno
349. ante Christum erat in primo Arietis gradu; si autem hæc
semper recessit, cum ætas Mundi incertissima sit, nos ingenue
nescire fatendum est, quale sidus ab exordio Mundi fuit caput
æquinoctii.

Si consideramus hoc tempore Stellarum statum, nulla
Stella Arietis erit in Ariete post annum 1770. sed omnes in Tau-
ro: Stellæ Tauri multæ sunt in Geminis; Geminorum ferè
omnes in Cancro, Cancti multæ in Leone, sic Leonis in Virgi-
ne, Virginis multæ in Libra, omnes Libræ in Scorpione, illæ
Scorpii incæperunt ingredi Sagittarium anno 1.1.88. Sagittarii,
unâ exceptâ, quæ anno 1.7.64. Capricornum ingreditur, reliquæ
sunt in Capricorno; Capricorni multæ in Aquario; Aquarii mul-
tæ in Piscibus, & tandem illæ Piscium ingredi Arietem incæpe-
runt Anno 107. ante Christum, & nostro seculo pauca in Pisci-
bus reperiuntur, sed reliquæ in Ariete sunt, unde totus Zodiacus
mutatus est, & æquinoctium non est amplius in Ariete, ut fuit,
sed nunc est in Piscibus; quomodo ergo de effectibus Stellarum,
nunc à Stellis in alia signa translatis, judicare Astrologus potest?
nec est audiendus Cardanus, qui ausus est dicere, Ptolomæi do-
ctrinam esse perpetuam, cum istæ proprietates signorû in nono
Orbe describantur, qui quidem etsi sine Stellis sit, cum de Signo
in Signum migrent, tamen remanere impressiones ab octavo
Orbe: sed non videt Vir Sapiens, dato, quod tales impressiones
remaneant adventu aliarum, illa impressio destruitur; quis
non videt impressionem factam à calore, adventu frigoris dissi-
pari? Reformanda ergo est Astrologia, cum naturæ signo-
rum, neque circa generalia, neque circa specialia perve-
rare possint, sed ex introductione Syderum in novo signo,
naturæ:

naturæ illorum mutantur. Aries enim tale dicitur à stellis, quæ ipsum componunt, dum ergo istæ migrant in Taurum, illarum natura mutatur, & per consequens influxus, quos pariebant in Ariete, erunt diversi ab illis, quos nunc producent in Tauro, hæc regula est de cæteris signis; non ergo mirum est, si nostris temporibus Astrologorum judicia ut plurimum sint falsa, eum adhæreant Antiquorum scriptis, qui scripserunt de virtutibus stellarum in quo statu erant, non respicientes ad earum mutationes, quas nostris temporibus experimur.

Ex Stellarum ergo præcipuarum, Transitu maximè primæ magnitudinis, mutari Regna. & Sectas, observatum est; dum enim Stellæ Tauri intrassent in Geminos, in Ægyptum intravit exterorum Imperium, & ex oculo Tauri plura Regna in Tartaris orta sunt; quando Stellæ Cancrī ingressæ sunt Leonem, Vandalī, Gorthi & Heruli transferunt in Italiam, & ex cauda Leonis in Virginem, Imperium extra Italiam à Constantino in Græciam translatum est, dum ergo cor Leonis in Virginem transibit, quod erit post annum 2004. Italiæ Dominatus corruet, & transibit ad alios, nec ulla spes erit ex Caniculæ ingressu; à spicâ Virginis in Libram, Regiones Libræ subditæ bona habuere, & Trogloditæ regno potiti sunt: ex corde Scorpii in Sagittarium, Mauroꝝ virtus decrevit, & ab Hispanis pulsi sunt Regni; ergo, dum transferuntur de Septentrione in Austrum & è converso, res humanæ mutantur, & Regna illis subiecta destruuntur, & alia ex ipsorum transitu initium sumunt: sic Stellæ exteræ exteros inducunt.

Ex Stellis ergo aliquæ sunt Verticales, quæ magnam vim habent, & sunt illæ, quæ super Verticem Regionis quotidie transcunt, cognoscuntur autem esse tales, quando Stellæ declinatio ab æquinotiali, & Poli Regionis Elevatio sunt æquales: sic Stellæ, quæ simul in eadem Regione ascendunt, aut medium Cœli obtinent, aut descendunt, plurimum eodem tempore possunt, quia vires inter se commiscunt. Aliæ sunt Horizontales, & hæc semel

semel in die perveniunt ad communem interfectionem Horizontis, potentissimæ sunt, & cognoscuntur, quando Declinatio est æqualis complemento Regionis, quod est gr. 90. si major est complemento, cum latitudine Meridionali sub Horizonte later, si Septentrionalis, semper apparet.

In cauda Ursæ majoris sunt tres Stellæ magnitudinis secundæ, de natura Martis, cujus caudæ significata sunt super fortitudinem, cui non est similis: ideo dicit Cardanus in primo libro de supplemento Almanach cap. 10. quod tempore ædificationis Romæ fuit ei Stella Verticalis extremum caudæ Ursæ majoris, & ideo Romani dominati sunt Orbi propter fortitudinem suam, cum autem recessit, debilitati sunt ita, ut solum nomen retineant: hoc autem fuit etiam ex Stellis, quæ illi urbi supervenerunt, & fuerunt dextrum latus Persei & caput Serpentis: deinde transivit cauda ursæ super Bizantium, & constituit ibi Imperium, deinde super Galliam, & transtulit eò Imperium, demum pervenit ad Germanos, & transtulit ad ipsos Imperium, & nunc est etiam sita super Germaniam: supputationes autem aliquot Stellarum à Cardano factæ sunt anno 1537. ex quibus docti in arte percipient, quantum sit fide dignus; nam de qua Stella caudæ ursæ loquatur, non dicit, sed loquatur de qua vult supputatione, constat (cum hæc Stellæ nunc sint in Virgine) nunquam fuisse, neque Romæ, neque cæteris locis, quos annuit Verticales, sicut ex ipsorum declinatione tempore ædificationis Romæ, anno 752. ante Christum, tum ex supputatione Ptolomæi anno 139. post Christum, nam tunc erant in Leone, quamquam prima, tempore exordii Romæ, fuisset in fine Cancræ, Verticalitatem supputando invenire non potui, neque Romæ, neque aliis locis supradictis inservientem.

Sed extat novus liber impressus Parisiis anno 1658. à quo circa Stellæ Regni Verticales, aliqua annotare & examinare volui, ut veritas mihi semper grata appareat: titulus autem est iste: *Astrologia Nova Methodus Francisci Allei Arabis Christiani:*

Bb

hic

hic enim, ut alter Enoch, scientiâ suâ non ignorat horam creationis Mundi, Figuram constituit, & hujus medio scit omnium Regnorum principia, Legum, Sectarum & Similium: pagina ergo 33. Fati Universi libro primo sic habet:

Similiter caput Medusæ transiens in Figura Universi per radicem Regnorum aut Legum, magnas illis affert calamitates, verbi gratia, dum occurrit in Imperio Romano ab Urbe condita anno 243. mutatur regimen Regium in Aristocraticum. Imperium Romanum cœpit à Julio Cæsare in gr. 27. Tauri, translatum est ad Francos anno 800. in 7. Leonis cum Algol transit per 27. Tauri: anno 830. magna persecutio in Ecclesia ab Iconoclastis, cum Algol transit per 1. Geminorum radicem Christianæ Religionis: transiens per originem Galliæ anno 1.2.69. Galli infeliciter aggrediuntur expeditionem contra Turcas, in qua Sanctus Ludovicus Rex moritur: dum transit per radicem Sectæ Mahumethanæ circa annum 1.4.40. infert illi maximas clades per Scanderbeck & Joannem Huniadem, Duces Christianos; dum transit per originem Hispaniæ circa annum 1.5.72. Hollandi ab ipsâ deficiunt, denique per radicem Angliæ anno 1.6.49. significavit Principes capite plectendos, sic & excidium proximum minatur Lotharingiæ. Hæc & alia si perpendas Lector, Imperiis ordine suo mala venientia, agnosces non vanam esse observationem Cælorum, sic regulariter cum Divinæ Providentiæ decretis concurrentium: hæc ille

Ego quidem fateor me penitus ignorare quali conspicio usus sit hic Sapiens in observatione Astrorum, ipsorumque motuum: cum hæc doctrina à communi tam Antiquorum, quam Recentiorum toto Cælo distet. Magnus quidem labor laude dignus, sed novæ Methodi pompa non satis firmo adhærens sustentaculo, timeo, ne veritatis accessu, Professorumque firmis rationibus evanescat in umbram; sed Zoilus, si meliora quærit, promat sua.

Urbium:

Urbium si vera dantur principia, futura ex ipsâ constitutione deduci possunt: si desint, sunt Orbes magni, conjunctiones magnæ, Eclipses, & alia de quibus infra, præsertim verò Stellarum Verticalitates, quæ loci latitudini (si tamen vera haberi potest) accommodantur: hoc non unico docuit experientia exemplo. Si adest etiam Principis Genitura, ex ipsâ multa deducuntur, hinc non sine ratione dixit Cardanus, quod Genitura valide Regna mutant. Observamus in Genitura Caroli Primi Angliæ Regis, caput Medusæ fuisse in octava in opposito Solis, Luminariaque in signis violentis, exitumque habuit infelicem. Posita ergo (ut ab omnibus conceditur) Stella declinatione, si correspondet elevationi Poli Regionis, tunc dicimus esse supra Verticem illius: caput autem Medusæ nunc non potest esse Angliæ Verticale, nam plus quam mille anni requiruntur, antequam tale sit: ex hoc ergo deducitur, quod ex ipso tantum excidium Angliæ evenire non potuit: ego autem ne in foveam cum aliis incidam, Stellarum supputatione utor, hæcque à periculo me sublevar.

Positâ caudæ Ursæ supra à Cardano significatione, invenio ultimam caudæ ejusdem fuisse cum Marte, in Ascendente Henrici Octavi Anglorum Regis, & paulò post annum 1530. incœpit fieri Angliæ Verticalis, & quia Jupiter in Geminis in Cælo medio, in suo detrimento affligebatur quadrato Martis, Venusque erat cum cauda Draconis, in nona Religionis cum Aldebaran, legem mutavit, & fit caput Angliæ anno 1534. & Stella Imperium constituit nulli subjacens, quod non solum demonstratum fuit tale, nam & fœminæ, una post aliam, imperarunt, & licet Religio Catholica ope Mariæ (quæ nupsit Philippo Hispaniarum Regi) Angliæ restituta fuerit anno 1554. usque ad annum 1559. tantum perduravit: nam post mortem ejus, eo anno secutam, Elisabeth ad errores pristinos Anglos reduxit, imperans annos 44. cui successit Jacobus Sextus

Rex Scotiæ, cujus initia infelicia fuerunt; deinde 1.6.25. Carolus ejus filius usque ad ejus obitum anno 1.6.49. Manifestum ergo est, quod hæc Stella post annum 1.600. incæpit paulatim à Vertice deflectere, ita ut in anno mortis Regis solum retineret gradum, 51. cum minutis septem. Sic ergo Stella, quæ fuit in Ascendente Henrici Octavi, perpendiculariter Angliæ insistens, in Genesi Caroli fuit in duodecima loco Cœli abjecto, & sicut illa indicavit in Regno mutationes, cum factum fuerit à Romanâ Ecclesiâ independens, in isto à Vertice recedens infelustum demonstravit finem Regis & Regni: & hæc de ultima Stella.

Penultima ejusdem caudæ, Scotiæ & Hybernæ Regnis Angliæ adjunctis, quorum latitudo gr. 57. non excedit, erat his: Regnis Verticalis, & dum anno 1.6.03. talem haberet Stella declinationem, Regnum Scotiæ transit ad Anglos, & Jacobus Sextus coronatus titulo novo Regis magnæ Britanniæ: dum ergo à Vertice Scotiæ deflectere incipit, rumores initium habent à Regno Scotiæ in anno 1.6.39. qui tandem exitum habuere infelicem, ut Historiis notum est. Angliæ autem hoc tempore incæpit fieri Verticalis, lucida capitis Draconis magnitudinis tertiæ, de naturâ Saturni & Martis, parum Jovis, & hæc fuere initia dolorum, usque ad annum 1.6.60. paulò ante hunc annum fit Horizontalis, lucida Lyre magnitudinis primæ, de naturâ Veneris & Mercurii, Verticalis verò Canobus in Argonavi magnitudinis primæ de naturâ Saturni & Jovis: & Carolus Secundus in Regem eligitur 1.6.60. sed conspiratio ante coronationem non defuit, quæ tamen detecta fuit: cum autem hæ Stellæ super Londinum ultra 1.7.20. circiter sint duratura, cum varios habeant influxus & belli. & pacis, tumultus & quietis, videat ergo Anglia quid agat; post annum 1.6.60. Scotiæ, Hybernæ & Landiæ incipit fieri Horizontalis, inferior alæ Cygni, magnitudinis tertiæ de naturâ Veneris & Mercurii, ferè usque ad 1.7.50. duratura, quo tempore Antepenultima caudæ Ursæ majoris, & lucida

Cathæ-

Cathedræ Cassiopeæ magnitudinis tertiæ, de naturâ Saturni & Veneris, fiet Verticalis, unde à quiete ad tumultus facilis erit transitus, non tamen sine Dominii mutatione.

Caput Medusæ tertiæ magnitudinis, de naturâ Saturni & Jovis, factum Verticale Lysbonæ Portugalliæ paulò ante annum 1.640. tumultus in illo Regno excitavit, adhuc super Verticem est, & Portugallia plorabit, nam ante hujus sæculi finem circa 1.700. peiora consurgunt ex ingressu sinistri Humeri Bootæ, magnitudinis tertiæ de naturâ Martis & Saturni.

Cardanus loco supra citato de Stellis Verticalibus inquit: cum caput Algol peragravit Asiam minorem & Græciam, in annis fere 400. destruxit eas Provincias usque ad extremum, & desertas & oppressas à Mahumethanis reddidit, nunc autem invasit Italiam, est enim perpendicularis super Apuliam & Neapolitanum Regnum: utinam nobis nihil ferat nocuenti. Hæc scribit anno 1.537. dicens, quod die 29. Novembris certificavit, Venerem ferè junctam in longitudine cum luminosiore Lancis Australis: addit postea: Constat igitur loca Stellarum fixarum esse, qualia hic posuimus: hæc Cardanus.

Ex historiis nihil habemus de ruinâ hujus Regni vel Apuliæ; Solum in anno 1.555. die 13. Junii 120. Triremes Turcarum ingressæ sunt Bajanum Sinum, & rapinis lacefferunt Massam & Surrientum; & aliqua pauca acciderunt anno 1.554. eodem mense sub Barba rubea à Prorege fugato: constat ergo, malè supputasse Stellas Cardanus: nam post centum circiter annos, Argolus describens Stellas longitudines in anno 1.640; in suo Pandosio, capite de Stellis Verticalibus, hæc habet de capite Medusæ: Fit hæc Stella nunc Verticalis principio Regni Neapolitani & Siciliæ, quæ contingent, Deus scit; mala portenduntur, faxit Dei benignitas contrarium. Quis ergo de errore est arguendus? verè in anno 1.647. rumores in Panormo, Civitate Sicilia incæperunt, ast statim sedati sunt; sed aucti in Regno Neapolitano, & non multum post sedati, ut notum est. Caput

ergo Medusæ fuit Verticale Portugalliæ, non his Regnis; quæ autem Stellæ fuerunt Neapoli Verticales, hæ sunt: Prior & posterior Hædorum in Aurigâ, de naturâ Martis & Mercurii magnitudinis quartæ, sed informis Hælicis circa caudam magnitudinis secundæ, de naturâ Martis potens, quantum caput Medusæ tumultus excitavit, qui quidem sedati sunt paulò post, ex ingressu finistri pedis Andromedæ, magnitudinis secundæ de natura Veneris, quæ quidem Stella Madritum Hispaniæ ingressa, ante annum 1. 6. 60. & duratura, denotavit pacem & quietem, quæ secuta est. Sic inter elevationem Poli, Neapolis & Madriti pauca reperitur differentia, est enim ferè eadem latitudo inter gr. 40. & 41.

Candiæ Insulæ latitudinem tribuit gr. 36. Georgius Trapezontius in eâ natus, cui magis fidem præsto, sed excedere per aliquot minuta existimo, ex causis eventuum in illâ. Post annum ergo 1. 6. 43. quinque Stellæ Verticem Cretæ ingredi cœperunt. Argonavis in Carinâ puppis Australis Mag. 3. de natura Saturni & Jovis. Aculeus seu cauda Scorpii magnitudinis tertiæ, de natura Mercurii & Martis. Nebulosa sequens aculeum Scorpii de natura Martis & Lunæ, & Stella in poplite pedis posterioris Lupi, magnitudinis tertiæ, de natura Saturni, & parum Martis: & verè venit anno 1. 6. 45. die 24. Junii ex improvise Lupus, & statim devoravit Caneam. Quinta Stella est lucida informis circa Canem, magnitudinis secundæ, de natura Veneris; cum autem hoc tempore illæ quatuor recedant, hæc autem super Verticem per totum hoc sæculum, & ultra 1. 7. 10. duret, spem ergo affert, quod Lupus non deglutiet eam; hinc arguendi sunt illi, qui ponunt Candiæ medium ad gr. 34. 45'. nam post annum 1. 6. 41. factum est Verticale, sinistrum Crus Persei magnitudinis quintæ, de natura Saturni & Jovis, & informis lucidarum præcedentium circa Canem magnitudinis secundæ, de natura Veneris; cum autem hæ Stellæ eandem ferè habeant declinationem, huic latitudini correspondentem, & mala torq; ruinæ in Creticum Regnū influere non possint, sed potius bona, ut ex ipsorum natura maxime ex

mè ex illâ Veneris patet, fatendum est, Cretæ veram latitudinem esse illam, quam posuit Trapezontius cum observationibus nostris corrigendam.

Hinc bellum Cretico-Venetum ortum est, quod non ex sola conjunctione in Piscibus in anno 1.6.43. per Astra fuit demonstratum, sed ex Stellis super Verticem propriæ Regionis. Hinc scripsit Argolus in suo Pandosio, capite de Stellis Verticalibus: Culminabit de propinquo Stella Borealis in sinistro pede posteriori Ursæ majoris, natura Martis, & ad Martialia Rempulicam propellet, & duratura: Sed tanti Viri pace dico, quod Stella declinatio in anno 1.6.40. completo erat gr 44.42'. Poli Venetiarum elevatio est gr. 45.18. quomodo ergo poterat esse Verticalis? sed hæc Stella fuit Horizontalis, nam subtracta declinatione à grad. 90. remanet exquisita Poli elevatio: at Vertici Venetiarum fuit magis Verticalis dexter numerus Aurigæ, secundæ magnitudinis, de natura Martis & Mercurii, cum declinatione Boreali gr. 44 52'. & quò magis appropinquat ad sæculi finem, eò magis fit Vertici propinquior., & cum Venetiarum Ascendens innoscat, Stellæ quædam de natura Martis, Mercurii & Saturni post annum 1.6.43. ad ipsum pervenerunt, & adhuc durant, & hæc omnes sunt in Cancro. Non ergo mirum est, si tam diuturnum sit bellum, cum hæc Stellæ sint tardissimi motus, & tot causæ assignatæ ipsum producant:

Stella Australis in sinistro pede posteriori Ursæ majoris, magnitudinis quartæ, de natura Martis, incepit paulatim accedere Vertici Bizantii, post annum 1.6.62. & nova bella resurgere fecit, à Vertice autem recedet ante annum 1.6.80. scripseram hanc Stellam fieri postea Genuæ Italiæ Verticalem, sed litteræ, mihi ab Amplissimo Senatore Joanne Bernardo Veneroso transmissæ admonuerunt, Latitudinem Genuæ esse diversam ab illa, qua ponunt omnes, nempe gr. 43, 12'. Maginus 43. 50'. & solum veritati correspondere illam Muntebruni Genuensis, quam observarunt alii, & per consequens prognosticum meum, posita falsa latitudine, erit falsum: sed me hercle,

Incidit

Incidit in Scillam, cupiens vitare Charybdim.

nam Stella, quæ ab Argolo posita fuit Venetiis Verticalis, nempe Borealis in sinistro pede posteriori urse majoris, magnitudinis quartæ de naturâ Martis, Venetiis non est amplius Horizontalis, sed paulatim Vertici Genuæ accedit, ideo si cum latitudine existimata, posui Verticalem Stellam Australem ejusdem urse, nunc cum sua latitudine observata Stella Borealis à Vertice parum distat: hujus enim declinatio in anno 1.6.64. est gr. 44.35'. & cum semper minuatur, magis fit Vertici vicina; sed ut ejus observatam latitudinem magis veritati correspondere videant, hæc supputatione reperio, ab eventibus comprobata. Anno 1.6.53 fit Horizontalis Capella Hircus magnitudinis primæ, naturâ Martis & Mercurii, & incæpit belli initium in Hispanum Regem, quod tamen paulò post quievit, & conjurationes quorundam Nobilium (quorum nomina tego) feliciter detectæ sunt. Eodem tempore incæpit fieri Verticalis superior ala Cygni magnitudinis tertie, naturâ Veneris & Mercurii, unde mala bonis mixta observarunt, & experti sunt. 1.6.56. peste sævissima Genuenses afflicti, altera calamitate subsequente, propter rem paucimomenti, quæ evenit cum Triremibus Melitenis (ut dicunt) ab illis non bene perceptam, nec à Genuensibus unquam excogitatâ, inaudito hujus Religionis decreto, Nobiles dignitatibus abdicantur, & illis imposterum prohibetur ingressus. Horizontalis ergo Capella incipit paulatim recedere, quæ fit Verticalis: quid novi sit allatura, exemplum habent, ultra non addam. Verum tamen est utramque Stellam, tum illam naturæ Martis, tum aliam naturæ Veneris & Mercurii, per totum hoc seculum, supra Verticem esse duraturam, sed Martialis incipiet prius recedere, unde si experientia constat Martem à Venere vinci, ergo ab omni spe animus non est abducendus.

*Frustra Galle cupis, frustra es frustrator ibere;
frustra seva serox Insuber arma capis.*

Subje-

*Subjectis domitas tenuicervicibus Alpes,
 & tremuit nostras Africa terra trabes.
 Vinco ego dum vincor, par est Victoria damno:
 sumque eadem Domina, servaque facta mea.*

Thuneto fiet quam primùm Verticale superius caput Geminorum, Castor Apollo dictum, magnitudinis secundæ, de natura Martis, Mercurii & Saturni, cum nunc exeat de Vertice inferior ala Cygni, de natura Veneris & Mercurii: hinc ad arma excitabitur. Sed de his satis.

Quarta causâ generalium Mutationum, est mutatio Absidum Planetarum de signo in signum; mutantur enim Regna, Dominia & Sectæ, dum mutantur Auges Planetarum, maximè illatum gentium, quarum significator fuit Planeta Augis permutatæ, sed mutatio est aut ad bonum, aut ad malum, juxta naturam superiorum significatorum illorum temporum, & naturam signi mutationis.

Sectâ Mahomethi, quæ in Triplicitate aqueâ ortum duxit, & Orbem cum armis Saracenorum velociter peragravit, adveniente igneo Trigono labescere cœpit, usquequo rediit aqueum, tunc temporis ex ingressu Absidis Solis in Cancrum roborata est, & in hoc sæculo ex Abside Veneris in Cancrum: sed doctus ille Cardanus in suo Quadrupartito pag. 281. sic habet: similiter à 200. annis circiter facta est permutatio Absidis Solis & Veneris, in primum punctum Cancri, qui est punctus Tropicus, & Trigonus Sectæ Mahomethanæ, ideo significavit incrementum magnum illius: sed bonus iste Astronomus non videt, quod Absidis Solis in Cancrum ingressus fuit circa annum 1. 2. 68. & Veneris anno 1. 6. 16: dum ergo per ingressum Absidis in Cancrum roborata est, per contrarium signum Capricorni destruetur; hinc credidit Spina cum cæteris in sua Catastrophe, Absidis Saturni mutationem fuisse anno 1. 6. 30, unde hujus Sectæ interitum prædixit: sed iste vir cum cæteris toto Cælo aberrat, sic Campanella

Cc

ordinis

ordinis Prædicatorum, ex hac Abside expectabat Antichristi prædicationem: at non vident isti, quod hæc Absidis mutatio non erit nisi in anno 1.7.54: quo tempore Secta hæc erit virium infirma, & prope obitum, hæc autem Absis pestem afferre solet, augendo siccitatem & frigiditatem, aliaque mala de natura Saturni.

Hieronymus Cardanus loco supra citato asserit, quod inter 1.600. & 1.800. Absis Jovis transibit in Libram, quo tempore fiet mutatio Legum, cui nunquam fuit similis, & consurget una nova Lex, & cum his alia multa; sed res non sic se habuit, nam transitus Absidis Jovis in Libram fuit circa annum 1.1.24. & sic illius Vaticinium, & tempus mutationum abierunt in fumum. Addit eodem loco: Ex hoc facile est intelligere, cur litteræ tantum habuerint incrementi à centum annis citra, quia cum centum annis mutata est Absis Mercurii ex Virgine in Libram: sic vir iste plusquam eruditus. Anno 1.5.75. Absis Mercurii de Scorpione Sagittarium est ingressa, unde eloquentia, Mercatura, Artes & Scientiæ augmentum maximum susceperunt, sic Tycho in Dania Astronomiam restauravit, floruit Galileus in Hetruria in scientia Syderum, sic alii in aliis. Ex hoc manifestè apparet, quantus sit error Cardani & in annorum differentia, & quod peius est, in signo.

Ultima Absidum mutatio fuit illa Martis de Leone in Virginem anno 1.6.53. Spina autem lib. 2. Maximarum conjunctionum pag. 110. ponit in anno 1.6.70. hanc Absidis mutationem, & Regionem subditæ Virgini effectus expertæ sunt.

Dicunt ergo, quod, dum Planeta in Abside est, majores effectus tardius operatur, in ejus opposito celeriores & minores, in mediis longitudinibus mediocres, quod est observandum.

Quinta est mutatio Obliquitatum tam in excursu Solis, quam Planetarum; hæc declinatio Orbitæ Solis ab æquinoctiali variè observata est, juxta temporum interstitia, ut anno 3.400. à mundo condito in gr. 23.52'. 1' 4. Aristarchus Samius anno 44.

ab obitu Alexandri Magni gr. 23. 51. 20". quem secuti sunt Eratosthenes, Hipparchus; deinde Ptolomæus post Christum anno 1. 39. Mahumed Aratenfis & Albategnius anno Christi 8. 80. gr. 23. 35. Arzachel Hispanus 1. 40. gr. 23. 33'. Praphatius Judæus 1. 300. gr. 23. 32'. Peurbachius 1. 4. 60. gr. 23. 28. 2". Copernicus 1. 15. gr. 23. 28. 3" 4. Tycho circa annum 1. 5. 85. gr. 23. 31. 30". sed Andreas Argolus Mathematicarum Professor in Patavino Lyceæo, litteris mihi transmissis 1. 6. 54. asserit maximam declinationem esse gr. 23. 30. quæ fuit illa Regiomontani, quam Viri Celebres commendarunt, & cum hac Tabulas Primi Mobilis construxit, unde vana est illa Copernici & aliorum. Hæc verò Eclipticæ obliquitas fit invariabilis anno 1. 6. 82. gr. 23. 30. 0". quando enim stringi incipit obliquitas, populi Septentrionales in Meridionales excurrunt. Putat tamen Copernicus, quod reversiones obliquitatis sint faciendæ, sed fallitur, nam semper Planetæ descendunt, & obliquitas stringitur, donec mundi machina concidat, sic Sol terræ fit propinquior, & obliquitas erga Tropicos decrescit, prævenit enim æquinoctia & solstitia, quia circulos angustiores describit; cum enim Sol altissimus erat, prævaluit Religio, & Jus super Reges Sacerdotibus fuit, dum verò cœpit descendere, Religio & Imperium in Ægyptios & Babylonicos secessit versus Polum Borealem, quo tempore Italiam, Siciliam & Germaniam sylvestres homines incolebant, cum verò continuo magis descenderet, aruit Ægyptus, & Imperium in Medos magis Boreales transfiliit, & Religio in Judæos Occidentaliore; semper enim ab Ortum in Occasum, & à Meridie in Septentrionem itum est, postea ad Persas Imperium, & ad Palæstinos Religio, ab his in Græcos & Macedonas, deinde à Tyriis ad Carthaginenses, ab his ad Italos & Romanos, deinde ad Gallos, à Gallis ad Germanos, postea ad Hispanos devenit est.

Demonstrant hoc etiam Anomaliz, quamquæ Tycho non concedat, & Copernicus ab Hipparcho ad nos unam tantum observavit, hæ enim modò tardæ, modò veloces Regnorum vel

incrementum, vel decrementum proportionato tempore disponunt; sic Babylonium Imperium, quod in tarditate Anomaliarum incēpit, diutissime duravit, sic Romanum, sub quo natus est Christus. Caroli verò Magni Monarchia, quia cēpit sub velocitate Anomalix, diu non pravaluit, etsi vix ociter se erexit; Mahomethanæ autem Sēctæ Anomalia favebat, quamquam sub igneo Trigono elanguere cēpisset, roborata postea Abside Solis: sequens autem Monarchia longo tempore durabit, eritque Ottomannorum exterminium, & gloria Christi.

Sexta causa sunt Stellæ novæ in Octavo Orbe, hæ enim novo quodam portento in Cœlis apparent, significatis maximè notabilibus dominantur in terris. Stella sub Hipparcho visa, Imperium Græcum in Romanum transferri significavit, sic illa, quæ Christi Nativitatem præcessit, bella, mortes, sanguinis effusiones, & alia huiusmodi demonstravit.

Alia sæculo præterito visa est circa finem Novembris anni 1.5.72. cujus duratio fuit usque ad 1.5.74. in Sede Cassiopeæ semper immota, cujus longitudo respectu Zodiaci fuit gr. 6.34'. Tauri cum latitudine Boreali gr. 53.45. respectu verò Aquatoris gr. 0.26. Arietis recta Ascensio, medians Cælum cū gr. 0.29'. Arietis, cum declinatione Boreali gr. 61.45. hanc direxit Tycho per gradus Zodiacales ad maximam conjunctionem Anni 1.5.83. & directio pervenit anno 1.6.32. circiter: Sumplerunt ergo exordium directionis effectus à Gustavo Suetiæ Rege, quando fuit Germaniam ingressus, hæc enim Stella erat Verticalis Suetiæ & Moscoviæ, & effectus usque adhuc visi sunt & durant, quia in Tauro signo fixo.

Alia fuit in pectore Cygni anno 1.6.00. quæ usque ad annum 1.6.29. fulsit, & ejus locus fuit in gr. 17. Aquarii.

Tertia 1.6.04. circa principia Octobris, & fulsit usque ad annum 1.6.06. in gr. 17. Sagittarii, hæcque fuit in Medio Cœli Genesis Pauli Quinti, & in anno 1.6.05. dedit ei Pontificiam dignitatem.

Hæc au-

Hæc autem Stellæ, per quosdam anfractus annorum Criticos, quos Climatericos vocant, effectus in lucem producunt, & usque ad tertium quadragenarium ab ejus ortu, virtutem conservant: illa enim Hipparchi post annos 83, produxit effectus: in primo quadragenario per suos numeros Criticos materiam disponunt, & effectus debiles pariunt: in secundo, cum sint in vigore, potentius agunt: in tertio paulatim robur & vires amittunt.

Prima, quæ in principio fuit coloris albicantis instar Jovis, in fine in Martialem fulgorem degeneravit, in secundo quadragenario produxit effectus deplorabiles, quos experta est Germania, Suetia, Polonia, Russia, Moscovia, Asia minor, Archipelagus, & alia. Secunda & tertia est in vigore, & effectus usque adhuc visi sunt in Tartaria, Vallachia, Dania, Sarmatia, parte Suetiæ, Dalmatia, Ungaria, Sclavonia, Anglia, Hispania, Gallia, aliisque: sed nova bella resurgunt, maxime adjuncta a conjunctionibus in igneo Trigono futuris.

Sunt & Cometes, qui minores & minus diuturnos effectus novis Stellis habent, mortem Principum, Revolutiones Imperiorum, pestem, bellâ, ruinas ut plurimum demonstrant; de his Hermes Trimegistus in libro de Providentia & Fato, capite de Stellis hæc habet. Aliud est genus ò Fati, id quod vocatur Cometarum, qui pro tempore apparent, & rursus paulò post invisibiles fiunt, neque occidentes, neque dissoluti: alii verò manifesti præcones fiunt universalium eventuum, qui sunt futuri, isti verò locum habent sub Solis circulo; cum igitur aliquid Mundo est eventurum, isti apparent, & paucis diebus apparentes, rursus sub Circulum venientes Solis, invisibiles manent, in Subsolanio cum apparuerint: alii verò in Borea, alii in Lybe, alii in Noto, Prophetas autem hos vocamus, & Stellarum quidem hæc est natura: hæc ille:

Locus generationis horum est Cælum & Regiones æthereæ, itaque ex partium ætheris constipatione (cum hæc materia

fit dissipabilis & condensabilis) vel ex halitibus & expiramentis, tum Solis tum aliorum Planetarum, aliquando produci possunt. Producti à Sole illustrantur, qui dum corpus Cometæ ingreditur, in adversam partem radii protenduntur, hinc cauda vel coma oritur; si verò materia hujus nimis densa fuerit, absque caudâ & crinibus Cometæ apparet: varii colores in ipso conspiciuntur, quod ex majori vel minori materiæ compactione oriri solet; hinc si nimis densa est ejus materia, à luce non penetratur, obscurus & pallidus apparet, è contra, si minus densa & rara; horum apparitio, ut plurimum, est in Septentrione, & prope viam lacteam, cum ibi reperitur materia pro horum generatione inserviens: intra Tropicos non producuntur, cum à Solis viciniâ generatio impediatur, alibi verò gigni posse non contradico: feruntur modò secundum ordinem signorum, modò contra, & præter Primi Mobilis motum, alios peculiares habent ex Occidente in Orientem, ex Austro in Boream, & è contra, modò tardè, modo velociter; immobiles etiam fuisse refert Plinius, quæ omnia sunt observanda.

Cum autem Deus & Natura nihil agant frustra, & Cometæ sint signa Iræ ejus, sicut alia prodigia in Cælo, ut legitur lib. 2. Machab. cap. 5. de equitibus armatis per aërem discurrentibus per quadraginta dies super Hierusalem, hinc verissimum est illud, nunquam Mundo spectatum impunè Cometam, de quorum apparitione & effectibus aliquando annotabo.

Quando primus apparuit Cometæ, nulla extat hominum vera observatio, sed ego ante Diluvium varios fuisse pro certo teneo, si ergo ante, quantò magis post: annotant aliqui sub anno 3.4. 83. primum observatum, tempore quo lapis à Sole ad Ægos flumen decidit, quod Anaxagoras futurum prædixit; sed Hermes, qui Moyfi fuit coætaneus, sed paulò senior, de ipfis

de ipsis (ut supra dixi) loquitur, & Hebræorum Sapientes in Talmud, tractatu Beracoth cap. 9. quod dicitur Perech harohe, de ipsis aperte loquuntur, quem quidem locum, cum neque ab Astronomis, neque ab aliis unquam observatum legissem, huc explanare placuit.

Quærent, quid sit Zichin? respondet Samuel. Cocava deſſavit. Commentator autem declarat, quod sunt Stellæ, quæ jaculantur fulgura ab uno loco ad alium, postea addit Samuel: mihi viæ Cælorum innotescunt, sicut viæ de Nardenha (hic est locus ubi Samuel præsidebat) solum Stellam deſſavit, quid sit, ignoro; pro certo habemus, quod non transit Chisla, id est Arcturum, nam si hoc esset, periret mundus. Nunc arguit Auctor Talmud: videmus, quod ipsa pertransit Arcturum. Respondet, ejus radii evanescunt, & nobis videtur quod ipsa evanescit. Rabbi Huna filius Josue ait, Zichin est ut velum, quod scinditur, in cujus medio conspicitur Firmamenti claritas & splendor. Rabbi Assener, quod Cometes sit quædam Stella, quæ ab Arcturo discedit, & ejus socius (id est Orion) ex aliâ parte videt & timet; & videtur quod evanescat. Auctor Talmud querit, quid sit Chima, id est Orion. Samuel dicit, quod sit sicut centum Stellæ simul junctæ; alii verò tenent, quod sit sicut centum Stellæ, quæ una ab aliâ raritate distinguitur: ideo quando Deus aquis Mundum perdere voluit, duas ex Orione Stellæ abstulit, & sic cataractæ Cæli apertæ sunt: postea Auctor Talmud addit, nonne poterat Deus alias duas creare, & non fecit, ideo nihil sub Sole novum? hæc Talmudistæ. Sed ad nos, & ad primum observatum Cometem descendamus.

Dum Xerxes Darii Filius, Persarum Rex, decimo anno post prælium, quod suscepit Pater in Athenienses, ad Marathonem, innumerabili cum exercitu veniens, allaborat totam

ram Græciam sibi subjugare, apparuit Cometa Ceracias dictus, ad instar Cornu obliquus, Athenienses verò, Themistoclis consilio, hostem ad Salaminam Insulam prælio vincunt, Xerxes turpi fugâ domum reversus, cum in contemptum postea venisset, ab Artabano, gravissimo scelere, interfectus est.

Bellum Peloponesiacum; Excidium Atheniensium in Sicilia; destructionem Lacedemonum per Thebanos semper præcessit Cometa.

Notat Aristoteles, quod tempore illius magni terræ motus in Achaia, quo Urbes Elice & Biris submersæ sunt, Cometes apparuerit in æquinoctio Verno, mense Martio; & Athenis impetrante Milone, circa Tropicum Capricorni.

Tempore, quo nascitur Mithridates, Cometa maximus apparuit, qui quartam Cæli partem sic occupavit, ut totum undique ardere videretur; duravit dies 80. ferunt hujus splendore Solis Lumen propemodum torpuisse. Hinc mors Scipionis, Hannibalis, Celtiberorum cædes in Hispania, bella civilia inter Marium & Syllam orta sunt.

Sub Demetrio Syriæ Rege, visus est Cometes igneus orbicularis, qui magnitudine Solem æquabat, nocteque instar Solis splendens: ante bellum Achaicum subsequutum est excidium Carthaginiensis miserandum, quo funditis deletæ fuerunt Urbes Græciæ Corinthus, Tebæ, Chalcis cum aliis.

Caii Julii Cæsaris mortem per dies centum præcessit fulmen, percussus Cæsaris nomen, litteram C. delevit, quæ Centum sonat, remanens æsar, quod Deum significare dixerunt Aruspices Idiomate Hetrusco, & ideo affirmarunt, quod post centum dies Cæsar in numero Deorum erat ascribendus; res voto successit, nam ipse à conjuratis confossus est, cujus mortem comitatus est Cometa, qui tandem in honorem Cæsaris in Numismate sculptus fuit.

Anno Urbis conditæ 752. Imperii Augusti 42. candidus apparuit Cometes, in quo erat Imago candidissimæ Virginis puerum

puerum gremio complexæ, quam ostendisse referunt Augusto Sybillam Tiburtinam his verbis. *Hic puer te major est, hunc adora;* dubium autem est, an tunc natus erat Salvator, aut erat oriturus: Ego autem credo fuisse natum, & tali modo Virginem cum puero in Cometa apparuisse; natus ergo erat puer, quem mater rapuit & Cometæ inclulit, aufugiens à manibus impij Herodis. Cometæ autem hic tandem in martialem fulgorem degenerans, Innocentum stragem significavit, ipsiusque Herodis mortem condignam, nam hydrope affectus, scatentibus toto corpore vermibus, miserabiliter dies clausit.

Hoc loco non possum ab errore magno excusare Cardanum, qui in lib. 2. Quadrip. textu 54. hæc habet: cum Servator noster natus est, Cometæ apparuit in Oriente, quem Magi viderunt, atque ob id ad ipsum adorandum venerunt: hanc Stellam vocavêre tum communi nomine, quod Cometæ Stellæ vocentur, tum, quod pulcherrimus esset, atque his similis, quæ in nocte lucent: hic seditionem & turbas, quæ per fidem Christi promulgandam succellere, pronunciavit, tot exilia, tot martyres, inde Regnum pacis constituendum atque salutis, cuius quidem author atque Rex Christus in ipso Cometæ fulgore natus est, quod Cometæ in Oriente apparuerit: verum tamen effectus ipsius, scilicet prædicatio, Legis promulgatio, seditio populi, conturbatio, persecutiones, exilia, mortes, bella, regna nomine Christiano inchoata, vix post triginta annos initium habuere, & ab hanc usque diem perseverant: hæc ille.

Stella, quæ in Oriente apparuit Magis, quâ duce Judæam petierunt, non erat de genere Cœlestium syderum, aut de novo productorum, aut Cometa: fuit quidem solius Dei opus, & extra omnes naturæ leges, & Angelum sub formâ Stellæ antiqui Patres non sine ratione crediderunt; nam hæc Stella solum à Magis videbatur, eosque sequebatur, donec in Judæam pervenerunt: ad adorandum puerum: Judæos enim illam non conspexisse clarum est, & cæcus non erat Herodes, ut illam videre nequivisset,

imò de ipsâ hæc Nicephorus scribit : quod in Oriente Magis primùm visa fuerit, ut Palæstinam petentes præcederet : tamen aliquamdiu postea disparuit, quoad Hierosolymis Regem frustra quærebant, admonitis verò Bethelam petendam, juxta Prophetarum Oracula, statimque illic proficiscentibus, de novo eadem apparuit & præluxit, donec supra domum, in quâ Rex æternus, Infantuli humani speciem indutus, visibili formâ cerneretur, pervenit, ubi etiam constitit, loci petiti jucundus & indubius Index : sed Matthæus in Evangelio apertè loquitur, nam Herodes clam vocatis Magis diligenter didicit ab eis tempus Stellæ, qui, cum audissent Regem, abierunt, & ecce Stella, quam viderant in Oriente, antecedeat eos, usque dum veniens staret supra, ubi erat puer, videntes autem Stellam, gavisi sunt gaudio magno. Ex hoc ergo apparet Stellam, quam viderunt in Oriente, non fuisse reliqui itineris ducem, alioquin eâ visâ non gavisi essent; hinc deducitur fuisse Dei opus & miraculum majus : hæc postea Stella statim disparuit, & Magos in Regionem suam non comitata fuit. Cum ergo hoc verissimum sit, manifestè apparet error inexcusabilis Cardani, imò magis falsitas prædictionum ex ipsâ, nam hanc vocans Cometam, de illo sub Augusto, ex quo prognosticum condere poterat, nihil refert.

Anno Christi 13. ferè completo apparuit Cometes, & Romæ status mutatur, & anno 16. die 19. Augusti, Augustus dies clausit, ætatis. 76. Imperii 56. anno.

Anno 62. maximus apparuit Cometes luminariâ adæquans, qui per sex menses perduravit, & anno sequenti 73. millia Romanorum ab Anglis trucidantur, sed paulò post 80. millia Anglorum eandem sortem experiuntur sub Suetonio. Roma anno 66. per sex dies igne consumitur. Anno sequenti conspiratio in Domitium Neronem falsò Christianis ascripta, qui mirabili strage variis tormentorum generibus cnecati sunt, postea bella civilia exarserunt, & de ipso Senatus decrevit, ut more majorum,

jorum, collo in furcam conjecto, virgis ad necem caderetur, sed Nero semet ictu gladii transegit, Sporo eunuchō coadjuvante, ætatis anno 32. Christi 69.

Anno 68 Cometa Xiphias in Judæa cernitur, die Azimorum, qui per annum integrum duravit. Cometa autem non fuit, quamvis Josephus lib. 7. de bello Judaico, hoc nomine appelleret eum, sed fax in formam gladii; quæ non longè remota erat à Vertice Hierosolymæ, & si talis non fuisset, etiam alias Judææ partes indicasset, duravit etiam ultra Cometarum periodum. Ostentum ergo fuit, à Deo ita missum, prænuntians excidium Hierosolymitanum, quod secutum est, anno secundo Principatus Vespasiani, per Titum ejus filium, die 8. Septembris anno 73. interfectis Judæorum undecies centum millibus, & venditis 80000. reliqui fugerunt, & sic Romani Judæam penitus destruxerunt.

Anno 79. crinitus Cometes apparuit, de quo subridens Vespasianus (cum jocosus esset) dixit attingere ad Regem Persarum, cui capillus effusior, deinde anno sequenti, ventris ingluvie fessus assurgens, stantem, ait, Imperatorem excedere terris decet, & die 24. Junii obiit. Titus autem filius, quinto suo Consulatu, de hoc Comete, carmine præclaro cecinit, & successit in Cæsarem Patri: tres Civitates Cyprî terræmotu corruerunt, & postea secuta est pestis: deinde mortuo Tito, anno secundo Imperii cum mensibus fere tribus, successere nefanda Domitiani tempora.

Anno 337. Cometa insolitæ magnitudinis, per aliquot menses durans, Constantini Magni mortem prænuntiavit (hic enim transtulit Occidentale Imperium ad Orientalem Regionem) bella, calamitates & seditiones ortæ sunt propter divisionem Imperii in tres filios; & secta Arriana, multis in locis, Ecclesiam turbavit, à Constantio protecta contra Athanasium, sed non multò post Arrius pœnas accepit condignas; nam ab Episcopis & multitudine populorum stipatus, dum laxare

alvum intendit, intestina miraculosè tota descendunt, & anima tartara petit.

Anno 3.68. Cometa apparet, & terræ motus ingens totum terrarum Orbem concutit; unde mare fittus egressum, Niccam aliasque Urbes, & innumerabiles populos aquis perdidit.

Anno 4.10. Cometa in Leone observatus, & Italia, sub Radagiso Gothorum Rege, opprimitur; quo mortuo succedit Alaricus, qui Romam expugnat & incendio vastat, die 9. Septembris: postea Siciliam petens repente moritur.

Anno 5.33. Cometes visus: multa mala secuta sunt, terræ motus, pestis, seditiones. Justinianus Imperator sponte se Pontifici submittit; Europa, Asia & Lybia à se subjugatis, pacem Orbi reddidit. Anno sequenti, die 26. Maii; Papa Joannes II, moritur.

Anno 5.89. Cometes fulsit, succedente inundatione Tiberis & aliorum fluminum: sequitur pestis, in qua moritur Pelagius II. Terræ motus Antiochiam graviter concussit.

Anno 6.04. Maximus apparuit Cometes. Moritur Sabianus I. PP. anno sequenti, postea in nono mense Pontificatus, Bonifacius III. Hoc tempore Belgium à Monachis convertitur, & primus ex Hispania fugat Mahomethum S. Isidorus Episcopus.

Anno 6.75. Cometes magnus visus est, qui per tres menses perduravit, secuti post ipsum innumeri imbres cum tonitruis; inde annona, postea pestis immanis, quæ Longobardiam afflixit, Papiam destruxit: multa in Italia calamitates. Dies clausus: Adeodatus II. PP. die 26. Julii, anni sequentis.

Anno 6.84. in fine Cometa fulsit, etiam Cælo sereno; secuta sunt mortes Principum, excidia, ruina. Benedictus II. PP. decimo sui regiminis mense, è vivis discessit, sic & piissimus Imperator Constantinus; successit Justinianus filius juvenis, qui gravissima bella per Duces felicissimè confecit.

Anno 33

Anno 7.29. per dies quindecim, mense Januarii, Cometæ: duo visi sunt, quorum unus Solem antecedebar, alter occidentem vesperi sequebatur: unus ex his Romæ visus, candâ Septentrionem intuebatur. Secuta sunt bella cruentissima, mutationesque admirandæ. Pestis in Bizantio tollit ter centum hominum millia. Incipit persecutio in Oriente. Gregorius II. PP. evolat in Cælos.

Anno 7.63. Cometæ maximus fulsit; quem excipit magnum frigus, & postea uredo. Prodigiosum gelu Ponto Euxino incubuit cum nive altissimâ: Scribitur à Calendis Octobris ad Februarium, secutos gravissimos æstus. Terræ motus & pestis immanis ferè totam Europam destruxit.

Anno 9.84. magnus in Italia Cometæ visus: sequitur famæ, pestis & terræ motus. Joannes XIV. PP. fame necatur: Joannes XV. octavo mense regiminis moritur. Beneventum & Capuam fortiter terræ motus affligit, sed ingens in Oriente fuit. Vitâ excedit Lotharius Galliarum Rex 9.86: succedente Ludovico filio.

Anno 10.03. Cometa visus. Quarto mense regiminis, Joannes XVI. dies clausit. Terræ motu multæ Civitates quatuntur, sequitur ingens famæ & pestis: anno sequenti nascitur Hæresis Berengarii.

Anno 10.07. duplex in Italia apparuit Cometæ; famæ & pestis in Europa, nec non prodigia alia multa secuta sunt: mare exundans multas suffocat Urbes.

Anno 10.66. visus est Cometæ, qui effectu non caruit: nam Guilielmus Nortmanniæ Dux, ab Eduardo hæres institutus, Angliam cum exercitu invasit; & Haraldum (qui Regis Angliæ nomen usurpare, & hunc Anglia arcere conabatur) vicit & occidit.

Anno 11.65. ingens Cometæ, cum duobus longissimis radiis ardens, in Scotia apparuit, & intra 14. dies Malcolmus, Quartus Scotorum Rex obiit. Romam redit Alexander III.

D d. 3.

& hoc

& hoc anno Longobardi contra Fridericum Cæsarem, bellum incipiunt.

Anno 1.200. Cometes apparuit, cujus pars solida erat rotundæ figuræ, triplo major Venete, cujus claritate totus Orbis illustrabatur, eratque lux ejus, quantum si quarta pars Lunæ lucret, cujus locus fuit in decima quinta parte Scorpii, movebaturque motu Primi Mobilis ab Oriente in Occidentem, ita ut velocius procedendo ferretur contra ordinem signorum, donec pervenit ad decimum quintum gradum Virginis. Successit autem inter Mauros discordia maxima, inde prælia & cædes, & Civitatum, magnarumque Regionum depopulationes, & siccitas aëris, & annonæ penuria, indeque pestilentia maxima, ut mors tum peste, tum fame, tum bello fuerit innumerabilium hominum; excitatusque est hæreticus sive rebellis, qui Regem Mechæ & Hyebot maximis cladibus affecit: hæc Haly Rodoan.

Anno 1.211. Cometes magnus, mense Maii, flagrans diebus 80. & caudâ super Russiam porrectâ, Tartarorum adventum significavit. Imperium turbatur, Otthone Imperatore Fridericum Secundum contra se electum armis persequente.

Anno 1.214. Cometæ duo terribiles apparuerunt in Scoria, alter Solem præcedens, alter sequens, & Rex Wilhelmus senio extinguitur. 1.215. Concilium Lateranense celebratur, actumque denuo de bello sacro.

Anno 1.254. Cometa apparet, quem sequitur horribilis ventus; die 7. Decembris ad superos migrat Primus Nostræ *Familia Pontifex Innocentius IV.* Conradus Rex veneno perit. Manfredus Friderici Secundi filius Pontificios profligat, Siciliam invadit & fit Rex. Ezelinus, Patavii Tyrannus, bellum Pontifici infert, & aliquot ejus Urbes recipit, at non multum post, vulnere lethali accepto, ad inferos descendit. Tartari Mesopotamiâ patiuntur.

Anno

Anno 1.2.64. crinitus Cometes per tres menses fulsit, eodem die quo ægrotare incepit Urbanus IV. & evanuit die 12. Octobris, quo obiit: post ejus mortem Carolus, Regis Galliarum frater, occupavit Regnum Neapolitanum, Manfredum interficiens: magni postea tumultus & dissensiones enatæ sunt, quæ diu durarunt. Hispani Mauros vincunt.

Anno 1.2.68. Cometes miræ magnitudinis sub meridie (quod pro miraculo habetur) in Scotia per plures dies fulsit, ut notat Cardanus quadripart: pag. 2.77. moritur Clemens IV. PP Sanctissimus, qui modum tractandi Pontificis affines docuit, quem tamen Successores amplecti noluere. Conradinus, qui Sicilia potitus erat, tandem à Carolo Neapolis Rege victus, in fugâ captus, publicè decollatur. Vacat Sedes Pontificia: ob Cardinalium discordiam, usque ad annum 1.2.71. mense Septembris.

Anno 1.3.13. duplex observatus Cometes. In Italiam vocatur Henricus VII. Imperator, qui tandem veneno perit: pestis & fames ferè universalis sævit: moriuntur 1.3.14. Philippus Galliarum Rex, equo delapsus in venatione, & Clemens V. 1.3.15 gravissimis motibus Italia & Germania quatitur, Friderico contra Ludovicum Cæsaris nomen usurpante. Anglus à Scoto profligatur: usque ad 1.3.16. vacat sedes Petri.

Anno 1.3.18. magnus fulsit Cometes, ex cujus discessu ventiadeco seviere, ut multi horum causâ mortui sint, deinde pestis triennalis per totum Orbem grassata est. Terræ motus absorbet duos montes. Anno sequenti moritur Orchanus, Othomanni Primifilius, Rex Turcarum.

Anno 1.3.94. Cometa apparuit Vèru dictus in angulo Orientis, & ad ortum ferebatur magnâ velocitate. Tamerlanus Tartarus, qui solum anno 1.3.91. Orbi innovit, totam Asiam invasit, evertit & prostravit, Bajazetem vicit, & scabelli vice, equum scandenti servire fecit, postea cavea ferrea inclusit, cum autem transitum in Europam cogitaret, morte

Præfecti,

Præfeti, quem Regno proprio reliquerat, in Parthiam redire coactus est.

Anno 1. 4. 02. magnus fulsit caudatus Cometes inter Meridiem & Septentrionem. Ob bella in Italia sæva pestis secuta est. Joannes Galeatius Viscentius, Primus Mediolani Dux, domitis variis Italiæ locis, dum Florentiam obsidione cingit, spe Italiæ Regnum devorans, die 3. Septembris hujus anni, pestilentiali febre correptus, fatis cedit. 1. 4. 04. mense Octobri moritur Bonifacius IX.

Anno 1. 4. 52. circa Calendas Junii, in Orientali Angulo; in Ariete, Stella crinita visa est, apparebatque pene quindecim diebus, ut ferri ad ortum, & diurnus ejus motus quatuor proximè graduum esse videretur, quandoquidem per duos dies, ut ferunt, non apparuit, postea post occasum Solis visa est, die 16. ejusdem mensis Junii; circa principium Leonis apparuit alia, sed major prima: sic Trapezontius Romæ observavit. Harum Stellarum effectus paulò post incœperunt: detecta fuit conspiratio Stephani Porcari in Nicolaum Quintum. Bellum Mediolanense ferret, inter Venetos & Sfortiadas. Ferrandus, Arragoniæ Familiæ, Florentiam perturbat, sed spe frustratur. 1. 4. 53. Constantinopolis à Mahomethe expugnatur, perit Imperator Constantinus, & cum ipso aliquot millia Christianorum, sic paulatim tota Græcia à fide Christiana defecit, & hic annus fuit ultimus Imperii Christianorum in Oriente. 1. 4. 54. Galli Anglos Regno ejiciunt, & pax in Italia, Pontifice agente, redditur, qui anno sequenti ultimos dies clausit. 1. 4. 56. Mahumethus devicto Oriente, Occidentem aggreditur, & sub Hunniade Ungariæ Rege Turcæ prostrati sunt, qui, toto Christiano Orbe complorante, hoc anno obiit.

Anno 1. 4. 75. Idibus Januarii, visus est Cometes caudatus, sub Libra cum Stellis Virginis, movebatur contra ordinem signorum à Libra in Arietem; capite verò & cauda semper versus Occidentem, nunquam versus Orientem ivisse, non solum motu diurno,

diurno, sed etiam proprio, observavit Regiomontanus. Refe-
runt alium anno 1.4.72. mense Januario, sub eodem Libræ do-
decate motu observatum. Anno ergo 1.4.75. Turcarum multa
millia in Moldavia trucidantur. Burgundus Lotharingiam bel-
lo opprimit. 1.4.76. concursus stultorum in Francia Germaniæ
factus ad Niclaushausen, erroribus plenus. 1.4.77. Carolus Dux
Lotharingiæ, ope Helvetiorum victus occumbit. 1.4.78. Sixtum
IV. exagitant Itali. Papa declaratur Venetorum hostis acerri-
mus, & cum eo omnes Italiæ Principes. Turcæ multas Civitates
Christianorum his annis rapuerunt, Nigropontum in Euboiæ,
Regnum quoque Bosneum, Ducatum de Spetis, Achayam, My-
siam, & plura regna in Oriente.

Anno 1.5.06. Cometes fulsit, ut notat Augustinus Niphus, &
biennio post tanta siccitas in Insabria subsecuta est, ut à Januario
in Novembrem, nulla pœnitens pluvia in eâ Regione deciderit.
Hoc anno Calcutanum Imperatorem denuò vincunt Lusita-
ni. Julius II. Bononiam recipit, Bentivolio pulso. Veneti in Ca-
dore dimicantes Germanos dissiparunt, multas Civitates & loca
continentia obtinuerunt; & Genuenses subjectionis impatientes,
Gallos Urbe ejiciunt.

Anno 1.5.12. Cometes sanguinei coloris mense Martio &
Aprili fulsit. Die Paschatis pugnatum est ad Ravennam, Ponti-
ficios vincit Gallus, paulò post Italiam deferere cogitur, Medio-
lano exiit, & Maximilianus Sfortia, Ludovici Mauri filius,
ipsum recuperavit: anno sequenti Julius II. è vivis discessit.

Anno 1.5.26. Cometes apparuit die 11. Augusti, ex quo
manus cum gladio prominere videbatur, perduravit usque ad
diem 6. Septembris. Anno sequenti, die 14. Maii, Roma &
Clemens VII. capitur à Cæsarianis, Borbonio Duce, dum muros
scandit, occiso; & Henricus VIII. Rex Angliæ à fide Romana
deficit. 1.5.28. Gallus mittit exercitum ad liberandum Pontifi-
cem, & bellum peste consopitum, recrudescit: In comitiis Spi-
ræ Protestantium nomen nascitur. 1.5.29. conciliatur Papa,

Ec

Cæsar

Cæſar & Gallus, Turcæ, potenti exercitu Viennam tentans, pel-
litur. Novo morbo, Sudore Anglico appellato, Germania
laborat.

Anno 1.5.30. Cometes viſus. Florentia in ſervitutem reda-
cta eſt. Hoc anno conſeſſio Auguſtana in comitiis ibidem emer-
git. 1.5.31. alius per Cancrum, Leonem, Virginem & Libram di-
ſcurrens obſervatus eſt. Terræmotus Luſitaniam graviter cōcuſ-
ſit. Bellum Religioni apertum indicit Rex Angliæ, & Caput Ec-
cleſiæ Anglicanæ ſe jactans, excommunicatur: ſequitur pax pri-
ma Caroli V. cum Proteſtantibus.

Anno 1.5.32. Cometes in Virgine, Libra & Scorpione, in-
tra Tropicos apparuit: unde Friſii, Batavi, Zeelandi ac Flandri,
aquarum inundationibus ſubmerguntur. 1.5.33. à fine Junii
uſque ad initium Septembris, per Geminos, Taurum & Arietem
retroceſſit, terræmotus ac ventus Rheno vicinas Regiones for-
titer exagitavit, fames Germanos vexavit. Turcæ Moréam
occupant. 1.5.34. in Polonia tam gravis fuit inundatio aqua-
rum, ut Cracoviæ & Caſimiriæ, lapidei pontes & mœnia cum
plurimis ædificiis ſunt everſa. Hæreſim arcet à Galliis, legibus
graviffimis, Rex Franciſcus. 1.5.35. Carolus V. Tunetum, & res
Africæ componit. Anabaptiſtæ cum Rege ſuo proſtigantur.
Solymannus Perſis adimit Meſopotamiam, Aſſyriam & Baby-
loniam.

Anno 1.5.45. Cometa apparet. Franciſcus Rex Galliæ,
Waldenſes hæreticos inſigni expeditione delet. Initium Conci-
lii Tridentini. 1.5.46. die 18. Februarii moritur Martinus Luthe-
rus, & Rex Ferdinandus Saxoniam vaſtat. 1.5.47. Januarii, Rex
Angliæ Henricus VIII, & Martij Franciſcus II. Galliæ, è vivis di-
ſceſſerunt, die 10. Septembris, Petrus Aloyſius Farnexius Pauli III.
Filius, Dux Placentiæ, à conjuratis occiditur.

Anno 1.5.56. Martij in ipſo æquinoctio inſtar Columnæ,
Cometes fulſit uſque ad 23. Aprilis. Calvinus nova dogmata
ſpargit. 1.5.57. Paulus IV. ad bellum movet Hiſpaniarum Regi,

tota Italia turbatur , dum hic Homo non venit mittere pacem, sed gladium.

Anno 1.5.58. Augusti die 17. pallidus Cometes circa Occasum apparuit , in 12. Virginis gradu. Secuta est, die 29. Septembris, Caroli V. ultima dies, sic & Mariæ Catholicæ Angliæ Reginæ, cui Elisabeth successit. In Scotia & Anglia invalescit Heresis. Anno sequenti. Henricus II. Rex Galliæ, in Nuptialibus ludis, hastâ oculo læso, die 10. Augusti, & die 18. Paulus IV. obierunt.

Anno 1.5.68. res mira & admiranda , quam silentio tegere nolui. Die prima Septembris, visum est interdiu caput Leonis, & subsecuta est mox Venetiis armamentarii Navalis conflagratio miseranda.

Anno 1.5.77. die 9. Novembris, Cometes apparuit prolixos effundens crines, juxta occasuram Cœli partem, cujus corpus erat rotundum lucidum , & albedine quadam sublividâ conspicuum; cauda verò , quæ plurimum versus ortum, quasi in oppositas Solis partes protendebatur , rubicundioribus radiis flagrabat, eoque densioribus, magisque apparentibus, quò capiti propiores erant , circa extremitatem verò rariores, minus lucis & coloris oculis insinuabant , erat insuper incurvata nonnihil cauda, ita ut convexitatem Zenith, concavitatem verò Horizonti obverteret: locus ejus observatus ferè in gr. 21. Sagittarii: perduravit usque ad diem 26. Januarii in gr. 20.55'. Piscium evanescens. De eo scripsit Tycho, qui locum ejus sub die .3. tantum observavit in gr. 7.15. Capricorni. 1.5.78. Joannes de Austria ex Confœderatis triumphat , & paulò post moritur , sic Sebastianus Rex Portugalliæ in Africa cum aliis duobus Regibus. 1.5.79. Persiæ Turcas bello vincunt , Poloni Moscos.

Anno 1.5.93. mense Augusti Cometes apparuit, oblongam caudam, à Septentrione meridiem versus, convertens. Hoc tempore Narva, Livoniæ Urbs celebris & Emporium nobile, pulveris

fulpliuerei in Armamentario succensî flammis deformatum est. Anno sequenti. Henricus IV. Galliarum Rex coronatur, nobilissimas occupat Urbes, Confœderatis sese deditibus. Turcæ Rhegium deripiunt, & à classe Pontificia fugantur, sic sequentibus annis varias accipiunt clades.

1.6.07. Cometa in Leone visus, in Horoscopo Imperatoris Rudolphi observatus, naturæ Saturninæ & Mercurialis: hic enim cum Matthia fratre colliditur, qui postea Ungariæ Rex creatur, quem tandem dominio, libertate & vitâ privavit. Carolus III. Dux Lotharingiæ moritur. 1.6.08. imminens bellum inter Paulum V. & Venetos pax firmavit.

Anno 1.6.18. die 17. Novembris apparuit in aëre trabs, seu Jaculum immensæ magnitudinis, ita ut Cœli partem magnam occuparet, raræ quidem materiæ, cum exinde Stellæ optimè conspicerentur, quod nec auctum, nec diminutum persistere visum est, usque ad noctem diei 28. die verò 29. sequenti mane, ante ortum Solis Cometes horribilis apparuit caudatus, cujus caudæ longitudinem contendebant Professores esse majorem Cometæ à terra distantia, quæ fuit maxima, cum nunquam Parallaxim expertus fuerit, nec postea trabs admodum visa est. Perduravit ergo dies 28. in quibus ambulavit contra ordinem signorum à gr. 9. 25'. Scorpionis, in quo apparuit ad usque gr. 7. 45'. Virginis, ubi evanuit, perficiens gr. 61. 42'. effectus hujus Cometæ diu duraturos experientia comprobavit. Hoc enim anno fuit belli Germanici in Bohemia initium; in sequenti moritur Imperator Matthias, deinde paulò post alii Principes è vivis discesserunt, & bella & calamitates in longum tempus exarsere: testis Germania infelix.

Anno 1.6.52. die 17. Decembris, novum visum est Sidus, quod diligenter observavi, etsi adolescens annorum decem & septem: erat sicut Stella satis magna, superansillas primæ magnitudinis, imò tantæ magnitudinis, quantum ipsa Luna oculo nudo apparet: corpus ejus admodum obscurum, coloris subpallidi,
in cu-

in cuius medio, ut tria puncta clara videbantur, quæ solum Telescopio innotuerunt, erat absque crinibus, & cauda rotunda figuræ, solum tenue quoddam lumen albicans corpus circumdabat, modò ad Ortum observatum, modò ad Occasum; conspiciebantur etiam quædam languidæ scintillationes quasi Stellarum, quæ perdurarunt ferè usque ad ejus finem, sed lumen corporis, semper magis magisque obscurum evadebat: Saturni ergo & Lunaris fuit coloris. Duplici procedebat motu, uno ex Oriente in Occasum, altero peculiari à Meridie in Septentrionem, cum aliqua declinatione ad Occasum, & cum hoc inæqualiter procedebat, nam die 19. gr. 15. confecit: spatio 24. horarum, ut omnes observarunt die 20. gr. 13. die 21. transgressus Circulum æquinoctialem, distans tantum tribus gradibus ab æquinoctiali, confecit in horis 24. gr. 12. velocissimi ergo motus est in principio, postmodum assiduò deficiens, tandem vix sesquigradum complere observatū est. Apparuit in Leporis Asterismo in gr. 9. circiter Geminorum cum declinatione Meridionali gr. 46. quæ observationem referimus ad diem 18. cum maximis fuerit obcuritibus involutus dies 17. die 24. erat cum Pleiadibus & Stellâ proximâ, in collo Tauri obtinens longitudinem gr 27. Tauri, latitudinem verò mutavit in Borealem ad gr. 3. 40'. perduravit usque ad diem 6. Januarii anni 1. 6. 53. nam tunc in facie Persei vix fuit visus: scribunt alij observasse usque ad diem 9. & tetigisse Stellas Andromedæ & Cassiopeæ, quo ad verò nostram observationem aliorumque, sub die 6. desinit in gr. 18. cum dimidio circiter Tauri cum latitudine gr. 32. circiter; nullam suscepisse Parallaxim fatentur omnes, hinc fuit supra Lunam, per infinita ætheris spatia.

Hujus Cometæ effectus magis conspicui fuere in Regionibus Septentrionalibus, propter moram, quam fecit cum capite Algol & Perseo: at quia persistere visus est in duobus Cœli signis, Geminis nempe & Tauro, signo fixo, in longum duraturi, in Europa funesti se prodiderunt, maximè admixti effectibus.

Eclipsis patrati , anno 1.6.54. die 12. Augusti , & fuère mortes plurimæ puerorum & Juvenum , abjectiones Magnatum , mala Ecclesiasticis , rumores bellici , Morbi epidemici , & similia.

Circa aëris mutationes & statum Anni temporum , hæc diligentissimè annotavi. Ex hujus Phænomeni apparitione & occultatione, aër frigidissimus fuit usque ad finem Martii, vix ergo ad Veris initia perventum est , dum calor præter naturam exortus paulò post evanuit , & frigus quam maximum rediit. Hyems fuit absque pluviis , hoc tempore mortes subitanæ , Phrenitides & Apoplexiæ variæ fuère , & Morbus quidam Epidemicus Venetiis ortus est , cum capitis dolore & febre, cui *Arietis* Medici nomen dedere , nam quatuor vel sex dierum spatio ægrotabant , & sanabantur paucis , aut nullis adhibitis remediis ; sed quia non omnibus innotuit affectus , aliquot sanguine emissio , pharmacis non convenientibus applicitis, periere. Fuit æstas ventorum & imbrium copiosa , & primi dies Junii ætuosissimi , in hybernum frigus commutati usque ad Julium perdurarunt : in æstivo solstirio multi , triura vel quatuor ad summum dierum spatio , malignâ febre mortui sunt : inordinata tempora mense Augusti fuère cum pluviis , & ferè per totum hunc mensem duo , vel tres quotidie ferro necabantur , quod quidem fuit ab omnibus admiratione dignum annotatum : die 26. hujus mensis, Veronæ plusquam viginti cecidère de Cælo fulmina , quæ Tempia & domos deturbaverunt , & Venetiis eodem die , grando magna cum fulmine cecidit , quod partem Sacræ turris , quæ Divi Marci Ecclesiam recipit , deturbavit , & aliquos occidit. In Foro Livii , terræ motus magnus per quindecim dies perduravit , & vicinis Oppidis damna attulit ; Venetiis verò die 4. Septembris hora noctis quinta , magnus terræ motus auditus est , qui paulò post evanuit. Autumni principia fuère ventosa , pluviosa & frigida , multi fuère ægroti , morbi acuti & maligni ,
& pau-

& pauci sanabantur, alii vix ad septimam diem pervenerunt; terminavit Autumnus cum imbribus quotidianis, & cum ipsis incœpit hyems. Hoc anno Angli & Hollandi navali pugna concertant. Rustici in Helvetia tumultuantur. Anglia ex libera Republica fit mancipium Cromuelli. Gallia intestinis tumultibus fatigatur.

Hyems hujus anni 1.6.53. pluviosa incœpit, & imbres adeo copiosi fuere à medio Decembris usque ad diem 2. Januarii 1.6.54. nam in Bergamo & vicis ejus, parum absuit, quin omnes submergerentur; deinde paucas habuit pluvias, multos verò ægrotos: morbi fuere, pleuritides, apostemata, febres tertianæ, continuæ & intermittentes, capitis dolores, & multæ obierunt. Ver frigidum, pluviosum cum paucis ægrotis: die 11. Maii, horribilis ventus non solum Venetiis, sed in Pagis prope Patavium, arbores vetustissimas eradicavit, domosque diruit, & die 14. fluvii majores, ut Padus & alii, exundarunt. Romæ locustæ arva devastarunt. Genuenses conspiratione Nobilium quorundam affliguntur, quæ tamen detecta fuit; & inter ipsos & Hispaniæ Regem, bellum imminens paulò post consopitum fuit. Carolus Dux Lotharingiæ in Hispaniam captivus deducitur. Pestis in Polonia & Dania sævit: die Julii 9. moritur Viennæ noviter electus Rex Romanorum Ferdinandus IV. die 21. hujus mensis nocte prope horam sextam terræ motus Magnus ter concutit Romam, at in agris Abrutii per multos dies perduravit & damna attulit. Anni tempus veris, æstatis & autumnus, modò calidum modò frigidum fuit, cum diebus turbatis & caliginosis; & unum ab alio parum differre expertissimus

Hyems anni 1.6.55. pluviosa fuit ferè usque ad Martium: die 6. Januarii Innocentius X. & 27. Februarii Franciscus Molinus Venetiarum Dux naturæ cedunt. In Asculo Oppidum

Piceni

Piceni initium Schismatis. Presbyteri illius loci, senem quendam ex ipsis in Pontificem elegerunt, at aliquot ex ipsis postea carceribus includuntur. Die 7. Aprilis Alexandri VII. creatio: hoc mense tanta fuit gryllorum in arvis Romæ multitudo, ut necesse fuerit multos mittere ad ipsos enecandos. Pestis Neapoli grassatur, deinde Genuam aggreditur, postea Romam. Venetiis non solum pueri, sed adulti etiam variolis corripiuntur: exanthemata, morbilli, febres tertianæ non defuere; mors paucos sustulit. Sueci maximum parant exercitum, & quò tendere velint, totam Germaniam suspensam tenent. Poloniam Mosci & Cossaci invadunt. Cromuellus Catholicos omnes Anglia proscribit. Christina Regina, Sueciæ abdicato Regno, superiori anno, Carolo Gustavo Coronam tradens, publicè Romæ fidem Catholicam proficitur. 1.6.56. Aprilis 30. Carolus Contarenius, & die 5. Junii, Franciscus Cornelius Venetiarum Duces moriuntur. Poloni, Tartarorum viribus aucti, arma arripiunt, & Suecos Regno expellunt. Religio Cruciferorum & Sancti Spiritus, Alexandri VII. jussu extinguitur: pestis Neapolim, Genuam & Romam afflixit & ferè destruxit. Veneti de Turcis, navali victoria ad Dardanellos in Morca obtenta, triumphant. Aquisgranum subito exorto incendio miserè conflamat. 1.6.57. die 2. Aprilis Ferdinandus III. Imperator moritur. Ragozius Transylvanus Poloniæ Coronam ambiens, à Polonis & Austriacis cæditur. Austriaci, Poloni, Dani & Brandenburgius adversus Suecos uniuntur. 1.6.58. Leopoldus I. frustra contradicentibus aliis, Romanorum Imperator eligitur. Cromuellus moritur, ei que succedit in Prorectorem Richardus filius, minori verò auctoritate. Dux Mutinæ Franciscus moritur, cui succedit Filius Alfonsus IV. & Bertucius Valerius, Dux Venetiarum dies clausit 30. Martii. Memorabilis annus 1.6.59. propter pacem sanctam inter Hispaniæ & Galliæ Reges. Sueci Hafniam, medio hyemis & aquis congelatis, cruenta audacia expugnant, summa autem suorum strage repelluntur. Fridericus Dux Holsatiæ moritur, & Joannes Pisaurus

Pisaurus Dux Venetiarum, prima Octobris. Tyberis inundatione, Roma anno 1.660. affligitur; sic Polonia, Apulia, aliæque Civitates, ab aquis exundantibus multa damna accepere. Germaniæ aliquot Civitates fortuito igne pereunt, & Constantino-
polis horribile patitur incendium. Carolus Gustavus Rex Sue-
tiæ moritur, & multi Principes hoc anno obire, ut ex Historiis
pater: hæc ex hoc Cometa annotavi, cum ejus effectus adhuc
durent.

Sed non transibit hoc sæculum, quin novum in Cælo lu-
men, post patratam Superiorum conjunctionem, oculis nostris
se conspiciendum ostendet: sic scripsimus in Opusculo nostro,
Lugduni impresso, anno 1.662. pag. 38. cui fuit titulus: De
Causis Mutationum Sectarum, Imperiorum & Regnorum
Mundi.

Et ecce caudatus fulsit Cometes, Mense Decembris, anni
1.664. quem in Asterismo Corvi observarunt Professores. Ro-
mæ visus sub die 12. prope rostrum Corvi, parum à Tropico Ca-
pricorni distans, alii sub die 14. alii 15. alii 16. alii 17. & alii 18. satis
autem est scire, quod etsi adhuc intercapedo dierum à prima
ad ultimam observationem, tamen concordant omnes, fuisse
proximum Stellæ, quæ est in rostro Corvi: differunt verò in hoc,
quod sub die 12. ponunt circa 4. Libræ gradum die 15. in gr. 26.
Virginis, alii usque ad diem 18. inter 3. & 4. gr. Libræ: in hac dif-
ferentia latitudinis Regionum à gr. 42. usque ad 46. talis repe-
ritur Astronomorum positio. Aliqui Parallaxi sensibili caruisse
affirmant, negant alii: quidquid sit, & nos aliqua de ipso di-
cemus.

Fundamentum prædictionis nostræ de futuro Cometa,
post patratam Superiorum conjunctionem anni 1.663. mense
Octobris, non fuit fortuito positum, sed validissimis innixum ra-
tionibus: accidit die 21. Octobris Saturni & Jovis conjunctio in
gr. 13. 50'. Sagittarii, cui platicè erat juncta Venus, & de Trino
parili Mars in Leone locum illum intuebatur; anno verò 1.664.

Novembris, Saturnus, Mars & Venus fuerunt in Sagittario, & die 22. uterque maleficus in gr. 27. hujus Signi conjunctionem celebrarunt. Ex his ergo causis ortum agnoscit Cometes, qui primum à paucâ quantitate halituum corporis Saturni, qui de continuo augentur, aliorumque Planetarum expirationis accedentibus, per magnam ætheris amplitudinem vagari incipiens, nullum servat ordinem motûs, sed ut nubes aliqua à ventis commota, huc vel illuc transfertur; postea ex ingressu Martis in Sagittarium, circa diem 17. Octobris, suo motu semper appropinquantis corpori Saturni, expirationa horum Planetarum, auctæ dispositæ materiæ formam dedere, deinde in æthere condensata magnam in molem excresecientia, caudatim formarunt Cometem, qui cum non amplius in proprii Planetæ Atmosphæra manere possit, à loco, à quo impellitur, proprium motum accipit, & nobis se tradidit conspiciendum. In Sagittario ergo genitus, (in quo signo post conjunctionem 1.6.63. ferè usque ad finem 1.6.64. perduravit Saturnus) in Scorpione postea visus: à Viris fide dignis, circa initia Decembris apparuisse, typis consignatum est. Alii die 27. Novembris sub Polo 46. hora 13. Ascendente gr. 11. Scorpionis. Nautæ & alii sub Polo 38. & 39. hora 12. cum dimidia Ascendente gr. 12. Scorpionis, ejus ortum ex Calabria observarunt: antea non fuit visus ob nimiam Solis in Scorpione viciniam: sed, quia die 21. Sagittarium ingressus est, sequentibus diebus apparere incœpit: ejus locus juxta me, circa gr. 3. Scorpionis, ut ex ejus motu colligitur; primum tardo ad gr. circiter dimidium, postea ad gradum, deinde veloci, postea velocissimo, nam 12. dierum spatio, plusquam centum gradus peragrassè, & ex æquinoctio Libræ Cancrî Tropicum pertransisse observatum est, ad summum autem ad gradum fere 20. pervenit, unico tamen die, deinde in sequenti, duplici gradu diminui cœpit, postea uno, deinde adeo tardè motus est, ut vix decem minuta post dimidium

Janua.

Januarii conficeret. Latitudinem, quam Australem in initio obtinuit, circa Januarii initia in Borealem mutavit: perduravit ergo, ut diligentissimè observavi, ferè immobilis usque ad diem 25. Januarii, desinens in gr. 27. circiter Arietis, & tunc, ut Stella nebulosa vix cernebatur: postea nubes obortæ perdurarunt usque ad 3. Februarii: & tunc vix oculo conspici poterat.

Ejus figuratilis fuit. Caput multum Sole majus, caudam magnam habuit in longum protensam, in fine latam, caudæ hirundinis similem, quæ in initio versus Occasum protendebatur, in fine Orientem versus. Quando verò fuit per diametrum Soli oppositus, tam ex parte Orientali, quam Occidentali, ut Crinitus absque caudâ visus est, ad hoc etiam adjuvante Lunæ splendore. Color ejus in ortu fuit rubeus, sed ad medium Cælum appropinquans, apparuit cinereus, subfuscus cum aliquâ albedine, in caudæ medio & extremitate clarus, ut Stellæ per ipsam cernerentur: in corpore Disci globitres & quatuor cernebantur, in quibus aliquot scintillæ parvæ modò apparebant, modò evanescebant, & innumeralia puncta, quæ semper remanserunt. Cauda hæc à medio Decembris incæpit solito major apparere, deinde per tertiam sui partem excrevit, sed non multum post minui cæpit, nam die 5. Januarii hora noctis prima, ipsum observavi capite parvo, paucâque caudâ: hoc tempore colorem subobscurum habuit, caudaque erat versus Orientem, quam usque ad finem retinuit. Movebatur motu Stellarum quotidie oriens & occidens, peculiari verò alio incedebat versus Occasum, contra ordinem Signorum, aliquo pacto flexuens versus Austrum. In principio cauda versa erat ad Occidentem, in medio ad Septentrionem, & sic Leonem & Cancrum respiciebat, in fine verò ad Orientem: Parallaxim non habuisse affirmant Auctores melioris notæ, quod autem quidam pauperes consilio adducunt, in initio fuisse sub Luna,

& parallaxim magnam habuisse, eò, quia Romæ apparuit in Rostro Corvi, Patavii sub prima Hydræ flexione, alibi in fundo Crateris &c. hoc enim dependet ex propria uniuscujusque observatione, tum ratione diversitatis dierum & locorum, tum instrumentorum, quæ addita aliquorum imperitiæ, non est mirum, si ut cæci simul concertent, cum inter illos nondum proprius assignatus fuerit huic Phænomeno locus.

Afficientur ergo loca, quæ Scorpionis usque ad Arietem subjiuntur, per hæc enim signa perambulavit Cometes, & magis eorum effectus experientur, dum Sol per hæc signa percurrit, quibus verò fuit Verticalis, magis validi erunt. Civitates, quibus innotescit Horoscopus, si per ipsum pertransivit ad proximos gradus, non erant immunes; Romæ enim & Venetiis innotescit Ascendens inter alias: si verò tetigerit Principis alicujus Horoscopum, mors erit præ foribus: hoc verò non intellige de Cometæ per signa transitu, sed de signo, in quo genitus fuit & apparuit. Hinc Alexander VII. Astrològos Romæ de Cometa gartientes, carceribus inclusit, non sine totius Orbis cachinno: alicui enim Papæ innotescere Ascendens credo, unde mortem timens, nil mirum, si in Astrològos sævit.

Circa Prognosticum nihil dico; cum parum abfuerit, quin ultimum mundi diem instare, aliqui ausi non sint scribere. Cum hic Cometa Saturninus sit, & ut supra diximus, ex habitibus magni Corporis Saturni genitus, effectus pariet de naturâ Saturni, qui quidem erunt mixti ratione Planetæ, qui fuit particeps in ejus generatione, nempe Martis & Planetæ, qui Cometæ corpori erat junctus, nempe Mercurii; sicut etiam ex ejus colore id affirmare possumus, certum enim est, quod Sole in Scorpione existente, tunc genito Cometâ, Mercurius erat in Scorpione retrogradus, imò die 25. Novembris mane horâ 13. circiter Horologii sub Polo 46. sicut horâ 12. cum dimidiâ sub Polo 38. 39. 40. Ascendente gr. 12. Scorpionis erat in Oriente Mercurius, & Cometes in Scorpionis initio, Luna verò de trino ex Piscibus Cometam intuebatur.

Circa

Circa aëris statum, hæc ab ejus apparitione usque ad totum Majum observavimus: à die 25. Novembris usque ad diem 17. Decembris, tempora fuere nubila cum pluviis multis, & solum quatuor vel quinque dies sereni fuere, non tamen sine nubibus, aut mane, aut sero: die 17. celebrata Luminarium conjunctione, usque ad finem mensis serenitas secuta est, non tamen sine frigore & nubibus aliquando. Nubila incepit dies anni prima, totusque Januarii mensis, modò serenus, modò turbatus, caliginosus, ventosus: à die enim 15. usque ad 28. magna cecidit de Cælo nix, non tamen quotidie, postea secuta est glacies, cum frigore tali intolerabili, ut arbores intulæ, ut Mala citria, Medica, & alia hujusmodi non solum in nostris partibus, sed in Apulia etiam, aliisque Italiæ locis extincta fuerint. Februarii ferè totus pluviosus & nimbosus. Martii initia serena, frigida, circa medium nebulosa: diès 19. annotabilis propter nivem, quæ per tres circiter horas ad ovi magnitudinem cum vento magno perduravit, reliqui dies pluviosi & nubili, Aprili serenitatem pararunt usque ad diem 10. qui tota die & nocte, cum pluvia & vento magno perduravit, reliqui dies sereni usque ad 25. aliquando verò cum nubibus: à die 25. usque ad finem Venti magni fuere cum paucis imbris, frigus verò hyemale; hoc tempore rure multa cecidit de Cælo nix, in variis locis Patavii, Vincentiæ & Veronæ horrida grandis. Maius usque ad Novilunium, nocte diei 14. diès habuit pluviosos, turbidosque, maximè noctem 4. & diem 5. qui fuere cum tonitruis, fulguribus, vento & pluvia magna: die 17. hora 22. turbo eum vento magno, tonitruis & fulguribus in magnam pluviam mutatur, reliqui dies, usque ad finem mensis, nunquam fuere absque nubibus, modò mane sereni, modò turbidi post meridiem: circa diem 20. aër incallescere cœpit: nox diei 27. & totus 28. habuit pluvias, terminat cum sereno mensis: & hæc circa aëris mutationem usque adhuc observavi.

Quo ad morbos, Rheumata multa, pleuritides spuræ & exquisitæ, & quod peius, mortes inopinatæ multæ Venetiis,

Eff. 3.

fuere.

fuere. In quodam Mediolani subdito loco, qui Vallis Saffina nuncupatur, Morbus Epidemicus incepit, triū vel quatuor dierum spatio homines enecans. Taurorum mortes, aliarumq; beluarum inopinatæ, repertis pulmonibus putridis: quod quidem signum pessimum est, futuram pestem prænuntians. Pestis Crete Turcas affligit. Turcæ Dalmatiam invadunt, sed usque adhuc dormiunt. Revolutiones in Polonia pro Regis Electione, Rege adhuc vivente Casimiro. Bellum Angliæ (à nobis prædictum pag. 30. Nostri Opusculi supra citati) cum Hollandis: hoc autem loco annotatione dignum est, Antiquos Astrologiæ Professores Hebræos, Saturno subjectos fecisse, ut Planetarum primo, ipsi verò Religione primi, ut notum est; cum autem Cometes hic Saturninus sit, effectus etiam in ipsos produxit, nam cum esset Bacchanalium tempus, personatus quidam Christianus, eorum linguæ non imperitus, in Synagogis de lege Moysis differebat, textus Prophetarum adducens, hocque faciebat ad animi solatium, his punctis Hebræi ipsum pugionibus confoderunt, vivo relicto, occurrentibus præ rumore Christianis, hocque fuit die 13. Januarii: mane sequenti talis surrexit plebeierum rumor atque tumultus in ipsos, nam per viam repertos multis verberibus onerarunt, alios aquis ferè suffocarunt, quæ omnia & peiora secuta fuissent, nisi Scenissimus & Prudentissimus Senatus aliquos (Christianos tamen) carceribus includens, frenum huic plebi imposuisset.

Hæc ergo sunt Cometæ hujus effectuum initia, qui in multis annos sunt duraturi, quia signum est fixum. Erunt ergo terræ motus, grandines, venti impetuosius, pluvix magnæ inexpectatæ, unde inundationes fluminum & ruinæ agrorum, anni tempora instabilia, frigus in ipso æstu parientia: quoad morbos, mortes inopinatæ, maximè in juvenibus, morbi acuti & maligni, vitia urinæ, dissenterix, apostemata, pleuritides, ipsaque pestis, & forsan aliquis morbus incognitus, qui in Epidemicum converteretur.

Circa

Circa statum Mundi, quia apparuit in signo Maurorum, ut ille Hali anno 1. 200. de quo supra diximus, prælia, Regionum depopulationes & mutationes in legibus sunt expectanda, non sine novo aliquo Sæctario: afficientur loca Scorpionis subjecta, & Triplicitatis ejus, qualia autem sint, ponemus in fine Eclipsium, sed non hæc sola hujus Cometæ experientur effectus, sed quia perambulavit à Scorpione usque ad Arietem, & loca omnibus his signis subjecta non erunt immunia, maxime illis populis, quibus fuit Verticalis: in parte ergo Australi magis validi erunt effectus, quia postea Europam ingressus latitudinem mutavit, quod aliis dedit, & nobis afferret; nam Hispaniæ, Galliæ, Italiæ postea fuit Verticalis. Saturnini & Mercuriales malum in complexione persentient, animique pathemata experientur, quibus verò tetigit Thematis Natalitii Horoscopus, Deo se commendent.

Secundus Cometæ nomine Xiphias, instar gladii Cretæ visus est die 12. Decembris, hora noctis octavâ circiter, inter Orientem & Meridiem: referunt alii visum etiam die 30. Novembris, ante magnum illum Terræ motum, qui hora ferè secunda noctis hujus diei Urbem fortiter concussit, multa damna afferens aedificiis & Templis: hic quidem Cometa non est idem cum primo, qui ubique est visus: de hoc secundo nullam observationē habeo, forsân annotabunt alii: si sic ergo est, ut scribitur jam de te, ô Creta, stat in Oraculis Sybillarum infaustum omen.

Alium referunt visum caudatum Cometem in mense Januarii, ex parte Orientis observatum, sed apparere potuisse non nego, causâ non ignotâ, ut dicam infra: sed vereor, ne in errorem elapsi sint, qui hunc novum crediderunt, quia de quinta Januarii visus est Cometæ parvus, cum parva cauda versus Orientem tendens (antea non visus ob nubes, à die 31. Decembris, usque ad 4. Januarii perdurantes) hora prima noctis prope Mandibulâ Cretæ in gr. 9. circiter Tauri, & quia parvus erat & parû lucidus, novum existimarunt, & sublunarē etiam crediderunt,

& ca-

& tamen erat ille, qui apparuit mense Novembris, ad declinationem tendens.

Romæ die 2. Aprilis alius visus est Cometes caudatus, sed Viennæ Austriæ die 6. hora ferè tertia matutina, in collo Pegasi: magnitudine par erat Jovi, qui simul cum Cometa videbatur supra Horizontem, lumen ejus valde clarum, cauda longissima, quæ porrigebatur versus Delphinum in oppositam Soli plagam, caudam in præsentia Lunæ retinuit ex adverso splendentis: die 7. hora secunda post mediam noctem, fuit in pectore Pegasi: die 8. ferè eadem hora cauda ejus sustendebat in Cælo gradus plus minus 20. locum habuit in armo Pegasi: ex hac ergo observatione, quantum velociter moveatur, colligi potest. Venetiis observatus die 12. Aprilis, prope caput Andromedæ in gr. 9. circiter Arietis, sunt qui perdurasse tradunt ultra diem 22. postea radiis Solis tectus, amplius non est visus.

Hic Cometa non est idem, cum primo Novembris, quamquam sint aliqui, qui hoc affirmare audent, nam ille proprio motu movebatur, ab Ortum in Occasum, hic verò ab Occasu in Ortum; si colorem respicimus, hic fuit longè clarior & splendidior illo, rubeus tamen observatus. Ille erat caudatus, caudam latam habens, hic verò strictam sursum tendens, & in medio ejus rubeus apparebat ensis, quod non solum Teloscopio, sed nudo oculo talis conspiciebatur; amplius ille Januarii circa finem tardissimè movebatur, hic verò velociter; quomodo ergo hic potest esse idem cum primo?

De loco, in quo apparuit, ex observationibus diei 2. & 6. Aprilis, in Piscibus visum tradunt, sed circa dimidium Martii à multis visum non ignoramus. Non incepit ergo in Piscibus, sed in Aquarii primo Decano ortus est, desinens in Tauro: æthereus fuit, non sublunaris.

Non mirandum ergo est de tot Cometarum apparitione, nam etiam sæculis præteritis multi appruerunt, & eodem tempore duo visi sunt, alius in Oriente, alius in Occasu: in annis

1. 6. 18. 1. 6. 19. quatuor observati sunt: nos autem Planetarum ferè omnium miram conjunctionem, mense Decembris & Januarii, causam reducimus: die 7. conjunctio Martis & Veneris: die 18. Jovis & Veneris: die 21. Saturni & Solis: die 24. Saturni & Mercurii: die 28. Solis & Mercurii: die 29. Jovis & Martis: die 7. Januarii, Jovis & Mercurii, & tandem die 16. Solis & Lunæ: hæcque omnes fuerunt in Capricorno, quod est hercle mirum, & posteris annotatione dignum; sic in anno 1. 6. 82. mense Septembris die 15. erit Conjunctio Jovis ad Martem, die 22. Saturni ad Martem, & die 30. Octobris Saturni ad Jovem, omnesque in Leone, ex quibus nova in Cælo lumina expectare oportet, aliæque apparentiæ contingent.

Coronidis loco addo, quod circa finem mensis Februarii, Astrum Veneris tali auctum magnitudine fuit & tali splendore, ut deficiente Luna, aër clarus per totam noctem perdurabat, & magis lucidus, quam in crepusculo matutino. Subrancida non loquor: res ab omnibus observata, perduravit ferè usque ad Majum. Hinc Coronatum aliquando apparens (ut in Planetis observatur) Cælo non admodum sereno existente, multi in errorem elapsi sunt, novum credentes Cometem, quod & ego nocte quâdam pro Crinito Cometâ habui, cum esset plus quam Luna auctum; cum ergo sic perpulchra apparuerit Veneris Stella, novum aliquod Astrum esset existimarunt aliqui, & fabula orta est Hebræos nunc expectare Messiam, quod quidem non est absque aliquâ ratione deductum; nam in libro Bamidbar, idest Numeri cap. 24. reperitur Prophetia Balaam filii Beor, quæ est talis. Herhenu uelò, nghata hassurenu uelò, carou darach Cochau mi ian Hiacobuecam scevet mi Israel, umacaz paade Moau, uecarcar col bene sceth: hoc est: Videbo eum, sed non modò, intuebor illum, sed non prope: orietur Stella ex Jacob, & confurget virga de Israel, & percutiet Duces Moab, vastabitque omnes filios Seth. Quam quidem Prophetiam Hebræi, quid verè velit significare, nondum perceperunt.

Gg

Multi-

Multiplicatio ergo Cometarum mala miseris mortalibus addet, nam hæc in signo humano pro certo apparuit, unde prælia multa & diuturna, quia signum est fixum, mortes inopinatæ, Epidemiam, æris commotiones cum ventis validis significat, maxime terris Aquario subjectis. Confundentur verò, aliquo pacto significata cum illis primis, maxime illa, quæ ad ærem spectant; circa verò alia magis validi erunt effectus, qui in multos annos quidem sunt duraturi: sed de Cometis satis superque.

Septima causa mutationis rerum inferiorum sunt Eclipses, in quas Ptolomæus causas constitutionum generalium rejicit: sed vir Sapiens nimium tribuit rebus, quæ super paucum tempus durationem habent; effectus enim Deliquii Solaris per duos circiter annos extenduntur, Lunaribus verò per tres menses cum dimidio circiter. Sectæ ergo, & initia vel decrementsa Regnorum, quomodo ex his oriri possunt? necesse est ergo credere, dari causas potentiores, ut sunt Conjunctiones & alia, de quibus supra diximus.

Verum tamen est, Eclipses quodammodo cæteras extimulare causas ad producendos effectus, quos & ipsæ significant; à Mundi ergo exordio fuisse Eclipses, nullus dubitare potest, nisi Astronomiæ ignarus: quando igitur prima fuit annotata, ejusque effectus, nulla vera extat memoria, cum multi multa dicant: quia verò Thales Milesius apud Græcos prædixit Eclipsin, inter miracula scribunt, & hanc, ut primam post Mundum conditum annotant. Ex ipsis verò magnæ mutationes in Mundo & calamitates subsecutæ sunt, & tunc effectus magis validi fuere, quando eo tempore aut post, magnæ Planetarum conjunctiones contigerunt, imò maximi, quando antecessit Cometa, vel Ecliptum subsecutus est; hoc enim loco de Eclipsibus Solaribus magnis, sicque de Lunaribus intelligo, parvæ enim utriusque luminaris non multam vim habent.

Ex illâ Eclipsi Thaletis regnante in Mediâ Aſtyage, multorum Regnorum in Aſia mutationes ſecutæ ſunt, & paulò poſt translatio Monarchiæ Medorum ad Perſas per Cſyrum.

Tempore, quo Xerxes navali prælio victus eſt à Themisto- cle, apparuit Cometa & Solis Magnum deliquium, die 19. Apri- lis celebratum.

Initio belli Peloponneſiaci, Eclipsis peſtem tam ſævam attulit, ut corporis partes mortuis sſponte paucis in diebus deciderent, eversa poſtea ſunt præcipuæ Urbes, & ſtra- ges innumeræ ſecutæ ſunt: ſed de his multa in Hiſtoriis repe- riuntur.

In aëre verò & tempeſtatibus variandis atque mutandis, notum eſt, quantum poſſint. In igneis ſignis ſi accidunt, ma- gnos & diurnos æſtus excitant, aquas fluminum abſumunt, maximè coadjuvante Saturni & Martis congreſſu: è contra in ſignis aqueis, imbrium frequentiam, exundationes & diluvia procreant: in aëreis ventos validos, ſiccitatem in terreis. Hinc Cardanus Aphor. Segm 7. Aphor. 52. inquit, cum multiplican- tur Eclipses Magnæ, ut ab anno 1.5.39. ad annum 1.5.45. neceſ- ſariò ſterilitas ſuccedit ſequentibus annis, refrigeratur enim terra & exſiccatur: hinc Aphoriſmo antecedenti dixit: Ecli- pses Solis multum refrigerant. Ego autem in illa anni 1.6.54. die 12. Auguſti, totum oppoſitum obſervavi: fuit enim in Cœli Medio in gr. 19.35. Leonis cum aſſiſtentia Martis, Saturni & caudæ Draconis: die 11. talis fuit obſcuratio mane, ut multi exiſtimarint, Aſtronomos in errorem elapſos eſſe, totâque hac die pluit: die 12. ante Eclipsin pluit, ſed parum poſtea ſere- na luxit aura: fuit quidem magna, quia ex duodecim Diſci So- laris partibus, novem circiter tegit Lunare corpus: ſed tali inſenſibili obſcuratione, quæ mutata eſt in vulgi deriſum, dum Aſtrologi, Stellæ primæ Magnitudinis apparere, & diem in tenebras mutandum, ſcribere ſint auſi. Hoc die ali- qui inſani facti ſunt. Terræ motus fuit in Monte Caſſino,

& æstus magnus ortus est per multos dies perdurans. Die verò 27. fuit Eclipsis Lunæ, circa horam quartam noctis, & ante Solis ortum turbo Magnus, cum vento horribili, tonitruis, fulguribus & pluvîâ, tunc verò cum fulminibus & ventis, qui arbores vetustissimas explantaverunt.

Notat Rabbi Moyfes in Aphor. particula 15. quod in Sicilia accidit Eclipsis Solis magna, & in illo anno mulieres, filios deformes & bicipites plures nos peperere.

Qui ergo nascitur hora Eclipsis à maleficis per conjunctionem afflicta, aut paulò post moritur, aut non multum vivit: cæteri radii eorum, non tantum nocent, quantum conjunctio, & maximè, si fuerit partilis.

Laduntur ergo Adulti, si fuerit Eclipsis gradibus propinqua Ascendenti Nativitatis, nam in eodem gradu pauci inter vivos remanebunt, alios morti propinquos vidimus..

Civitates seu loca signo Eclipsis subjecta afficiuntur, maximè verò illa, quorum Ascendens proximum est gradibus Eclipsis, & tunc effectus decernitur validior: afficiuntur verò non solum eadem signa subjecta, sed reliqua ejusdem Triplicitatis. Affici ego etiam observavi loca sub Quadratis: Sed in hoc post locum defectivum, Angulum succedentem considerare opus est..

Ab anno 1.6.65. usque ad 1.700. vix sex Solis Eclipses in nostro Hæmispherio conspiciuntur, inter quas magna Solis 1.6.66. die 1. Julii, hora 20.27'. post Meridiem in gr. 10.26. Cancri, & Luminaria à maleficis hostilibus radiis affliguntur. Maxima 1.6.84. die 12. Julii, hora 3.21. post Meridiem in gr. 20.49'. Cancri in octava mortis domo, cum Conjunctione Martis & Mercurii, cujus deplorabiles effectus usque ad 1.6.87. extenduntur. Civitates Cancro subjectæ validos experientur effectus, sed etiam ea sub Ariete mutationes & revolutiones expectent.

Anno 1.6.99. die 22. Septembris hora 13.24. post Merid-
em magnum erit deliquium in gr. 0.2'6. Libræ, cujus significa-
ta super Sacra & Pontificatum extenduntur; cum verò malefici
in domibus Religionis partiliter opponantur, & Mars in
Ascendente Romæ, non nisi mala parantur; sed omnia tandem
felicissimum sortientur exitum, cum exaltatione Fidei Christi,
pace & Jubilo credentium in ipso.

Sed quia tum in Conjunctionibus, Cometis vel Eclipsibus,
de locis Signis Zodiaci subiectis locutus sum, Regiones & Urbes
quasdam illis subiectas hoc loco annotabimus, ut posuerunt
Astrologi; ego enim hac in re non omnia probo, quæ posuerunt
illi, cum omnino nondum sim expertus, alibi forsitan, Deo favente,
de his dicemus.

ARIES subiectas ex Regionibus habet Britanniam mayo-
rem, seu Angliam, Galliam, Germaniam, Sueviam, Silesiam su-
periores, Poloniam minorem, Burgundiam superiorem, ba-
sterniam, Syriam, Palestinam. Ex Urbibus Neapolim, Capuam,
Anconam, Ferrariam, Florentiam, Veronam, Bergamum, Lin-
daviam, Traiectum; Marfiliam, Brunsvicum, Epidaurum, Cra-
coviam, Augustam Cæsaream:

TAURUS, Russiam albam, Poloniam maiorem, Sueciæ par-
tem septentrionalem, Hyberniam, nunc Irlandiam dictam, Lo-
tharingiã, Campaniam Helvetiam, Rhetiam, Franconiam, Par-
thiam, Persiam, Cyclades Insulas, Cyprum & maritima Asiæ mi-
noris loca. Ex Urbibus Bononiam, Senas, Mantuam, Taren-
tum, Panormum, Perusium, Parmam, Caput Histriæ, Brixiam;
Tigurum, Lucernam, Nancum, Metim, Herbipolim, Carolo-
stadium, Lipsiam, Posnaniam, Gnesnam, Novogardiam.

GEMINI. Sardiniam Longobardiæ partem, Flandriam,
Brabantiam, Wittebergensem Ducatum, Hircaniam, Arme-
niam, Marianam, Cyreniacam, Marmaricam & Aegyptum infe-
riorem. Ex Urbibus Cordubam Hispaniæ, Viterbium, Cese-
nam, Turinum, Vercellas, Regium, Lovanium, Brugum Flan-
driæ,

driæ, Londinum, Moguntiam, Kitzingiam, Hasfordiam, Bambergam, Villacum, Noribergam.

CANCER. Scotiæ & Granatæ Regna, Burgundiæ Comitatum, Hollandiam, Selandiam, Prussiam, Numidiam, Africam, Bithyniam, Phrighiam, Colchidem, Carthaginem. Ex Urbibus: Constantinopolim, Tunetum, Venetias, Genuam, Lucam, Pisas, Mediolanum, Vincentiam, Bernam, Treverim, Eboracum, S. Andream, Lubetum, Magdeburgum, Witebergam, Gorlicium.

LEO. Galliam togatam, Alpes, Italiam, Siciliam, Apuliam, Bohemiæ Regnum, Turciæ partem, Æmiliam, Sabinam, Phæniciam, Chaldiæam, Orchinam. Ex Urbibus: Damascum, Syracusas, Romam, Ravenam, Cremonam, Ulmam, Confluentiam, Pragam, Lintzium, Cremisium.

VIRGO. Achaiam, Græciam, Croatiam, Carinthiam, Arthesinam, Cretam Insulam, Rhodum, Atheniensem Ducatum, Galliæ Comatæ partem, Rheni partem, Silesiam inferiorem, Mesopotamiam, Babyloniam, Assyriam. Ex Urbibus: Corinthum, Novariam, Aretium, Cumas, Hierosolymam, Brundisium, Papiam, Siginam, Tolosam, Lugdunum, Lutetiam Parisiorum, Basilæam, Heidelbergam, Erphordiam, Urtislauiam.

LIBRA. Austriam, Alsatiam, Livoniam, Sabaudiam, Delphinatum, Thulciam, Bæstrianam, Caspiam, Seres, Thebaidam, Oatim, Trogloditicam, Sundgaviam. Ex Urbibus: Olyssiponem, Arelatum, Caietam, Laudam, Sueffam, Placentiam, Feldkirchium, Friburgum Brisgoiæ, Argentinam, Spiram, Francfordiam ad Mœnum, Halam Suevorum, Wimpinam, Heilbrunnam, Frisingam, Mospachium, Landshuttum, Viciam Austriæ, Antverpiam.

SCORPIUS. Norvegiæ, Bavariæ superiorem, Metagontidem, Comagenam, Cappadociam, Dumæam, Mauritiam, Regnum Feisanum, Getuliam, Cathaloniam. Ex Urbibus:

bus: Algeram, Valentiam Hispaniæ, Trapezuntum, Urbinum, Aquilegiam, Pistorium, Camerinum, Tarvisum, Patavium, Forum Julium, Messanæ, Viennam, Aichstadium, Monacum, Gedanum, Francofurtum ad Viadrum.

SAGITTARIUS. Hispaniam, Dalmatiam, Sclavoniam, Ungariam, Moraviam, Misniam, Celticam, Thyrenniam, Arabiam felicem. Ex Urbibus: Toletum Hispaniæ, Volatenas, Mutinam, Narbonam, Avennionem, Coloniam Agrippinam, Studgardiam, Rotenburgum, Indeburgum, Budam, Caschoviam.

CAPRICORNUS. Macedoniam, Illyridem, Thraciam, Bessinam, Albaniam, Bulgariam, Græciam, Masoviam, Lituaniam, Saxoniam, Hassiam, Thuringiam, Marchiam Styriæ, Orchades Insulas, Indian, Arianam, Gedrosiam. Ex Urbibus: Juliæ, Clevoniam, Bergam, Mechliniam, Gandavum, Oxoniæ, Vilnam, Brandenburgum, Augustam Vindelicorum, Constantiam, Dérthonam, Faventiam.

AQUARIUS. Amazoniam, Sarmatiam, Tartariam magnam, Walachiam, Russiam rubeam seu Moschoviam, Sueciæ Meridionalem partem, Westphalam, Mosellanos, Pedemonitium, Baviaræ partem, Æthiopiam, Oxianam, Sogdianam, Mediam, Arabiam desertam & Petræam, Daniam. Ex Urbibus: Hamburgum, Bremam, Montem Ferratum, Pisaurum, Tridentum, Salisburgum, Ingolstadium.

PISCES. Ciliciam, Calabriam, Portugalliam, Galitiam, Normandiam, Phasianiam, Nasamoniam Lybiæ, Garamantes, Lydiam, Pamphyliam, Ægyptum superiorem. Ex Urbibus: Alexandriam, Sibiliam sive Hissalim, Compostellam, Parentium, Rothomagum, Uvomartiam, Ratisbonam.

Sed hæcenus de Fato, per causas Cœlestes satis abundè locuti sumus, nunc ex vi Numeri ipsum patefacere licet, quantum in Regnis & Rebus publicis possit.

Plato in suis de Republica libris, horum motuum Cœlestium, ignarus, inquit, Rempublicam à se institutam sortiturâ esse mutatio-

mutationem & exterminium, etsi sua documenta non mutaret; reduxit verò Rerumpublicarum mutationem ad Numerorum Harmoniam deficientem: deficit autem, quando discedimus ex quarta & quinta Numeri Nuptialis, qui à Monade incipit, & remanet Virgo Inviolabilis, & in latera descenditur proportionem duplici, per numeros pares & impares, sic rectè fundata Respublica in longum protrahetur, usquequò manebunt Unitatis concentus, & est Quarta, & ex Monade ad Ternarium, & est Decimaquinta, sic ex concinnitate & inconcinnitate concentuum dependent mutationes, destructionesque Rerumpublicarum: hæc autem omnia à Numeris deducit Divinus Plato. Quod etiam perpulchrè ponit Doctor Rosales Hebræus in suo Fœtu Astrologico.

*Haud aliter criticos, metuendâq; tempora seclî
quodque habet Imperium: quibus alia è sede ruina
aut lapsu antiquo discrimina magna minatur.
hinc cadere, hincque datis numeris, & tempore certo
collabi, sentitque sibi interiora moveri.
si forte agrotans Regnum mutarier aptum est;
res sicut natura suas producere nata,
quatuor essendicunctis sua tempora certo
constituit numero, queis primum robora sumit
principiî in puncto, ad Natalis Thermatis instar
crescit, tuncque datus, augmentumque accipit Astris;
Statque illo numero Stelle, quem dirigit arcus
principiî domina, ast tandem Fata ultima tangit.
Sic quoque in Imperiis statuuntur tempora: regnum
crescit & augmentum sumit, statque undique firmum,
finito at numero, ut sidus metitur Olympi
Natali in proprio, sic denique sine tenetur
declinare suo, seu res hac sorte creata,
hauderit aeternum; nam nil sub Sole videmus*

perpe-

*perpetuum; Numerus cunctis dominatur ubique
rebus, & Imperiis nullo discrimine fixus.*

Si ergo videmus quibusdam annorum circuitibus Regna mutari, vel majus suscipere augmentum, vel ad nihilum redigi; hinc quidam Numeri enati sunt, quos vocant Cabalisticæ Perfectos, qui quidem non tantum ab ipsis Regnis auspicantur, sed à numero Regnantium, vel Regimine illorum,

*Nam Numerus virtute viget, vis conditur intus,
Nominibus sacris ignoto nomine plena.*

Numeri autem Perfecti tres ab ipsis enumerantur, nempe. 6. 28. 4. 96. ex quibus medio Arithmeticiæ Scientificæ, vel Algorithmi Cossici ex ipsis deducuntur, tum Quadrati, tum Cubi, qui in mutationibus Regnorum mirabiliter inserviunt. Platoni autem familiares sunt, tum Quadratus, tum Cubus ex Duodecimo, quem ultimum Fatalem vocat.

Primus ergo Numerus non potest inservire durationi Imperiorum vel Rerum publicarum, sed tantum Regibus & Regimini illorum, adjuvat enim Regna Tyrannis, unde ut plurimum (nisi alia fors succedat) miserè pereunt.

Quadratus à Sexto vitæ Regum infausus, maximè si addatur radix, ut observatum est in Ludovico XIII. Galliarum Rege, qui anno ætatis 41. dies clausit.

Secundus Numerus Perfectus est 28. qui observatur tum in morbis, tum in ætatibus, quo tempore plerumque mutationes accidunt: pessimus autem est, cum vitam ut plurimum auferat, & ex hoc dependet magna Solis Revolutio, quæ hoc annorum numero perficitur: quadratus ergo, qui ex hoc deducitur, est 7.84. qui solet finem Regnis & Rerum publicis afferre, vel mutationem & pericula magna. Si enim accipiat hic numerus à Reformatione

Hh

tione

rione Principum Venetorum, quæ fuit anno Christi 7.41. incidet in annum 1.5.26. quo tempore fœdera Veneti inter Pontificem, Gallorum Regem & Henricum Angliæ Regem, cum Francisco Sfortia, contra Cæsarem iniierunt, & cum hi Numeri non sic statim omnia agant, sed tempora tantum demonstrent, factum est paulo post, ut Veneti modò cum Pontifice, modò cum Gallis, cum Cæsare vel Hungaris, aliisque adhaerescerent animum porrexerint, ut suis fermè omnibus exuti, ad extremum exitum devenerint, quod in Historiis clarum est.

Tertius Numerus Perfectus est 496. qui proprius est mutationibus Rerum publicarum. Hic numerus reperitur à fundatione Albæ, usque ad ejus destructionem, & Albanorum Republicæ terminium, à Tullo Hostilio paratum: sic à primo Hebræorum Rege Saulo, usque ad ultimum Sedechiam, qui captivus factus fuit, cum primùm vidisset suorum populorum captivitatem & Republicæ ruinam: in hoc verò casu est quædam discrepantia annorum, quæ à Talmudistis annotatur, quidquid sit ex redivit Hebræorum, & reintegratione Republicæ sub Zorobabele, usque ad tempus, quo Herodes à Romano Senatu Rex nuncupatus est, hic numerus extat. Idem est à Siagriò ultimo Proconsule & Romanorum Vicario in Regno Galliæ, qui occisus est, usque ad Hugum Capetum, qui Rex factus fuit. Item ab Octaviano Augusto, usque ad Augustum minimum, qui Augustulus dictus fuit, occisus ab Odoacro Rege Herulorum, præcisus Numerus invenitur: sic à Constantino Magno, usque ad illum Constantium, qui à Mahumethe Turcarum Rege vitæ & regno spoliatus est.

Post hos Numeros præcipuos, sunt illi ex Climateticis, nempe Septenarius & Novenarius, postea Decas & Duodecimus: hi autem non tantum in Regnis ipsis, sed etiam in Regnatoribus observantur. Alexander enim Magnus post obtentam Monarchiam, regnavit annos septem, sic Status Atheniensis sub Typo Monarchiæ, à Septem Judicibus rectus fuit, uno
post

post alium Septennio gubernante. Joseph primus Dux ex domo David, annos septem rexit, sic Massos, Naum, Amos; Scirach quatuordecim, ut ex Philone colligitur. A fundatione Romæ, usque ad excidium, quod ab antiquis Gallis patratum est, sunt anni 3.64. qui sunt Septenarii integri, sic ab excidio Carthaginensi, usque ad illud Urbis sub Totilo Gorthorum Rege, sunt anni 700. Infula Rhodus, anno Æræ Christianæ 6.35. à Muaviâ Ægypti Sultano Saraceno, instar turbinis cum suis populis occupatur, & sub ejus potestate fuit annos 6.72. in sequenti de eorum manibus erepta est. Religio Cruciferorum, quamvis ipsi dicant initium habuisse à Cyriaco Episcopo Hierosolymitano, qui ostendit Helenæ locum Crucis, alii à Cleto Pontifice Tertio, quidquid sit, ex Joannis Lucidi Samothei Chronologiâ annotatur expressè, hanc Religionem confirmatam fuisse (sic alias) circa annum 1.2.43. confirmator autem fuit INNOCENTIUS QUARTUS P.O.M. DE FAMILIA FLISCA. huic anno si addamus tempus destructionis, jussu Alexandri Septimi, in anno 1.6.56. emergent anni 4.13. qui sunt Septenarii Perfecti. A victoriâ Hebræorum contra Aman, usque ad illam Judæ Machabei, adversus Antiochum Syriæ Regem, sunt anni 3.43. qui est Cubus perfectus, utraque Victoria fuit die 13. Mensis Adar.

Observatum est hunc Cubum 3.43. renovare Regna Monarchis, quod autem hoc verum sit, nunc demonstrabo. Nulli dubium est, quod Ottomannus Auctor fuit Monarchiæ Ottomannicæ, accipiamus Epocham, incidentem in annum Christi 1.300. hæcque est Hægira Turcarum, addo huic Hægira Cubum 3.43. & fit numerus 1.6.43. quo tempore facta fuit illa Superiorum conjunctio in Piscibus, significans dilatationem Imperii, nonne paulò post incepit incessans bellum contra Venetos, & 1.6.45. Caneam eripuerunt? à radice numeri 35. qui à Septimo componitur, quadratum fit 1.2.25. si huic addas annum fundationis Civitatis Venetiarum 4.20. resultat idem annus 1.6.45.

De Novenariis non defunt Exempla : à primo enim Venetorum Duce , qui fuit anno 6.97. usque ad reformationem (nam Tertius à populo occisus est , & institutus fuit Magistri Equitum Ordo , qui per quinquennium duravit) quæ fuit anno 7.42. sunt anni 45. qui sunt Novenarii : eodem anno 7.42. eligitur post mutationes iterum Dux Theodatus Hipatus Urſi filius, usque ad Petrum Candianum improbum hominem, qui Principatum in manifestam Tyrannidem vertere incipiens, anno Regiminis 24. à populo tumultuante, multis vulneribus confossus est simul cum parvo filio, & corpora exposita, ut à canibus lacerarentur, hoc fuit Imperante Othone Secundo , anno 9.76. & sunt anni ab utrâque mutatione 2.34. Rhodus ab Europæis Christianis de manu Saracenorum eripitur, anno 1.3.08. & traditur militibus sub ordine Joannitarum , sub Magistro velut Principe suo agentibus, à Mahometho verò, terrâ marique summis viribus oppugnatur 1.4.79. numerantur ergo inter raptum de manu Saracenorum & afflictionem Mahumethanorum anni 1.71. Hægira Ottomannica incepta, ann 1.300. si ducatur ad tempus casus Bizantii in anno 1.4.53. emanabunt anni 1.53. à Bizantio capto ad Regnum Cypri 1.5.70. sunt anni ex Novenariis 1.17. Cyprus enim datus fuit sub tutelâ Venetorum, anno 1.4.88. & duravit sub eorum auspicio, annos circiter 81. qui erat 1.5.69. insidiæ à Selimo incoeperunt & raptum est anno 1.5.70. qui fuit 81. cum dimidio , ut ex Historiis illius Regni colligitur : sub Henrico Dandulo Venetorum Duce , Creta data est à Bonifacio Montisferrati Principe, nam capto ab Occidentalibus Bizantio , cum à fociis ingens auri pondus Venetis deberetur, petente Balduino Novo Imperatore, & cæteris idem contendentibus, eam in solum Reipublicæ dedit, anno Christi 1.2.04. cui si addamus annos ex Novenariis 4.41. incidet in annum amissionis Canæ 1.6.45. item anno 1.5.37. Solimannus Classẽ maritimam Corcyram versus misit, & Barbarubea Cretam aggressus est (& tunc Veneti Victoriã consecuti sunt) huic anno si addamus 1.08. appare-

bit idem annus amissionis Canæ 1.6.45. Sultanus Hibrain, qui à populo fuit jugulatus 1.6.48. die Augusti 17. in ordine Ottomanorum est decimus octavus.

Decas observatur modò prospera, modò ambigua, tum in ordine Regnantium, tum in annis Regiminum. Sic observatur ex Esaiâ, qui prædixit in Judæa novem Reges regnatuuros, & quod decimus simul cum populo factus esset captivus, & tota Respublica destrueretur, quod evenit; sic observatur non tantum in Decade ipsâ, sed in compositione numerorum ex ipsâ. Trigesimus enim numerus ex Decade compositus est & fortis, maxime in Regnis, sic triginta fuere Tyranni Galieni: multa colligi possunt ad hanc rem spectantia, tum ex Scriptura Sacra, tum ex Historiis; nam si consideramus à tempore Tabernaculi & Legis datæ, ad inchoatum Templum Salomonis, videbimus, quod Moyses præfuit annos 40. sic Othoniel. Aioth. 80. Delbora. 40. sic Gedon. Abialon. 10. Sampson. 20. Hæli. 40. sic Samuel, Saul & David: reliqua ex Historiis colligi possunt. Observamus etiam, quod Ducatus Mediolorani sub Domo Langleria, quæ est est Viscontium, duravit per annos 400. nam post mortem ultimi ex illâ dōmo descendentis, anno 1.4.48. facta est mutatio magna, & à populo tumultuante electi fuere duodecim Senatores, & factus est Status Democraticus.

Numerus ultimus mutationum Rerum publicarum, & ille Platonius, ex Duodecimo, à quo deducto tum Quadrato, tum Cubo, non tantum simplicem mutationem; sed totalem annihilationem Dominia experientur. Sic Romana Monarchia, sub dominio Regum duravit per annos 1.44. qui est Quadratus ex duodecimo: Scio enim, quod hic Numerus non multum absit à Sectâ Lutheri, proinde mutationem expectet, maxime cum indicat sub Trigono, Foundationi Sectæ adverso. Crede mihi, quod NON PRÆTERIBIT HOC SÆCULUM, ABSQUE MUTATIONE AUT REFORMATIONE RELIGIONIS.

Emmanuel Boccaro, y Rosales, Lusitanus Hebraeus, Vir insignis tum in Astronomiâ, tum in Cabalâ, in suo Fœtu Astrologico dicit hunc numerum L. 44. vocari Orbem Jovis, quo addito Caroli Quinti Nativitati producit 1. 6. 44. quo tempore fuit pax facta in Imperio, & Suecus invasit Danum, qui illius pacis intercessor habebatur. Addit alibi, Austriacos passuros esse propter Ascendentes, qui ausi sunt facere bellum contra Pontificem.

Ego quidem fateor me nescire, quare talis numerus vocatus Orbis Jovis, quia omnes Orbes sunt æquales per annos 360. deinde ad quid ponitur nativitas Caroli Quinti? quia forsan ex illâ eventura in anno 1. 6. 44. scire poterant? miror tantum Virum hæc ridicula ponere.

Numerus talis sic deduci potest, addendo tempori Electionis quadratum, & resultabit annus 1. 6. 63. vel secundò, si respiciatur bellum sacrum, incidet in annum 1. 6. 71. quod autem primum sit verum, observetur subtilitas nostra.

Numerus iste constat ex Radice Duodecimi; Radix autem Duodecimi ex Geometriâ est Trias, cujus Trinus est Sex, Quadratus, Novem, Pentagonus, Duodecim; in hoc numero Duodenario sunt omnes Numeri inservientes mutationibus Regnorum, de quibus supradixi, nempe. 6. 7. 9. 10. 12. ad hoc autem, ut vera fiat operatio, subtrahò 12. ab anno 1. 6. 63. & remanet annus 1. 6. 51. Hoc anno incipit Revolutio Imperii, dum agitur de creatione Regis Romanorum. Addo radicem duodecimi, & fit annus 1. 6. 54. in quo moritur Rex Romanorum Ferdinandus. Accipio primum numerum mutationis, qui est dimidium Duodecimi, & addo 1. 6. 51. & fit 1. 6. 57. quo tempore moritur Imperator Ferdinandus. Addo Sexto Monadem, vel accipio secundum numerum mutationum, qui est Septimus, addendo 1. 6. 51. & resultat annus 1. 6. 58. in quo pro Electione Cæsaris, variæ fuere revolutiones & implicationes; quidquid sit, electus est Leopoldus Primus, postea sequentibus annis, antequam impleteretur numerus in anno 1. 6. 63. Turcæ Imperium perturbant, & non multum

rum post Pax succedit, quæ non sine magnâ Principum admiratione per Orbem vulgatur.

Ex Duodecimo Cubus Fatalis extrahitur. 1. 7. 28. qui reperitur completus à primo Rege Assyriorum Nino, usque ad ultimum Regem Persarum Darium, in pugnâ Arbela trucidatum. Idem invenitur à Diluvio usque ad destructionem Regni Judæ, & excidium Hierosolymæ & incendii Templi.

Notat Doctor Emmanuel Rosales hunc Cubicum 1. 7. 28. & dicit, quod Julius Cæsar fuit antiſ 63: ante Christum, si demas ab hoc numero hos annos, remanet 1. 6. 65. Epochæ Christi, tempus timendum pro prædictione & Imperio.

Ego quidem me nescire fateor, Cæsarem fuisse ante Christum annos 63: differentia Chronologorum versatur circa duos vel tres annos, parum minusve; unde cum hæc opinio defendi non possit, Prognosticum ejus in anno 1. 6. 65. ex hoc numero deductum, erit falsum, ut nunc demonstrabo.

Cajus Julius Cæsar Dictator primam Dictaturam habuit, & unâ Imperium arripuit, anno Urbis. 7. 06. qui erat primus prope finem Olympiadis. 1. 83. ut notat Eusebius & Joannes Lucidus. Vixit autem Dictator perpetuus per triennium cum septem mensibus: conspiratione autem Bruti & Cassii, Idibus Martii, anno ætatis 56. gladiis confossus est, anno Urbis, 709. cui deficiebat mensis unus, & dies quinque, quantum est à 15. Martii ad 20. Aprilis, quod est initium Urbis: anno 43. ante Christum, correxerit Calendarium, & annotavit in eo unitatem Cycli Decem: novenalis, id est Aurei Numeri Calendis Januarii, & tunc fuit Luna prima eo anno, ut ex Supputatione Astronomicâ apparet, anno verò 44. ante Christum illa anni emendatio omnibus innotuit, & observari cepit.

Natus est Christus Dominus, anno ab Urbe condita 7. 52. & in illo ultimo anno deficiebant ferè quatuor menses, scilicet, quantum est à die 25. Decembris, quando natus est Salvator ad diē 20. Aprilis, quando incipiunt anni Urbis condita, & tunc erat
annus.

annus 42. Imperii Augusti. Videat nunc Doctor Rosales, an Cæsar fuerit ante Christum annos 63. nam nullam reperio Supputationem annorum, illius assertioni inservientem, nec est dicendum, quod, cum Hebræi duos habeant annos, Communem unum, habentem menses Lunares duodecim, Embolismicum alium, habentem tredecim, & quod aliud anni principium sit in æquinoctio vernali, aliud in autumnali, & cum Nisam, Sivam, Heu, Tisri, Seuct, sint menses pleni, nempe ex 30. diebus. Hiar, Temus, Helul, Teuct, Adar deficient, cum constent diebus 29. (in Embolismico duo menses observantur sub nomine Adar, unus plenus, alter deficiens) Marchasuan verò & Chisleu, modò sunt pleni, modò deficientes; juxta hanc Hebræorum mensium supputationem nunquam excreset numerus annorum, pariens annos 63. ad hoc ut Cæsar sit ante Christum. Quod autem ille dicit eventurum in anno 1. 6. 65. Ego dico, quod erit circiter 1. 6. 83. dico circiter, quia sunt numerandi menses deficientes ab anno nativitatis Christi cum illo, qui incœperat, quando Cæsar fuit creatus Dictator, sed, ò mirum! idem Cubus eodem anno incidit in Pontificium Dominium, nam subtrahito tempore, quo Petrus Romam venit, & per 25. annos sedit, præcisus numerus invenitur,

Roma quæ sublimis peraget tum tristitia Fata.

Extat liber novus Anonymi cujusdam Angli, Londini impressus, hoc portentoso titulo, *Roma Ruina Finalis* Anno Domini M. DC. LXVI. *Mundique Finis* sub XLV. *Post Annum*: cujus fundamentum non ex Numericis Platonicis vel Cabalisticis, sed ex Daniele & Joannis Apocalypsi, Vaticinium suum de Romæ exitio, hoc modo deducit: dicit ergo.

Latus ille Dies jam elucescere incipit, quo Urbs ista supra dicta (videl. *Roma*) Civitas inquam illa magna, cui dominatio tamdiu super Reges Terræ, Ultrabium ulterius Domina, Nationum Regina atque Princeps, generis humani domitrix, universique

que Orbis Terrarum tandem desinet esse CAPUT. Jam vacillat mole citò ruitura suâ. TEMPUS enim MILLE scil. illi DUCENTI NONAGINTA DIES. Dan. XII. 11. Tempus tempora, & dimidium Temporis. Dan. VII. 25. & XII. 7. MENSES XLII. Apoc. XI. 2. Dies 1.2.60. Apoc. XI. 3. & tres illi DIES cum dimidio Tempus, seu Annorum numerus designatur, MILLE scil. DUCENTI SEXAGINTA ANNI Diebus pro annis positis) Tempus inquam Antichristo concessum, ad tyrannidem furoremque suum in Christi sponsam Dei viventis Ecclesiam exercendum, fermè absumptum est.

His annis addit 406. alios, tempus scil. illud, quo Ecclesia Romana ex Draconis (cui tum HONORIO nomen) concessu, Innocentii Primi R. P. rogatu hianti, efflagitationeque eblaudienti, Locorum prioritatem, suffragium & super omnes censuram, anno scil. ejus Creationis primo, à Christo verò nato 406. consecuta est &c. illis ergo annis supradictis scil. 1.2.60. addit hos annos 406. ex quibus producitur (juxta ipsum) Fatalis Romæ annus 1.6.66. hæc ille. Sed videndum est Opusculum Viri eruditissimi Theophili Spizelii, cujus titulus: Examen Vaticanii cujusdam Anglicani de ultimo excidio Romæ Anno 1.6.66. Augustæ Vindelicorum impressum, in quo perpulchrè diluit argumenta hujus temerarii, erronei & scandalosi præfagii.

Romæ ergo (cui titulum fecerant Mysticæ Babylonis, non solum Protestantium Theologi, sed etiam Pontificiorum, ipseque S. Hieronymus præf. in lib. Did. de Spir. S. scribit. Dum in Babylone versarer, & purpuratæ Meretricis essem colonus: Et cum Romæ esset ad Acellam, scripsit hoc modo. Ora autem, ut de Babylone Hierosolymam regrediar) finis expectandus est, quem, & multi bonæ conscientiæ, morumque integritate orna-

tiviri, toto ex corde exoptant. Hinc Ribera apertè fassus est, Romam, hanc Urbem fornicariam, vastandam, & evertendam esse: sed quando? non est nostrum scire tempora & momenta quæ Pater posuit in suâ potestate.

Sed de Romæ ruinâ finali multi scripserunt, evanescente in risum vulgi eorum Prognostico, ut Martinus Horki in anno 1. 6. 33. & 1. 6. 34. expectabat, hoc adjecto versiculo:

Romænet flammis, Sanctos quæ ambusserat olim.

sic Hieronymus Vechierus lib. 8. Chronol. M. ab anno 1. 6. 21. præcisè intra 1. 26. annos, Romam destruendam esse scripsit: sed etiam Joachimus Abbas, *Petrum* senescentem rursus *Cingendum* tradidit: hic verò de futuris Pontificibus multa divinavit. Sed S. Malachias Archiepiscopus, Hybernix, Primus Prophetiam de futuris Pontificibus construxit, quæ à Cælestino II. usque ad Alexandrum VII. comprobata veritate reperitur. Symbola Prophetica secutorum Pontificum nunc annotabo. 1. Montium Custos, hic est Alexander VII. in cujus Insigni sunt Montes. 2. Sydus Olerum. 3. de Flumine Magno. 4. Bellus infatigabilis. 5. Pœnitentia gloriosa. 6. Rastrum in portâ. 7. Flores circumdati. 8. de bonâ Religione. 9. Miles in bello. 10. Columna excelsa. 11. Animal rurale. 12. Rosa Umbrix. 13. Ursus velox. 14. Peregrinus Apostol. 15. Aquila Rapax. 16. Canis & Coluber. 17. Vir Religiosus. 18. de Balneis Ethruix. 19. Crux de Cruce. 20. Lumen in Cælo. 21. Ignis ardens. 22. Religio depopulata. 23. Fides intrepida. 24. Pastor Angelus. 25. Pastor & Nauta. 26. Flos Florum. 27. de medietate Lunæ. 28. de labore Solis. 29. Gloria Olyvæ. In Persecutione extrema S. R. E. sedebit Petrus II. Romanus, qui pascet oves in multis tribulationibus, quibus transactis Civitas Septicollis dituetur, & Judex tremendus judicabit populum suum.

Si ergu

Si ergo hæc vera sunt, ut à Cœlestino II. usque ad hunc Alexandrum experti sumus, etiam sequentia erunt vera: unde Romæ ultima clades non erit anno 1.6.66. ut iste falsò opinatur. Quot mala passa sit sæculis præteritis, Historiæ satis declarant: si ergo Roma destruetur, Papa forsitan desinet esse, ut non amplius Christi Ecclesia vivat? non me hercle, ex ore enim solius veritatis constat hoc, Ero vobiscum usque ad consummationem sæculi Christi ergo Ecclesia non peribit. Vos vos Pontifices (sicut & alii Antecessores vestri) magna damna accipietis. Vix illi per quem scandalum venit, stat enim durissimum iudicium iis, qui præsunt. Sic Christi sanguis, sic lex Divina humano concessa beneficio, ut per vos, per quos servari oves oporteret, Janiantur, membraque illa Christi, sparsò cruore, jacent deteriorius, quàm in Cruce. Ibi volens, & ab inficiis, & multorum beneficio, paucis horis pendebat, vos hic disceptum tamdiu non restituitis? sic loquebatur Cardanus in Genesi Julii II. qui deterioris reliquit successores.

Sed ipse Princeps Dæmoniorum, ut apud Uvium legitur lib. v. cap. 11. de Præstigiis Dæmonum, Rectoribus Ecclesiarum Epistolam misit, quæ reperta fuit in Authore vetere libelli de tribulationibus, & signis ruinæ Ecclesiæ hæc omnia comprobantem, estque ista:

Beelzebuz Princeps Dæmoniorum. & Dux tenebrarum cum Satellitibus suis, omnesque Tartarea Potestates, Archiepiscopis, Episcopis, Abbatibus, Præpositis, Presbyteris, cæterisque Ecclesiarum Rectoribus, suis charissimis amicis, nunc & in ævum Tartareas salutes, & inviolatæ societatis fœdera, quæ dissolvi non possint in æternum.

Magna fiducia nobis est in amicitia vestra, amici charissimi, multum de vobis gratulamur, quia sentitis optimè nobis.

cum, & quæ nostra sunt, diligenter queritis & procuratis, ubique tuendo atque fovendo, quidquid ad jus nostrum pertinere cognoscitis, Sciatis ergo Universitati nostræ vos multum esse acceptos, multaque gratiarum actione studia vestra prosequimur, eò quod infinitæ multitudines animarum per ministerium vestrum, vitæ exemplum atque negligentiam, faciendi in populis opus Dei, à via veritatis abductæ & relictæ, quotidie nobis captivæ adducantur, unde & regni nostri potentia magnificè roboratur. Perseverate ergo tanquam fideles, & intimi nostri in amicitia nostra, per opus, quod cepistis ac tenetis, quia profectò parati sumus pro his omnibus rependere vobis retributionem condignam & mercedem congruam, in inferioribus interni. Valete, & salus nostra sit vobiscum in æternum,

Roma ergo immutationem expecta, morum enim tuorum tam fœda & flagitiosa est corruptio, ut quidquam dicere supervacaneum existimem, cum omnia nota sint apud omnes. Unde enim tot Hæreses, tot dissensiones in Ecclesia Dei ortæ sunt? nonne ex hac causa? In nimium namque fastigium Pontificia dignitas evecta est. Unitati, quæ arctissimè fovebatur in Ecclesia Dei (ut inquit Casaubonus in Baronium pag. 649.) successit hinc unius absoluta dominatio, illinc triste omnium mortalium servitium. Tu enim Papa, nec Deus nec homo, quasi neuter & inter utrumque. Pontificatus enim, juxta Sanctum Bernardum, Ministerium est, non Dominium; administratio non possessio; pastoralis cura, non Monarchæ cujusdam Principibus terribilis Dictatura. Sic ergo scribit ad Eugenium suum lib. 2. cap. 6. Factum te superiore dissimulare nequimus; sed enim ad quid, omnibus modis attendendum. Non enim ad *Dominandum* opinor, nam & Propheta, cum similiter levaretur, audivit: & evellas, & destruas, & disperdas, & dissipes, & ædifices, & plantes.

tes. Quid horum factum sonat? rusticani magis sudoris schemate quodam, labor spiritualis expressus est. Et nos igitur, ut multum sentiamus de nobis, vel nobis imposi- tum senserimus *Ministerium*, non *Dominium*. Non sum ego major Propheta, etsi forte par potestate, sed merito- rum non est comparatio. Hoc loquere tibi & doce te ipsum, qui alios doces: postea addit; *Blanditur* Cathedra? *Spe- cula* est; inde denique superintendis sonans tibi, Episcopi nomine non *Dominium*, sed *Officium*: deinde sequitur. *Esse*, ut alia quacunque ratione aurum & argentum tibi vindic- ces; sed *Non Apostolice* ture: nec enim tibi Petrus dare, quod non habuit, potuit. Quod habuit hoc dedit, sollicitudi- nem super Ecclesias. Nunquid dominationem? Audi ipsum. Non dominantes, ait, in Clero, sed forma facti gregis. Et ne dictum sola humilitate putes, non etiam veritate: vox Do- mini est in Evangelio: Reges gentium dominantur eorum, vos autem non sic. Planum est, Apostolis interdicitur Domina- tus. I ergo tu, & tibi usurpare aude, aut dominans Apostolatam, aut Apostolicum dominatum.

Sed de *Fato* satis: quod quidem primum in Cælo, in Ho- mine, in Mundo, & tandem in Regnis, per Astra Numeros- que adesse, non sine magno labore demonstravimus, restat solum hoc addere, quod, cum *Roma* sit Caput Mundi, sit etiam Nostri Operis finis, & quod de *Ægypti* ruina Trimegistus Hermes in *Asclepio* prædixit, idem *Romæ* securum nunc de- scribamus.

Futurum tempus est, cum appareat Romanos incassum pia mente Divinitatem sedula Religione servasse, & omnis- eorum sancta veneratio, in irritum catura frustrabitur. E ter- ris enim ad Cælum est recursura Divinitas, linquetur Roma,

terraque, quæ fuit Divinitatis Sedes, Religione viduata, Numinum præsentia destituetur. Alienigenis enim Regionem istam, terramque complentibus, non solum neglectus Religionum, sed, quod est durius, quasi de legibus, à Religione, pietate, cultuque divino statuetur, proscriptâ pœnâ, prohibitio. Tunc terra ista Sanctissima, sedes delubrorum atque Templorum, sepulchrum erit, mortuorumque plenissima. O Roma, Roma! Religionum tuarum sola supererunt verba, lapidibus incisa, tua pia facta narrantibus; & inhabitabit Romam barbarus populus, aut aliquis talis. Divinitas enim repetet Cœlum, deserti homines toti morientur, atque ita Roma, Deo & homine viduata, deferetur. Te verò appello, Tyberis flumen, tibi que futura prædico, torrenti sanguine plenum ad ripas usque erumpes, undæque tuæ non solum polluentur sanguine, sed totæ rumpentur, & vivis multo major erit numerus sepulcorum, superstes verò qui erit, lingua solâ cognoscetur Romanus, actibus verò videbitur alienus. Sed his amplius, multo que deterius. Ipsa Roma suadebitur imbueturque majoribus malis, quæ sancta quondam & Divinitatis amantissima, Deorum in terra Religionis suæ merito, sola seductio Sanctitatis & impietatis magistra, erit maximæ crudelitatis exemplum, & tunc ædificatio hominum, non admirandus videbitur mundus, neque adorandus. Hoc totum bonum, quo melius nec est, nec fuit, nec erit, quod videri possit, periclitabitur, eritque tædium omnibus, & per hoc contemnetur, nec diligetur totus hic Mundus, Dei opus immutabile, gloriosa constructio, bonum multiformi Imaginum varietate compositum, machina voluntatis Dei, in suo opere sine invidia suffragantis, omnium in unum, quæ honorari, laudari, amari denique à videntibus possunt, multiformis adunata congestio. Nam & tenebræ præponentur lumini, & mors vita melior
judica-

judicabitur, nemo suspiciet Cœlum, Religiosus pro infano, irreligiosus putabitur prudens, furiosus fortis; pro bono habebitur pessimus. Anima enim & omnia circum eam, quibus aut mortalis nata est, aut immortalitatem se consecuturam esse præsumit, non solum risus, sed etiam putabitur vanitas: sed mihi credite, etiam periculum capitale constitueretur in eum, qui se mentis Religioni dedit. Nova constituentur jura, Lex nova, nihil sanctum, nihil Religiosum, nec Cœlo, nec Cœlestibus dignum audietur, aut mente credetur. Fit Decorum ab hominibus secessio dolenda, soli nocentes Angeli remanent, qui humanitati commixti, ad omnia audaciæ mala miseros, manu injecta, compellent ad bella, in rapinas, in fraudes, & in omnia, quæ sunt animarum naturæ contraria. Tunc nec terra constabit, nec navigabitur mare, nec Cœlum Astorum cursibus, nec siderum cursus constabit in Cœlo. Omnis vox Divina necessaria taciturnitate mutescet, fructus terræ corrumpentur, nec fecunda erit tellus, & aer iste mœsto tempore languescet. Hæc & talis senectus veniet Mundi, irreligio, & inordinatio, & irrationabilitas bonorum hominum. Cum hæc cuncta contigerint, tunc ille Dominus & Pater Deus prinipotens, & unus gubernator Mundi, intuens in mores factaque voluntaria, voluntate sua, quæ est Dei benignitas, vitiis resistens, & corruptelæ omnium errorem revocans, malignitatem omnem vel alluvione diluens, vel igne consumens, vel morbis pestilentibus, ubique per diversa loca dispersis, finiens, ad antiquam faciem Mundum revocabit, ut & Mundus ipse adorandus videatur, & mutandus; & tanti operis effector & restitutor Deus, ab omnibus, qui tunc erunt, frequentibus laudum præconiis benedictionibusque celebretur, hæc enim Mundi genitura cunctarum reformatio rerum bonarum, & natura

turæ ipsius sanctissima & religiosissima restitutio , per-
acto temporis cursu , quæ est , & fuit sine initio sempi-
terna.

*Iamque opus exegi: quod nec Iovis ira, nec ignis,
nec poterit ferrum, nec edax abolere vetustas.
Cum volet illa dies, quæ nil nisi corporis huius
jus habet, incerti spatium mihi finiat ævi:
Parte tamen meliore mei, super alta perennis
Astra ferar: nomenque erit indelebile nostrum.
Ore legar populi, perque omnia secula famâ,
Sicut habent viri Vatum præagia, vivam.*



CANTIO SACRA

AD

TRIUNUM JEHOVA.

HEU meæ quid agitis? forsitan otii epotomero, fortasse torpido gravatæ somno, corporis sopitis sensibus, quiescitis potentia? surgite, surgite, jam dies est, abierunt tenebræ, Numen cum Lumine lucet per Orbem, surgite, surgite, jam tempus est. Scandite superiores, evolate ad choros, æthera ad rapidum, moveve cursum, Empyreum petite, illic requiescite parumper. Discite canere, descendite in Orbem, docete me, & puri Dæmones sacris cum vocibus sequantur vos. Haioth, Hecadosch, Ophanim, Aralim, Hasmalim, Malachim, Seraphim,
 Kk Cheru-

Cherubim , Principatus , Archangeli & Iſſim ,
 canite , magnificate Dominum , glorificate ,
 collaudate Monadem cum Triade : Vos Zad-
 hiel , Peliel , Metatron , Cerviel , Raziel ,
 Zaphkiel , Uriel , Raphaël , Gabriel , Mi-
 chaël , irrequietam præbete laudem Deo no-
 ſtro. Reſonent tubæ , ardeat ignis , ſpiret
 aër, fluat aqua , maneat terra , collaudent omnes
 Conditoſem Orbis. Ipſe enim Sanctus , pius
 & miſericors , juſtus & vindex religioſè vi-
 ventibus adveniens , ſuâ præſentiâ præbet auxi-
 lium , mentem radiis Divinitatis implet , exclu-
 dens animæ nequitiam. Unus in omnibus ,
 nunquam Otioſus , Triplex in Cœlo , verſus
 in Monadem , Monas ubique , omnia produ-
 cens. Sanctus cum piis , vindex cum impiis ,
 Monas , Trias & omnia. Immanifeſtus , om-
 nibus notus , inviſibilis , ubique repertus , un-
 dique totus. Ævum circa ipſum , mundus
 in ævo , tempus in mundo. Ipſe Tempus fe-
 cit, ſed in ævo exſtat : ipſe condidit Mundum
 ſed

fed in Cœlo manet; ipfe creavit Cœlum, & habitat in Mundo.

Vivat ergo Deus Pater, vivat Deus Filius, vivat Deus Spiritus Sanctus; vivat Adonai Melch, cujus Malchuth permanet in ævo.

*Benedicam Dominum in omni tempore, semper
laus ejus in ore meo.*

F I N I S.

